

Bibl vecchia





8.36.0.3
LUCERNA
MORALIS

AQUINATICI SOLIS
illustrata splendoribus;

SEU

Generalia totius Moralis Doctrinae Præcepta;
juxta mentem Angelici Ecclesiæ Doctoris

D. THOMÆ AQUINATIS,

Brevi, ac dilucida methodo in veritatis amatorum
gratiam communi exposita utilitati.

Labore, & Studio

REV. PATRIS

FR. PETRI MARTYRIS PETRUGGI

Viterbien. Filii Conventus S. Mariæ super Quercu


Ord. Prædicator. inter Sacræ Theologiæ

Professores minimi.

ROMÆ M. DC. XCVIII

Typis Antonii de Rubeis propè S. Sylvestrum
de Capite in via Vitis.

SUPERIORUM PERMISSU.



Eminentissimo, ac Reverendissimo Domino
D. SAVO MILLINO
 S. R. E. CARD. AMPLISSIMO,
 Ecclesiæ Nepefinæ, & Sutrinæ Vigilantissimo
 Præfuli.



*ON immeritò quidem, EMI-
 NENTISSIME, AC REVERENDIS-
 SIME D. Veteres Gentiles
 pulchrâ specie, sed nudas, ri-
 dentesque Juvenculas, eas-
 demque amicabili coniunctas
 invicem nexu finxere Charites; Illud planè
 sapienter indigitantes; hilari nedum, & vultu,
 & animo impertienda beneficia, nulloque adul-
 terina intentionis, aut non sinceri cordis fucata
 velamine; sed, & eadem à susceptore nunquam
 senescente retinenda memoria, ut reciproco be-
 nevolentia vinculo beneficiis gratia, gratiis no-
 va item beneficia necerentur.*

*Quàm libens, quàm sit hilaris in profu-
 sa Beneficentia, non aliundè certè, quam ex in-*

genita, meraque liberalitate EMINENTISSIMA
DOMINATIO TUA; qui eam non ignoret, nemo
procul dubio non novit; ipsumque me satis docet
experientia, quàm licet immeritum, iugi favore
beneficiis, Gratiisque non desinit cumulare.

Quàm verò apud me suscepta Beneficia
virenti floreant Juventa, in ævum feliciter per-
mansura, dum aliud propria suppeditare nequeat
exilitas, Qualicumque hoc mei laboris fructu,
gratique animi monumento, EMINENTIÆ TUE
REVERENDISSIMÆ tota cordis sinceritate oblato,
universis testatum velim. Integrum quippè nec
mihi foret, gratanter gratias memoria serva-
re depositas, aut privato solum grates reddere
obsequio; Ut enim aiebat Seneca lib. 6. de Be-
neficiis apud Guil. Peraldum Sum. Virt. de
Just. par. 13. Ingratus est, qui remotis
arbitris Gratias agit.

Illud quoque nunc me nactum reor, tem-
poris nempe opportunitatem; quod in referenda
Gratia idem prescribit. Moralis, inquit apud
eundem ibi: Æquè delinquit, qui ad refe-
rendam Gratiàm suo cessat tempore,
quàm qui alienò properat. Quanam porrò
mi

mihî, quàm præsens, expectanda opportunior occasio? Moralem siquidem ad Lucem publicam editurus Lucernam, dum EMINENTIÆ TUÆ Pastoralis Zelus, pro debita Juvenum in literis, ac moribus institutione, Clericorum in hac Nepesina Civitate molitur Collegium, Gratiùs quidpiam unquam offerre, haud posse me, arbitror, quàm Lucernam ipsam, quæ totius morales Disciplinæ ex inoffenso Angelici Præceptoris lumine Documenta complectens, ad Clericis necessariam in primis Moralem Scientiam, eosdem quàm facillimè promovere.

At verò compellor equidem, sed fateri, non pudet; Jure omni promeritas dum, ut fas est gestio solvere Grates, novis adstrictus vinculis, quò solvere magis cupio, eò me sentio debitorem; An non magnum hoc ipso debitum contraho, quod ex liberalissima dignatione hócce meum Opusculum, nec alio, ex propriis dignum pretio, EMINENTISSIMÆ DOMINATIONIS TUÆ nomine insignitum, sub felicissimis ejusdem auspiciis audacter prodeat ad lucem?

Hinc fallit in me nimis, quod ipsi autumare voluerunt Antiquiores, ex Gratiis à nobis

bis

*bis unam aversa facie, ad nos ambas conversa,
pingentes; Ut à Collatore profectum, ad ipsum
duplicatum redire beneficium ostenderent; At
me profectò duplici quidem titulo, multiplicique
obstrinxit Gratia Beneficentia tua; Dum es
peculiaribus me fovet Beneficiis, hancque no-
stram D. Ptolomai Ecclesiam pariter, ac Do-
mum, pro singulari, quàm in sacram Deipara
Thaumaturgam fertur imaginem, Devo-
tione, ac pietate, perenni, vigilique tuetur,
promovetque patrocinio.*

*Absit autem, ut paria his, ne duplicia di-
xerim posse me reddere, tamen unquam obre-
pat cogitatio; Unam, eamque nudam merito,
munere inanem, vix liceat, mendicitati mea,
referre Gratiam; Grato nempè animo, semper-
que vernanti memoria suscepta retinendo Be-
neficia, debita confitendo. Quò nec duplicia tan-
tùm, sed millena quàm benignè suscipienda ite-
rum atque iterum ab amplissima benignitate tua
expectare non pudebit. Invitat enim ad ma-
gna, qui gratanter suscipit modica, &
spem de futuris recipit, qui transacta be-
neficia recognoscit, Scribebat Cassiodorus A.
Epistolarum.*

Quin

*Quin immò satis utique reddo, totum
que solvo, & si nihil penitus offerens, dum
benignè suscipio, dum debere me fateor. Ete-
nim, si animum potius, quàm munus ritè pen-
sare debeamus; Non minoris est animi,
Debere, quàm Dare; Inquit Moralis apud
Peral. ubi suprà. Ac iterum. Vis reddere
Beneficium? accipe Benignè.*

*Sic planè satisfactum, non dubito, EMI-
NENTISSIMÆ DOMINATIONI TUÆ. Siquidem. Qui
Beneficium dat, vult excipi Gratè; ha-
bet, quod voluit, si benè acceptum est.
Ea igitur, quæ solet, Benignitate, Hilaritate
faveat EMINENTISSIMA DOMINATIO TUA; dan-
do, item suscipiat; Ego namque libenter, ac Be-
nignè suscipiens, Reddo, quod debeo, in æternum
Debiturus.*

EMIN.^{ME} AC REV.^{ME} DOM.^{NI} TUÆ

Ex Nepefino D. Ptolomæi Canobio sexto Idus
Septembris 1698.

*Humiliss. Obsequentiss. Adstrictiss. Famulus
Fr. Petrus Martyr Petrucci.*

PROLOQUIUM

Ad benevolos Lectores.



DORMIEBAT satis olim præcipue in Italia, teste Cajet. in prol. prim. 2. necessaria valdè moralis Theologia; At verò utinam infaustissimo plausu evigilasset nunquam hisce novissimis temporibus; Dum ex florentissimis alioqui Academiis erumpentes catervatim Doctores, ex-crescentibus in immensum de re Morali quæstioni-bus, tractatibus, voluminibus, multiplicitate, varie-tate, contrarietate sententiarum confusionem po-tius, quàm directionem prætulerunt: verùm (quod lugendum nimis) opinionum laxitate, dùm arctam viam, quæ ducit ad vitam, dilatare meditati sunt, veriùs certè vias Domini rectas perverterunt. Lu-xere proculdubio vigilantissimi Pastores tantam sub his Ducibus, ac Doctõribus Ovium Christi pe-riclitantium ruinam, nec, eo, quò par est, zelo com-missi gregis curare salutem, in Doctrina sana exhor-tantes destitit. Id, quod potissimùm pro totius Dominici Gregis Pastoralis vigilantia, & sollicitu-dine Summi Romani Antistites præstiterunt. Por-rò Alexander VII. felicitis rec. ut idem in suo decreto die 24. Septembris 1665. emanato non sinè magno animi sui mœrore testatur, hujusmodi opiniones Christianæ Disciplinae relaxativas in maximam Chri-

Christianæ vitæ corruptelam erupturas prænoscent,
optimo, ac opportuno satis occurrit remedio, ea-
rundem examen Sac. Theologiæ Magistris, ac de-
mum Eminentissimis Gen. Inquisit. committens;
Cujus deindè Zelum secuti sunt ejusdem successo-
res Romani Pontifices. Alia quoque via prædi-
ctus Alexander indemnitati Ovium Christi provi-
dere studuit; Etenim præterquamquod in Gene-
ralib. Comitii Ord. Præd. habitis Romæ 1656. de
ipsius mandato universis ac singulis Theologiæ
Professoribus præceptum est, ut omnino, variis O-
pinionum Ævi hujus novitatibus rejectis, Ang.
Præc. Doctrinæ, ac ejusdem prisco, & genuino sen-
sui fideliter adhærerent; sed & insuper jussit idē San-
ctissimus, ex ipsius Divi Thomæ Doctrina Morale
parari Theologiam, cui veluti certæ, ac tutæ Mo-
rum Regulæ, possent fideles propriam conformare
conscientiam, Bancel. in epist. ad Lect. Ità planè
factum est, novissimeque iterum per Patrem Lu-
dovicum Bancel. satis optimè completum, ut pate-
re potest ex Alphabetica summa, quam ex Divi
Thomæ doctrina conflata Avenione typis man-
davit; quia verò Moralis doctrina immensum est
valde Chaos, nec omnia breviori calamo, quò S.
usus est D. ità dilucidè potuerunt explicari, ut om-
nibus essent perspicua; nec omnibus datum est, in-
surgentes passim difficultates, ex jam habita doctri-
na discurrendo, enucleare: necessarium visum est,
ipsius Angel. Præceptoris Doctrinæ quàm fideliter
inhærendo, Moralem ipsam Theologiam, præcipuè
b quoad

quoad ea, quæ propiùs Morum praxim, & usum concernunt, elucidare. Id, quod nos, etsi viribus impares tantam Provinciam, aggredi non formidamus; proprio quidem haud ingenio, verùm ejusdem Sancti Doctoris non modò Sapientiæ, sed intercessionem fidentes, cui perindè, & nos, nostrosque labores qualescunque tota committimus fiducia, probatissimorum insuper DD. adjuti subsidio. Nè autem impingere fortè, discurrendo, contingat; Lucernam hanc ipsius Angel. Præcept. fulgentem splendoribus meritò præmittendam putavimus, totius videlicet Moralis Doctrinæ fundamenta, bases, ac generalia præcepta, quibus ad Decalogi explanationem, cæterorumque Moralium, prout Divina concesserit Misericordia, paretur via. Ex quibus certè plurium, ac ferè omnium in qualibet materia particularium casuum resolutiones facili satis negotio deduci possint, ab hujusmodi tamen confectariis consultò hic abstinemus, tantumque, prout loci, ac Doctrinæ opportunitas postulabit, aliqua in exemplum adducemus. Cùm enim ad particulares tractatus, ac disquisitiones ventum fuerit, vel inutiliter eadem repetenda, vel immeritò in propria sede omittenda forent. Hæc autem, tam in his, quàm in cæteris una erit nobis regula, & methodus, ut ea, quæ puram sapiunt speculationem, vel parum ad praxim utilia sunt, reseceamus, practica item ipsa, quæ jam ferè apud omnes trita, & certa sunt, breviter omninò perstringamus, quæ verò inter DD. controversa, fusiùs discutiamus, ut ad latentem perveniamus.

veniamus veritatem. Monitum insuper Lectorem volumus, ut DD. absolutè citatos reperiens, eorum sententias ab ipsis fontibus nos fideliter, sciat, afferre; cæteros autem, quos in fonte videre non poterimus, non absolutè, sed cum addito, apud talem, vel talem Doct. ex quo non minori fidelitate sententiæ decerptæ erunt citatos inveniet. Ingenuè porrò fateor: Studium hoc, propriæ magis, quàm communi consulens utilitati, sum aggressus. Dum tamen Prudentioribus, ipsisque Superioribus non inutile proximis visum fuerit, quàm libentissimè gratis à Divina Bonitate acceptum gratis do; Immò, & magnum quidem ex hoc ipso recipiens emolumentum, quòd non soli mihi laboraverim, sed omnibus exquirentibus veritatem,

Nos Frater ANTONINUS CLOCHE Sacra
Theolog. Profefs. Ord. Fratrum Prædicator.
Humilis Mag. Generalis, & Serv us Sal.

TENORE præsentium, & Officii nostri Autoritate
Licentiam facimus R. P. Lect. Fr. Petro Martyri
Petrucci Provinciæ nostræ Romanæ typis mandandi Li-
brum, cui titulus est *Lucerna Moralis*, ab ipso compo-
situm, & revisum, & approbatum à duobus Sacra Theolo-
giæ Professoribus Ordinis Nostri, servatis in aliis omnibus
de Jure servandis; In quorum fidem &c. Datum Romæ
die 27. Julii 1697.

Fr. Antoninus Cloche Mag. Gen. Ordinis.

EX Mandato Reverendiss. Patris Fratris Antonini Clo-
che Ordinis Prædicatorum Generalis Magistri, Ego
subscriptus pervolui, & ponderavi Opus inscriptū, *Lucerna
Moralis Aquinatici Solis illustrata splendoribus*, Authore
R. P. Fr. Petro Martyre Petruccio ejusdem instituti, & in
nullum planè offendi, quod nostræ Catholicæ fidei articu-
lis, aut Summorum Pontificum, & Conciliorum sanctio-
nibus, aut rectis morum regulis adversetur: sed omnia
consona, & ad Christianæ Pietatis, Disciplinæque incre-
mentum permaximè conferentia adinveni. Quare, ut Lu-
cerna, quam non sinè commendatione Doctores excipiant,
jugique plausu Posteritas venerabitur, non sub modio in-
clusa remaneat, sed supra candelabrum omnibus luceat,
publici eam fieri juris, præloque committi oportere vera-
citer sentio, & censeo.

*Fr. Augustinus Pipia Sac. Theologiæ Doctor Mag. &
Cathedraticus Primarius Universitatis Majoricens.
Sanctæ Inquisitionis Regni Sardinie Qualificator, &
Collegii Sancti Thomæ de Urbe Ragens.*

DE

DE Mandato Reverendissimi P. Fr. Anronini Cloche
Magistri Generalis Ord. Præd. perlegi librum , cui
titulus *Lucerna Moralis* est, compositum à R. P. L. Petro
Martyre Petruccio . in quo auctor doctè , ac juxtà æquior-
es opiniones pertractat de Bonitate , & Malitia humano-
rum actuum ; de Conscientia , atque de legibus : quæ con-
tinent præcipua Theologiæ Moralis fundamenta . Quare
dignum existimo , ut liber iste edatur in lucem .

*Fr. Jacobus Riccius Examinator Cleri in Urbe , Sac.
Theolog. Professor in Archigymnasio Sapientiæ Roma-
næ , & Procurator Generalis Ord. Præd.*

I N D E X

Capitum Lucernæ Moralis,

CAPUT PRIMUM,

De Moralitate in Com-
muni.

- §. I. *Quid Moralitas, quid-
ve Actus Humanus?* 1
§. II. *De Speciebus Morali-
tatis.* 4
§. III. *Quid requiratur ad hoc
ut actus hic, & nunc elici-
tus bonus sit?* 6
§. IV. *Nullum esse actû de-
liberatum indifferentem in
individuo, ostenditur.* 13

CAPUT SECUNDUM,

De Voluntario, & In-
voluntario.

- §. I. *Quid & quotuplex sit
Voluntarium?* 18
§. II. *Explicatur præcipue
ratio voluntarii indirectè,
& in Causa.* 25
§. III. *De Causis tollentibus,
aut minuendis Volunta-
rium, & primò de Violentia.* 33

§. IV. *De Metu.* 36

§. V. *De Concupiscentia, aliis-
que passionibus,* 43

§. VI. *De Ignorantia.* 46

CAPUT TERTIUM,

De Multiplici Volun-
tatis actu.

- §. I. *Omnes Voluntatis actus
enumerantur.* 54
§. II. *Explicantur singuli ac-
tus, & per illos Volunta-
tis processus.* 57
§. III. *Aliqua specialiter de
Consensu, & Delectatione.* 66

CAPUT QUARTUM,

De Multiplici Bonitate,
& Malitia humano-
rum actuum.

- §. I. *A quo Bonitas, vel Ma-
litia humanorum actuum,
desumatur?* 74
§. II. *De Bonitate & malitia
actus interioris, & exte-
rioris.* 89

§. III. Un-

§. III. Undè sumatur specifica distinctio Bonitatis, vel Malitiæ? 96

§. IV. Undè sumenda numerica distinctio Moralium actuum? 115

CAPUT QUINTUM.
De Specie Moralitatis, quæ Malitia dicitur, ac de Peccatis.

§. I. Quid sit Malitia Moralis? 140

§. II. Quid sit Peccatum, & undè ejus distinctio sumenda? 149

§. III. De Multiplici peccatorum Divisione. 153

§. IV. De Peccato Mortali, & Veniali. 161

§. V. De Comparatione Peccatorum. 169

CAPUT SEXTUM.
De Circumstantiis humanorum actuum.

§. I. Quid, & quotuplex est Circumstantia? 181

§. II. Quomodo dictæ Circumstantiæ minuant, augent, vel mutant speciem? 186

§. III. Quenam Circumstantiæ sint necessariò in Confessione Sacramentali applicandæ? 194

§. IV. Aliæ quædam examinantur difficultates. 212.

CAPUT SEPTIMUM.

De Conscientia.

§. I. Quid, & quotuplex sit Conscientia? 228

§. II. De Conscientia erronea. 232

§. III. De Conscientia Dubia. 248

§. IV. De Conscientia Opinativa, seu probabili. 297

APPENDIX. 334

Seu Digressio procujusdam recentioris Tractatu.

§. V. De formanda Conscientia in particulari juxta diversitatem Statuum. 372

CAPUT OCTAVUM.

De legibus.

§. I. Quid, & quotuplex sit lex? 402

§. II. De Lege Naturali specialiter. 416

§. III. De lege humana scripta. 428

§. IV. De Consuetudine, & Privilegiis. 463

§. V. De Interpretatione, Cessatione, Derogatione, & Abrogatione Legum Humanarum. 480

Im-

Imprimatur ,

Si videbitur Reverendiss. Patri Magist.
Sac. Pal. Apost.

Sperellus Epif. Interamn. Vice/g.



Imprimatur .

Fr. Paulinus Bernardinus Ord. Præd.
Sac. Apost. Pal. Magister.

LU-

LUCERNA MORALIS

CAPUT PRIMUM.

De Moralitate in communi.


*§. I. Quid sit Moralitas, quid-
vè Actus Humanus.*

SUMMARIUM.

1. *Moralitas à more dicitur; Moris autèm nomen, tractum est ad significandum actus voluntarios.*
2. *Quid sit propriè Actus humanus explicatur.*
3. *Non sunt omninò idem formaliter, actus humanus, & Moralis, licet materialiter coincident.*
4. *Multipliciter Moralitas reperitur, & sumitur.*

imponitur, aliud verò id, quod significat, & ad quod significandum usurpatur. Ut igitur, quid sit Moralitas, dignoscamus; notandum est, quid moris nomen significet: Omissis autem pluribus. D. Thom. *prima 2. q. 58. art. 1.* manifestè docet, hoc nomen, Mos, duo significare, quandoquè enim significat consuetudinem; quandoquè verò significat inclinationem quandam naturalem, vel quasi naturalem ad aliquid agendum.

Quamvis autem subdat S. Doct. quòd Virtus Moralis dicitur à more in hac secunda acceptione; ac perinde in brutis quoquè animalibus dici possint Mores; atamen in 3. *dist. 23. quest. 1. art. 4. quest. 2.* satis apertè docet, in Brutis dici *Mores*

1.  Ulli dubiū esse potest, Moralitatē à more denominari, sed, ut benè advertit Montesinus *prima 2. disput. 22. q. 1.* Aliud est id, à quo nomen

A ma-

1 LUCERNA MORALIS

magis secundum similitudinē , quā secundum proprietatem; quia non agunt , quāsi dominium suorum actuum habentia , sed magis à Natura aguntur , ut dicit Damascenus de fide Ort. lib. 2. cap. 22. Ex quibus colligitur , quòd moralitas dicitur à More , secundum quod significat inclinationem ad agendum propriè; hoc est agendum cum propria determinatione , & applicatione ad actum. Cæterum , ut eodem loco insinuat An : P. tractum est nomen Moris ad significandū actus voluntarios , vel appetitivæ partis , secundum inclinationem appetitus , ad hujusmodi actus.

2. Quidquid autem sit de nomine . Morale dicitur omne id , quod quomodo-cumq; ad Mores , id est actus humanos , pertinet , non quidē secundum se , & materialitèr sumptos , verum secundum quod ordinationi , ac dispositioni subsunt rationis , & legis .

Pro quo notandum est in primis cum S. Doct. *prima 2. quest. 1. art. 1.* quòd ille solus propriè dicitur actus humanus , qui proprius est ho-

minis , in quantum est homo , hoc est , in quantum differt à cæteris irrationalibus creaturis , non solum in essendo , sed etiā in operando , ut ibi notat Cajetanus : Hujusmodi autem actiones illæ sunt , quarum homo est Dominus , & quæ à voluntate deliberata procedunt , ut subdit Angel. Reliquæ autem actiones dici possunt quidē hominis , nō autem propriè humanæ . Igitur idem est , actionem esse humanam , & liberam ; solius enim actionis liberæ , homo habet dominium . Ubi tamen adverte cum Gonet , Man. Tract. *de Beat. cap. 1. §. 1.* Duplicitèr dici posse actionem humanam , seū propriam hominis . Primò quòd ad substantiam , ut Actus , Intellectus , & Voluntatis . Secundò quòd ad modum ipsum operandi , quò scilicet homo , non solum physicè , & vitalitèr , sicut Bruta ; sed & moralitèr , se movet , agendo cum indifferencia , libertate , & dominio suorum actuum . Istæ igitur propriè , humanæ actiones appellantur , in quibus homo in modo agendi à

cæteris differt animalibus .
 Quarè hominis actiones , in
 quadruplici sunt differentia .
 Quædam nec quoad substantiam ,
 nec quoad modum sunt propriè
 humanæ , ut corporales actiones ,
 absquè deliberatione procedentes .
 Quædã humanæ sunt , quoad
 substantiam , non quoad modum ,
 ut intellectiones , & volitiones
 necessariæ . Quædam humanæ
 quoad modum , non quo ad sub-
 stantiam , ut actiones corpo-
 rales , cum deliberatione elici-
 citæ . Quædam humanæ ,
 & quoad substantiam , &
 quoad modum , ut intelle-
 ctiones , & volitiones deli-
 beratæ .

3. Cæterùm , quàmvis
 in re , & materialitèr coinci-
 dant , actus humanus , seu li-
 ber , & Moralis ; omnis quip-
 pè actio libera , moralis est ,
 & è contrà ; Formalitèr ni-
 hilominùs distinguuntur , &
 aliquid exprimit actus Mo-
 ralis , quod non dicit actus
 liber : Etenim supra libera-
 rem , addit moralitas respec-
 tum , & ordinem ad ratio-
 nem , & legem , tanquàm
 regulam ; cui commensura-
 ri debet .

Est igitur libertas funda-
 mentum quidè , radix , &
 substratum Moralitatis , nō
 tamèn ipsa formalis morali-
 tas : Est enim genus Moris ,
 genus quoddam regulabili-
 tatis , & mensurabilitatis per
 legem , ex ratione ; sicut ge-
 nus artificialium , est genus
 regulabilitatis , & mensura-
 bilitatis per artem . Itaque
 Mores propriè dicuntur ac-
 tus hominis liberi , quate-
 nùs eliciuntur cum subje-
 ctione , & ordine ad rationē ,
 & legem . Quidquid igitur
 ad hujusmodi actus pertinet ,
 Morale dicitur .

4. Hinc fit , quòd mul-
 tiplex est moralitas , seu
 multipliciter reperitur . Pri-
 mò quidè in ipsa ratione ,
 & lege residet , tanquàm in
 regula , quæ perindè , regu-
 la morum , dicitur . Deindè
 in actu , tanquàm in regula-
 to . Similiter in objecto actus
 à lege præcepti , vel prohibi-
 ti , puta re aliena , quæ est
 objectum furti ; & dicitur
 Moralitas Objectiva . Itèm
 in existimatione , & Judicio ,
 secundum quod moralitèr
 judicamus , existimamus ,
 alitèr etiàm , ac res in sua
 entitate se habeant ; puta

dum plures actus realiter omninò distinctos, moralitèr unum, & eundem dicimus, cum ad unum sunt per se omnes ordinati: Ac demùm in rebus ipsis ità moralitèr æstimatis. Sicq; Tactus, Oscula, & Verba præcedentia, moralitèr unus actus æxistimantur cū subsecuta copula, ipsique moralitèr unus actus dicuntur. Hoc autèm ideò, quia nihil omninò conducit ad actuū humanorum directionē, illa materialis diversitas, quæ proindè moralitèr non attenditur. Idque notandum, ut intelligamus, quid sibi velit, dùm passim auditur in moralibus. Hoc ità se habet in morali æxistimatione. Hoc physicè verum est, non verò moralitèr, & hujusmodi.

§. II. De Speciebus Moralitatis

SUMMARIUM.

1. Moralitatis duæ sunt potissimùm species.
2. Actus quidam ex specie sua boni sunt, quidam mali, quidam indifferentes; quidam verò boni, vel mali,

quia lege positiva præcepti, vel prohibiti.

3. Duplex est bonitas, vel malitia; primaria scilicet, essentialis ex objecto; & secundaria accidentalis, ex circumstantijs.

4. Actus ex specie sua indifferens bonificari, vel vitari potest per aliquam circumstantiam, sicut paritèr vitari bonus, vel cohonestari malus, si tantùm sit malus, quia prohibitus.

5. Definitur bonitas, & malitia moralis.

1. **D**UÆ potissimè sunt Moralitatis species; sicut enim in artificialibus affabrè factum, & juxta regulas Artis constructum, benè artefactum dicitur; devians autem à regulis malè compositum; Ità in moralibus, actio legi, & rationi conformis, bona dicitur, & à lege discordans, mala moraliter. Addunt aliqui tertiam speciem, licet imperfectam, scilicet indifferentiam. Omisâ tamèn questione parùm utili, an indifferētia dici debeat vera species moralitatis, vel potiùs actus indifferens præcisè, quâ

quâ talis, sit penitus extra genus moris: Certum est, plures dari actus de se indifferentes, qui scilicet secundum se sumpti, & præcisa quacunque circumstantia, nec boni, nec mali sunt, licet hic, & nunc elicit, possint per aliquam circumstantiam bonificari, vel vitiari, v. gr. deambulare, fricare manus, levare festucam, & similes.

2. Sicut autem aliqui actus secundum se, ex specie sua indifferentes sunt; ita quidam secundum se, & ex specie sua boni; quidam vero mali: puta dare eleemosynam, secundum se bonum est, furari autem, secundum se malum: & isti vocari solent boni, quia boni, & mali, quia mali sunt: rursus alii actus, qui, licet secundum se boni non sint, quia tamen præcipiuntur, boni sunt, v. g. iter agere potius per hanc viam, quam per aliam, si æquè bene utraque conducat ad terminum, de se bonum est; si tamen Princeps ex rationabili causa id præcipiat, bonum redditur. Similiter alii actus, qui de se mali non sunt, adveniente prohibitione, mali fiunt; pu-

ta, si Princeps prohibeat per talem viam ambulare: huiusmodi autem dicuntur boni, quia præcepti, & mali, quia prohibiti.

Quod intelligendum est de lege positiva, non quoad legem æternam, & naturalem; nullus enim actus universim bonus est, qui saltem æterna lege præceptus, vel ordinatus non sit, nec ullus malus, qui eadem lege non sit prohibitus. Imò addunt nostri Thomistæ, quod si per impossibile nulla lege, nec etiam æterna, prohibitum esset adulterium, illud formaliter non esset malum, sed tantum radicaliter; eò quia de se prohiberi petit. Cum enim, ut diximus, totum genus Morale, sit genus mensurabilitatis, & regulabilitatis per legem, & rationem, ubi nulla esset regula, vel mensura præscribens modum actus; quomodo actus ipse posset commensurari, vel discordare à regula, vel mensura?

3. Certum est autem, quod omnis bonitas, vel malitia moralis, à ratione, & lege dependet, tanquam à regula, cui humanæ actiones

6 LUCERNA MORALIS

nes cōformari debent. Quia verò lex, & ratio non solum dīctat, disponit, & ordinat de actibus ipsis, quantum ad substantiam, & secundum se sumptis, verum etiā de ipsorum circumstantiis, & accidentibus; Hinc est, quòd duplex quoq; est bonitas, vel malitia moralis, una primaria; & essentialis, quæ convenit actui secundum se, & ex specie sua, altera secundaria, & accidentalis, quæ actui convenit ratione alicujus adjuncti accidentis, & circumstantiæ. Et quia species actus desumitur ab objecto; ideò prima; & essentialis bonitas, & malitia vocari solet optimè, bonitas, & malitia ex objecto; accidentalis verò ex circumstantiis. Quod & in sequentibus melius explicabitur.

4. Ex his colligitur, quòd sicut actus ex specie sua indifferens per aliquam circumstantiam bonificari potest, aut malus reddi: ita quòdque actus de se bonus, per aliquā circumstantiam vitari, & malus cohonestari, & bonificari poterit; præcipuè si tantum sit malus, quia pro-

hibitus, nam de intrinsecè malis, seù malis, quā malis, communis est DD. sententia cum S. Thom. 2. 2. *question. 110. art. 1.* nullo modo cohonestari posse, aut bonos effici, quare mendacium v. gr. quòd intrinsecè malum est, nunquam licitum, & bonum esse potest: quia verò, carnes edere diebus vetitis, non est malum, nisi quia prohibitum; hinc est, quòd potest per aliquā circumstantiā à malitia purgari, & bonum esse, puta si quis alium cibum non haberet. Quæ omnia melius ex dicendis constabunt.

5. Pro nunc sit satis, colligere definitiones bonitatis, & malitiæ moralis. Bonitas ergò est conformitas ad rectam rationem, & legem: Malitia verò, dissonantia à recta ratione, & lege.

§. III. *Quid requiratur ad bonum ut Actus hic, & nunc elicitus, bonus sit.*

SUMMARIUM.

1. Bonum ex integra causa, malum verò ex quocumque defectu consurgit.

2. Aliud

2. Aliud est actum esse bonū, vel malum præcisè moraliter, aliud, Theologicè, & in ordine supernaturali.
3. Conditiones à Philosopho assignatæ ad benè operandum.
4. Duplex est perfectio, integritas, & bonitas actus; alia substantialis, alia intensiva.
5. Explicatur prima conditio, quòd operans agat sciens.
6. Explicatur secunda conditio, quòd eligat propter ipsum.
7. Reliquæ conditiones ad actum undèquaque perfectum, exiguntur.
8. Generalis conditio est, quòd ad ultimum finem, saltèm naturalem, ordine- tur actio.
9. Ad actionis bonitatem sufficit, quòd in re, sit recte rationi conformis, quàmvis operans, nequè actu cogitet, neque antecedentèr de honestate, vel ultimo fine cogitaverit.
10. Probatur efficaci ratione.
11. Ad meritum vitæ æternæ, actiones de se ordinis supernaturalis, nihil pariter amplius requirunt; actiones

verò naturalis ordinis, vel actualitèr, vel virtualitèr ad finè supernaturalem ordinari debent virtute præcedentis intentionis.

12. Quanam debeat esse intentio præcedens.

1. **C**OMMUNE satis est Theologorum proloquium à D. Dionys. acceptum, cap. 4. de div. nom. Bonum consurgere ex integra causa, malum autèm ex quocumque defectu. Quare, ut actus bonus sit, non sufficit, quòd circa bonum versetur, sed requiritur insupèr, quòd debitis circumstantiis eliciatur, puta quòd fiat tempore, & loco debitis, & prout ratio exigit. Undè Philosophus docet in Ethicis, quòd virtuosus operatur secùdum quod oportet, & quandò oportet, & secundùm aliàs circumstantias. Necessè est igitur, ut actus bonus sit, quòd circa bonum versetur, & quòd debitis circumstantiis vestiat; sic enim dictat ratio, & lex; ità ut, qualibet circumstantia deficiente, actus vitietur, & malus reddatur. De singulis autèm circunstan-

8 LUCERNA MORALIS

stantiis infra suo loco agemus. Aliqua hic generaliter explicanda sunt.

2. Et in primis notandum, aliud esse actum bonum, vel malum, præcisè moraliter; aliud verò, quasi Theologicè, & in ordine supernaturali quoad meritum, vel demeritum eternæ vitæ. Potest namque actus moraliter bonus esse, non tamen eternæ vitæ meritorius, ut actus aliàs boni eliciti à peccatore. Ad meritum enim eternæ vitæ requiritur insuper, quod actus ex gratia, & charitate procedat, ut mox explicabimus.

3. Quoad bonitatem ergo simpliciter moralem, explicanda est Doctrina Philosophi 2. *Ethic.* cap. 4. Ubi ait, quòd ad bene operandum requiritur, quòd quis agat sciens, eligat propter ipsum, & stabili animo, & firmo operetur: Et rursùm docet, opus virtuosum debere procedere ex certa scientia, promptè, & delectabiliter. Quod totum sic explicatur ex Magist. Medina *part. 2. quest. 18. artic. 9. & question. 19. art. 3.* aliisque

gravioribus Thomistis.

4. Notandum est igitur, duplicè esse perfectionem, integritatem, & bonitatem actus; aliam substantialem; quâ redditur absolutè bonus, aliam intensivam, quâ redditur undequaque perfectus. Ad primam sufficit, quòd actus, bonum habeat objectum, & debitis vestitur circumstantiis, nec in aliqua deficiat; itaut fiat, quandò, ubi, & secundùm quod oportet. Ad secundã verò exigitur ampliùs, quòd modus ipse, qui reperitur in actu simpliciter bono, perficiatur, & quodammodò ad excellentiam perducatur.

Sicut in artificialibus, opus quod omnes regulas artis imitatur, absolutè benè artefactum dicitur, sed non statim insigne, & excellens opus est; ad hoc enim præter substantiales regulas artis, requiritur exacta quædam explicatio, & exquisitus modus, quòd vulgaria, etsi juxta regulas constructa, superexcellat. Hoc supposito, dici posset, cum Medina, Philosophum, omnes illas condiciones exigere, non ad actum utcumquè bonũ, sed

sed solum ad actum unde
quaque perfectum.

5. At melius cum eodē
sic explicantur singulæ con-
ditiones. Quod ad primam
ergo, quod sciens quis ope-
retur, non potest certè intel-
ligi, requiri ad bonam actio-
nem scientiam moralem,
puta quam nos modò brevi-
ter intendimus explicare;
nullum siquidē rudes pos-
sent agere bonum, cum aliās
constet esse plures in sancti-
tate perfectos.

Neque item necessarius
est habitus prudentiæ, aliās
peccator, qui prudentiæ ha-
bitum non haberet, nullum
posset opus bonum operari.
Adde, quod cum habitus
prudentiæ, acquisitus, nostris
actibus generetur, actus isti
precedentes boni nō essent,
& bonum habitum generā-
rent. Scio tamen, quosdam
admittere actus generantes
habitum, nedum prudentiæ,
sed & cujuscunque alterius
Virtutis, virtuosos non esse,
at ipsi viderint, quā benè
hoc asseratur.

Nec etiam requiritur a-
ctuale prudentiæ Judicium,
quod agens actualiter judi-
cet, hoc esse faciendum, quia

rationabile, honestum, &
rectæ rationi cōforme. Tūm
quia si hoc esset necessariū
ad actionis bonitatem, plu-
rima, nedum bona, sed &
heroica opera, bonitate fru-
strarētur; vix enim ipsi Mo-
rales Philosophi, cum hoc
expresso judicio operantur.
Tūm etiam quia viri aliās
probi non ita consueverunt
operari, quod solitum argu-
mentum est Aristotelis in
Moralibus, teste ipso Me-
dina.

Debet ergo sufficere,
quod virtualitèr insit hoc
prudentialē judicium, ut
statim explicabimus uno
verbo. Scienter operari, ni-
hil aliud hīc importat, nisi
quod non ignoranter, vel à
casu, quis operetur, sed cum
rei cognitione sufficienti ad
deliberandum, & eligendū:
Debet enim opus bonum
ex electione procedere, nō
ex passione, Ira, Timore, &
hujusmodi; quod intellige
de passione perturbante ta-
liter rationem, ut non pos-
sit deliberare; si enim locum
det deliberationi, adhuc a-
ctio potest esse bona; sicut
benè facit, qui timore mor-
tis ad Deum convertitur.

B Dum-

Dummodò tamèn in ipsa passione, ac deliberatione aliquod inhonestum non includatur: puta si talis converteretur ad Deum, mortis timore, animo adhuc perverso, quòd si periculum evaderet, ad peccata rediret; nec enim verè converteretur, sed fictè: Debet ergò sincerè opus bonum eligere, quàmvis ad eligendum ex timore, aut alia passione moveatur.

6. Deindè opus bonum debet eligi propter ipsum, hoc est, non propter alium finem extraneum, qui honestate careat, puta propter lucrum, inanem gloriam, & hujusmodi; sed propter honestatem ipsius Virtutis; Non autè est necesse, quòd hæc intentio honestatis expressa sit, & formalis; sed sufficit virtualis, & implicita.

Pro quo notandum, tripliciter aliquid propter aliquem finem eligi posse. Primò quidè habitually, dùm scilicet eligens, jam ex habitu, operationes elicit propter aliquem finem; Et hoc certè sufficere non potest, actibus enim, & non

habitus meremur, & benè agimus. Secundò actualiter, dùm actu expresso vult hoc opus propter talem finem. Tertiò demùm virtualiter.

Et hoc dupliciter adhuc stare potest. Primò in virtute præcedentis actus, quòd voluit opus illud ad talem finem, licet hic, & nunc dùm operatur, de fine non cogitet; puta dùm quis intendit iter agere, quàmvis necessaria præparans, nil de itinere cogitet; omnia tamè propter iter agit: aliò modo cū aliquid operamur, quod ex natura sua ad talem finem ordinatum est, nec extraneum finem apponimus, virtualiter propter talem finem operamur. Verè namquè opus illud, finem ipsum virtualiter continet, quòd, & statim aperto convincimus argumento.

7. Pro nunc, quòd ad ultimam conditionem, quòd firmo, & stabili animo, ac delectabiliter, & promptè quis operetur, manifestum est, non requiri, nisi ad opus undèquaque perfectum.

8. Alia demùm est generalis conditio bonæ actionis,

nis, quòd scilicet ordinata sit ad ultimum finem, saltē naturalem: quòd modò supponimus, nè frustra in longiùs protrahamur, hæc autē conditio salvetur eo ipso quòd homo operatur propter bonum honestum, quòd ex natura sua ordinatur ad finem naturalem.

9. Dicimus itaque ad actionis bonitatem sufficere, quòd actio in re sit rectè rationi conformis, quàmvis hic & nunc operans, nil cogitet de ipsius honestate, aut ultimo fine, nequè antecederet per aliquem actum, suas operationes ad honestatem, vel ultimum finem ordinare voluerit: ex hoc enim ipso quòd actio in se honesta sit, & rationi conformis, nisi ad alium finem extraneum ab operante ordinetur, propter ipsam honestatem, & ultimum finem elicitur.

10. Quòd totum brevi hac, & efficaci ratione ostenditur. Ad bonitatem actionis, nihil ampliùs requiri posse videtur, quàm quòd sit de bono objecto, quòd debitis circumstantiis eliciatur, & demum, quòd sit propter honestatem, & ulti-

um finem hominis; sed hoc totum habet actio ex hoc ipso, quòd sit rectè rationi conformis; ergò ex hoc ipso bona est. Probatur minor. In primis enim, si rectè rationi conformis, utique de bono, & cū debitis circumstantiis erit; si enim à qualibet circumstantia deficeret, jam à ratione ipsa discordaret.

Quòd reliquum etiam probatur. Nam ad bonitatem actionis, ut notabamus, debet sufficere, quòd virtualiter sit propter honestatem, & ultimum finem, exigere namquè actualem intentionem, satis durum, & incongruum videtur, ut ex dictis constet, & apertò convincitur exemplo; ut enim Artifex, artificiosè opus construat, necesse non est, quòd semper ad regulas actualiter attendat; imò ex hoc potius impediretur. Atquè ex hoc ipso, quòd actio rectè rationi sit conformis, virtualiter ad minùs, est propter ultimum finem, & honestatem; habet ergò necessaria omnia, ad bonitatem requisita.

Prob. minor. Eliciens ta-

lem actionem, vel cogitat de fine illi apponendo, vel non sic cogitat, vel ergò extraneum finem apponit, & sic non sumus in casu; vel propter proprium finem actionis agit, & per consequens propter honestatem, ad quam ex natura sua ordinatur. Si verò non cogitat, ut sæpè contingit; ergò virtualitèr saltem, & implicitè propter finem ipsius actionis agit, cum non possit absque ulla finis intentione operari, supposito, quòd deliberatè operetur, cumq; finis naturalis actionis honestus sit, virtualitèr certè propter honestatem operatur.

Idem est de ultimo fine; Intendens enim aliquid, quod est virtus, & participatio alterius, virtualitèr, & implicitè illud intendit; omne autem particulare honestū, virtus quædā, & participatio est ultimi finis, & cōpletæ perfectionis humanæ, ad quam suaptè natura ordinatur; Cujus evidens est signum, quòd si taliter operantem interroges, quare hoc agat? Quare sic, & non aliter? Utiquè respondebit,

quia rationabile, & ità debitum est.

Hoc certè mihi probabilius omninò videtur, usuiq; humano satis accommodatum; proborumque virorū consuetudine cōfirmatum, quod validum est Philosophi argumentum, ut jam tetigimus.

II. Quò ad meritum verò æternæ vitæ. Dicimus pariter juxtà probabiliorem sententiam, non requiri actualem in Deum ultimum supernaturalem finem ordinationem, sed neque sufficere habitualement, puta, quòd homo sit in gratia, & charitate; sed præter hoc, & cæteras circumstantias ad moralem bonitatem requisitas, aliquid ampliùs requiritur, si actiones aliàs naturalem ordinem non excedant; Si enim sint de se, ordinis supernaturalis, puta Crucem adorare, Eucharistiam sumere, quamvis per actualem intentionem, talia opera in finem supernaturalem quis non ordinaverit, ad illum nihilominus virtualitèr saltem ordinantur, cū suaptè natura, ipsum Deum supernaturalem finem respici-

spiciant, ut videtur manifestum.

Cæterum aliæ actiones, quæ de se naturalem ordinem non excedunt, cum secundum se, finem supernaturalem non respiciant, neque ad illum ordinabuntur ullo modo, nisi per aliquem actum ordinationem istam recipiant. Ad hoc ergo, ut hujusmodi actiones meritoriae sint æternæ vitæ, requiritur, & sufficit, quod vel per actualem intentionem ad supernaturalem finem ordinentur, vel in virtute præcedentis intentionis ad eundem referantur.

12. Quænam autem esse debeat hæc intentio præcedens? Probabilis est sententia, imò communis inter D. Thom. Discipulos, ut testatur Magister Serra *par. 2. quest. 114. art. 4. dub. 1.* sufficere, quod initio vitæ, vel justificationis, homo se, & omnia sua, in Deum ultimum finem per charitatem ordina-verit; dummodò hanc intentionem non retractaverit non solum expressè, sed neque implicite, aut virtualiter per mortale peccatum.

Neque id mirum videri

debet; Omnes enim prædictæ operationes de facto sùt actuales executiones primæ intentionis, & propositi. Adde quod in homine justo, à Gratia, & Charitate, naturali sequela profluit, hæc ordinatio in ultimum supernaturalem finem; quare semel actualiter elicitæ intentio ista, diù quoque in sua virtute perseverare censenda est: Eò vel maximè, quod quælibet actualis operatio, ut dixi, actualis executio est ejusdem intentionis, sed quia difficile fortè videtur, quod illa prima intentio tam diù duret, sanum, & proficuum satis erit consilium, de die, in diem, prædictam intentionem innovare, ut solent probi, ac pii Christi Cultores,

§. IV. *Nullum esse actum deliberatum in individuo indifferentem, ostenditur.*

SUMMARIUM.

1. *Id apertè docet S. D. post D. Augustinum.*
2. *Idem colligitur ex verbis Domini: Matt. 12.*
3. *Idem*

3. *Idem ratione suadetur.*
4. *Operari propter solam delectationem, est ordinem naturæ pervertere.*
5. *Ipsi Gentiles banc veritatem perspicuam habuerunt.*
6. *Clara de eodem S.P. Aug. sententia, & Innoc. XI. decis. de actu conjugii.*
7. *Actiones ad naturæ cōmoditatem, & honestam recreationem ordinatæ, nisi pervertantur, de se bonæ sunt.*

1. **J**A M ex dictis patet plures esse actus, qui secundum se considerati, nec boni, nec mali sunt, sed indifferentes ad bonum, & malum: Difficultas autem non modica est inter DD. an dari possint hujusmodi actus in individuo, ut hic, & nunc elicitum sua indifferentia, ita ut nec boni sint, nec mali.

Constans autem est D. Thom. sententia pluribus in locis, & præcipue *prima 2. q. 18. art. 9.* omnem actum à ratione deliberata procedentē necessariò bonum, vel malum esse. Ipsam quòque non semel docuit S. P. Au-

gustin. præsertim lib. de *Utilit. credendi* cap. 12. ubi ait: *Omnè factum, si rectè factum non est, peccatum est.* Imò epist. 19. ad Hier. Cavendū insuper admonet à contraria opinione. *Cavendum, inquit, nè quadam facta hominum, media dicamus inter rectè factum, & peccatum.*

2. Colligitur etiā hæc sententia ex verbis Domini, dūm ait Matt. 12. *Dico vobis, quoniā omne verbum otiosū, quod locuti fuerint homines, reddent rationem de eo in die Judicii.* Ex quibus communiter SS. Patres colligunt, otiosum verbum, & multò magis opus, peccatum esse; Undè Hier. in Ps. 16. *De verbo otioso redditur ratio, quanto magis de operibus, si de verbo?*

Atqui omnis actus quantumcumquē secundum speciem indifferens in individuo elicitus, nisi per aliquā circumstantiam bonificetur, ad minimū est otiosus; ergo malus.

Probatur minor. Eliciens in individuo actum de se indifferenter, vel ipsum ordinat ad aliquem honestum finem, vel non: Si primū, jam actus bonificatur ex circun-

cun-

cunſtantia boni finis; Si ſecūdum adminiſtratus eſt otioſus ergò &c. Probatur ſecunda pars minoris ex D. Gregor. homilia 6. in Evang. & 7. Moralium, cap. 25. Otioſum eſt, quod caret pia utilitate, aut juſta neceſſitate: quod & Hier. docet ad citatum locum Matt. Inquiens. *Otiolum verbum eſt, quod ſine utilitate, & loquentis dicitur, & audientis*: maniſeſtum eſt autem, quòd opus de ſe indifferens, nequè neceſſariū eſt, aliàs bonum eſſet, imò præceptum, nequè utile, niſi ad aliquem finem ordinatum, ergò ſic elicitum, otioſum erit, & per conſequens malum.

3. Demum ratione quòque ſuadetur. Quilibet actus deliberatus propter aliquè finem elici debet, intentio namquè finis movet ad deliberandum, cum autem de ratione finis ſit bonitas, nemo enim intendens ad malum operatur, ut eſt commune axioma ex Dion. Vel ergò finis iſte honeſtus eſt, vel delectabilis tantum; non enim alia bonitas eſt per ſe, & per modum finis appetibilis; utilis namquè, ut ſic

præciſè, non eſt finis, ſed mediorum; utile ſiquidem, ut tale, appetitur propter aliud, ad quod eſt utile, de ratione autem finis eſt, appeti propter ſe. Igitur ſi finis, propter quàm elicitur actio, ſit honeſtus, procul dubio actio ipſa honeſta, & bona erit. Si verò tantum ſit delectabilis, ex hoc ipſo mala: ergò nunquam actio deliberata poterit eſſe indifferens.

4. Probatur minor, quòd ad ultimam partem, in qua eſt difficultas. Inprimis, operari propter ſolam delectationem, eſt ordinem naturæ pervertere, cum ex natura ſua delectatio ſit propter operationem, non operatio propter delectationē, quæ conſultiſſimè à natura ipſa, & divina providentia, operationi addita eſt, tanquàm illius condimentum, & illecebra, qua Bruta, quæ honeſtatem apprehendere non poſſunt, ad operationes traherentur, & homines ipſi excitarentur ad proprias operationes exercendas, maxime quæ ad conſervationē ſpeciei, vel individui ſpectant. Unde Philoſophus ait

16 LUCERNA MORALIS.

ait in Ethicis. Delectabile se habere ad honestum, sicut decor, & pulchritudo ad juventutem.

Deindè unumquodque est propter suam operationem, ut est commune proloquium; Nihil enim otiosum creavit Deus; operatio autèm propter finem, ergò sicut excellentiori naturæ, excellentior debetur operatio; ità excellentiori operationi, excellentior finis. Atqui rationalis operatio, qualis est omnis actio humana, & moralis, excellentior est valdè, operatione quacunque sensibili; ergò ex natura sua excellentior illi finis debetur, nempè honestus, qui proprius est ipsius rationis, ac per consequ. &c.

Deniquè propria operatio cujuscunque rei, ut ab aliis condistincta; necessariò ad finem proprium talis rei ordinari debet; aliàs cùm omnis operatio, ut diximus, sit propter finem, inutilitèr à natura, propria, & specialis operatio tribueretur, si proprium, & specialem finem non intenderet; præcipuè si operatio ipsa talitèr, quoad substantiam, propria

sit rei, ut alteri non conveniat: sed operari ex deliberatione, ità proprium est rationalis, vel intellectualis creaturæ, ut soli illi conveniat: ergò proprius omninò finis, illi respondere debet naturalitèr, qui alius esse non potest, quàm honestus: ergò deliberatè operari absquè honesto fine, omninò est operari contra exigentiam, & debitum naturæ.

5. Hinc ipsi Gentiles Philosophi, veritatem hanc perspicuam satis habuerunt, ut enim cæteros omitam; Tull. *de Offic.* & *Tuscul.* 9. Gonet. *man. tract. de act. human.* cap. 13. agebat *Corporis voluptatem non satis esse dignam hominis præstantia, & pertinere ad omnè officii questionem, semper in promptu habere, quantum natura hominis pecudibus, reliquisque bestiis, nihil, nisi voluptatem, sentientibus antecellat.* Undè in eisdem libris docet; *Contenton. tom. 3. diss. 4. cap. 1. spec. 3. Occultare appetitum voluptatis, etiam cum sumus erectiores ad virtutem; quia scilicet pudet ingenuum Virum voluptatis intentæ, etiam dum virtuti studet.*

Ob-

Obsecro, igitur dicamus cum August. ad Julianum, Gonet ubi sup. non sit honestior philosophia gentium, quàm nostra Christiana?

6. Clariùs autem eundem Patrem audiamus libr. de nup. & concup. cap. 4. *Male utitur, qui bestialitèr utitur, ut si t ejus intentio in voluptate.* Et de peccat. orig. Contra Pelag. & Celestium libr. 1. cap. 4. *Tanta excellentiæ est in comparatione pecoris homo, ut vitium hominis, natura sit pecoris;* Hinc juxtà ipsius, aliorumq; Patrù doctrinam Innoc. XI. de Sac. cong. Consilio, sequentem inter ceteras damnavit sententiam. *Opus conjugii ob solam voluptatem exercitum, omni penitus caret culpa, & peccato veniali.* Quibus nedùm Philosophi, sed & ipsa concinit aliàs liberior Poësis hisce versibus.

Vina sitim sedant, natis venus alma creandis.

Servit: Finem horum transiisse, nocet.

7. Hic tamen præ oculis habēda est doctrina præ-

cedentis §. quòd scilicèt ad actionis bonitatem sufficit, quòd virtualitèr sit propter honestum finem. Quare actiones omnes ad naturæ commoditatem, levamen, & moderatam recreationem ordinatæ, malæ non erunt, sed bonæ, licet quis ad illas expressè tantùm delectatione trahi se sentiat; ex hoc enim ipso quòd modū servat in illis, propter honestatem virtualiter agit; ad hanc enim ex natura sua tendunt, nec ab ista ordinatione, illecebra delectationis, illas extrahit; nisi fortè adeò quis delectationi succumbat, ut prudenter existimetur, illā solam intendere. Cæterùm delectatione trahi, & jucunda operatione delectari, servato debito actionis modo, malum non est, sed bonum, & honestum; est enim, uti delectatione, secūdum quod natura exigit à quā operationibus delectatio addita est, ut delectabiliter operemur, & delectatione adoperandum alliciamur.

CAPUT II.

De Voluntario, & Involuntario.

§. I. *Variae Voluntarii divisiones assignantur.*

SUMMARIUM.

1. *Artifex Divina Sapiencia duplicem homini addidit appetitum, sensitivum scilicet, & rationalem.*
2. *Commune est omni appetitui, ut nihil appetat, nisi præcognitum.*
3. *Voluntarii definitio explicatur.*
4. *Voluntarium aliud perfectum, aliud imperfectum.*
5. *Voluntarium aliud liberum, aliud necessarium; triplexque ratio liberi explicatur.*
6. *Definitio liberi libertate indifferentiæ exponitur.*
7. *Duplex necessitas, duplexque illi opposita libertas.*
8. *Totius libertatis radix est ratio, seu Intellectus.*
9. *Objectum propositum cum omnimoda ratione boni necessario appetitur.*
10. *Objectum solum objectivè movet, undè solum necessi-*
- tat, quòad specificationem; aliquandò tamen potest Voluntas necessitari, quòad exercitium.*
11. *Contingere id potest, etiam in presenti vita; & huiusmodi actus vocatur primò primi.*
12. *Explicatur actus secundò primus, & absolutè secundus.*
13. *Omnis peccans quomodò sit ignorans.*
14. *Plena, & perfectà advertentia ad actum absolutè secundum, quanam sit.*
15. *Voluntarium aliud elicitedum, aliud imperatum.*
16. *Voluntarium aliud in se, aliud in causa.*
17. *Voluntarium aliud directè, & indirectè.*

1. **S**UMMA rerum omnium Artifex Divina Sapiencia, quæ attingit à fine usque ad finem fortiter, & disponit omnia suaviter, ut omnia regimine moderetur suavi æquè, ac mirabili; quibus ad proprios fines

CON-

congruasq; operationes tendant, peculiares omnibus indidit inclinationes, animantibus verò præ cæteris, quæadmodum altiore quendâ tribuit essendi modum, ita & inclinationis, quod non solum naturalitè ferantur, sed & in apprehensa vitalitèr moveantur, quæ quidem inclinatio, vis appetitiva, seu appetitus magis propriè nominatur. Homini demùm, cui præter communem sensitivam, specialitèr inspiravit rationalis vitæ spiraculum; duplicem quoque addidit appetitum, sensitivum nempe, ac rationalem, seu intellectivum, qui propriè Voluntas dicitur.

2. Commune autem est omni hujusmodi appetitivæ potentiæ, ut nihil possit appetere, quod ipsi à cognoscitiva non proponatur; appetitui quidem sensitivo à sensibus, rationali verò, seu voluntati ab Intellectu; undè proloquium. Nihil volitum, quin præcognitum. Cumque sit varius in Intellectu cognitionis modus, varia est quoque in Voluntate attingentia, seu tendentia in objectum. Pro quò.

3. Notandum, quod Voluntariū definiri solet optimè. Cujus principium est in Agente cum cognitione finis. Ubi distinguitur in primis voluntarium à violento, cujus principium est extra, ut patet in lapide, cum sursùm projicitur. Per id autem, quod additur cum cognitione finis, excluditur à ratione voluntarii omnis motus insensibilium, imò & omnis motus, & actus animalium, qui absque cognitione contingit, in hoc siquidem stat ratio voluntarii, quod agens non solum propria, & intrinseca virtute se moveat, sed insuper, quod propria, & intrinseca virtute moveat se propter finem. Licet autem lapis v. gr. propria virtute moveat se deorsum, & insuper propter finem, puta centrum; non tamen propria virtute habet, quod propter finem se moveat, sed per communicationem superioris virtutis, puta intelligentiæ: cū enim agere, seu movère propter finem, importet collationem quandam ejus, quod est ad finem, cum ipso fine; intelligi nequit quod

aliquid propria virtute propter finem agat, nisi finem cognoscat, ut bene advertit Cajetanus *prima 2. quæst. 6. art. 1.*

4. Quia verò duplex est cognitio finis, perfecta scilicet, & imperfecta; hinc duplex quoque voluntariū est: perfectum, quod est cum perfecta cognitione finis, & imperfectum, quod est cum imperfecta finis cognitione. Porro ad perfectam cognitionē finis requiritur, quod cognoscatur non solum res, quæ est finis, verum etiam ratio finis; hoc est proportio inter ipsum finem, & id, quod est ad finem; Ad imperfectā verò sufficit, quod simpliciter apprehendatur id, quod est finis, v. gr. Videt equus herbam, & ad ipsam currit; Cursus iste voluntarius est equo, sit enim ab illo propter herbam, quā cognoscit. Dicitur tamē voluntarius imperfectē, quia licet propter affecutionem herbæ currat, non tamen cognoscit proportionem inter cursum, & herbam; puta quod ad herbæ affecutionē requiritur appropriatio, quæ per cursum completur, quā

cognitione stante, perfectē finem cognosceret, ac perfectē voluntariē moveretur.

5. Rursū duplex est Voluntarium. Aliud liberum, aliud necessarium. Ubi notandum, quod liberum tripliciter dici potest. Primo quidem liberum à servitute, sicut homo liber, qui servituri alterius non est adstrictus. Secundò dicitur liberum à coactione, prout scilicet agit, vel movetur, nō coactē, & per vim, quod esset violentum, sicut dū lapis projicitur sursū, sed propria spontē, seu inclinatione, sicut lapis deorsum descendit, quod spontaneū potiùs, quàm liberum, dici debet: Tertiò demū propriē, & rigorosē liberum dicitur potens ad plura, & diversa per sui determinationem, quæ libertas dicitur indifferentiæ, de quā intelligi debet voluntarium liberum.

6. Quod proindē communiter sic definitur, liberum est, & quod procedit à voluntate, & potentia non determinata ad unum, sed potente ad diversa ferri; Necessarium verò, quod procedit

cedit à voluntate, seù potentia ad unum determinata; Ista ergo libertas indifferentiæ requiritur ad actum humanum, & Moralem, ac indè meriti, vel demeriti pacem, nec sufficit sola libertas à coactione, ut quidam falsò putaverunt; quorum tamen opinio hæretica est, ut ait D. Thom. *quest. 6. de malo art. unico*; utque talis ab Innoc. X. damnata.

7. Cum autem sit duplex necessitas; altera quò ad exercitium, cum scilicet voluntas ità determinata est ad actum, ut non possit ab operatione desistere; altera quò ad specificationem, cum scilicet voluntas determinata quidem est ad speciem actus, itaut supposito, quòd actum eliciat, hunc specie actum elicere debeat, & nò possit oppositum: nihilominus possit, non elicere, seù ab operatione desistere. Hinc duplex est quoque libertas necessitati opposita. Prima dicitur libertas contradictionis, quà voluntas potest velle, & non velle, seù ab actu desistere. Secunda verò contrarietatis, quà voluntas, potest velle,

& nolle, seù respuere objectum; vel potest hoc velle, & oppositum.

8. Porro totius libertatis radix est ratio, seù Intellectus, ut cum D. Thom. docet Cajet. *prima part. q. 83. art. 1. & infra*, & Ferrariensis 3. *contrà gen. cap. 73*. Pro quò notandum, quod voluntatis objectum adæquatum, est bonum, undè ità omninò ad bonum determinata est, ex natura sua, ut nihil penitus velle possit, nisi bonum, vel certè sub ratione boni, bonumque ipsū, ut bonum nullo modo possit respuere. Cum autem, ut dictum est, voluntarium, cognitionem supponat, bonum ipsum velle non potest voluntas, nisi ab Intellectu ei proponatur. Ea igitur sola possunt liberè appeti, quæ appetèda proponuntur à cognoscitiva potentia indifferente ad judicandum respectu utriusque partis, ac perindè in tantum voluntas potest hoc velle, & nolle, seù velle oppositum; quia judicare potest Intellectus id esse bonum, vel malum. Et in tantum potest voluntas, velle hoc, & non velle, quia

quà potest Intellectus judicare, bonum esse hoc appetere, vel non. Quare liberum arbitrium dici solet facultas voluntatis, & rationis.

9. Itaque objectum in quò, ut ab Intellectu proponitur, nulla apparet ratio mali, sed omnimoda ratio boni, quale est Beatitudo ipsa, quæ necessariò appetitur à Voluntate; nemo siquidem; potest nolle esse Beatum, sed velle esse miserum, ut benè, ait S. Doct. primo *congen.* cap. 80. & alibi; Quia nihilominus, & si nulla in objecto ratio mali appareat, potest aliqua in actu apparere, v. gr. tedium, vel quia hic, & nunc aliud occurrit objectum, quod jucundius judicatur; Hinc est, quòd licet hujusmodi objectum non possit voluntas respuere, potest tamen ab actu circa illud desistere, & sic illud necessariò appetet, necessitate quòdà specificacionem, non verò quòd ad exercitium.

10. Ceterum, quamvis objectum ex vi, & formalitate objecti, non nisi quòdà specificacionem voluntatem

necessitet; Objectum enim non movet nisi objectivè, motio autem objectiva respicit speciem actus, qui ab objecto ipso specificatur; exercitium verò depèdet ab Agente, & Causa effectiva, ut benè cum Cajetano docet Magist. Serra *prima 2. quæst.* 10. *art.* 2. Cum hoc tamen stat, quòd aliquandò Voluntas necessariò, etiam quòdà exercitium aliquid velit; non quidem ex vi objecti, sed ex propria voluntatis natura, quæ, ut ait Gonet in Man. tract. *de Beat.* cap. 4. §. 1. ad 2. quia libera, & naturalis est, aliquandò, ut libera, aliquandò, ut naturalis operatur. Primùm si convenit circa objectum esse indifferentia propositum, secundùm verò circa objectum propositum absque indifferentia. Idque insinuare videtur S. Doct. *prima 2. q. 5. art.* 4. Igitur in casu, quò non solum in objecto, sed in actu ipso, nulla mali ratio appareat, sed undè quaque ratio boni effulgeat, tunc Voluntas necessariò, etiam quòdà exercitium appetet; sicut contingit in Beatis, qui necessariò, diligunt Deum, nec

nec possunt ab ejus amore desistere. Ut fusè probatur in tractatu de Beatitudine.

11. Indè colligitur quòd cùm in statu præsentis vitæ Intellectus in cognitione à sensibus dependeat, in quibus pariter est vis appetitiva, concupiscibilis nempe, & irascibilis; secundùm quod homo est in aliqua hujusmodi passione, præcipuè vehementi, apprehendit Intellectus ipse, ut simpliciter conveniens, vel disconveniens objectum, per sensus jam apprehensum, proponitque appetendum, vel fugiendum voluntati; nec potest subito Intellectus consulere, & advertere ad qualitates objecti; ad quod perindè Voluntas necessario fertur, nedùm quòd specificationem, verùm etiam quòd exercitium, propter hoc, quòd ex impetu passionis absque ulla ratione mali, vel disconvenientis, ab Intellectu proponitur.

Hujusmodi autem actus dicuntur primò primi, nec in ipsis potest esse peccatum, sicut nec meritum, aut demeritum, quia liberi non sunt, sed omninò necessarii,

etiam quòd exercitium, ut advertit Gonet in clyp. disp. prima de ultimo fine artic. 2. §. 4. versu quares.

12. Quia verò Intellectus, etsi dependens à sensibus, ipsis tamen est vis superior, in objecto per sensus, ut bonum, & conveniens, apprehenso, potest aliquam disconvenientis, & mali rationem advertere; ac si post talem advertentiam nihilominus Voluntas in Objectum feratur, peccabit, & mortaliter quidè, si plena sit & perfecta advertentia, & materia sit aliàs gravis, & mortalis; venialiter verò in materia levi, aut etiam gravi, si non plena, sed imperfecta sit advertentia.

Ubi nota, quòd in hujusmodi motibus post primum passionis impulsus, & actum voluntatis, quem primò primum diximus, potest quidem Intellectus aliquā disconvenientis, & mali rationem advertere, sed vi concitata passionis adhuc trahi voluntas antè quam plenè malitiam Intellectus advertat, ac perfectè judicare possit; & hi motus vocantur secundò primi, qui excusant qui-

24 LUCERNA MORALIS

quidem à mortali ; sed non à veniali peccato . Si verò post plenam malitiæ advertentiam, adhuc Voluntas feratur in objectum , dicitur motus absolutè secundus, & peccatum erit mortale , si materia sit aliàs gravis .

13. Esto autem cautus in hoc , ne decipiaris cum dicimus plenam , & perfectam advertentiam ; etenim in re nunquã est in peccante plena , & perfecta advertentia, juxtà quod solet dici, quòd omnis peccàs est ignorans ; nunquam enim certè peccant , si plenè malitiam ipsius peccati perciperet , cū enim voluntas ferri nō possit , nisi in bonum , quomodo malum appeteret , quale omninò peccatum est nisi boni rationem in ipso Intellectus apprehenderet ? Intantū ergò Voluntas fertur in malum objectum , in quantū Intellectus, licet ejus malitiam advertat , indicat nihilominus , & voluntati proponit , bonum esse, illud hic , & nunc appetere ad satisfaciendū sensui , aut quid tale .

14. Plena igitur , & perfecta intelligi debet adver-

tentia, quæ ad rectè judicandum , & deliberandum sufficiens est : talis videlicet, ut non passio rationem, ut contingit in motibus etiam secundò primis, sed ratio passionem ipsam vincere, & superare commodè queat . Ex quò fit , quod non omnis actio , durante adhuc passione vehementi , elicitæ excusetur à mortali , sed illa solum , quæ cum advertentia , quasi transeunte momentanea , & per passionem absorpta elicitur , ut in motibus secundò primis . Quando verò locus datur ad consulendum , etsi non adeo sit plena cognitio , & advertentia , sicut in existentibus extrà passionem ; sufficiens tamen est ad rectè judicandū , & deliberandum , cū aliàs ratio dominium habeat supra sensus ; quare si passioni cedat , voluntariè succumbet . Considera quempiam ex gravi concitatum injuria , vel aspectu pulchræ Mulieris illectum , & hæc omnia planè percipies .

15. Aliæ demum sunt voluntarii divisiones , quæ infra juxtà exigentiam suis locis meliùs explicabuntur .

Pri-

Prima est in voluntarium elicitedum, & imperatum; cum enim dicatur voluntarium, præcipue perfectum, quod à voluntate dimanat, & dependet; hoc dupliciter stare potest. Vel enim elicitedum ab ipsa voluntate, ut sunt omnes actus ejus, vel ab ipsa imperatur, ut actus omnium aliarum potentiarum, quæ à Voluntate moventur; imò aliqui etiam ipsius voluntatis actus imperari possunt, ut constabit, cum rationem imperii explicabimus.

16. Insuper voluntarium, aliud est voluntarium in se, seu secundum se, ut loquitur S. Doct. quando scilicet Voluntas directè fertur in ipsum objectum volitum; & aliud est voluntarium in causa, seu secundum suam causam, quando Voluntas non fertur, quidem expressè, & directè in ipsum objectum; sed in causam illius, ut cum quis voluntariè inebriatur, ex hoc imputatur illi, quasi voluntarium, quidquid inebrietate committit.

17. Alia pariter est huic similis divisio in voluntarium directè, & voluntarium indirectè. Primum est cum

Voluntas directè fertur in objectum. Secundum verò cum Voluntas non vult, non agit, seu non impedit, quando potest, & debet; & nota benè, quòd non sufficit ad hoc voluntarium, quòd quis possit, sed requiritur insuper, quòd debeat.

Utraque autem hæc divisio, quæ melius infra patebit, hac una comprehenditur potest, scilicet voluntarium explicitè, & implicitè, seu interpretativè.

§. II. *Explicatur præcipue ratio voluntarii in Causa, & indirectè.*

SUMMARIUM.

1. *Quamvis omne Voluntarium in causa, dici possit voluntarium indirectè, nõ tamen è contrà.*
2. *Ad Voluntarium in causa requiritur, quòd sit Causa per se, & non per accidens.*
3. *Mulieri modestè se ornanti, non est voluntaria concupiscentia Juvenis.*
4. *Procurans consensum à Muliere ad fornicandum, vult ex consequenti ejus peccatum, secus accedens ad jam paratam.*

26 LUCERNA MORALIS

5. *Effectus naturaliter sequens, si nullatenus impediri potest, voluntarius non est, bene verò si potest, & non impeditur.*
6. *Idem dicendum, si causa non sit naturalis, sed ab extrinsecò illata.*
7. *Si causa voluntaria fuerit, etià effectus, non autem si quem pœniteat, & causa removeri nequeat.*
8. *Effectus praeisus, & non intentus, imputatur, & multò magis intentus, etià danti operam rei licita.*
9. *Effectus non praeisus per se sequens, imputatur, non verò sequens per accidens, debita diligentia adhibita.*
10. *Probabilius est, danti operam rei illicita, etiam periculosa, non imputari effectum per accidens post debitam diligentiam.*
11. *Id colligitur ex D. Th.*
12. *Ratione idem suadetur.*
13. *Limita, si adeò periculosa sit actio, ut vix per diligentiam vitari possit periculum.*
14. *Non imputatur effectus per accidens secutus ex actionibus, quae adeò periculosa non sunt, quamvis prohibita ratione periculi, fa-*

cta debita diligentia.

15. *Hac intelligè, quoad culpam, & in foro conscientiae, non in foro exteriori, & quoad irregularitatem.*
 16. *Similiter, quoad restitutionis obligationem, alia consideranda sunt.*
1. **Q**Uamvis divisio voluntarii in voluntarium in se, & in causa, conveniat quodammodo cū alia in voluntarium directè, & indirectè; non sunt idem omninò. Licet enim voluntarium in se, sit etiam directè voluntarium, ut patet, & voluntarium in causa dici possit voluntarium indirectè, quia verè non fertur Voluntas directè, in talitèr volitum, sed in causam directè, indirectè autem, & ratione causæ in effectum; nihilominus aliundè sumitur utriusque ratio. In prima namque divisione non attenditur, quòd objectum directè, vel indirectè sit volitum, sed tantum, quòd sit volitum in se, vel in alio, scilicet in causa. E contrà divisio alia respicit solum rationem directi, vel indirecti; undè, & pro volito indirectè
- non

non accipitur absolute, & simpliciter voluntarium in causa, sed solum, quod sequitur, Voluntate non impediendo, quando potest, & debet, quod perinde censetur indirecte velle.

Quidquid autem sit, prae oculis habendum est, quod huiusmodi, ut sint verè indirecte voluntaria, non sufficit, quod quis possit, sed requiritur insuper, quod teneatur impedire; Unde si petenti à me, v. gr. decem, vel centum aureos, cui nihil debeo, denegem; quamvis ille protestetur, se aliàs furaturum, & verè furetur, non inde mihi furtum dicitur voluntarium; quia non teneor, ad impediendum tale furtum dare meam pecuniam cui non debeo.

2. Pro voluntario in causa notandum; requiri ad hoc, quod illud, quod est expressè volitum, sit verè causa alterius, & hoc ex illo sequatur; ita ut qui vult causam, ex consequenti censeatur velle quidquid ex ea sequitur. Imò requiritur insuper, quod ex causa per se, sequatur, & non omnino per accidens. Sed adverte

cum Magist. Serra *prima 2. quæst. 73. art. 8. dub. 2. con. 2.* ut aliquid per se dicatur sequi, sufficere, quod ex se natum sit sequi, licet quandoque possit contingere, quod non sequatur. Et insuper cum Cajetano eodem articulo, sufficere, effectum per se, sequi sufficienter quantum est ex parte agentis, licet non efficaciter.

3. Ex quibus collige, quod Mulieri modeste ornanti se, nullo modo est voluntaria concupiscentia mala inde sequens in Juvene, licet aliàs ipsa Mulier sciverit, se fore concupiscendam. Et hoc ideo, quia talis concupiscentia non proprie sequitur ex ornatu modesto, sed ex malitia ipsius Juvenis; sequeretur benè ex ornatu lascivo, & ferè meretricio, & ad concupiscentiã excitandam accomodato; sicque Mulieri taliter se ornanti, verè voluntaria esset, licet contingere possit, quod neque ex tali ornatu, mala concupiscentia sequatur, quia de se nata est sequi:

4. Collige insuper, quod procurans à Muliere consensum ad fornicandum, licet

non sit causa efficax talis consensus, nemo siquidem efficax potest esse causa voluntatis alterius; illi nihilo minus, ut voluntarium, imputatur peccatum, & consensus Mulieris, quia fuit ejus Causa sufficiens, quantum est ex parte sui. Aliter dicendum, si quis accederet ad Mulierem, jam paratam ad fornicandum, tunc enim ille non diceretur propriè, & moraliter causa fornicationis Mulieris, quamvis ad illam etiam ipse materialiter concurreret; sed vera causa, mala esset ipsius Mulieris voluntas. Undè, & probabilius, meo videri, est sententia, quam docet idem Serra; quod tunc neque necessariū esset in confessione; quod fornicator Mulierem induxerit, exprimere, quia nec verè inducere dicitur, si jam ad hoc paratam invenit.

5. Hic demum utilis valde ad multorum casuum resolutionem doctrina est addenda ex A. P. *prima 2. q. 73. art. 8. & alibi*; ex qua probè intelligemus, quando nam effectus secuti, tanquam voluntarii imputentur, vel non; In primis ergo causa

ex qua sequitur effectus, aut naturalis est, aut voluntaria. Si naturalis est, vel impediri potest effectus, vel non. Si nullatenus impediri potest, nullatenus quoque voluntarius erit, undè si quis, v. g. ex ægitudine incideret in amentiam, quæ totaliter ipsum usu rationis privaret, quidquid ageret in tali statu, nec ad meritum, nec ad culpam imputaretur illi, quia voluntarium non esset, ad minus certè liberū, quod omnino ad meritum, vel demeritum necessarium est.

Si verò aliquo modo posset impediri, tunc voluntarium esset adminus indirectè, si non impediretur, & ad culpam imputari posset, puta si amentia non totali privet usu rationis, licet minueretur culpa, quia & ipsa ratio liberi, diminuta esset. Imò si tantum luminis permittat, ut patiens perfectè deliberare possit, à mortali quoque non excusaretur. Et intellige de perfecta deliberatione superius explicata.

6. Idem omnino dicendum, si causa non sit naturalis, sed ab extrinseco illata, puta Dæmonis operatio-

ne,

ne, ut contingit in arreptitiis; Idem dic de causa fortuita, ut si quis casu inebriatur, nesciens vini potentiam, vel ex alia simili, & inculpabili inadvertentia.

7. Si verò causa voluntaria sit, ut cum quis voluntariè inebriatur; effectus quoque in causa voluntarii erunt, & imputabuntur. Ubi tamen adverte, ex Cajetano *prima 2. quæst. 77. artic. 7.*, quod licet ab initio fuerit causa voluntaria, si postmodum poeniteat, & causa removeri nequeat, effectus indè secuti nō imputabuntur. Undè si quis cōsultrò cibos ad Venerem excitandam comederit, & postea conteratur, etiam si polutio indè sequatur, non imputabitur illi, quia causa jã voluntaria non est, ac per consequens, nec effectus.

8. Nota demum ex S. Doct. loc. cit. quod hujusmodi effectus multipliciter cōsiderari possunt. Aut enim sunt prævisi, & intenti, ut dum quis per alterius Agrū transit animo nocendi seminat, & sic procul dubio voluntarii sunt, & imputantur.

Aut sunt quidem prævisi;

non autem intenti, puta si talis trāsiens nollet quidem, seminat, nocere; & nihilominus vult per agrum transire, ut commodius, vel cōpendiosius vadat; & sic pariter imputantur, quia simpliciter, & absolute voluntarii sunt, licet secundum quid involuntarii, cō prorsus modò, quò de factis per metum ex eodem S. Doct. infra dicemus; quāvis enim nollet hujusmodi effectus, ipsos tamen absolute vult, ut causam habeat; sicut agens per metū nollet, quò agit, attamen absolute vult illud, ut vitet malum, quò timet; undè vocat illud S. Doct. voluntarium in casu.

Et hoc verum est, etiam si quis det operam rei licitæ, ut notat Mag. Serra loco citato: imò runc effectus sequens dat primam malitiā actui, ut ex dicendis clariùs constabit: & quando propriè sequitur effectus ex causa, ut dictum est.

9. Si verò effectus nullo modo sit prævisus, & per consequens nec intentus, aut per se sequitur ex actu, & sic pariter imputatur, quia est volitus mediātè saltem, & in-

interpretativè, & propriè in causa, licèt non expressè : qui enim vult causam, consequenter vult omne, quòd ex causa sequitur.

Si verò tantùm per accidens, effectus non prævius ad actum sequatur, congrua adhibita diligentia, non erit voluntarius, nec imputabitur. Si autem diligentia ommittatur, imputabitur, quādo tamen debuit, & potuit, erit enim voluntarius indirectè. Quædam nempe sunt, etsi licita in se; in quibus tamen advertere tenemur pericula, & alios effectus, qui sequi possunt, ut patet in venatione. Undè quamvis inebriari, v. gr. causa sanitatis licitum sit, quando aliud non suppetit remedium, ut ait Sylv. verb. ebrietas; taliter tamē se inebrians, imò & alii ad id concurrentes, ut domestici; tenentur præcavere, ne ex tali inebriatione aliquid mali sequatur, aliàs imputabitur.

10. Addunt aliqui, ut Conradus apud Serram loco citato, quòd si quis det operam rei illicitæ, adhuc omni adhibita diligētia, imputabitur illi effectus, etiam

per accidens indè sequens. At sapientissimus Mag. Soto de Just. lib. 5. *quæst. 1. artic. 9.* & alii putant, hoc tantùm habere locum in his, quæ periculosè aguntur, & propter periculum prohibita sunt, quamvis enim Soto absolutè asserat *con. 3.* Si quis dat operam rei illicitæ, non est à reatu homicidii immunis; infrà tamen eandem conclusionem explicat, cum dicta limitatione. Quidquid autem sit, satis probabilis, imò apud me probabilior est omninò sententia Mag. Serra, quòd si quis dans operam rei illicitæ, etiam periculosè diligentia adhibeat sufficientem, nullatenus ei effectus per accidens indè secutus imputetur.

11. Et colligitur manifestè ex D. Tho. citata *quæstione 73. art. 8.* ubi sic habet. *Si per accidens se habeat ad peccatum (nocumentum scilicèt, de quò ibi est Sermo) non aggravat peccatum directè, sed propter negligentiam considerandi nocumenta, quæ consequi possent, imputantur homini ad pœnam mala, quæ eveniunt præter ejus intentionem*

nem si dabit operam rei illicitæ. En igitur ex mente S. Doct. danti operam rei illicitæ non imputantur actus, indè secuti per accidens, nisi ratione negligentiae: illi ergò, qui sufficientem adhibet diligentiam, non imputabuntur.

12. Et ratio id suadere viderur; Nam hujusmodi effectus, quomodò voluntarii sint non apparet. Non enim sunt voluntarii directè, & in se, ut supponimus, & clarè patet; Neque voluntarii propriè in causa; quippè illud voluntarium in causa dicitur, quòd per se ex causa sequitur, non quòd merè per accidens; nam voluntarium in causa dicitur, quasi voluntate implicata, & involuta in ipsius causæ voluntate; ut qui causam vult, ex consequenti velle censeatur omne id, quòd ex causa sequitur, hoc autem locum non habet, nisi in his, quæ per se sequuntur; aliàs etiam danti operam rei licitæ, cum non minùs causam velit, imputarentur hujusmodi effectus, quòd non admittitur.

Neque ullo modò indire-

ctè dici possunt hi effectus voluntarii. Si enim aliqua hujus esset ratio, maximè quia dans operam rei illicitæ, ab illa tenetur abstinere. Hoc autè nihil omnino videtur convincere. Nam licèt absolutè quis teneatur omne peccatum vitare, non indè sequitur, quòd si aliquod peccatum non vitet, imputentur peccanti, tanquam voluntarii, omnes effectus inde secuti.

Quod enim actio licita sit, aut illicita, omninò per accidens se habet ad sequelam effectus, nec illi quidquam confert; æquè enim benè sequi potest à licita, & illicita actione; puta homicidium ex venatione licita seculari, & illicita Clerico. Ut autem effectus non dicatur voluntarius, sufficit, quòd ejus impediatur sequela, quantum fieri potest, quòd æquè benè præstat Venator, v. gr. si ve licitè, si ve illicitè venetur. Et certè non video, quare venans licitè in propria Sylva, cum debita circumspectione, & casu occidens hominè, reus non sit homicidii; & idem venans in aliena contrà Do-

mini

mini voluntatem, ac perinde illicitè, cùm æquali tamen diligentia, reus debeat esse casualis homicidii. Quid quæsò ad homicidiũ? Quid ad voluntarium, Sylva sua, & non sua?

13. Dices id quidem verum esse de actionibus, utcumque illicitis; non verò de illicitis, & prohibitis, quia periculosa. In his enim, quantamcunque diligentia, quis adhibeat, non censetur congrua, & sufficiens, nisi ab actione ipsa absteineat, utpotè, quæ ad vitandum periculum, expressè prohibita est, ac per consequens, nisi ab illa, quis absteineat, non censetur facere, quòd potest, & debet ad illud vitandum; ad hoc enim tenetur, & debet ab actione abstinere, ad quod non tenetur, si actio licita sit.

Hoc certè verum puto de aliquibus actionibus, quæ adeò in se periculosa sunt, ut quacunque diligentia, & cautela, periculum absolute non vitetur, imò per accidens omninò sit, quòd malum non sequatur; ac per còsequens huiusmodi exercens actionem, cùm omni

adhuc circumspèctione, vult ex consequenti, & propriè in causa effectum, qui de se indè sequi natus est, licèt quandoque non sequatur. Cuiusmodi puto agitationes, & certamina cùm feris, ex quibus, ut plurimum damna, & mortes hominum sequi consueverunt.

14. Cæterum de actionibus, quæ non adeò sunt periculosa, quin per diligentiam, & cautelam possit moraliter vitari periculum: non videdò, quomodo imputari, ut voluntarius possit, effectus omninò casualitèr secutus: quid enim ad homicidii voluntatem, venatio licita seculari, prohibita Clerico, quòd huic imputetur, non illi, si uterque parem adhibeat cautelam? Quamvis enim lex, ratione, & intuitu periculi, venationem prohibeat Clerico, id potiùs est ad status clericalis honestatem, non quod intendat aliter periculũ vitari non posse, aliàs etiam Laico illicita esset: ac proindè si uterquè parem adhibeat diligentiam, neutri homicidium, casualitèr secutũ, voluntarium erit. Intantum enim

enim hujusmodi effectus voluntarius esse potest, in quantum à causa dimanat, & non impeditur; at per congruam diligentiam tollitur hæc dependentia, & impeditur effectus, quantum potest moraliter, ita ut omnino sit per accidens, si sequatur, simul ergo tollitur, & voluntarium.

13. Hæc intellige præcisè quoad culpam, & in foro exteriori, nec quoad irregularitatem, pro qua Jus disponens attendendum est. Potest enim adhuc sine culpa incurrere; iudicium pariter externi fori multoties fundatur in præsumptione, quæ non est præsentis loci, discutere.

16. Similiter adverte, quod licet verum sit universaliter, effectus intentos ad culpam imputari, ut dicimus, non inde sequitur universaliter obligatio ad restitutionem, si damnum alicui sequatur; non enim obligatio ad restitutionem ex quocunque oritur peccato, sed tantum ex injustitia reali, unde in casu posito ab initio, si negarem pecuniam petenti eo animo, ut

ille furetur Petro, v. gr. Ad restitutionem non essem adstrictus, quia etsi peccarem ea mala voluntate, non contra Justitiam, sed contra charitatem. Aut si quid etiam velis contra Justitiam, mentaliter solum, quod non sufficit ad onus restitutionis inducendum; nisi fortè confulerem, vel aliter ad furtum concurrerem, quod esset realiter contra Justitiam. E contra tenetur quis ad restitutionem damnorum ex causa voluntaria secutorum, etiam post poenitentiam, quamvis tunc non imputetur ad culpam, ut supra notavimus ex Cajetano; hujusmodi enim obligatione contraxit, dum voluit causam. Per poenitentiam, verò excluditur culpa, non autem obligatio restitutionis, ut patet.

§. III. *De Causis tollentibus, aut minuentibus Voluntarium, & primò De Violentia.*

SUMMARIUM.

1. *Ex duplici capite minui, vel tolli potest voluntarium, ex defectu principii intrinseci, vel cognitionis.*

E 2. Non

34 LUCERNA MORALIS

2. *Non est idem involuntarium, & non voluntarium.*

3. *Facta per vim, omninò involuntaria sunt.*

4. *Voluntas, quoad actus elicitos, violentiam pati nō potest, nec etiam à Deo.*

5. *Benè verò, quoad actus imperatos aliarum potentialium.*

6. *Ad veram violentiam nō sufficit, quòd passum merè negativè se habeat, sed requiritur, quòd saltem per contrariam inclinationem resistat.*

7. *Mulier posset absque culpa, voluntariè pati, ubi duplex adesset conditio.*

1. **C**UM ratio voluntarii duo importet, quòd scilicèt à principio sit intrinseco, & cùm cognitione finis, ut constat ex ejus definitione, hinc est, quòd ex duplici quoque capite tolli, vel minui possit voluntarium, per carentiam scilicèt principii intrinseci, vel ex defectu cognitionis.

2. Hic tamen in primis advertendum est ex D. Th. *prima 2. quæst. 6. art. 8. idem non esse involuntarium, & non voluntarium; hoc enim*

dicit præcisè, non esse voluntarium, illud verò supra hoc addit, esse contrà, scèd repugnans voluntati.

3. Hoc posito ex primo capite, ità opponitur voluntario vis, & violentia, ut facta per vim, omninò involuntaria sint, de quò difficultas non est.

4. Supponendum est autem ex eodem S. Doct. citata quæstione *art. 4.* Voluntatem quoad actus immediatè ab ipsa elicitos, violentiam pati non posse. Implicat enim in terminis, quòd sit actus voluntatis, & violentus. Actus enim voluntatis nil aliud est, quàm inclinatio quædam procedens ab interiori principio; violentum verò ab exteriori principio est, imò contrà inclinationem passi, ut mox explicabimus; Undè sicut repugnat in naturalibus, quòd motus violentus, ex naturali sit inclinatione; ità repugnat, quòd homo violentè moveatur, & ipse motus ex ejusdem sit voluntate.

Quarè nec Deus ipse, voluntati violentiam inferre potest; licèt enim possit ipsam

sam movere, & immutare, ut velit, quòd priùs nolebat, non tamen facere potest, quòd velit id, quod actu nò vult. Illud ergò, ad quod voluntatem Deus inducit, quamvis contrariū esse possit inclinationi præcedenti, non tamen præsentī, quin imò illi erit conforme, ac proindè non violentum, ut docet optimè S. Thom. *q. 22. de ver. art. 8.*

5. Quantum verò ad actus imperatos, violentiam pati potest, in quantum exteriora membra, vel potentia impediri possunt, nè Voluntatis imperium exequatur, aut moveri contra ipsius voluntatis imperium, ut clarè patet, ac per consequens tales motus, & actus violenti, erunt involuntarii.

6. Cæterum benè advertendum, quòd licèt communiter definiri soleat violentum, quòd est à principio extrinseco, passio non conferente vim, hoc non ità intelligendum est, ad violentum sufficere, quòd passum nil conferat, & merè negativè se habeat; verùm ex communi DD. sensu requiritur, quòd positivè resi-

stat, & repugnet, saltem passivè per contrariam inclinationem, si non activè conando ad oppositum. Undè, ut Mulier, v. gr. dicatur omninò invita violari, non sufficit, quòd ipsa nullo modo cooperetur, sed requiritur, quòd voluntate repugnet, resistat, & impediat, quantum potest; aliàs dici licèt posset, non voluntariè agere. Voluntariè tamè pateretur, cùm posset resistere, & nollet, ut colligitur ex D. Thom. *quest. 6. artic. 5. ejusdem prima 2.*

7. Verùm tamen est, quòd in casu posset Mulier absque culpa voluntariè pati, & permittere, se violare, præcipuè si duplex interveniat conditio. Prima quidem, & potissima, quòd sit moraliter certa, se voluntate non consensuram in delectatione copulæ; aliàs enim potiùs deberet, mortem substinere, quàm permittere. Secunda, si resistantia, clamor, & hujusmodi, nullatenus profutura sperentur ad impediendam violationem, nemo siquidem tenetur ad frustraneum, inutile, & vanum.

Imò, stante prima conditione de non consensu, probabiliùs puto, aliquali facta resistentia, quæ commodè possit, nec ullatenus intermitteri debet, non teneri Mulierem clamare, aut alio modo resistere, quamvis per huiusmodi resistentiâ posset absolutè violentia repelli; si ex alia parte nimis esset periculosa, puta cùm periculo mortis, infamiæ, aut huiusmodi, ut benè notat Bonac. in sextum dec. præ. num. 10. Sicut enim potens Mulier cùm in vasoris morte suam defendere pudicitiam non tenetur, sed parere illi potest, & permittere, se violari, dummodo sit certa de suo non consensu, ut docent communiter DD. Quare id non licebit, ut propriè consulat vitæ, seù famæ? Cùm hac limitatione, & non aliter admitti poterit, quòd Sapientissimus docet Mag. Soto de Just. lib. 5. quæst. 1. art. 5. Nec tamen indè voluntaria Mulieri dicenda esset violatio, quia licet posset, non tenetur vini repellere, ut ex dictis constat.

9. IV. De Metu.

SUMMARIUM.

1. *Definitio Metus.*
2. *Duplex est Metus, gravis, Justus, probabilis, & cadens in virum constantè. Alius levis.*
3. *Non est semper justus, metus periculi etiam gravis damni.*
4. *Metus infamiæ secundum jura, non est justus, nisi in casu.*
5. *Quæ mala, & pericula Justum reddant metum.*
6. *Metus minuit, non tollit voluntarium, undè facta per metum, mixta sunt.*
7. *Jura tamen, plura facta per metum, invalida, & nulla decernunt.*
8. *Quando objectum, quòd ex metu eligitur, est bonum secundum se, metus non reddit actum involuntarium, neque secundum quid.*
9. *Nec obstat repugnantia sensuum.*
10. *Sufficit ad Sacramentum Pœnitentiæ, accedere cùm attritione ex metu Gehennæ concepta.*
11. *Falsum est, quòd hac attritio*

tritio involvat implicitè cōditionatam peccandi volūtatē.

12. *Potest etiam admitti in hujusmodi pœnitente aliquid involuntarii præcisè, respectu materialis, & entitatis peccati,*

13. *Aliud est, aliquid fieri ex metu, aliud fieri cū metu.*

14. *Metus etiam gravis, non excusat absolūtè à trāgressione legis, benè verò in casu lex non obligat.*

1. **E**X eodem capite ponitur voluntario Metus; qui ut habetur l. 1. ff. de eo, quod metus causa gestum est; sic describi solet. Instantis periculi, vel futuri causa mentis trepidatio. Ubi nota, quod metus propriè est periculi imminētis, aut verisimiliter mox futuri, non autem remoti; ex illo namque vera est mēris trepidatio & commotio quæ inficit voluntatem.

2. Duplex autem est Metus, alius cadens in constantem Virum, gravis nempe alicujus; & magni periculi, quod perinde ipsos quoque fortes, & constantes viros, ut plurimum tre-

pidare facit: dicitur etiā hic metus justus, & probabilis; quia jura ipsum excusant, & approbant. Alius est metus nō cadens in constantem Virum, sed levis, non justus, nec probabilis ex opposita ratione.

3. Nota hic interim cū Azor. part. 1. lib. 1. cap. 10. Nō semper justum esse metum, qui ex periculo etiam gravis damni incurritur, sed tunc solum est justus, quando ipsum damnum aliter vitari nequit, aut certè non nisi magna cū difficultate.

4. Hinc S. Doct. in 4. distinct. 29. quæst. 1. art. 2. ad 3. benè ait, quod infamia, quamvis sit magnum damnum, tamen mei de facili occurri potest; & ideo non reputatur cadens in constantem Virum metus infamiae secundum jura, sed à contraria ratione in casu, quò vix aliter infamiae posset occurri, dicendum videtur, ejus metum cadere posse in virum Constantem.

5. Ut plurimum ergò, ut docet ibidem ad secundum S. Tho. Quædam sunt corporalia damna inter præcipua, quæ ad personam pertinent

tinent, quorum potest cadere metus etiam in constantem virum, nec refert, ut idem subdit; utrū hęc pertineant ad personam propriam; vel Uxoris, Filiorum, & huiusmodi. Hęc autem sunt Mors, Verbera, Dehonestatio per stuprum, & servitus, unde verius.

Stupri, sive status, Verberis atque Necis.

Fusè de his agit Azor. loco citato. Hic tantū noto, nomine stupri venire, quācunque impudicam violationem, puta adulterium, & nomine servitutis diuturnum quoque, ac pœnosum carcerem, secus autem, si ad breve tempus, aut non cum magno incommodo, quis detineretur, hęc enim Virum constantem non urgent. Nomine demū verberis, non levis percussio, sed gravis afflictio intelligenda est, ni fortè dignitas personæ, levem quoque de se, meritò gravem iudicare, compellat.

6. Quamvis autem diminuat metus voluntarium, non tamen illud tollit; unde facta per metum, ut ex Philosopho docet S. Thom.

prima 2. quæst. 6. art. 6. Mixta sunt ex voluntario, & involuntario; id enim, quod per metum agitur, in se consideratum, non est voluntarium, sed fit voluntarium in casu, scilicet ad vitandum malum, quod timetur, sed si quis rectè consideret, magis sunt huiusmodi voluntaria, quàm involuntaria. Sunt enim voluntaria simpliciter, involuntaria autem secundum quid. Hęc sunt verba formalia S. Doct. ex se satis clara.

Projiciens enim, v. gr. merces tempore tempestatibus ad vitandum mortis periculum, secundum se quidè, & præscindendo à periculo, nollet certè projicere, at verò hic, & nunc absolutè, & efficacitèr vult, & de facto projicit, unde talis projectio est ab eo efficacitèr volita, & nolita solū ineffacitèr, & conditionatè, si periculum, & necessitas urgeret; quòd autem efficacitèr est volitum, absolutè, & simpliciter voluntarium est; nolitum verò ineffacitèr, & conditionatè involuntarium est secundum quid tantū. Involuntarium, inquam, nam de facto repugnans, & di-

displicens in se voluntati, quamvis ex adjuncto periculo ei placitum, & conforme, ac proinde simpliciter voluntarium in casu.

7. Quòd si jura, invalida, & nulla decernunt plura facta per metum, præcipuè cadentem in cōstantem virum, putà matrimonium, & solemne votum Religionis; id non est, quia censeat, hujusmodi simpliciter voluntaria non esse, ac perindè invalida per se, attento præcisè naturali jure. Verùm quia optimè ad inconveniētia vitanda, ut benè potest, ad eorum validitatem, Ecclesia vult præterea, quòd sine metu fiant; sicut insuper statuit ad matrimonii valorem, præsentiam requiri Parochi, & duorum Testium, quæ jure naturæ non exigebantur.

8. Hæc autem ità se habent, ait Gonet in man. tract. *de volunt. & involunt.* cap. 3.

§. 1. quando obiectum, quòd per metum eligitur, est malum secundum se, solumque boni, & eligibilis rationem habet ad vitandū majus malum, ut in allato exēplo de projiciente mer-

ces. Secus verò, si obiectum sit bonum secundum se, & absolutè, tunc enim, licet ex metu gravis dāni, quòd timet, moveatur quis ad illud eligendum, cū & in ipso boni rationem inveniat secundum se, non est, cur actum etiam inefficacis nolitionis ad illud habeat, v. gr. Si quis ex metu æternæ damnationis moveatur ad observantiam mandatorum Dei, non indè colligi debet, involuntarium illi esse, nec etiam secundum quid; quavis enim ex tali metu, ad observantiam excitetur, quia tamen ipsa mandatorum Dei observantia, præciso quoque metu, bona est in se, & nullatenus mala, non est, quare Voluntas ipsam nolit, eique repugnet.

9. Nec aliquid obstat, quòd Intellectus ex repugnantia sensuum possit aliquid mali, saltè contra ipsorum sensuum delectationem in tali observantia apprehendere, ac per consequens adhuc aliqua repugnantia in voluntate remanere, hoc, inquam, non obstat. Ex quò enim voluntas rationi superiori ad-

hærens, honestum bonum amplectitur, illudque sequitur efficaciter, quod in ipsa ex rationis inferioris apprehensione, aliqua renitentia remaneat, non licet inde colligere, quod honestum bonum, involuntarium sit illi, nec quidem secundum quid. Aliàs vix aliqua daretur actio virtuosa, & honesta, perfectè voluntaria, cum vix aliqua sit, cui sensus, & proinde ratio inferior aliquo modo non repugnet. Imò Dominus Jesus, qui perfectissima, & intentissima voluntate pati, & mori voluit, ex inferioris portionis repugnantia de ipsa morte tristatus est. Huiusmodi enim repugnantia, tota ex animali, & inferiori ratione procedit, quàm voluntas ductu superiori efficaciter vincit, ac repellit. Unde quò major est repugnantia ista, eò intentius in honestum fertur Voluntas; tantùm abest, quod voluntarium diminueat.

Cùm autem in objecto, quod ex metu relinquit, veram boni rationem invenit, aut mali in objecto, quod ex metu eligit; nec il-

lud secundum se respicit, neque hoc secundum se amplectitur, sed solum, ut periculū vitet, quod metuit, & quidem cùm actuali displicentia, & tristitia, & idèò verò aliquo modo involuntariè.

10. Id maturè advertendum censui, & magis insuper explicandum propter poenitentiae Sacramentum, ad quod licet ex communiori Theologorum sensu valdè conformiter doctrinæ Sac. Conc. Trid. sess. 14. c. 4. sufficiat, poenitentem accedere cum attritione supernaturali, puta ex Gehennæ metu concepta; illa tamen debet omnem affectū, & voluntatem peccati excludere, ut ibidem Concilium docet. Quarè, si quis de peccato doleret, ab eoque abstinere ita ex puro metu Gehennæ, quod si Gehenna non esset, peccatum sibi placeret, ac utique vellet peccare, certè illi dolor, & abstinencia ista, involuntaria esset saltem secundum quid, nec bona, nec sufficiens ad Sacramentum, quia cum affectu ad peccatum.

11. Verùm tamen non est, ut contendunt adversarii, quòd semper hujusmodi attritio implicite, & virtualiter involvat conditionatā hanc voluntatem, & affectū peccandi, si poena non esset, ut enim docet optimè Gonet tract. *de pœnit.* cap. 4. §. 6. quamvis respuens objectum sibi aliàs beneplacitum ex metu gravis damni, aut periculi, possit, & ut plurimum adhuc retineat affectū illum, & voluntatem conditionatam non respuendi, si periculum non adesset; id stare non potest, cū affectus iste, & conditionata Voluntas, impeditiva est finis, ad quem consequendū eligitur, ut medium, fuga, seu dimissio talis objecti. Ex quo enim Voluntas efficaciter vult finem, vult consequenter, & media sibi proposita, ut necessaria ad finis consecutionem; aliàs Voluntas efficax non esset. Cū ergo affectus iste, & voluntas etiam conditionata peccandi, peccatum sit, & impeditiva evasionis Gehennæ; ac per consequens depositio talis affectus, necessarium medium ad Gehennam vi-

tandam; implicat in terminis, quòd quis efficaciter Gehennam vitare velit, & affectum peccandi, etiam conditionatum retineat.

12. Vel fortè cū eodē Gonet loco cit. ex tract. *de Volunt.* admitti poterit, aliquid involuntarii adhuc remanere in hujusmodi pœnitente, non quidem respectu formalis peccati, & ut quid est lege divina prohibitum, sed præcisè respectu materialis, & entitatis illius, ratione cujus, & non ratione deformitatis est appetibile, & aliquam in voluntate relinquit propensionem ad ipsum. Id autem non est, affectum, neque conditionatum retinere ad peccatum, sed præcisè ad entitatē ejus, quàm nihilominus, quia cū peccati malitia cōjuncta est, respicit efficaciter, quòd nullum videtur malū. Sicut displicentia quædam, & tristitia in mandatorum Dei observantia, si quidem esset de actu, quatenus à Divina lege præcepto; mala utique esset, & illicita; Secus verò, si tantum ratione laboris, aut fastidii actū comitatis, præcisò respectu

ad legem, ut patet in tristitia, quam in horto Christus Dominus habuit.

13. Observandum insuper cum eodem Gonet loco mox citato; aliud esse, aliquid fieri ex metu; aliud verò cum metu; particula enim, cum, solam concomitantiam importat; ly verò, ex, causalitatem dicit; Tunc igitur verè aliquid ex metu fieri dicitur, quandò metus est causa impellens ad actū, ità ut quis ad operandum ex ipso metu moveatur, quod aliàs non operaretur. Et hoc propriè, actum reddit secundum quid involuntarium. At verò, quando metus comitatur solùm operationem, non autem ad illam movet, nullo modo voluntarium diminuit; quin imò; signum est perfectæ voluntatis. Huiusmodi enim metus potius ab operatione retrahit; quàm ad ipsam impellat; undè si, non obstante metu; quis operetur, signum est perfectæ, & intensæ voluntatis, quam, nequit, metus ipse, retardare. Sicque martyres, quamvis cum mortis metu fidem confiterentur, non tamen ex metu,

sed ex amore Dei, à quo per metum nullatenus distrahi poterant, ac proinde omnino voluntariè confitebātur.

14. Denique licet Bonac. disp. 2. de pecc. quæst. 8. punct. 2. doceat, quòd metus regulariter excusat à trāsgressionē legis humanæ, sive Civilis, sive Canonice; imò etiam naturalis, & Divinæ, quæ tamen aliquid nō prohibet de se intrinsecè malum; quod ferè idem Azor. docuit p. p. libr. 1. cap. 11. Plures citans DD. Id absolutè verum non est, ut fusè docet, ac probat Cajet. prima 2. quæst. 96. art. 4. & 2. 2. quæst. 125. Nam, ut idem ait, secundum veritatem, universaliter lex præceptiva, etiam ad mortem obligat pro sui observatione. Verùm nihilominus est, subdit benè Cajetanus, quòd in casu lex non obligat ex benignitate legum. Dum igitur quis in gravi aliquo periculo constitutus, contrā præscriptum legis operatur, excusari quidem poterit, at non ex metu, sed ex lege ipsa, quam velle, cum tanto onere obligare, credibile non est, ut benè idem ait

Bo-

Bonac. Quarè, nec propriè talis dicendus est à trāsgressione legis excusari, quia nec propriè contrā legem facit. Sed de hoc latius suo loco.

§. V. De Concupiscentia, aliisque passionibus.

SUMMARIUM.

1. *Concupiscentia nunquam facit involuntarium, licet aliquo modo voluntatem inficiat.*
2. *Renitentia, quam habet Agens ex passione, non ab ipsa, sed aliundè procedit.*
3. *Non est simile de metu, cui ex propria natura involuntarium adjungitur.*
4. *Explicatur magis idipsum.*
5. *Concupiscentia magis facit voluntarium.*
6. *Minuit tamen, & quandoque tollit rationem voluntarii perfecti.*
7. *Præcipuè libertatem inficit, unde minuit, vel tollit culpam, si antecederet se habeat, secus verò, si consequenter.*

1. **E**X alio capite, cum voluntario pugna-

re videtur concupiscentia, vel etiam quælibet alia passio vehemens, puta Ira; hæ enim cognitionem obnubilant, ut de se patet. Licet autem aliquo modo voluntatem inficiant, nullatenus tamen de se involuntarium causant, non enim faciunt, quòd Voluntas in aliquod sibi repugnans feratur, quod est de ratione involuntarii; sed potiùs, quòd inclinetur ad volendum id, quod concupiscit.

Ubi nota, quod etsi aliquandò agens ex passione velit aliquid, quod priùs nolebat, & ad volendum à passione ipsa trahatur; non indè sequitur, id esse ullatenus, nec secundùm quid involuntarium; ad hoc enim requiritur, quòd Voluntas, dum actualiter vult, cum aliqua renitentia, & affectu ad oppositum, feratur in objectum, ut contingit in metu; dū enim actualiter Mercator projicit merces, nollet de facto projicere, & cum displicentia, & tristitia projicit. At verò concupiscentia, & idem dic de alia passione, quamvis mutet voluntatem; & inclinèr ad

volendum; quod priùs volebat; ipsa tamen Voluntas ita per passionem inclinata, non cum renitentia, & tristitia, sed cum delectatione potius in illud fertur.

2. Quod si quandoque in voluntate, sic per passionem tracta, dum adhuc actualiter in huiusmodi fertur objectum, renitentia, quædam, & displicentia remaneat, ac per consequens aliquid in actu, sit admixtū involuntarij; putà si Avarus ad voluptatem pecuniam expendat, quamvis tractus delectatione, pecuniam effundat, tristitia tamen, & displicentia effundit. Hoc nihilominus, non à passione, sed aliundè procedit; passio namque nil aliud facit, quam inclinare voluntatem, & per consequens, quod voluntariè omninò, ac delectabiliter in objectum feratur, undè per accidens omninò est. Et aliundè, quàm à concupiscentia, vel passione procedens, repugnantia, vel tristitia comitans actum, putà ex avaritia ipsa adducto exemplo.

3. Neque dicas, hoc pariter dici posse de metu, qui

de se habet inclinare voluntatem ad periculi fugam, quod omninò spontè, & delectabiliter Voluntas amplectitur, quòd autem ad periculum vitandum necessariū sit medium voluntati repugnans, hoc per accidens est, nec à metu procedit. Valde namque dispar est ratio. Etenim ex ipsa metus ratione habetur, quòd Voluntas impellatur ad eligendum, quod aliàs nollit; hoc verò non importat concupiscentia, vel passio alia, sed solum habet secundum se trahere voluntatem, & modo quidem connaturali.

Hoc autem ideò, quia huiusmodi passionessè, & secundum se, malum non respiciunt, sed bonum delectabile, aut sensui conveniens. Ad bonum autem spontè currit voluntas, ad illūque adipiscendū, spontè movetur ad eligenda media congrua, & conducentia. Quare si in ipsis aliquid inveniatur ex alia parte repugnans, hoc per accidens se habet ad concupiscentiam: at verò metus objectum, est malum difficile ad vitandū, & perindè, ut vitetur, de se habet

habet inclinare voluntatem ad eligendum minus malū, quod secundum se ipsi voluntati repugnat, solumque ad majus malum fugiendū eligitur; involuntarium ergo, quod in factis per metum reperitur, non per accidens adjungitur, sed ex ipsa metus natura. Ex quo fit, metum propriè quodammodo involuntarium causare, non autem concupiscentiam, aut aliam passionem; Sed si aliquid involuntarii contingat, aliundè per accidens advenit.

4. Et licet præter metū, aliæ quoque passiones malum respiciant, puta odium, non tamen habent de se voluntatem inclinare ad aliquid sibi repugnans eligendum, ut contingit in metu; sed potius illi consonum, & beneplacitum. Non enim minus naturaliter movetur appetitus ad prosequendū bonum, & sibi conveniens, quàm ad fugiendum, & repellendū sibi disconveniens, & malum. Quod quidem facit metus quoque, cum hac tamen differentia, quod metus jam supponit in voluntate repugnantiam ad id,

quod per metum eligere compellitur, ad majus malum vitandum, hoc autem non important aliæ passiones.

5. Quare S. Thom. *prima 2. quæst. 6. art. 7.* docet expressè, concupiscentiam, non solum non causare involuntarium, sed magis facere voluntarium; per concupiscentiam enim Voluntas magis inclinatur ad volendum id, quod concupiscit, in quo consistit ratio voluntarii. Et hoc idem de aliis passionibus est dicendum, quæ non minus, quàm concupiscentia, voluntatem inclinant.

6. Cum quò tamen stat, quod ipsa concupiscentia, & cæteræ passiones, ex ea parte, quæ cognitionem perturbant, ipsam rationem, & conditionē perfecti voluntarii diminuunt; immò tollant, si totaliter cognitionē intellectus auferant, ut contingit in his, qui ex concupiscentia, vel ira incidunt in amentiam, ut subdit S. Doct. loc. cit. ad 3. Præcisè ergo ratio voluntarii consistit in eo, quod potentia, & vis appetitiva spontè feratur,

ratur, ac tendat in objectum; undè quo majori conatu, & propensione fertur in illud, eò magis actus est voluntarius. Addit autem supra hoc, voluntarium perfectum, quòd ex perfecta cognitione procedat; ac proindè quamvis ex passione trahente voluntatem, augeatur absoluta ratio voluntarii; minuitur simul specialis ratio voluntarii. Simul enim utrumque facit passio, & quòd voluntas majori propensione, & conatu feratur, & quòd ex imperfecta cognitione procedat.

7. Specialius autem passionis vehementia libertatè inficit, ut patet in motibus primò primis, qui necessarii sunt, non liberi, ut supra diximus; & motibus etiam secundò primis, in quibus perfecta deliberatio esse nò potest; quare tollit pariter, vel minuit rationem culpæ.

Ubi tamen adverte cum S. Doct. *prima 2. quæst. 77. art. 7.* hoc totum verum esse, de passionibus antecederet se habentibus, hoc est quando præveniunt actum rationis, & voluntarii, ita ut sit ipsa passio inclinans,

& trahens voluntatem; scus verò, quandò passio consequenter se habet; hoc est, quandò non passio, sed è contrà voluntas, aliquid vehementer appetens, excitat ipsam passionem in appetitu sensitivo; tunc enim passio supponit jam, rationis deliberationem, & voluntatis motum, undè nec tollit, nec minuit, imò potius augeat peccatum, vel est signum magnitudinis ejus, ut loquitur Sanctus Doctor.

5. VI. De Ignorantia.

SUMMARIUM.

1. *Duplex est ignorantia, juris, & facti, seu universalis, & particularis, quæ ignorantia dicitur mala electionis.*
2. *Ignorantia alia vincibilis, alia invincibilis, culpabilis, & inculpabilis.*
3. *Ignorantia tripliciter ad voluntatem se habere potest antecederet, concomitantet, & consequenter.*
4. *Antecederet facit involuntarium, & excusat à culpa.*
5. *Concomitantet, non facit in-*

voluntarium, sed non voluntarium, neque accusat, neque excusat.

6. *Consequens, si directè voluta sit, dicitur affectata, si indirectè cum magna incuria, dicitur crassa, supina, si verò tanta non sit negligentia, crassa non erit, sed tamen culpabilis.*
7. *Triples hæc ignorantia potest esse, iuris, & facti.*
8. *Omnis talis ignorantia consequens, facit secundùm quid involuntarium.*
9. *Licet minuat præcipuè, si non sit affectata, non penitus excusat.*
10. *Ignorantia, quamvis privatio sit, in moralibus dici potest causa per se.*
11. *Ignorantia ex actuali oblivione antecedens est, nisi culpabilis inconsideratio, ad consequentè reducat.*
12. *Regula generalis. Ignorantia non culpabilis, facit semper involuntarium, & excusat.*
13. *Quilibet Christianus explicitè scire tenetur principaliora Fidei mysteria.*
14. *Simplex autem illa non tenetur scire distinctè.*
15. *Quilibet scire tenetur per se nota de jure naturæ, &*

quæ ex ipsis facillimè innotescunt.

16. *Tenetur quisque scire, quodad humana jura, quæ communiter, ut plurimum sciuntur ab omnibus.*
17. *In triplici causa dari potest prædictorum ignorantia inculpabilis.*
18. *Tenetur confessarius, de his pœnitentem interrogare, nisi prudentialiter supponat, illa scire.*
19. *Præterea tenetur quilibet scire, quæ ad proprium statum pertinent.*
20. *Quam diligentiam quisque adhibere teneatur ad prædicta scienda.*

1. **C**UM Voluntarium, ut sæpè diximus, cognitionem supponat, nil enim volitum, quin præcognitum, specialem cum voluntario habet oppositionem. Ignorantia, quæ Carentia est Scientiæ, & cognitionis, de quâ plura summistæ, verbo ignorantia, & Theologi in tract. de volunt. Et de peccatis: fusè quoque Azor. part. 1. lib. 1. cap. 12. & seq. Nos verò hic breviter aliqua magis necessaria perstringemus.

Duplex igitur in primis est ignorantia. Una dicitur ignorantia juris, dum scilicet quis ignorat legem, & juris dispositionem, puta si quis ignoret, excommunicatum, vitandum esse. Alia dicitur ignorantia facti, cum ignoratur aliquod particulare hic, & nunc; puta si quis ignoret, Titium esse excommunicatum. Et coincidit hæc divisio cum alia, quæ tradi solet, ignorantia scilicet universalem, seu carentiam scientiæ universalis, & veritatum in communi, abstrahendo ab actuali exercitio; & ignorantiam particularem, quæ, & malæ electionis dici solet, quæ scilicet ignoratur, quod hic, & nunc scire oportet ad eligendum, & prudenter operandum, quamvis fortè ignorantia malæ electionis propriè non dicatur, nisi dum adest debitum considerandi actualiter, ut insinuat S. Doct. *prima 2. quæst. 6. art. 8.*

2. Dividitur insuper in vincibilem, quæ scilicet diligentia, & studio vinci, & superari potest; & invincibilem, quæ vinci moraliter non potest. Ex quo fit, quòd

omnis invincibilis ignorantia sit inculpabilis, nemo siquidem culpari potest in eò, quod in ejus potestate non est.

Vincibilis autem, culpabilis erit, si sit ignorantia eorum, quæ quis scire tenetur; Secus verò, si sit eorum, quæ quis non tenetur scire, ut docet S. Thom. *prima 2. quæst. 76. art. 2.* & alibi, & patet; nam culpa supponit legem, quam transgreditur, lex autem debitum imponit, ac per consequens, ubi non est debitum, neque lex, & consequenter, nec transgressio, vel culpa.

3. Porro, cæteris omis-
sis, cum eodem S. Doct. *q. 6. art. 8.* advertendum, quòd ignorantia, quæcunque illa sit, tripliciter se habere potest ad voluntatem, scilicet antecedenter, concomitanter, & consequenter.

4. Antecedens dicitur ignorantia, cum prævenit actum voluntatis, & nullo modo volita est, & nihilominus est causa volendi aliquid, quod aliàs non vellet, posita scientia, & cognitione; puta cum quis adhibita congrua diligentia, sagittam

tam projicit, ignorans, hominem transire, ipsumque interficit. Et hæc ignorantia facit actum simpliciter involuntarium, & consequenter à culpa excusat.

5. Concomitans ignorantia est, cum actum quidem comitatur, ad ipsum verò nil refert, sed per accidens omninò se habet, ut cum ignoranter quidem agitur aliquid, quod tamen, etiam si sciretur, nihilominus ageretur; sicut dum aliquis cupiens occidere hostem, ignorans occidit eum, putans occidere cervum. Et talis ignorantia non facit involuntarium, ut cum Philosopho docet S. Doctor, quia non causat aliquid repugnans voluntati, quod ad rationem involuntarii requiritur, sed facit non voluntarium; quia non potest esse actu volitum, quod ignoratur.

Et hæc ignorantia, ut ait Cajet. cit. *quest. 76. art. 3.* explicans optimè S. Doct. mentem, non excusat, nequè accusat, sed relinquit actum in sua bonitate, vel malitia, quam habet ex objecto voluto, respectu cujus,

ignorantia voluntarium non tollit; at respectu ejus, quod ignoratur, cum voluntarium, non permittat, ut paret, excusare, necesse est, seu culpam non permittere.

6. Consequens demum, ignorantia dicitur, quæ sequitur quodammodo voluntatis actum, quia scilicet ipsa quoque voluntaria est, & quidem, si directè volita sit, puta dum quis ignorare vult, quod potest, & debet scire, ut liberiùs peccet, juxta illud Psal. 35. *Noluit intelligere, ut bene ageret*; ignorantia dicitur affectata. Si verò indirectè tantum sit volita, dum scilicet non vult expressè ignorare, quæ scire debet, illa tamen addiscere non curat, vocatur ignorantia crassa, & supina, quia scilicet, ex incuria hujusmodi, quodammodo ipsa ignorantia impinguatur, & incrassatur; vel quia ipsi desidiosi jacere soleant supini.

Denique, si aliququaliter addiscere curet, negligenter tamen, & non cum debita, & sufficienti diligetia, ignorantia ipsa, erit adhuc volita indirectè, & culpabilis, licet non crassa; & quidem

G plus,

plūs, vel minūs, juxtā quantitatem negligentiae. Talis enim non facit, quod debet, ut sciat, quā tenetur scire, ac per consequens voluntariē saltem indirectē ignorat.

7. Hæc ignorantiae distinctio, tenēda est pro multorum resolutione, quæ in re morali, & præcipuē censuris, occurrunt. Triplex autem hæc ignorantia, non solum respectu scientiae universalis, verum etiam particularis, contingere proportionabiliter potest, putandum emens scire non vult, an res furtiva sit, ut liberè ipsam retineat, erit affectata. Si verò non velit quidem ignorare directē, nil tamen curet addiscere, & scire, an res verè furtiva sit erit ignorantia crassa; si demum aliquam fecerit, sed non sufficientem diligentiam pro loco, tempore, & cæteris circumstantiis, ad cognoscendum de re, adhuc erit consequens, culpabilis, & voluntaria, licet non crassa ignorantia.

8. Omnis autem hujusmodi consequens ignorantia, reddit quidem actum, quem opposita scientia pro-

hiberet, aliquo modo, & secundum quid involuntariū, quamvis affectata sit. Si enim taliter ignorans, posita scientia, non eliceret actum, actus ipse quodammodo voluntati ejus repugnat, in quo ratio involuntarii consistit. Verum tamen est, quod, si talis in ea esset voluntate, ut adhuc posita scientia, eliceret actū, ratio quoque ista involuntarii secundum quid cessaret, nec enim propriē ignorantia consequens, sed potius esset concomitans.

9. Cæterum absolutè, & simpliciter ex hac ignorantia factum, voluntarium est, ac per consequens ignorantia ista nō excusat à culpa, licet aliquantulum diminuat, præcisè si non sit affectata; plūs, minusque, secundum negligentiae quantitatem, in addiscendo, vel considerando, quā tenetur operans scire, considerare, & advertere. Qui enim vult causam, ex consequenti vult etiā in ipsa causa effectū ex ea secutū; hæc autē ignorantia simpliciter est volita saltem indirectē; ergo & effectus inde secutus, volitus erit.

10. Ne

10. Ne autem fallaris ex tradita doctrina superius §. 2. quâ diximus, effectum debere per se ex causa sequi, ut in illa dicatur volitus; ignorantia verò, cum sit privatio, & carentia scientiæ, non potest esse causa per se, sed tantum per accidens, sicut remotio prohibentis, ut optimè advertit S. Doct. *prima 2. quæst. 76. art. 1 ad 2.* Ut enim subptiliora, cathedrę relinquamus; ad propositum, causam per se intelligimus, non quod propria virtute causet, & influat in effectum; sed quod cum illo, non ex aliquo accidenti, casu, vel fortuito connectatur; verum ex propria illius natura; effectusque de se, & ut plurimum ex ea sequi natus sit, quamvis contingere possit, quod non sequatur, ut ibidem explicuimus; quod benè convenire potest etiam causæ, aliàs per accidens, metaphysicè loquendo.

11. Ex his ergò collige cum Cajet. *prima 2. quæst. 6. art. 8.* quod cum aliquis jam scit habitualiter, quod scire tenetur; ac postmodum in aliquo particulari casu, ex

actuali oblivione non meminit, & ignoranter operatur; ignorantia hæc actualis, antecedens est reputanda, & per consequens involuntarium reddet actum ab illa procedentem, & à peccato excusabit; omnium siquidem reminisci, supra hominis est facultatē, nisi fortè culpabilis incōsideratio, ipsā ad cōsequentē reduceret.

12. Ut enim idem optimè *quæst. 76. art. 3.* pro generali tradit regula. Ignorantia ex parte rei ignoratæ tantum, non ex parte ignorantis, hoc est non culpabilis, quod idem est, ac dicere; ignorantia, quâ quis ignorat, quod scire non potest, aut non tenetur, facit semper involuntarium, & à peccato excusat id, quod est proprius effectus ignorantie, sive det operam licitæ rei, sive illicitæ. Undè Judas cognoscens Thamar Nukum suam, quam talem nesciebat, sed meretricem omninò credebat, excusatus est ab incestu, qui proprius fuit effectus ejus ignorantie; non autem à fornicatione, quam voluntariè committebat.

G 2 Hoc

Hoc autem ideò, quia voluntarium esse nō potest, ac proinde, nec peccatum, quod quis ignorat, & non tenetur scire.

13. Pro coronide tandē hujus doctrinæ, breviter notandum est, quid quisque teneatur scire, de quò plura Syl. V. Ignorantia, & Fides. Mag. Ban. 2. 2. *quest. 2. art. 8. dub. 2.* Azor. ubi supra, & alii, ex quibus hæc magis certa libavimus. Ac primò circà Fidem, quilibet Christianus explicitè scire tenetur; Quòd Deus est, quòd Mundi Creator, & quòd bonorū, & malorum, Remunerator est. Insuper quod Providentia ejus, cuncta reguntur. Item, quòd unus, & trinus est. Explicitè quoque scire debet Incarnationem, Nativitatem ex Maria Virgine, mortem, & Resurrectionem Jesu Christi Domini nostri, Sacramenta itē Baptismi, Eucharistiæ, & Poenitentiae.

Uno verbo, ea omnia, quæ communiter quilibet scit Christianus timoratae conscientiae, ut Symbolum Apostolorum, Orationem Dominicam, & Præcepta

Ecclesiæ. Cætera verò fidei, sufficit, quòd implicitè sciat credendo scilicet omnia, quæ Sancta Mater Ecclesia credenda proponit, inquam firmiter omninò credere debet, ut in hac explicita Fide, implicitè credat cætera.

14. Dixi autem explicitè, non distinctè; quia excusari à culpabili negligentia non potest, qui prædicta, saltè in confusò addiscere non curat. Non tenetur autem simplex Christianus, distinctè hujusmodi Mysteria scire, quod nimis esset difficile. Sufficit verò, quod sciat, v.g. Deum esse unum, & trinum, & quod Pater non est Filius; licet postea nesciat explicare, quomodo Pater à Filio distinguitur, & quomodo in unitate essentiae, Trinitas ipsa consistat Personarum; quæ omnia in Fide Ecclesiæ sufficit ipsi credere. Ad prædicta siquidem explicitè credenda, omnes universim teneri, communis est Theologorū sensus, & meritò damnata sententia, quod sufficiat solùm credere in communi, quæ credit Ecclesia.

15. Tenetur insuper sci-

re quilibet ea, quæ de jure naturæ, per se nota sunt, aut certè ex per se notis facillimè innotescunt; ut sunt; Quod tibi non vis, alteri nè feceris. Unicuique Jus suum tribuendum, bonū sequendum, malum autem fugiendum; ex quibus, Decalogi præcepta colliguntur. Ea verò, quæ non ità facilè, & perspicuè, ex per se notis inferuntur, ut lucrum ex Mutuo non exigendum: Iniurias non ulciscendas, & similia, non adeò strictè rudiores, ac simplices tenentur scire, quin possit in ipsis quandoque ignorantia excusari; cum hujusmodi, & viri aliàs docti, multoties ignorent, ut Cassianus, Origenes, & Plato putaverunt, teste Azor. licere quandoque uti mendaciò, ad majus malum vitandum.

16. Eriam quòad humana jura, tenetur quilibet ea scire, quæ communiter, ut plurimùm sciuntur ab omnibus. Et hæc omnia ità quilibet scire tenetur, ut si ex horum ignorantia peccet, non excusetur.

17. In duplici tamen casu, puto, dari posse incul-

pabilem prædictorum ignorantiam. Primò si baptizatus Infans, ad partes infidelium asportetur, hic enim ad usum rationis perveniens, inculpabiliter ignorabit omnes fidei articulos. Secundò: si quis propriam ignorantiam, & negligentiam recognoscens, coneratur, ac doleat, proponatque de cætero diligenter inquirere, & addiscere, quæ debet; tunc enim jam ignorantia, illi voluntaria nō erit; sicque pro interim, usque dum instruat, inculpabiliter ignorabit.

Adde quoque si vis, tertium, dum quis adhibita sufficienti diligentia, nō potuit addiscere. Casus tamè hic, nisi ad breve tempus, videtur moraliter impossibilis, cum omnia prædicta, quòad substantiam, & inconfusò, facillimè possit quantumcūque rudis addiscere, modò sit rationis cōpos.

18. Quare admonet serio Mag. Bah. teneri confessarios, nisi probabiliter supponant poenitentes ea scire, ipsos interrogare, de fidei Misteriis, quæ diximus teneri

neri quolibet explicitè credere.

19. Præter hæc autem, scire tenetur quilibet eâ, quæ ad proprium pertinent statum, vel necessaria sunt ad prudenter agendum, quæ debet, vel etiam spontè vult operari.

20. Ultimò notandum, ad quam diligentiam quisque teneatur, ut prædicta necessaria discat. Breviterque dicendum, quòd Mulieres, rustici, aliique simplices, frequentare debent conciones, & Ecclesias, ubi talia docentur: interrogare quoque peritiores. Alii au-

tem insuper, pro modò, & conditione studere tenentur, virosque doctos consulere, juxta personarum qualitates. Quòd si quis, hujusmodi sufficienti adhibita diligentia, quædam scire adhuc nequiverit, ignorantia, illi pro tunc non erit culpabilis. E contra verò negligens addiscere, quæ tenetur, ex hoc ipso peccat, ut benè notat Azor. ubi supra c. 12. etiam si ex hujusmodi ignorantia, nil mali agere contingat. Ignorantia enim ipsa, peccatum est, ut docet S. Thom. *prima 2. quæst. 76. art. 2.*

C A P U T III.

De Multiplici Voluntatis actu.

§. I. *Omnes Voluntatis actus enumerantur.*

SUMMARIUM.

1. *Omnes Voluntatis actus est circa finem, vel media.*
2. *Duplex finis, ultimus, & intermedius.*
3. *Ultimus finis adhuc duplex, ultimus absolutè, & ultimus in proprio genere.*

4. *Finis ultimus absolutè itè duplex, formalis, & materialis.*

5. *In re, solus Deus est finis ultimus, apparenter verò, & in apprehensione, multiplex esse potest.*

6. *Tres voluntatis actus circa finem.*

7. *Tres item circa media.*

8. *Præter hos, datur consiliū, intellectus, & imperium.*

1. Cum

1. **C**UM, ut prænotatū est, voluntatis obiectum sit bonum; bonum autem vel finis, vel medium: hoc est, vel appetibile propter se, quod est de ratione finis, vel solū propter aliud, quod est, esse medium. Hinc fit, quod omnis actus voluntatis, vel est circa finem, vel circa media. Nolumus enim disputare modò, an detur actus neuter, qui scilicet, nec sit finis, nec medii; nihil enim ad nostrum intentum.

2. Sed pro clariori, & pleniori dictorum supra, & dicendorum intelligentia, notandum; duplicem esse finem, alium ultimum, qui scilicet propter se appetitur, non propter aliud, & cetera propter ipsum; alium verò intermedium, qui licet propter ulteriorem finem appetatur, adhuc tamen aliqua propter ipsum appetuntur.

3. Insuper finis ultimus adhuc duplex, alius ultimus absolutè, & simpliciter, ad quem omnia ordinantur, & ipse ad nihil; alius ultimus in proprio genere; seu determinata materia: puta

Deus est ultimus finis simpliciter, propter quem omnia volumus, aut velle debemus, & ipsum tantū propter ipsum. Sanitas autem, v. gr. ultimus quidem est finis Medicinæ, propter quem omnia medicinalia appetuntur, attamen, & ipsa Sanitas ad Deum ordinatur.

4. Iterum, finis quoque ultimus absolutè duplex est: formalis scilicet, & materialis: finis ultimus formalis, nihil aliud est, quàm quædam ratio, & formalitas, vi cuius habet ipse finis ultimus, quòd omnia ad ipsum ordinentur; hoc autem non est aliud, quàm ipsa Beatitudo formalis, & perfecta bonitas, ut sic; ad hoc enim quisque particularia vult bona, ut demùm perfectus esse possit, & beatus.

5. Ultimus verò finis materialis, est id, in quo talis perfecta bonitas, & Beatitudo reperitur; qui licet in re sit solus Deus Opt. Max. vera, & indeficiens Beatitudo, & bonitas; apparenter nihilominus, & in hominum apprehensione, multiplex

plex nimis esse potest, prout quisque in hoc, vel illo objecto, suam constituit beatitudinem; juxta quod dici solet, quod mortaliter peccans, illam creaturam, quam inordinatè diligit, pro suo habet ultimo fine. Undè ait August. tract. de Epic. & Sto. cap. 3. *qui malus est, malus non esset, nisi indè, se beatum esse posse, speraret.*

6. Actus igitur à voluntate ipsa elicit, sex communiter assignantur, tres videlicet, circa finem, tres circa media. Circa Finem est simplex volitio, quæ multoties absolute Voluntas appellari solet, intentio, & fruitio. Etenim voluntas, finem ipsum, vel appetit simpliciter, & absolute, seu de illo simplicem habet complacentiam, & sic est simplex volitio. Aut illum efficaciter vult assequi per media, & sic est intentio; vel in ipso jam habito quiescit, & sic est fruitio.

7. Circa media pariter triplex est actus, Consensus, electio, & usus. Vel enim ipsa vult simpliciter, & absolute, seu sibi placent, & sic est consensus; vel unum

vult medium præ alio, & sic est electio; vel ad executionem applicat, seu potentiam executivam applicat, ad medium jam electum, exequendum, & sic est usus.

8. Cum autem, ut sæpè dictum est, ab Intellectu dependeat Voluntas in suis actibus, tanquam à sibi proponente objectum; objectum verò non semper determinatum sit; hinc est, quod præter simplicem cognitionem, quæ necessariò, quemcunque voluntatis actum debet præcedere, necessarius est, præcipuè circa media, Intellectus actus, determinans ipsum objectum, qui consilium dicitur, quo Intellectus inquit congrua media, & quod eligendum sit, judicat, ac determinat.

Rursùm etiam, quia voluntatis appetitus rationalis est omnino sequens rationis ductum, & directionem; in ipsa executione, alio indiget actu Intellectus, quo dirigatur; & hic vocatur imperium. Quæ omnia, mox singulatim explicabimus.

§. II. Explicantur singuli
actus, & per illos vo-
luntatis processus.

SUMMARIUM.

1. Differentia inter simpli-
cem volitionem, & inten-
tionem.
2. De ultimo fine formali po-
test esse volitio, non autem
intentio.
3. Non est necesse, volitio-
nem, & intentionem sem-
per esse duos actus, entitati-
vè distinctos.
4. Actus proprius circa finē
potest esse circa media, & è
contrà.
5. Ex intentione finis, exci-
tatur intellectus, ad inqui-
renda media.
6. Explicatur quid sit Con-
siliium.
7. Consiliium sequitur con-
sensus.
8. Post consensum, & me-
diorum approbationem ite-
rùm consulit intellectus,
quòd nam determinatè sit
eligendum.
9. Consensus, & electio pos-
sunt in eodē reali actu iden-
tificari, nec tunc requiri-
tur novum consiliium.

10. Præcipuè si unicum tau-
tūm occurrat medium.
11. Discrimen inter consen-
sum, & electionem.
12. Ad executionem requiri-
tur, Imperium ipsam diri-
gens.
13. Tria dicit Imperium;
Directionem, Intimatio-
nem, & Motionem.
14. Motivam vim participat
intellectus à voluntate, un-
dè Imperium est actus in-
tellectus, præsupposito vo-
luntatis actu.
15. Quomodò imperium vo-
luntati attribuitur.
16. Imperium sequitur usus
activus.
17. In latiori acceptione, qua-
cunque potentie applicatio,
usus dici potest.
18. Fruitio tria importat.
19. Propriè de solo est ultimo
fine, esse tamen potest im-
perfectè de intermedio.
20. Licèt multoties prædicti
actus in eodem convenient
materiali, formaliter sem-
per distinguuntur.
21. Explicatur totum exem-
plo.

1. **H**ÆC igitur est dif-
ferentia inter vo-
litionem, & intentionem;
H quòd

58 LUCERNA MORALIS

quòd volitio est simplex cō-
placentia de fine proposito,
inefficax tamen, & præscin-
dens ab ejusdem assécutione;
intentio verò est efficax
voluntas ipsius finis, & con-
sequenter cū ordine ad
media, quibus finem ipsum
consequi potest; qui enim
efficacitèr aliquid vult, ex
consequenti vult omne id,
quod ad ejus consecutionē
necessarium est. Id autem
non ità intelligendū, quod
intentio finis respiciat sem-
per explicitè determinata
media, sed ut plurimū
implicitè, & in communi,
cujus evidens est signum,
quòd ex hac efficaci volun-
tate, & intentione finis, mo-
vetur & excitatur intelle-
ctus ad mediorum inquisi-
tionem.

2. Aliqua hic breviter
notanda occurrunt. Et pri-
mò, quòd volitio potest
quidem esse de ultimo fine
formali, scilicet Beatitudi-
ne, ut sic; intentio autem
non: efficax enim appetitus,
qualis est intentio, ferri non
potest in rem omninò com-
munem, & ab omni subje-
cto abstractam; siquidem
efficax appetitus respicit fi-

nem, ut cū effectu assequi-
bilem; assequibilis autem
non est in abstracto. Verū
tamen est, non requiri ad
appetitum etiam efficacem,
& intentionem, quòd ipsa
Beatitudo explicitè, & for-
maliter, materiali fini appli-
cata proponatur, sed suffi-
cit, quòd virtualiter, & im-
plicitè: v. gr. potest quis in
nullo particulari bono, com-
pletam sui Beatitudinem,
perfectionemque recognos-
cens, ad ipsam perfectam
Beatitudinem appetendam,
illamque efficaciter inten-
dendam excitari, absque eo,
quòd percipiat, vel deter-
minet, in quonam ista per-
fecta Beatitudo consistat;
tunc ergò explicitè nil aliud
quàm Beatitudinē in com-
muni intendet; non tamen
omninò in abstracto, sed in
illo perfecto bono, in quò
ipsa beatitudo reperitur,
quod quia notum adhuc il-
li non est, non potest for-
maliter, & explicitè inten-
dere, benè verò virtualiter,
& implicitè; undè, & ad il-
lud inquirendum movetur.

3. Deindè notandum
cum Magist. Serra *prima 2.
quest. 15. art. 3.* quòd non
sem-

semper est necesse, volitionem, & intentionem, duos actus esse realiter, & entitativè distinctos; at quandoque simul posse identificari; putà si quis ad propositum bonum, statim ad illud efficaciter assequendum moveretur, esset nihilominus tunc actus ille virtualiter duplex cum prioritate naturæ. Ideò enim Voluntas ad intentionem, & efficacem appetitū boni movetur, quia sibi placet, quod pertinet ad simplicem volitionem.

4. Demùm advertet, quòd hujusmodi actus, imò & fruitio ipsa, de qua ultimò dicemus, cùm sit ultimum in processu voluntatis; hujusmodi actus inquā, non solùm de ultimo fine simpliciter, & absolutè, verùm de finibus quoque intermediis, dari aliquo modo possunt. Sicut è contrà de fine ipso, actus proprii circa media, ut infra explicabimus.

5. Itaque Voluntas efficaciter finem intendens, excitat Intellectum ad inquirenda media ad ipsius finis affecutionem conducentia; hinc Intellectus consiliatur,

inquirendo, & judicando, quænam convenientia, & proportionata sint ad finē. Consilium enim, ut ait Cajet. *prima 2. quest. 14. art. 1.* Significat inquisitionē completam, idest usque ad judicium inclusivè. Patet enim, quòd etiam in civilibus, & politicis, vel quibuscunque humanis tractatibus, consilium non censetur completum, usque dum ad judiciū, sententiam, seù deliberationem resolutivam non perveniatur.

6. Sicigitur definiri, & describi potest consilium, ut ad præsens attinet. Inquisitio, & judicium rationis practicæ circa media à nobis apponenda, quando res est dubia, & alicujus momenti. Dicitur judicium circa media, ut enim ait Philosophus 3. *Ethicor. cap.*

3. Consultamus non de fine, sed de his, quæ ad finem tendunt; nam neque medicus, an sanare, neque Orator, an persuadere, neque politicus an bonis legibus Civitatem temperare debeat; neque ex aliis quispian de fine consultat, sed omnes, cum finem quendā

statuerint, quomodò, aut per quæ eum consequi possint, deliberant.

Additur, quæ à nobis proponenda sunt; consilium namque solùm est circa ea, quæ à nobis aguntur, seu curæ, ac dominio nostro subiecta sunt; Galli enim, ait Gonet, non consulunt, quomodò. Indi vivere, aut negotiari debeant.

Denique subditur, quando res est dubia, seu alicujus momenti; nam acta consilio non indigent, ac de parvis non est consultatio, nec vir prudens de illis est sollicitus, parùm enim, vel nihil refert, quòd sic, vel sic agantur, aut contingant; undè proloquium. De minimis non curat prætor.

7. Consilium, scilicet inquisitionem, & Judicium Intellectus, sequitur consensus voluntatis approbantis media, quæ, ut ad finem conducentia, sibi ab intellectu proponuntur; est enim consensus complacentia, & adhæsiō quædam voluntatis ad id, quod intellectus judicat expediens.

8. Quia verò, adhuc approbatis mediis proposi-

tis, tanquam convenientibus, determinandum restat, quod nam ipsorum convenientius sit, ac utiliùs; iterùm consulit Intellectus, & judicat, medium ipsum determinando, & voluntati proponendo, quæ rationis ductum sequens, ipsum eligit, ac vult executioni mandari.

9. Ubi notate, quòd sicut de volitione, & intentione dictum est; consensus quoque, & electio possunt quandoque in eodem reali actu identificari, & solùm formaliter distingui; putà si ex pluribus mediis unum tantùm judicetur aptum, & conveniens, quare ait Sanctus Doct. *prima 2. quæst. 1 §. art. 2. ad 3. Si inveniatur unum solùm, quod placeat, non differunt re consensus, & electio, sed ratione tantùm; ut consensus dicatur, secundùm quod præfertur his, quæ non placent.* Undè in tali casu, nec requiritur aliud rationis judicium ad electionem, sed sufficit judicium præcedens consensum, quò scilicet Intellectus judicat medium illud unicum conveniens, utile, & necessarium ad
finis

finis consecutionem .

10. Quod pariter dicendum videtur si unicum tantum absolute occurrat medium intellectui, quamvis enim electio secundum se importet comparationem plurium, ex quibus unum cæteris præferatur; in casu tamen, & defectu plurium, adhuc illud unum occurrens dici potest eligi, absque ullo respectu, vel comparatione ad alia. Sicut electores convenientes ad eligendum Regem, aut Prælatum, si illis unus tantum eligibilis occurreret, verè in ipsum convenientes dicerentur eligere.

11. Hæc igitur est præcipua ratio, & discrimen inter consensum, & electionem, quod consensus est simplex complacentia mediorum, sed inefficax, & præscindens ab executione; quod patet, dum plura media placent, de quibus omnibus adest consensus, non verò efficax voluntas, & appetitus; quinimò ad efficacem voluntatem, executionem respicientem expectatur adhuc iudicium intellectus dictans, quod nam ex

illis eligendum sit, quò habito, relictis cæteris, efficaciter vult, ac eligit voluntas illud, quod Intellectus, ut convenientius, proponit. Electio ergò est efficax voluntas exequendi mediū conducens ad finem; eo prorsus modo, quò volitio est simplex, & inefficax cōplacentia de fine, intentio verò efficax voluntas illum consequendi.

12. Supposita demum efficaci mediū electione, procedit Voluntas ad executionem ipsam; cumque, ut sæpè dictum est, rationis ductum sequatur; indiget alio actu intellectus dirigente ipsam executionem, qui dicitur Imperium; non enim, ut aliqui putant, sufficit ad hoc iudicium practicum electionem præcedens; tale namque iudicium non proponebat media, nisi ut eligenda, vel si etiam, ut exequenda; ipsam tamen executionem non respiciebat, nisi ut futuram, & quasi distantem. Undè sufficiens non est ad regulandā ipsam actualem executionem, sicut ad hoc, ut Princeps actualiter dirigat subditorū operationes, non sufficit, quòd

quòd judicet, ac determinet, quid ipsis agendum sit, sed requiritur, quòd illis intimet, ac præcipiat, maxime propter difficultatē, quæ in operis executione reperitur.

Sicut ergò, quia in executione ipsa, nova se offert difficultas, non sufficit quæcunque efficax voluntatis electio, sed requiritur novus actus, quòd potentias executivas moveat, & applicet, qui dicitur usus, de quò statim: Ita eadem ratione requiritur novus Intellectus actus, qui prædictam regulet motionem, & applicationem, & hic dicitur Imperium; constat siquidem experientia, multos optimè, ac facillimè judicare, consiliari, & eligere, at in executione deficere.

13. Tria verò includit, & dicit Imperium; directionem, intimationem, & motionem. Et quidem, etiam admissò, ad directionē executivam sufficere judicium regulans electionem; illud certè intimationem non includit; Solùm enim proponit convenientiam medii cum fine per modum sim-

plicis enunciationis; Imperium verò per modum præceptivæ, & impulsivæ intimationis, quòd perindè judicium practicè practicum appellari solet. Judicium, inquam, nam etsi formaliter imperium, v. g. Fac hoc, judicium non sit, de cujus ratione est enunciatio, virtualiter tamen judicium includit; æquivaleret enim huic judicio. Hoc tibi faciendū est; cui tamen addit præceptum, & intimationem.

14. Quamvis autem absolute movere, præcipuè ad exercitium, & executionē, propriè ad voluntatem spectet, in qua ratio dominii residet, ac potestatis; hanc tamen vim ab ipsa voluntate participat intellectus per efficacem electionem, qua vult, media executioni mādare; & indè movet intellectum ad imperandam executionem ipsam, quòd non potest de se præstare; cùm imperium ordinationē importet, denunciationem, & intimationem. quæ voluntati competere non possunt.

Intellectus ergò propria virtute ordinat, denunciatur, & intimatur; sed virtute à volun-

lun-

luntate participata movet ad executionem. Undè optimè ait S. Doct. *prima 2. q. 17. art. 1.* quòd imperium est actus rationis, præsupposito actu voluntatis, efficaci nempe intentione finis, & electione mediorum.

Quarè dùm, quandoquè dicitur, quòd Voluntas est illa, quæ imperat, intelligendum est, ut advertit Gonet tract. *de Act. hum.* cap. 8. §. 2. de imperio largè, & improprie sumpto, prout idem significat, ac movere in finem. Vel certè; quòd imperat causaliter, & originativè, quia nempe ipsa Voluntas movet Intellectum ad eligendum actum imperii. Quomodo etiam dici solet, quòd charitas imperat actus aliarum virtutum, quia scilicet ex intentione charitatis omnes virtuosi actus ad ipsum Deum summum bonum ordinantur; qui est charitatis objectum. Vel etiam, quòd actus cujuscunque virtutis, vel vitii imperat actum alterius, putà cùm quis fornicatur, ut furetur, furtum dicitur imperari à fornicatione, quia scilicet ex intentione forni-

candi talis movetur ad furandum. Sic ergò breviter describi potest imperium. Ordinativa intimatio alicujus operis exequendi cum motione quadam.

16. Sequitur imperium aliud voluntatis actus, qui usus activus dicitur, quòd voluntas movet, applicatque in exercitio potentias executivas ad actum imperatum; putà postquam Intellectus imperando intimavit. Eas ad Ecclesiam, Voluntas movet pedes ad ambulandum.

17. Quamvis autem in strictiori acceptione usus tantùm dicatur actus ille, quo post imperiũ ad actuale executionem proceditur; tunc enim proprie aliquo uti dicimur instrumento, cùm illud actualiter exercemus; ad actuale autem exercitium nõ procedimus, nisi post imperium; omnes enim præcedentes actus, nõ actualem executionem respiciunt, sed potiùs ad illam præparatorii sunt. Nihilominus in latiori acceptione usum quoque dicere possumus, quamcunque potentiae applicationem; sicque

que usus etiam dici potest actus, seu motio, quo Voluntas applicat Intellectum ad consulendum, inquirendum, judicandum, & huiusmodi.

18. Denique per medium appositionem sequitur ipsius finis assecutio, quo habito, quiescit quodammodo voluntas, gaudet, ac delectatur de ipso, in quod propriè consistit fruitio; cum enim tria fruitio importet, amorem, possessionem, & delectationem; qui aliquod amat objectum, illud verò non possidet, eò frui non potest, sed benè desiderare; si verò amet rursus, & possideat, de eò autem non delectetur, neque propriè illo fruitur; sicut potionem sumens amaram, quam ob sanitatem desiderat, illa certè non fruitur. Propriè igitur fruitio est delectatio de bono amato, & possessio.

19. Quod licet ultimo tantum fini perfectè conveniat, qui solum perfectè satisfiat, quietatque appetitum, nihilominus fini quoque intermedio competere quodammodo potest, cum etiam ipse terminans voluntatis

motum aliquam ipsi afferat delectationem, & quietem, si non perfectam. Similiter, quamvis ultimus finis Deus ipse perfectus, & summa bonitas, non nisi in Patria clarè visus, perfectè possideatur, ac perindè absolute saturet, & quietet; attamen in via quoque per amorem, & spem quodammodo possessus delectationem, suavemque dulcedinè iustis affert, qui proindè illo; si non perfectè, aliquid, & ut ita dicam, initiativè frui dici possunt.

20. Ex dictis licet colligere, multoties huiusmodi actus inter se confundi, seu potius in eodem materialiter identificari, quamvis formaliter semper diversi sint; cum possit medium habere simul finis rationem, saltè intermedii; undè actus idem, quo medium eligitur, prout est ratio eligendi adhuc medium aliud cōducens ad ipsius executionem, dici potest intentio. Ut autem omnia ferè ad sensum innotescant, exemplo comprobemus.

21. Proponitur cuipiam æterna beatitudo summa, & per-

perfecta felicitas Paradisi , placetque ipsi . En simplex volitio .

Hinc ejus amore , ac desiderio incensus ipsam propriis viribus assequi efficaciter vult . En intentio .

Ex quò Intellectum applicat ad inquirenda media congrua . En usus largè sumptus .

Intellectus inquit , & judicat , ad Beatitudinem consequendam necessarium esse medium , Deo ex toto corde famulari , idque voluntati proponit . En consilium .

Approbat Voluntas , illique benè placet Dei famulatus . En consensus .

Cumque unicum sit medium propositum , simul efficaciter eligit , Deo famulari . En simul cùm consensu electio in eodem actu .

Cumque rursùm varia sint nimis , ac diversa , quibus Deo famulari quis potest , applicat iterùm voluntas Intellectum ad inquirendum , quò medio , quà via congruentius Deo possit famulari . En iterùm usus , & per consequens actus , quo voluit efficaciter Dei famu-

latum , non solum erit consensus , & electio , quatenus Dei famulatum respicit , ut medium conducens ad beatitudinem , sed simul erit intentio , prout est ratio eligendi hæc alia posteriora media cōducentia ad ipsum Dei famulatum , qui simul medium quidem est respectu Beatitudinis , finis tamen licet non ultimus respectu mediorum ad ipsum conducentium .

Inquit ergò Intellectus , & judicat , bonum , ac utile nimis esse , Deo famulari , vel in Xenodochio proximis charitativè inserviando , vel in solitudine jejuniis , ciliciis , ac orationibus jugiter ipsi Deo adhærendo , vel divini verbi prædicatione salutem animarum insisterendo . En iterum consilium .

Voluntati hæc omnia placent . En consensus simplex .

Applicat iterum Intellectum , ut consulat , quod nam ex his utilius expediat . En alius usus .

Consulit , & judicat Intellectus Xenodochii servitutem omnibus præferendam . En aliud consilium .

Voluntas , cæteris omis-

sis, efficaciter vult, Deo famulari, infirmis inserviendo. En electio.

In cujus virtute intellectus imperat. Abi ergo, & fac. En imperium.

Quo Voluntas applicat pedes, manus, cæterasque potentias executivas ad servendum infirmis. En usus propriè, & strictè sumptus.

5. III. *Aliqua specialitèr de consensu, & Delectatione.*

SUMMARIUM.

1. *Nomine consensus intelligitur qualibet voluntatis complacentia iudicium sequens.*
2. *Consensus in rigore iudicium exigit superioris rationis.*
3. *Non potest dari consensus absque advertentia, saltè implicita honestatis, & divinæ legis.*
4. *Consensus duplex, expressus, & implicitus, seu interpretativus.*
5. *Imperfecti motus voluntatis, nomen consensus non merentur, nisi reductivè.*
6. *Inadvertentia ex negli-*

gentia levi, non sufficit ad consensum interpretativum.

7. *Si ex negligentia periculum sit expressi consensus, negligens implicitè consentire dicitur.*
8. *Tenetur in tali casu, non solum resistere, sed causas remove.*
9. *Quæ in benè habituatæ. Levis est, in malè habituatæ gravis est negligentia.*
10. *Si periculum desit consensus, non tenetur quis, pias, & justas remove causas.*
11. *In aliquorum sententia, præciso periculo consensus, non peccat mortalitèr negligens, reprimere motus, & noxias delectationes.*
12. *Alii contra sentiunt.*
13. *Media via utraque concordatur sententia.*
14. *Delectatio quandoque generaliter sumitur pro omni consensu.*
15. *Delectationis morose nomine quid intelligatur?*
16. *Delectatio quando peccaminosa, quando non, quando mortalis, quando venialis.*
17. *Ad peccatum non requiritur expressa advertentia ad malitiam, sed sufficit, quod quis possit, & debeat.*
18. *Non*

18. *Non tenetur tamen, nisi aliqua saltē dubitatio præcedat; & excusatur, modò id non procedat ex injuria culpabili.*
19. *Non est peccatum, delectari de aliqua boni ratione in objecto malo reperta.*
20. *Aliud est, delectari de cogitatione, aliud de ipso malo objecto.*

1. **I**NTER omnes enumeratos actus præcipuum locum tenet in moralibus consensus, quare de ipso aliqua specialiter considerata sunt. Omissis autem, quæ ad Metaphysicam pertinent speculationem: quoad moralem praxim, nomine consensus intelligitur quælibet complacentia voluntatis judicium sequens Intellectus, judicium, inquam nõ simplicem cognitionem, quæ ad quamcunque volitionem requiritur, ut ex dictis patet.

2. Quia verò in homine duplex est ratio, inferior scilicet, quæ habet judicare secundum rationes humanas, seu potiùs temporales, putà commoditatis, delectationis, & hujusmodi, & supe-

rior, quæ secundum rationes æternas, & divinas judicat, secundum scilicet honestatem, & Divinam legem. Consensus propriè in rigore, & strictè sumptus, judicium exigit rationis superioris. Cum enim sit finalis sententia in ordine, saltèm intentionis, si non actualis executionis, ut cum August. docet S. Thom. *prima 2. quæst. 15. art. 4. & alibi*, seu illam supponat; nam post consensum non restat aliud judicandum, nisi fortè circa modum exequendi sententiam, seu judicium, jam prolatum; ad rationem superiorem tale judicium spectare debet. Etenim finalis sententia semper ad eum pertinet, qui superior est, & ad quem spectat, de aliis judicare.

3. Indè colligi videtur, non posse in humanis dari consensum; nisi cùm advertentia ad actionis honestatem, & respectum ad legem Divinam: quod tamen intelligendum est conformiter ad dicta cap. 1. §. 3. & cap. 2. §. 2. Ità videlicet, ut nõ requiratur semper actualis, & expressa advertentia,

sed sufficiat implicita , & virtualis . Nam , cum utraque ratio superior, & inferior eadem sit omninò intellectiva potentia, in qua residet habitus moralium principiorum, qui Synderesis dicitur, quique de se per actum; qui appellatur conscientia, ostendit, quid faciendum, vel non faciendū sit secundū honestatem, ac rectæ rationis regulam; ex hoc ipso, quòd exercentibus nobis, aliquam actionem, de ipsa non murmurat, illam virtualiter, & implicitè approbat.

4. Duplex ergò est consensus, alius expressus, dum Voluntas expressè adhæret, & complacet sibi de objecto per judicium proposito, & de hoc non est difficultas. Alius verò est cōsensus implicitus, & interpretativus; dum scilicet Voluntas, quavis positivè objectum non amplectatur, non tamen illud rejicit, vel negligit, sed ab illo avertere, cum possit, & debeat, & de hoc aliqua notanda sunt, ut judicare possimus, quando nam quisque censeri debeat implicitè consentire, vel non.

5. Ut autem ab incertis certa secernamus; primò supponendum est, quòd licet quæcunque voluntatis complacentia quodcumque rationis judicium sequens dici possit consensus; strictus tamen consensus non dicitur, nisi perfecta complacentia ex perfecta deliberatione supra jam explicata cap. 2. §. 1. Imperfecti autem volūtatis motus cum aliquo rationis judicio reducuntur quidem ad consensum; non enim ad aliam speciem reduci posse videntur; cum sint verò quid imperfectum in tali specie, nomen consensus non merentur. Hoc posito.

6. Certum est, quòd, si occurrente malo objecto, aut passionis motu insurgente, levis tantum adhibeatur negligentia in repellendo ipsum objectum, aut motus reprimendo; consensus interpretativus dici non debet, ac per consequens culpa mortalis esse non potest.

7. Certum est ex alia parte, quòd, si ex negligentia periculum instet expressi consensus; ex hoc ipso, quòd

quòd quis negligat , implicitè consentire dicendus est , ac lethaliter peccare , si actus , vel objectum lethali malitia inficiatur . & negligentia levis non sit .

8. Imò in tali casu tenetur quis , non solùm omni conatu passionis motum comprimere , tentationes repellere , verùm , & causas remove , occasionesque fugere ; putà , si quis ex confessionum audientia , vel turpium lectione , gratia quoque docendi , concionandi , aut alia pia , & iusta causa , sensualitatis motus experiatur cum periculo consentiendi in turpem delectationem , tenetur ab audientia , & lectione disistere .

9. Quæ verò levis , aut gravis negligentia sit , potissimè pensandum est prudenter ex ipso periculo , & subjecti dispositione , eam nempè , quæ in benè habitutis levis est , in malè habitutis , ut plurimùm , gravis erit , & è contrà . Et hoc idè , quia in his facilius est casus , & imminens periculum : quare majori etiam conatu , & resistentia tenen-

tur , se defendere , & adjuvare , nè pereant .

10. Difficultas est , an quando periculum deest expressi consensus , teneatur quis nihilominus , passionis motus , aut imaginationes repellere , ità ut aliàs censeatur , implicitè consentire .

Dicendum autem in primis ; non teneri quempiam remove justas , & pias causas , putà , abstinere à confessionum audientia , lectione , & huiusmodi , imò addit , & benè Azor. p. p. lib. 4. cap. 6. quod , si quis expertus sit , huiusmodi motus , aut imaginationes , eò magis roborari , & invalescere , quò magis eis conatur obistere , & aliquando ex se minui , ac deficere ; dum negliguntur ; utique talis potest , aliquàlter negligere , nec tenetur , omni conatu repellere tentationes , vel motus comprimere , neque hoc in dubium revocandū videtur . Idque colligitur ex D. Thom. 2. 2. *quæst.* 35. *art.* 1. *ad* 4.

11. Est autem , & graviorum DD. sententia , ut Sylv. Cajet. & aliorum assentientium ; peccare quidem , sed

sed non mortaliter, qui hujusmodi cogitationes, motus, aut delectationes comprimere, ac repellere non curat, modò absit omne periculum expressi consensus; quia licet possit, non tenetur, non enim videtur, quàm lege ad id compellatur.

12. Aliorum verò sententia, & est Azor. loco mox citato, asserit, etiam nullo existente periculo consensus, teneri quemlibet ad repellendum, & reprimendū passiones, motus, delectationes. Ità ut, si non faciat, hoc ipso implicite consentire sit judicandus. Eò quia hujusmodi motus, delectationes, & hujusmodi de se alliciunt, ac trahunt voluntatem, quare ad illas reprimendas, & exterminandas jure compellimur. Ubi nota, quòd licet, ut prænotavimus, non teneatur quis, pias, & justas removere causas, in hac tamen sententia tenetur, quantum potest, reprimere, & impedire motus ipsos, & passiones.

13. Media via in hac re, meo videri, procedendum. Ità nempe, quòd, cum hujusmodi motus, & delecta-

tiones, ut benè asserit secunda sententia, de se attractivæ sint voluntatis, ad minus, ut in plurimum, semper est periculū, ac per hoc tenemur, illas compefcere, aliàs implicite consentire videbimur.

Dato autem, quod sit aliquis adeò benè dispositus, & firmiter habituat, ut nullo modo timeat de consensu; quòd certè nimis difficile, experientia testante, perfectissimos quosque ruper lapfos; ni benè cauti fuerint in periculis, occasionibusque vitandis. Dato, inquam, casu, poterit admitti prima sententia, quòd sic dispositus, non resistendo, sed permittendo in sensu passiones, motus, delectationes, quantumvis malas, & noxias, non plùs, quàm venialiter peccet.

14. Ex dictis facile colliguntur, quæ circa delectationem dicenda essent, licet enim propriè delectatio sit quies in bono cognito præfenti, ut ex D. Thom. notat Sylv. V. delectatio; sumitur tamen aliquando pro omni consensu, seu complacentia voluntatis, ut idem, sub-

subdit, imò, & ipsius sensitivi appetitus; & quidem parùm, vel nihil de voluntate restat dicendum. Quoad sensitivum verò appetitum, dicimus; in ipso peccatum esse non posse, nisi accedente volùtatis expresso, vel implicito concursu.

15. Notandum verò pro clariori notitia, quòd communiter nomine delectationis morosæ intelligitur delectatio, scilicet complacentia de actu, vel opere cogitato absque voluntate illud exequendi; & dicitur morosa, non à mora diuturna, quòd scilicet per longum tempus duret; nam, & si quandoque hujusmodi delectatio per diem duraret, absque tamen advertentia rationis, non haberet delectationis morosæ reatum, quantumvis malum esset objectum ipsius delectationis. Dicitur ergò morosa, quia voluntariè, sive directè, sive indirectè, quis in ipsa immoretur, cum enim voluntatis requirat deliberationē, & non statim possit voluntas deliberare, ab illa mora in deliberando, quamvis modica, delectatio morosæ

nomen acquirit. Vel fortè, quia ex deliberatione propriè genus moris ingreditur.

16. Si quis ergò, insurgente inordinato motu insensualitate, vel cogitatione turpis objecti, delectetur absque ulla rationis advertentia ad objecti malitiam, quamvis per longum tempus hujusmodi perseveret delectatio, peccatum non est, ut colligitur ex S. Tho. *quest. 15. de verit. art. 4. in cor.* nisi fortè inadvertentia ex ipsius incuria, vel aliqua præcedenti voluntaria causa procedat, tunc enim voluntaria esset, & non excusaret, juxta superius dicta cap. 2. §. 1. & 2. Si verò advertere incipiat, prævalente verò passionis impetu, antequam plenè advertat delectatio prosequatur, peccatum erit veniale. At post plenam advertentiam, si statim resistat, quantum potest, virtus jam patet. Si verò consentiat, & placeat sibi talis delectatio, jam patet mortale peccatum; si actus, vel objectum sit de se peccati mortalis. Si autem nec positivè consentiat, nec resi-

refistat, sed permittat delectationem, ex hoc ipso consentire videtur, ait Gajet. & docet S. Thom. eadem quaestione *art. 4. ad decimum*. Si demùm aliquam habeat negligentiam in rejiciendo, juxta negligentiae quantitatem, graviter, aut leviter peccabit. Quæ omnia intellige juxta hic traditam doctrinam, & supra loco citato.

17. Ex quibus insuper collige, falsum esse, quod ait Bonac. disput. 2. *de pec. quest. 2. pun. 3.* ad peccatum requiri expressam advertentiam, ita ut non sufficiat, quod quis possit, & debeat advertere; hoc enim est contra communem Theologorum, & Philosophorum consensum, qui unanimiter voluntarium indirectè constituentur, ut supra explicavimus.

18. Verum tamen est, quod ibidem subdit prædictus Auctor, nō teneri quempiam advertere ad malitiā, nisi aliqua cogitatio, vel dubitatio saltē de malitia, vel periculo malitiæ præcesserit, ac perindē talis inadvertentia excusabit à pecca-

to, quia verè nec potest advertere, nisi aliquid habeat motivum; Verum, inquam est, si talis inadvertentia ex naturali sit oblivione; secus verò, ut optimè notat Azor. p. p. lib. 1. cap. 16. Si ex incuria, vel negligentia, scēd alia quacunque voluntaria causa.

Et certè non ita facilè ab homicidio excusarem projicientem lapidem per fenestram, ut illum absolutè Bonac. excusat; nisi fortè adeò abstractus, ut naturali potius impulsu, quàm liberè, ac deliberatè projiceret, aliàs enim tenetur, ipsum periculum considerare, advertere, & præcavere, sicut pariter in venatione, aut alia simili actione.

19. Adverte autē, quod aliquandò in malo esse potest aliqua ratio boni, putà in furto, aliqua nova, & subtilis inventio; tunc ergò, si quis delectetur voluntariè, adhuc expressè, non quidē de furto, sed de illo mirabili, ac subtili modo furandi, non erit peccatum mortale, imò nullum, si ex aliqua justa causa, & non ex pura vanitate delectationem velit,

lit, hujusmodi enim ferè natura sua delectationem pariunt, & voluptatem, ut bene ex Cajetano adnotavit Azor. p. p. lib. 4. cap. 6.

20. Denique advertendum ex D. Thom. pluribus in locis, & præcipuè *quest. 15. de veritate art. 4. in corp.* circa delectationes, & consensum in cogitationes; quod ad cogitationem duplex potest sequi delectatio, & consensus. Delectamur enim quandoque in cogitatione propter ipsam cogitationem, ex qua nobis acquiritur aliqua cognitio rei cogitatæ. Sicut cogitans de fornicatione delectari potest, cognoscendo ejus quidditatem, circumstantias, & accidentia, talisque delectatio, quantumcunque malum sit objectum cogitationis peccatum non est, sed laudabilis delectatio; bona siquidem est cogitatio, & inquisitio veri; ac per consequens delectatio de tali cognitione.

Si autem sit ibi aliqua immoderantia, continebitur sub peccato curiositatis, quod secundum se veniale peccatum est, nisi fortè periculum esset consensus in malum cogitatum: Qui est alter consensus, & delectatio, quæ sequi potest ad cogitationem, scilicet ex parte ipsius rei cogitatæ, & hæc in idem genus coincidit, cum delectatione actus, seu objecti cogitati, puta fornicationis.

In hujusmodi ergo delectationibus attendendum est, quid voluntatem, & affectum alliciat, & moveat; si enim sit ipsa res cogitata, delectatio mala, vel bona erit juxta bonitatem, vel malitiam ipsius objecti; Si autem sit ipsa cogitatio, & cognitio, bona semper erit, quamvis malum cogitationis objectum, nisi adsit immoderatio; vel periculum consentiendi in malum ipsum objectum.

CAPUT IV.

De Multiplici Bonitate, ac Malitia
humanorum actuum.

5. I. *A quo Bonitas, vel Malitia humanorum actuum desumatur.*

7. *Id comprobatur exemplo naturalium, & artificialium.*

8. *Displicet hoc aliquibus propter varia, quae afferunt incommoda.*

SUMMARIUM.

1. *Desumitur primò Bonitas, vel Malitia à regula, sive intrinseca; sive extrinseca. Secundo à Voluntate, tertio ab objecto, quarto à circumstantiis.*

2. *Potest idem numero actus plures habere specie distinctas bonitates, vel malitias.*

3. *Quomodo id stare possit, explicatur exemplo rerum naturalium.*

4. *Potest idem actus successive bonus, & malus esse; tunc autem discontinuatur moraliter.*

5. *Potest etiam simul bonus, & malus esse, prout à diversa procedit Voluntate.*

6. *Impossibile est, eundem numero ab eadem Voluntate simul esse bonum, & malum.*

9. *Bonum opus aggrediens cum prava intentione nullam habet bonitatem, quousque à pravo non recedat affectu.*

10. *Aggrediens autem cum recta intentione, si in exercitio aliquid mali subrepat, non privatur prima bonitate, inficitur autem actus pro illa mora.*

11. *Etiam admissio, posse actum vitiatum dici secundum quid bonum pure moraliter, nullius est meriti coram Deo.*

12. *Opus bonum tuta intentione aggressum, si in exercitio distrahetur, non admittit meritum precedentis intentionis, nisi pro illa morula, qua culpabiliter est distractus.*

1. **M**ULTA quidem sunt, à quibus humanorum actuum bonitas, vel malitia moralis desumitur. Primò ab ipsa regula, & mensura, cui commensurari debent; hæc autem duplex est, intrinseca videlicet, & extrinseca; Prima est ipsa humana ratio, quæ proximè actus dirigit; Secunda est lex, quæ pariter multiplex est, ut suo loco explicabimus. Deindè à voluntate dependet bonitas, vel malitia, tanquam à causa, & principio effectivo, & movente; Non est enim actus bonus, vel malus moraliter, nisi in quantum à libera Voluntate dimanat. Terriò dependet ab objecto ipsius actus, qui bonus, vel malus dicitur, juxta bonitatem, vel malitiam objecti. Quartò demùm à circumstantiis, de quibus infra suo loco.

2. Hinc fit, quod unus, & idem numero actus plures habere possit bonitates, vel malitias, adhuc specie distinctas; putà dum quis jejunat, ut pro alio satisfaciat, duplicem habet ejus jejunii bonitatem specie distinctā;

abstinentiæ videlicet, & misericordiæ, vel charitatis; at dum quis, v. gr. in Ecclesia fornicatur, duplici omnino specifica malitia deformem actum elicit, scilicet intemperantiæ, & sacrilegii.

3. Quomodo autem id stare possit, explicatur exemplo rerum naturalium. Sicut enim quælibet res in sua propria, & determinata specie essentialiter constituitur, ità ut implicet, quòd aliam speciem pariter essentialem sortiatur; cum quò tamen stat; quòd in pluribus aliis accidentalibus speciebus collocari possit, v. gr. Petrus essentialiter est in specie hominis taliter, quòd nullius potest alterius esse speciei essentialiter; benè tamen accidentaliter, putà in specie coloris, caloris, figuræ, quantitatis &c. & sic verè Petrus dicitur homo albus, candidus, rectus, magnus; ità tamen, ut sola hominis denominatio sit illi essentialis, cæteræ omnes accidentales: ità humanus actus nō potest quidem esse in duplici specie bonitatis, vel malitiæ essentialiter; benè verò in una essentialiter, in-

alia, vel aliis accidentaliter.

4. An autem idem numero actus possit esse in duplici specie moralitatis, quarum una sit bonitatis, alia malitiæ; inter alios egregiè satis expendit Mag. Medina *prima 2. quæst. 19. art. 1. & quæst. 20. art. 6.* Cum quò breviter dico. Certum esse in primis, eundem numero actum posse quidem successivè bonum esse, & malum; quod patet manifestè pluribus exemplis; putà si quis velit feria quinta moderatè carnes comedere, protrahatque voluntatem hanc usque post mediam noctè, aut volens celebrare Missā in hac voluntate perseveret, postquàm Ecclesia interdicta est, aut similibus. Verum tamen est, quòd tunc actus, licèt unus numero in esse naturæ, moraliter discontinuatur, & fit multiplex; non enim potest idem numero in diversis, imò contrariis esse speciebus.

5. Secundò item certum est, quòd idem numero actus, prout à diversa voluntate procedit, potest simul esse bonus, & malus, ut pluribus quoq; patet exemplis;

Passio enim Christi Domini optima fuit respectu Volūtatis ipsius Christi patientis; pessima verò, ut à Judæis illata. Item eleemosyna facta per servum à Domino imperante recta intèntione bona est, ut ab ipso Domino; mala verò, si ab ipso servo ad vanā gloriam scù alium vitiosum finem tribuatur.

6. Tandem dicendum. Impossibile est, unum, & eundem actū respectu ejusdem Volūtatis bonum simul & malum esse, putà bonum ex objecto, & malum ex circumstantia, v. gr. eleemosyna propter vanam gloriam dici non potest bona, quoad substantiam, & ex proprio objecto, & mala tantum ex circumstantia finis.

Hocque probatur. Tum quia bonum, & malum contraria sunt; tum quia, sicut intellectus non potest simul esse verus, & falsus, ità nec Voluntas bona simul, & mala. Tum demùm, quia bonum, ut cōmunitè ex Dionys. inquirunt Theologi, consurgit ex causa integra, malum autem ex quocunque defectu; Undè, ex quocum-

cumque vitietur actus, absolute, & simpliciter malus est, nec potest dici bonus, quamvis aliàs ex mille titulis bonitas ipsi offerretur.

7. Id potest insuper comprobari ex naturalibus, & artificialibus. Opus namque servans cunctas regulas artis, ab una verò deficiens, absolute non dicitur bene artefactum, sed malè. Corpus item animalis per quacunque humorum, vel congruæ dispositionis intemperiem, non sanum, sed ægrum absolute dicitur. Ità humanus actus, quomodocunque à recta ratione deficiat, absolute malus dicitur.

Quòd si contendas, posse utique artefactum dici bene constructum ex parte, & malum item ex alia parte; corpusque sanum simul; & ægrum secundum diversas partes, putà sanum in oculo, ægrum in pede; hoc certè nos quoque dicimus de actu materialiter, & entitativè sumpto, ut mox dicebamus. Cæterum de eodè actu, pro eadem parte, seu morula dici nequit, sicut non potest oculus dici sanus, si aliquem patiatur defectum, quamvis

non totaliter sit Cæcus. Eò, vel maximè, quòd in moraliibus, quælibet mala circumstantia totum inficit actum; hoc autem ideò; quia ipsa circumstantia inficit quoque objectum, quod non terminat Voluntatem nudè sumptum, qualiter bonum esset; sed tali circumstantia vestitum, quæ illius destruit bonitatem. Et hæc expressa, & constans est D. Thom. sententia pluriumque gravissimorum DD.

8. Displicet nihilominus aliquibus hæc sententia, quia multa, & nimis dura videtur secum ferre incommoda, parùmque humanæ fragilitati accomodata. Si enim ex quocunq; defectu, etiam veniali totus actus vitietur, totamque amittat bonitatè, ac meritum; vix dabitur in humanis actus bonus, & meritorius; rarissimè namque homines in ipsis bonis operibus absque ulla prorsus negligentia, & abstractione, leviter saltèm culpabili, se gerunt; Undè Isajæ

64. *Facti sumus; ut immundus, omnes nos, & quasi partus menstruata universa Justitia nostra.* Propter hæc

nihil-

nihilominus, & alia, quæ adduci possent, recedendum non est à vera, & firma sententia; cujus tamen duritiem aliquammodo emolliemus.

9. Notando, quòd, si quis bonū opus aggrediens, in ipsa prima intentione operandi aliquid noxium admisceat, putà si ad vanam gloriam velit, eleemosynam dare; certè nullum habet meritum, vel bonitatem opus ejus, quò ad usque ab hoc pravo affectu non recedat. Voluntas namque absolutè malum habet objectum, quòd licèt præcisè, & secundum se bonum sit, prout verò hic, & nunc à Voluntate appetitur, non fertur ipsa Voluntas in illud nudè sumptum, sed cum tali circumstantia, & ut sic malum est; eleemosyna siquidè v. gr. ut ad vanam gloriam ordinata utique mala est, & ut sic objectum est hujus Voluntatis.

10. Si quis verò bona, & recta intentione opus aggrediatur, & velit, quamvis in ipso exercitio incuria, distractio, aut inanis gloria subrepat; id meritum non adimit, nec bonitatem præ-

cedentis intentionis, inficit benè, ac bonitate privat actum pro illa morula, quæ ipse inanis gloriæ affectus, vel distractio, & negligentia voluntariè, & culpabiliter perseverat. Quare tunc actus iste moraliter discontinuatur, nec unus numero est, sed multiplex, licèt in esse entis, & naturæ unus, & idem sit, adminus quoad actum externum, quoad actum verò Voluntatis internum, potest nedum moraliter, sed etiam naturaliter, & entitativè diversus esse; putà dum quis bona intentione incipit opus, & postea ad vanam gloriam declinat; duplex omninò est actus, quò voluit opus, & quoad inanem gloriam ipsum ordinavit.

11. Quidquid autem sit de pura bonitate morali; adhuc admissò, quòd actus aliàs bonus, per aliquam circumstantiam vitiatus, dici posset adminus secundum quid bonus, ut contendunt oppositæ sententiæ assertores, licèt simpliciter malus; parum enim ad nostrum intentum; certè ex ipsis quoque, ferè omnes cōsentiant, hu-

huiusmodi actus meritorios non esse coram Deo, quoad meritum saltē aeternae vitae; ad hoc enim, ut capite primo §. 3. notavimus, requiritur, quod ex charitate procedant, & ad ipsum Deum ultimum supernaturalem finem ordinentur; cum autē actus isti peccata sint, venialia saltē, ex charitate nullo modo procedere possunt, nec ad ipsum Deum sunt referibiles.

Quod tamen convincere videtur, praedictos actus omni carere bonitate, adhuc pure morali: nam ad hanc quoque, ut ibidem notavimus, requiritur, quod actus ad ultimum finem, saltē naturalem, ordinentur, hi autem actus, cum simpliciter mali sint, ut communiter admittitur, & per consequens ab ipso ultimo fine etiam naturali declinent; non videtur, quomodo ad ipsum sint ordinabiles. His non obstantibus.

¶ 12. Adde ad Fidelium consolationem. Quod bonum opus recta intentione aggressum, putā recitans Rosarium, vel Divinum Officium; quamvis in ipsa re-

citatione distrahatur, modò non sit distractio expressè, ac directè voluntaria, sed solum indirectè per quandā negligentiam repellendi vanas, & distractivas cogitationes, & recolligendi mentem; hæc distractio non obstat, quin præcedens recta intentio virtualiter saltē perseveret; imò & quin sæpè sæpius recurat actualiter. Unde talis habet meritum præcedentis intentionis, & insuper actualis Voluntatis recurrentis; amittit verò meritum pro illa morula, quā distractio, absque recurſu rectæ intētionis culpabiliter perseverat.

Quare propter velocitatem, ac fere instantaneum voluntatis motum, in eadem recitatione centies, & millies reiterari potest actualis intentio, & ex illa effici meritoria, quamvis item centies distractio irrepere, ac negligentia, & inde pro illis morulis merito carere.

80 LUCERNA MORALIS

5. II. De Bonitate, & Malitia interioris, & exterioris actus.

SUMMARIUM.

1. Nomine interioris, actus intelligitur Voluntatis, exterioris verò alterius potentia.
2. Distinctio Bonitatis, & Malitia objectivæ, & formalis.
3. Tripliciter actus externus ad internum Voluntatis comparari potest.
4. Externo actui negari non potest aliqua intrinseca Bonitas, vel Malitia formalis.
5. Ratione id suadetur.
6. Bonitas, & Malitia ex objecto, & circumstantiis prius est in actu externo, quam interno.
7. Si admittatur intrinsecè Bonitas, vel Malitia in objecto, multò magis in actu, etiam externo.
8. Legis dispositio non est extra spheram attingibilitatis passivæ potentiarum externarum.
9. Instrumentum, ut motù à principali agente, activè

attingit effectum suam virtutem excedentem.

10. Omnis effectus ordinem dicit ad suam causam finalem, qualis est objectum respectu actus etiam externi.

1. **I**ntelligimus hic nomine actus interioris, actum ipsius Voluntatis, nomine verò exterioris actum cujuscumque alterius potentia à Voluntate motæ, sive internæ, sive externæ; vel etiam ipsorum membrorum. Est autem inter DD. difficultas, an tota bonitas, & malitia moralis intrinsecè tantum sit in ipsa Voluntate, seu actibus ejus, in cæteris verò potentiis, ac membris, & actibus eorum solum extrinsecè, ita ut boni tantum, vel mali denominentur à bonitate, vel malitia ipsius voluntatis, ac per consequens actus ipsi externi bonitatem, vel malitiam non addant supra bonitatem, & malitiam actus interni. Pro cujus elucidatione.

2. Recolenda est in primis distinctio bonitatis, & malitiæ, quam ab initio tetigimus; quod scilicet alia est

est objectiva, quæ consistit in ipsis rebus, & objectis, quatenus conformitatem; vel dissonantiam habent cum lege; alia verò est bonitas, & malitia formalis, quæ consistit in actibus talia objecta attingentibus; Sicut veritas objectiva est in rebus ipsis; formalis verò in Intellectu.

3. Deindè notandum: tripliciter comparari posse actum externum ad internum voluntatis. Primò tanquam objectum ipsi Voluntati propositum, & ab ea volitum; & ut sic certum est, quòd non habet, nisi bonitatem, vel malitiam objectivam, sicut cætera objecta. Secundò tanquam effectus imperii, & motionis ipsius Voluntatis; Prout scilicet elicitor à potentia mota per ipsam Voluntatem. Tertio demùm, ut simul cum actu Voluntatis proprium attingit objectum, neque cum illo ponit in numero, sed unus, & idem actus moraliter censetur. His positis.

4. Ut quòd brevius fieri potest, nos expediamus ab hac difficultate, quam fuscè nimis in tractatu *de pec.* disputavimus: non videtur,

posse negari actui externo, sive cōsideretur, ut effectus, sive ut unus, & idem actus cum interno Voluntatis, aliqua intrinseca bonitas, vel malitia formalis. Quidquid sit, an ipsa bonitas, vel malitia moralis sit quid reale, vel rationis, de quò nolumus disputare.

5. Omissis autem reliquis, hac una ratione convincitur. Actus externus, sive cōsideretur, ut effectus sive ut constituit unum actum cum interno; non habet certè puram bonitatem, vel malitiam objectivam, sed formalem; non enim est purum objectum, sed veram dicit objecti attingentiam; quod est bonum, vel malum formaliter, & non purè objectivè. At bonitas ista intrinsecè convenit actui externo; ergò aliquam habet intrinsecam bonitatem, & malitiam. Probat minor. Quælibet extrinseca denominatio provenit à forma, quæ in alio intrinsecè reperitur; Si ergò actus externus solùm extrinsecè diceretur bonus, vel malus, hæc extrinseca denominatio à bonitate, & malitia intrinsecè

in alio reperta procedere, necesse esset: non autem videtur assignabile, à quâ bonitate, & malitia possit provenire, nisi à bonitate, & malitia Voluntatis, ut asserunt negantes hanc intrinsicam bonitatem, & malitiam actui externo, vel certè à bonitate, & malitia objecti: neutrum dici potest.

6. Non primum, quia, ut sæpè docet S. Thom. bonitas, & malitia præcipuè ex objecto, & circumstantiis, per prius est in actu externo, & ex illo ad internum derivatur; qui proinde instantum bonus, vel malus est in quantum bonus, vel malus est actus externus; putà ideò malum est, velle furari, quia furari, malum est, quomodo ergò actus externus denominari potest bonus, vel malus à bonitate, & malitia Voluntatis?

7. Neque secundum. Nam, licet verum sit, bonitatem, & malitiam actus, nedum externi, sed & ipsius Voluntatis, dependere, & desumi à bonitate, & malitia objecti; Semel admissio, quòd in objecto bonitas ipsa, & malitia sit quid intrin-

secum, non videtur, posse negari quid intrinsecum, etiam in actu, quòd sic ostenditur manifestè.

Nam sicut moralitas in objecto nihil addit supra entitatem ipsius, nisi ordinem, subjectionem, & connotationem legis, regulæ, ac rationis præcipientis, vel prohibentis, ità nihil addit actui quàm similem ordinem, & connotationem; ità ut sicut objectum ex hoc ipso, quòd legi subdatur, bonum, vel malum dicitur. moraliter objectivè; ità quoque actus ex hoc ipso, quòd objectum, cum tali subjectione respiciat, bonus vel malus dicitur formaliter in genere moris. Non est autem assignabilis ratio, cur iste ordo, & subiectio sit quid intrinsecum, in objecto, & non in actu etiam externo. Imò certè, si objectum intrinsecè afficit potiori jure actum, qui absque dubio intrinsecè objectum respicit, nec aliter bonus, vel malus dicitur actus, quàm per ipsum respectum, & attingentiā boni, vel mali objecti.

8. Neque dicas, actum externum respicere quidem in-

intrinsecè objectum, non verò illius bonitatem, vel malitiam moralem; ad hoc enim requireretur, quòd illud respiceret, ut à lege dispositum; tota enim bonitas, & malitia moralis est per ordinem ad legis dispositionem; legis autem dispositio est totaliter extra sphaeram attingibilitatis adæquata sensuum; non enim est sensibile proprium alicujus sensus, neque commune. Actus ergo potentiarum sensitivarum nullam possunt habere intrinsecam bonitatem, vel malitiam, & multo minus actus externorum membrorum.

Quamvis enim verum sit, legis dispositionem extra sphaeram esse attingibilitatis activæ; non tamen attingibilitatis, seu potius ordinabilitatis passivæ dictarum potentiarum. Hoc autem ideo, quia oculus, v. gr. objectum attingit, ut motus, & applicatus à Voluntate; quæ quidem motio realis est, & per ipsam realiter à Voluntate oculus dependet. Unde, licet virtute sua, & vi activa non attingat in objecto, nisi colorem; attamen, ut à Voluntate motus, & ap-

plicatus, ipsum objectum respicit etiam cum subiectione ad legem, quia cum hac subiectione ab ipsa Voluntate movetur, & applicatur.

9. Neque id mirum videri debet, cum instrumentum, ut motum à principali agente, non solum passivè, sed activè, & effectivè realiter attingat effectum, omnino propriam superexcedentem virtutem, ut dicitur in physicis. Quare ergo potentia sensitiva per motionem realem voluntatis passivè saltè ordinem dicere non poterit ad objectum, etiam ut legi subditum, quamvis lex omnino sphaeram activitatis illius excedat? Hoc autem sufficit, ut actus ejus bonus, vel malus dicatur formaliter, saltè in essendo, ut mox explicabimus.

10. Præterquam quòd omnis effectus realem dicit ordinem ad suam causam, etiam finalem à quâ realiter unique dependet; objectum autè est finis, propter quem est actus ipse externus; & non solum objectum secundum suam entitatem, sed ut legi subditum; finis enim

non causat, nisi secundum quod est in intentione, at-
trahendo Voluntatem, quæ
taliter attracta movet alias
potentias. Manifestum est
autem, quod Voluntas non
trahitur, ac perinde, nec
movet potentiam executivā
per objectum nudè sumptū,
& absque subiectione ad le-
gem; aliās neque actus ip-
sius voluntatis moralis esset.
Ipsū ergo objectum legi
subditum, est causa finalis
externi actus, quanquā
ratio finalizandi, & trahen-
di Voluntatem non sit ipsa
legis subiectio, sed entitas
objecti. Actus igitur exter-
nus objectum respicit cum
subiectione ad legem, & nō
purè, & nudè sumptum.
Teneant hæc quantum pos-
sunt.

Sequitur Summarium.

11. *Actus externus ex pro-
priis non addit bonitatem,
vel malitiam supra inter-
num.*
12. *Duplex bonitas, & ma-
litiæ formalis; in essendo, &
in merendo, vel demeren-
do.*
13. *Explicatur hæc distinctio
proportionabiliter ad veri-
tatem.*

14. *Licet actus externus dici
possit intrinsecè bonus, vel
malus formaliter; Solus in-
ternus in merendo, vel de-
merendo.*

15. *Colligitur ex Sanctis Pa-
tribus.*

16. *Consonant Sacra Pagina.*

17. *Probatur ab inconvenien-
ti.*

18. *Confirmatur ab inconve-
nienti alio.*

19. *Rejicitur quædam respon-
sio.*

20. *Alia ratione ostenditur.*

11. **H**IS non obstanti-
bus, præter Sco-
tum, ejusque discipulos,
constans est omnium ferè
Theologorum sententia;
actum externum præcisè, &
ex propriis, nullam addere
bonitatem, vel malitiam su-
pra bonitatem, vel malitiam
ipsius voluntatis. Pro cujus
intelligentia.

12. Notandum, boni-
tatem, & Malitiam actus
formalem duplicem esse, vel
dupliciter considerari posse;
scilicet in essendo, & in me-
rendo, vel demerendo, quæ
distinctio consistit in hoc,
quod bonitas, vel malitia
in essendo dicit tantum præ-
cisè

cisè conformitatem, vel dissonantiam ad legem; ità ut actio legi conformis, ex hoc ipso formaliter bona sit, difformis verò mala: bonitas verò, & malitia in merendo, & demerendo, ultra conformitatem, vel difformitatem ad legem, dicit rationem voluntarii liberi, quà quis liberè actionem elicit legi conformem, vel difformem; tota namque ratio meriti, vel demeriti ex libera elicientia boni, vel mali actus desumitur. Patet siquidem, eundē actū cum eisdem omnino circumstantiis ad meritum, vel demeritum imputari, si liberè eliciatur; Secus verò, si absque libertate; imò, & idem actus liberè elicitus, magis, & minùs meritorius est juxta majorem, vel minorem libertatem.

13. Nec fictitiam quis judicet hanc bonitatis, & malitiæ formalis distinctionem; ipsa namque veritas formalis eandem admittit, proportionem servata. Constat siquidem veritatem enunciationis formalem esse, & non merè objectivā; consistit enim in adæquatione, & cōformitate ipsius enun-

ciationis cum objecto, quod est, esse veram formaliter. Hæc tamen veritas non reddit Intellectum formaliter verum; Si præcisè, & secundum se sumatur ipsa enunciatio, ad hoc enim requiritur insuper, quòd Intellectus assensum præbeat per judicium.

Licet autem pluries intellectus enunciet simul, & judicet, ut cum dicit. Homo est animal, ly, est, exprimente, non solum connexionem, & copulationem extremorum, quæ est propria enunciationis ratio, verum etiam assertionem, quâ Intellectus judicat, ità esse, quod pertinet ad judicium: aliquandò tamen distinctus est actus enunciativus à judicativo, ut patet experientia in dubiis; verè namque Intellectus enunciat, v. gr. Hoc est bonum, sed tamen suspendit Judicium.

Datur ergò duplex veritas formalis, putà in significando, quæ est propria enunciationis, & in asserendo, quæ est propria Judicii. Prima dicit præcisè conformitatem ad objectum; Secunda cōformitatem, & assen-

fenſum; & hæc ſola Intellectum reddit formaliter verum. Quæ doctrina eſt Jo. à S. Thom. *queſt. 5. de enunciatione art. 1.* deſumpta ex Angel. Præcept. 2. 2. q. 173. *art. 2. & queſt. 12. de Ver. art. 7.* Ità pariformitèr nos diſcurremus de bonitate, & malitia; ut ex dicendis magis patebit.

14. Dicimus ergò, quòd licèt actus externus, dici poſſit intrinſecè bonus, & malus formaliter, ut ex dictis conſtat; ſolus tamen Voluntatis actus eſt intrinſecè bonus, vel malus in merendo, aut demerendo.

15. Colligitur manifeſtè aſſertio iſta ex innumeris penè SS. PP. testimoniis, & præcipuè S. P. Auguſt. qui non ſolùm primò *de lib. arb. cap. 3.* & refertur *de pænit. diſtinct. prima*, inquit: quòd ſi quis habet Voluntatè concubandi cum Uxore aliena, & non datur facultas, coràm Deo, tàm reus eſt, atque ſi opere compleviſſet. Sed etià Ep. 49. ad 4. q. exponens illud Matt. 7. *In quâ menſura menſi fueritis, remetietur vobis*, ait: Ideſt in quâ Voluntate feceritis remetietur

vobis. Et addit in ſequentibus quòd Voluntatis affectus eſt menſura factorum, & meritorum omnium. Chryſoſt. quoque Hom. 26. in Matt. Medina *prima 2. q. 20. art. 4.* Sola Voluntas remuneratur pro bono, aut condemnatur pro malo, & Bern. ep. 77. Idem ibi. Quid plenius, quàm quòd Voluntas reputatur pro facto, ubi factum excludit neceſſitas? Reliqua apud Authores videnda relinquimus.

16. Satis etiam optimè conſonant Sac. Paginæ. Gen. enim 22. Abrahæ non maſtanti filium, ſed maſtare parato ait Deus. *Quia feciſti hanc rem, & non perpeciſti filio tuo unigenito propter me, benedicam tibi.* Ubi Chryſoſt. Hom. 47. Gonet man. tract. *de act. hum. cap. 14.* Quantùm ad Voluntatem cruentaverat dexteram Patriarcha, perfectumque obtulerat ſacrificium, & idcirco Dominus, quaſi ſacrificio re ipſa conſummato, laudat Juſtum.

Item Marc. 12. & Luc. 21. Chriſtus duo pauperis Viduæ minuta in Gazophylacium miſſa prætulit magnis divitum eleemoſynis. Ubi Cyp.

Cypridem ibi. Cōsiderans, nō quantum, sed ex quanto dedisset, dixit Vidua ista plus omnibus misit in Dona Dei.

Et Matth. 5. *Qui viderit Mulierem ad concupiscendum eam, jam mœchatus est eam in corde suo*; Undè August. relatus in Sacris Canonibus de Pœnit. dist. 1. cap. si cui. *Non minùs reus est, quàm si in ipso factō deprehenderetur.*

Quæ omnia vera non essent, si externi actus aliquā haberent intrinsecam bonitatem, vel malitiam in merendo, vel demerendo. Plus enim utique mereretur quis, vel demereretur, opus exequendo, quàm sola Voluntate faciendi. Ex quò.

17. Probatur ab inconvenienti assertio posita. Si enim externi actus intrinsecam haberent in merendo bonitatem, sequeretur, quòd nobis invitis, ab extrinseco agente adimi posset bona pars meriti, cum actus externi possint, nobis invitis, ab alio impediri; & idem dic de malitia, & demerito. Sicque volens, v. gr. dare eleemosynam, aut aliter indigenti succurrere, si ab alio detineretur, vel aliàs impe-

diretur, magnam partem amitteret meriti; è contrà vim inferens Mulieri, si ex ejus resistantia consummare non posset, multò minùs demereretur, quàm si ea consentiente, vel ejus victa resistantia, fornicarium actum expleret. Quæ nimis absurda videntur, quod enim invitis nobis, accidit, vel minimum jota ad meritum, vel demeritum addere potest, vel demere.

18. Deindè. Nam si admittatur intrinseca bonitas, & malitia in exteriori actu hæc certè non potest esse eadem cùm bonitate, & malitia interioris; eadem enim forma non potest intrinsecè denominare plura subjecta, cum non possit in pluribus intrinsecè inhærere; deberet ergò esse distincta. Sed neque hoc dici potest.

Hæc siquidem bonitas, & malitia, vel esset æqualis, vel major, vel minor bonitate, & malitia interioris actus: non autem potest esse æqualis, nam sequeretur, quòd peccaret in duplum, qui actualitèr fornicatur ac ille, qui Voluntatem efficacem habens fornicandi, ab

executione impediretur, neque potest esse major, aut minor, nam velle actum externum, ideò bonum, vel malum est, quia ipse actus externus bonus est, vel malus, qui proindè totam suam bonitatem, vel malitiam in Voluntatem refundit. Non potest ergò actus bonus esse, vel malus, v. gr. ut tria, & Voluntas illum exequendi, ut duo, vel quatuor.

19. Neque dicas hujusmodi bonitates, & malitias, diversas quidem esse in genere entis, sed easdem moralitèr; quare opus non est illas divisim sumptas ad invicem comparare. Frivolum enim est hoc: nam licèt ejusdem ad se ipsum secundum eundem statum, & gradum non sit comparatio, benè verò secundum diversos. Præterquàm quòd non salvatur ex hoc Adversariorum intentum, etenim per actus externi positionem, vel augetur bonitas, & malitia, vel non; si non, frustra igitur ipsi fatigantur, adstruendo in actu exteriori hanc bonitatem, & malitiam intrinsecam, ut indè quis melior, vel pejor dicatur; Si au-

tem augetur, ut malitia, v. gr. fornicationis consummata major sit se ipsa in pura intentione, & Voluntate, quantum augetur? Hoc augmentum non potest esse majus, nec minùs, nec æquale cum quantitate malitiæ in pura Voluntate, propter allatam rationem; ergò idè, quod priùs.

20. Probari denique potest. Licèt enim ad bonitatem, vel malitiam, utcunque sufficiat quælibet conformitas, vel dissonantia ad legem; ratio tamen meriti, vel demeriti dicit activam conformitatem, vel difformitatem, quà quis activè se legi conformat, vel ab ipsa recedit. Non enim datur meritum, vel demeritum ex hoc præcisè, quòd quis patiatur; quòd enim ad formalem veritatem facit assensus Intellectus, ad bonitatem, & meritum facit consensus. Hoc autem soli competit Voluntati; cæteræ namque potentia, vel omninò, ut mota, in actus exeunt, vel si quoque se moveant, non tamen liberè se applicant, sed ab ipsa Voluntate applicantur; ergò in sola Voluntate

tate potest intrinsecè ratio meriti, vel demeriti reperiri.

Sequitur Summarium.

21. Nil obstat, quòd actus externi diversis præceptis præcipiantur, vel prohibeantur.
22. Est tamen externus actus in confessione explicandus.
23. Solvitur instantia de præmio, vel pœna, quæ debetur actibus externis.
24. Specialiter de martyrio. Duplex præmium in beatis, essentialè, & accidentalè.
25. Non omne præmium accidentalè dicitur propriè aureola.
26. Aureola dicit speciale gaudium, ejusque terminationem ad opus consummatum, ità & meritum ejus.
27. Æqualem habens martyrii voluntatem, licèt in re martyr nō efficiatur, æquale habet meritum, & præmium, non tamen aureolam.
28. Solvitur alia instantia de Sacramento, Sacrificio, & indulgentia, imò, & martyrio.
29. Solvitur instantia de gratia speciali ad actum externum requisita.

30. Ut plurimum in operis executione crescit meritum, vel demeritum, quia intenditur, vel extenditur Voluntas.

31. Impudentia est, asserere, sententiam nostrā esse Abailardi errorem.

32. Meriti, vel demeriti duplex est mensura; scilicet bonitas, vel malitia objecti, & voluntatis efficacia.

33. Habens voluntatem operandi, quidquid Beata Virgo, & omnes Sancti, vel committendi omnia peccata, quæ homines, ac Demones commiserunt, non idè tantum meretur, vel demeretur.

34. Ad participandam totam gravitatem objecti vae malitiæ sufficit quaecumque voluntas objecti; non verò ad participandam totam bonitatem, etiam quoad solum objectivum valorem.

35. Explicatur illud. Quantum intendis, tantum facis.

21. **P**LURA contra istam veritatem opponi solent, quæ nihilo minus facilè diluuntur. Et primò quidem nihil obstat,
M quòd

quòd actus externi, & interni distinctis præceptis multoties præcipiantur, vel prohibeantur; putà non furtum facies, non mœchaberis, & non concupisces rem, vel uxorem proximi tui. Diversitas enim præceptorum non importat diversitatem bonitatis, vel malitiæ, nisi ex diverso motivo procedant, ut suo loco dicitur. Nec ideò frustra multiplicantur præcepta, cùm aliqua specialis adest ratio illa multiplicandi, ut in supradictis; cum enim ad huiusmodi concupiscentias propensissima sit humana fragilitas, ex qua facilè sibi quisque suadere potuisset, peccata non esse, nisi opere compleantur, ut quidem hæretici putaverunt, oportuit, homines ab illis cautiùs compescere per specialia præcepta.

22. Nec magis urget, quod addunt; sequi ex nostra sententia, necessarium non esse in confessione, actum externum exprimere. Siquidem externus, quamquam interni malitiam non augeat formaliter, est nihilominùs substantiale complementum peccati, ipsumque integrat;

nam ex interno, & externo actu unum peccatum constituitur; debet autem in confessione integrum exprimi peccatum, & non mancum, præter alias congruentias, quæ possent adduci.

23. Obijciunt insuper, quia de facto exterior actus meretur poenam, quam non meretur internus, quantumcunque efficax; putà non incurritur poena propter homicidium à Jure statuta, nisi per actualem executionem hominis occisionem. Idem est de præmio; ex duobus enim æqualem habentibus martyrii voluntatem, si unus cum effectu Martyr fiat, alius non; ille aureolam habebit, iste non.

Ad hoc tamen dicitur; ità contingere, quia externum forum non judicat, nisi de externis, nam ad solam pertinet divinam justitiam, de purè internis, & occultis judicare. Adde, quòd humana justitia ordinatur ad politicam conviventiam, quæ non nisi per externos actus destruitur, quòd si aliquando punitur innocens pro solo externo actu, id pariter est, quia de innocentia non con-

constat humanæ justitiæ, sed ex externo præsupponitur reus.

24. Major est difficultas de Martyrio, quoad aureolam, & de accidentali præmio aliis quoque actibus externis correspondente: pro quò sciendum. In Cœlesti Patria duplex dari præmium Beatis. Unum essentialiale, quod consistit in perfecta conjunctione animæ ad Deum, quo perfectè fruïtur, ut viso, & amato; & hoc soli charitati, ejusque merito per se correspondet; quòd perinde meritum, quoque dicitur essentialiale. Actibus verò aliarum virtutum non respondet hoc præmiū, nisi quatenus in charitate radicatur, & ab ea in ultimū finem, ipsumque Deum ordinantur. Aliud præmium, quod accidentale dicitur, est quoddā gaudium superadditum essentiali fruitioni ipsius Dei, quod habent beati de operibus à se factis, & hoc præmium debetur merito ipsarum operationum, quòd habent ex genere suo, & proprio fine proximo cū debitis circumstantiis, ratione cujus propriam quoque

habent bonitatem, & laudabilitatem specialem præter id, quod à charitate participant.

25. Cæterum licet hoc accidentale præmium, & gaudium exigant, & addant supra essentialiale, actus meritorii cujuscumque virtutis; non tamen omne hujusmodi gaudium aureola dicitur, nisi tantum generaliter, quatenus aureola dicit aliquid additum aureæ; sed strictiori vocabulo aureola dicitur gaudium respondens alicui speciali pugna, ac excellenti victoriæ; de quibus videatur S. Doct. in 4. dist. 49. q. 5. Hoc porro accidentale gaudium, cum victoriæ cōsummatæ respondeat, ut propriè aureola est, terminari quoque petit ad ipsum opus consummatum.

26. Utrumque igitur dicit aureola, imò, & quodcumque aliud præmium accidentale; scilicet speciale gaudium, ejusque terminationem, seu extensionem ad opus consummatum; undè, & in merito utrumque postulat, actionem videlicet essentialiter meritoriam, efficacem nempe Voluntatē, &

ejus terminationem, ac extensionem ad opus consummatum. Quamvis igitur aureola verum sit præmium, ac proindè verum supponat meritum, benè stare poterit, quòd aliquis habens æquale meritum aureolam non habeat, quam alter habebit, ex hoc præcisè, quod ejus meritum careat hac extensione ad opus; quia aureola præter essentialem rationem præmii, dicit insuper eandem extensionem.

27. Itaque duo æqualem omninò, & efficacem habentes martyrii voluntatem quamvis unus in re martyr efficiatur, alius non; æquale omninò præmium habebunt, non solùm essentialè, sed accidentale, cùm hac sola differentia, quòd hic de sua bona voluntate, ille de Voluntate executà gaudebit. Et hoc sufficit, ut hic dicatur habere aureolam, alter non; quia aureola dicit præmium, & gaudium extensum, & terminatum ad executam victoriam, sicut ejus meritum dicit meritum victoriæ consummatæ.

Quod satis explicat S. D. in 2. dist. 40. quæst. 1. art. 3.

ubi ait, *quòd actus exterior complet interioremin bonitate, vel malitia, sicut terminus motus complet motum*. Sicut igitur terminus motus complendo illum non addit aliquid de motu, ità nec externus actus, complendo interiorem addit aliquid de merito. Undè canit de Beato Martino Ecclesia, & si gladius persecutoris non abstulit, tamen palmam martyrii non amisit.

28. Objicitur insuper, quòd volens recipere Sacramentum, vel actum elicere, quò indulgentiam lucretur, aut quòd sacrificium pro se offeratur; nisi cum effectu ista ponantur, nec Sacramenti gratiam, nec Sacrificii fructum, nec indulgentiam ipse consequetur.

Sed hac non urgent; etenim de Sacramento, & Sacrificio id verum est, quia operantur effectum ex opere operato, indulgentiæ pariter fructus alligatus est operi; quare non mirum, si non sufficiat Voluntas quantumcunque efficax. Omnium siquidem horum fructus, non tam merito ipsius operantis, quàm passionis Chri-

Christi respondet, quod nō applicatur, nisi per actualē Sacramenti susceptionem, vel Sacrificii oblationem, vel injuncti operis executionem per indulgentiam. Idem in probabiliore sententia est de Martyrio, cui remissio totius poenae, imò, & collatio primæ gratiæ; convenit ex singulari privilegio, quò realis est imitatio passionis Christi.

29. Addunt contrarii, quòd specialis Dei gratia requiritur ad externū opus præter illam; quæ requiritur ad internum, ut habetur in Trid. sess. 6. cap. 16. ubi dicitur, quòd Virtus Christi jugiter influit in hominem justum, ut bona opera antecedit, comiteretur, & sequatur: dicitur autem gratia antecedere, dum nostrā Voluntatem antecedit, & excitat; comitari, dum simul cū ipsa voluntate cōcurrit ad actum ipsius Voluntatis eliciendum, sequi verò dum ad externi operis executionem concurrat; Unde August. in *Ench.* cap. 32. *Nolentem prævenit, ut velit, volentem subsequitur, nè frustra velit.* Et Fulg. lib. 1. ad

Mon. cap. 11. Prævenit Deus donans homini bonam Voluntatem, subsequitur benè volentem, operando in illo boni operis facultatem.

Ad hoc autem dicitur; quòd nova gratia non solum exigitur ad novam bonitatem, vel meritum, sed etiam ad quamcumque ejusdem bonitatis, vel meriti extensionem; præcipuè cū adest nova difficultas, ad quam vincendam omnino gratia necessaria est, præter quam quod, cum in ipsa externi operis executione perseverare debeat Voluntas, & difficultas in ea respecta de se nata sit, remittere, imò, & tetrahære Voluntatem, ut satis experientia constat; debet utique gratia ipsa non solum excitare, non solum in volendo comitari, sed & in exequendo subsequi, ut ipsi voluntati constantiam, & perseverantiam tribuat, nè vacillare contingat.

30. Ex quò insuper patet, quòd in operis executione, ut plurimum augetur, & crescit meritum, vel demeritum, non tamen virtute ipsius externi operis prægi-

sè,

sè, & secundùm se sumpti, verùm quia in executione augetur Voluntas, & intenditur; cum enim novam inveniat difficultatem, ad illam superandam, utique majori conatu, vel actuum frequentatione, seu innovatione fertur. Et adhuc admissio, quòd ab initio ante operis inceptionem, efficax adeò, & intensa fuerit Voluntas, ut de se quamcunq; difficultatem vincere sufficiens esset: additur nihilominus ad illam, si non intensio, continuatio, & extensio, ac proindè meriti quoque continuatio, & augmentum. Plùs enim certè meretur, qui in charitatis affectu per horam perseverat, quam qui per dimidià, etiam si cùm eadem intentione. Quare dum dicitur, quòd tantum meretur, qui æqualem Voluntatē habet alicujus boni operis, quòd tamen exequi non valet, quantum ille, qui æquali Voluntate exequitur; intelligi debet, quòd æqualitas sit in intentione simul, & duratione, cæterisque circumstantiis.

31. Sed inquirunt adver-

sarii: hic prorsus error est inter cæteros Petri Abailardi ab Ecclesia damnatus; quòd scilicet Deus præmiat, aut punit Voluntatē solùm, & quòd propter opera non efficitur homo melior, aut pejor, nisi fortè in ipso opere Voluntas augeatur.

At verò impudentiam esse, ait Medina, asserere, hanc sententiam ab Ecclesia damnatam; cum non solùm D. Thom. sit, verùm SS. PP. plurimorumque Theologorum. Quòd autem illam docuerit Abailardus adeò incertum est, ut D. Bern. qui ut subdit Medina diligenter hujus Hæretici refert errores, nullam fecerit hujus dogmatis, & sententiæ mentionem, sicut nec Alphonsus de Castro diligentissimus in Hæreticis recensendis. Vel ergò ipse Abailardus hanc sententiam non docuit, vel certè nullam ex ipsa erroris notam incurrit; Sed fortè docebat ipse, ad æternam salutem sufficere rectam intentionem, quod quidem Hæreticū est; nam furans, v. gr. ut det elemosynam, grave cōmittit peccatum. Vel certè, satis esse, habere

habere voluntatem bonam, & nil curare de operibus, quod pariter est Hæreticū, neque enim bona, & efficax est Voluntas, quæ dum potest, opus non inplet.

32. Pro coronide tandē nora, duplicem esse meriti, vel demeriti mensuram, bonitatem scilicet, & malitiam objecti, cum suis circumstantiis, & efficaciam, seu intentionem ipsius Voluntatis, undē plus minusvè potest quis mereri, vel demereri, volendo idem objectū cum iisdem circumstantiis modò remissa, modò intensa Voluntate. Sola ergò efficax Voluntas æquivalet operi in merito, vel demerito.

33. Undē habens, v. g. Voluntatem operandi quid B. Virgo, & omnes Sancti simul fecerunt boni, vel committēdi omnia peccata, quæ homines; & Dæmones commisserunt; non tantū meretur; quantū B. Virgo, & omnes Sancti; nec tantū demeretur, quantū Dæmones, & omnes mali homines; quia tales Voluntates efficaces esse non possunt: ferri siquidem non

potest efficaciter Voluntas in impossibile; impossibile autem est, quod unus homo illa omnia simul operetur, præcipuē cum ex illis plura impossibilia sint, ut patet. Præterquā quod efficax Voluntas distinctā prærequirit objecti cognitionem in particulari; non enim fertur efficaciter Voluntas in objectum abstractè, & in confuso; apprehendere autem omnia illa in particulari; & distinctè, humanum superat captum. Ac denique, ut tantū mereretur, necesse esset, ut ejus Voluntas itā esset intensa, imò, & extensa, ut Voluntates omnium illorum adæquaret.

34. Adde insuper ex D. Thom. in 2. dist. 40. quest. 1. artic. 3. ad primū, quod quādo ex parte objecti ponitur quantitas bonitatis, vel malitiæ, licet ad participandam totam gravitatem objectivæ malitiæ sufficiat quæcumque Voluntas; quantū enim aliquis credit, & intendit peccare, tantū peccat; quia si credat aliquē actum grave peccatum, & ipsum velit, utique graviter peccat: ad bonitatē tamen, & me-

meritum non sufficit, quòd quis intendat optimū opus utcumque, ut illius meritū habeat, etiam quò ad objectivum solum valorem, intendens enim, v. gr. multum placere Deo tepida Voluntate, non indè tantum placet; hoc autem idèò, quia plura exiguntur ad bonum, quàm ad malum; bonum enim ex integra causa, malum verò ex quocunque defectu.

35. Quare Glof. illam explicans super Matt. 12. quantum intendis, tantum facis, ait S. Doct. ly, *quantum, potest esse adverbium, vel nomē, et si sit nomen, tenet in malis, quia, quantum aliquis credit, vel intendit peccare, tantum peccat. In bonis autem non, quia potest aliquis tepida Voluntate intendere, multum Deo placere, nec tantum placet. Si autem ly, quantum, sit adverbium, sic verum est, & in bonis, & in malis.*

Ubi tamen adverte, ne decipiaris; quod, etsi ly; Multum placere, grammaticaliter sit adverbium; dialecticè tamen stat potius nominaliter; quia ly placere, cui additur, neque rationē

verbi exercet, sed potius nominis, non enim ibi significat per modum actionis, viget, tendentiæ, & fieri, quæ propria est ratio significandi ipsius verbi; sed per modum objecti, & termini motus, actionis, & viæ. Dum enim dicitur, intendo, multum placere, idem est, ac intendo multam placentiam. Si autem ly, multum, adderetur ad ly, intendo, quod verè stat, ut verbum, tunc verè quoque ly, multum, adverbialiter stare, ac juxta regulam secundi membri defacto multum Deo placere. Et hæc satis superque de ista difficultate.

§. III. Undè sumatur specifica distinctio Bonitatis, & Malitiæ.

SUMMARIUM.

1. Potentiæ specificantur per actus, item per objecta.
2. Idem in se fateri tenentur Scotiste.
3. Ratio principii exigitivi idem est, ac ordo transcendentalis.
4. Actus moralis per ordinē ad morale objectum specificatur.

S. Be-

5. Bonitas, vel malitia ex objecto est prima, & essentialis.
6. Actus de se indifferens, primam, & specificam bonitatem, vel malitiam recipit à prima circumstantia, quæ illum bonum, vel malum reddit; Sicut actus bonus ex genere primam, & essentialem recipit malitiā à prima circumstantia ipsum vitiantem.
7. Nulla bonitas, vel malitia potest actum efficere, nisi mediante objecto.
8. Nec objectum specificare potest moralem actum, nisi quatenus objectum est Voluntatis.
9. Medium etiam, ut medium, propriam habet intrinsecam bonitatem; unde finis est primum, non adequatum Voluntatis objectum.
10. Probatur ex Philosopho, & D. Thom. p. pars.
11. Probatur efficaci ratione.
12. Sufficit, quod medium apprehendatur, ut proportionatum cum fine, licet non sit in re.
13. Probatur, quod ista bonitas sit diminuta, & dependens.
14. Quod finis sit primum objectum, probatione non indiget.
15. Quod non sit adequatum videtur de mente Sancti Doctoris.
16. Probatur idem ratione.
17. Actus Voluntatis recipit essentialem speciem à proximo, & immediato objecto, sive illud sit finis, sive medium.
18. Consequenter absolute moralis actus speciem habet à Voluntatis objecto.
19. Finis duplex intrinsecus, & extrinsecus.
20. Dum dicitur, quod actiones humane specificantur ex fine, intelligi debet de fine intrinseco.
21. Vel de potissima, & principali specie, licet accidentali.
22. Quod constituit rem in esse perfecto, est illi accidentale.
23. Finis est adequata ratio formalis, sub qua Voluntatis.

1. **P**LURA fusè nimis de hac materia distavimus in scholasticis commentariis super quæst. 18. & 72. p. 2. ex quibus utiliora

lora quædam breviter delibabimus, ac in primis certum est, non solum in schola D. Thom. sed communiter apud Philosophos, ac Theologos; potentias specificari per actus, actus iridem per objecta; hoc est per intrinsecum ordinem ad illa. Quod licet absolute neget Schola subtilis, re tamen ipsi quoque Scriptorum fateri cōpelluntur.

2. Cum enim, ordinem istum ad potentiam, & actū essentialiter pertinere, negare non possint, illumque nolint pro constitutivo, nec habeant, quid aliud assignent; recurrunt ad ordinē ipsum, exigitivè tamen, & radicaliter, itaut formale constitutivum potentia, & actus sit principium exigitivum talis relationis, & ordinis.

Ita ex D. subtili docet Mastrius disp. 2. de *Anima quest. 4. num. 57.* ait enim Potentias animæ essentialiter habere, deservire animæ, & essentialiter proportionatas esse, & coaptatas ad actus, & objecta in secundo modo dicendi per se, non in primo, nisi solum exigi-

tivè, & radicaliter. Et subdit. Quia in quacunque natura prior est ratio actus primi secundum se, quam in comparatione ad actum secundum; nec constituitur in esse per actum secundum, cum illum saltem natura præcedat, nec per relationē ad illum, quia fundamentū aliquo modo supponitur relationi; sed per hoc ipsum, quod est principium exigitivum talis relationis, & ordinis ad actum secundum.

3. Ex quibus mihi videtur colligi, formale constitutivum potentia esse rationem principii exigitivi relationis, & ordinis ad actum; & proportionabiliter formale cōstitutivum actus rationem principii exigitivi, seu exigentiam, vel rationē quandam exigentem ordinē ad objectum. Sed dico. Nunquid exigentia ista connotatio quædam non est? Quid enim est aliquid exigere, nisi illud connotare, tanquam sibi necessarium, vel a quo pendet, vel circa quod veriat, aut quid huiusmodi? Nunquid igitur non transcendentalis est ordo? Certe apud nos ordo transcenden-

talis,

talís, quem pro constitutivo potentiae, & actus assignamus, aliud non est, quàm ipsa entitas absoluta connotans aliquid. Si aliud ipsi intelligant, laborabimus frustra in æquivoco.

4. Quidquid autem sit, certum id supponimus latè probatum in lib. *de Anima*, ubi videri poterunt DD. Itè S. Doct. *p.p.q.77.art.3.* cum expositoribus. Cum igitur actus moralis verè actus sit, specificabitur utique per ordinem ad morale objectum; hoc est non ad objectum nudè sumptum, sed ut lege dispositum. Cumque idem sit specificativum, & distinctivum, ab eodem ordine distinctio specifica moralium actum desumenda erit.

5. Hinc fit, quòd bonitas, vel malitia, quæ actui competit ex proprio objecto, est prima specifica, & essentialis; undè, & vocari solet bonitas, vel malitia ex genere: Ea verò, quæ actui advenit ex quacumque circumstantia, accidentalis est, v. gr. fornicatio in Ecclesia commissa, essentialiter est in specie luxuriæ, & fornicationis; accidentaliter autem

in specie irreligiositatis, & sacrilegii.

6. Cum quo ramen stat, quòd, quando actus est de se indifferens, primæ circumstantia illum vitians, aut bonificans det illi bonitatem, vel malitiam specificam, & essentialem; sicut prima circumstantia inficiens actum ex genere suo bonum. V. gr. Deambulatio ad ostensionem propriæ dignitatis, est in specie vanæ gloriæ; & si addatur nova malitia per aliam circumstantiam, putà si indè Sacrum omittat die festo, hæc malitia accidentalis est ipsi deambulationi. Similiter dans eleemosynā Mulieri ad illam corrupendam, actū committit essentialiter in specie fornicationis.

Horum autem ratio est; quia quod primò completè constituit rem in aliquo genere, dat illi speciem essentialem. Jam verò deambulatio ad ostentationem, secluso quocumque alio, est formaliter mala, nec antecedenter aliam habet malitiam. Sicut pariter ex hoc ipso, quòd talis eleemosynam tribuat ad malum finem,

elemosyna ipsa formaliter mala est, nec aliam habet moralitatis speciem, quia bonitas, quam de se haberet, impeditur ex malo fine, ut ex dictis §. 1. constat. Quare tunc huiusmodi circumstantiæ, licet respectu actus nudè suppositi circumstantiæ sint; in genere tamen moris in ratione transeunt objecti, quia ipsum objectum in determinata specie morali constituunt.

7. Quia verò tota substantia, & entitas actus est ipsa objecti attingentia, nihil enim penitus est actus, quàm via, motus, & tendentia in objectum; hinc est, quòd non solum bonitas, vel malitia essentialis, sed etiam accidentalis, non nisi medio objecto, illi convenit, nisi enim circumstantia objectum afficiat, neque actum afficere potest.

Nec aliquid obstat, quòd communiter cum S. Doct. distinguere soleat bonitas, vel malitia ex objecto, & ex circumstantiis proveniens. Verum namque est, quòd essentialis bonitas, vel malitia ex objecto, & ex objecto su-

mi dicitur, quia ex ipso ex genere suo, & secundum se sumpto, provenit, undè bonitas, vel malitia ex genere appellatur. Accidentaliter verò, non ex objecto nudè sumpto, sed ex objecti circumstantia oritur, & ideò propriè ex circumstantia dicitur. Aliàs autem nulla in actu bonitas, vel malitia esse potest, quæ in objecto non fuerit.

8. Cum autem nullus actus moralis sit, nisi quatenus Voluntarius, non poterit objectum specificare moralem actum, nisi quatenus objectum est ipsius Voluntatis. Magna verò est difficultas, adhuc intra Scholam D. Thom. an formale objectum adæquatum Voluntatis sit solus finis; ac per consequens à solo fine desumenda sit species actuum voluntariorum, & moralium. An potius media quæ intra latitudinem objecti formalis contineantur, & etiam ipsa dare possint actui voluntario speciem. Controversiam istam exactiùs citata q. 18. discussimus; hic autem sufficiat, illam summam resolvere juxta proba-

ba-

babiliorem sententiam.

9. Dico igitur in primis medium, etiam ut medium, propriam habere, & intrinsecam bonitatem à bonitate finis distinctam, licet diminutam, & à bonitate finis dependentem. Ac per consequens, licet finis primum sit, & principale objectum Voluntatis, non tamen adæquatum, & totale.

10. Prima pars, in qua est maxima difficultas, & à quibusdam etiam Thomistis negatur; videtur consona Philosopho, qui lib. primo Magnorum Mor. cap. 5. ait: *Bonorum alia sunt fines, alia verò nō.* Consonat etiam D. Thom. qui, omisiss aliis locis, in secundo dist. 21. q. 1. art. 3. loquens de bonitate mediorum, illamque distinguens à bonitate finis ait: *Aliquid tamen est, quod in se bonitatem habet, non tamen appetitur; si absolute consideretur, sed ex ordine ad finem bonitatem quandam sortitur, quæ utilitas nominatur.* Ex quibus eruitur efficax ratio.

11. Medium etiam formaliter, ut medium, intrinsecè, & ratione propriæ na-

turæ, & entitatis, coaptationem, & proportionem habet ad finem, & non solum extrinsecè; debet enim illud causare, vel effectivè, vel per modum instrumenti, dispositionis, aut alio quocunque modo; quælibet autem causa adhuc minima, & imperfectissima, debet aliquo modo cum suo effectu proportionari; Sed ista proportio sufficit ad constituendum illud bonum, reddit enim ipsum verè appetibile, potensque movere appetitum, sicut movet de facto ad sui electionem voluntatē: ergo aliquam habet in se bonitatem intrinsecam à bonitate finis distinctam, cum bonum idem sit, ac appetibile; bonum siquidem est, quod omnia appetunt, nec aliquid est appetibile, nisi bonum.

12. Quod si aliquando medium in re proportionē non habeat cum fine; ex hoc ipso, quod ut medium proponitur, certè ut proportionatum apprehenditur, aliàs non appeteretur: quamvis igitur tunc vera bonitate careat, habet nihilominus propriam bonitatem apparentem, & apprehensam; quod
suf-

fulficit, ut sit bonum potens movere Voluntatem, sicut sufficit in fine, apparens, ficta, & apprehensa bonitas; ut intendatur.

13. Quod verò dicta bonitas diminuta sit, & à bonitate finis dependens, clarè de se patet; ac breviter probari potest ex doctrina D. Thom. *p. p. q. 5. art. 6.* Medium enim, ut medium, non est appetibile, ac proindè, nec bonum, nisi secundùm quid, & dependenter à fine; appetibile siquidem est id, in quod tendit motus appetitus, tanquam terminum, in quo quiescit, motus enim quilibet in quietem definit per adeptionem proprii termini. Atqui mediũ, ut medium, non nisi secundùm quid, terminat appetitum, nec illum quietat, nisi secundùm quid imperfectè, & dependenter à fine, non appetitur namque, nisi per modum viæ, & tendentiæ in ipsum finem; bonitas ergò illius non est, nisi diminuta, imperfecta, & à fine dependens.

14. Ex quibus reliqua pars conclusionis probata manet. Et certè, quod finis

primarium sit, & principale objectum, probatione nõ eget; verè namque finis per se primò, & principaliter à Voluntate attingitur, media verò non nisi ratione finis; quod sufficit ad rationem objecti primarii.

15. Quod verò non sit adæquatum, & totale, videtur de mente S. Doct. *p. 2. q. 8. art. 2. agentis. Voluntas se extendit, & ad finem, & ad ea, quæ sunt ad finem; ad ea enim se extendit unaquæque potentia, in quibus inveniri potest quocumque modo ratio sui objecti; sicut visus se extendit ad omnia, quæcumque participant, quocumque modo colorem: ratio autem boni, quod est objectum potentiæ Voluntatis, invenitur non solum in fine, sed in his, quæ sunt ad finem.* Subditque in responsione ad secundũ, quod finis, & media comparantur ad Voluntatem, sicut lux, & color ad visum; patet autem, quod color est verè objectum visus.

16. Probatur etiam ratione. Objectum formale, quod adæquatum, & totale alicujus potentiæ est illud, quod attingitur, ut quod in

om-

omni actu , & quod terminat omnem actum illius potentiae ; hæc est enim differentia inter objectum formale , quò , & quòd , seu rationem , quæ , & sub quâ ; quòd ista , ut talis , est ratio attingendi , non id , quòd attingitur , licet contingere possit , quod etiam ipsa , ut quod attingatur , sed tunc non se habet , ut ratio , sub quâ , sed ut ratio , quæ ; ut patet in luce , quæ est ratio videndi colores , & ut sic nō videtur , ut quod ; nam species coloris non est representativa lucis , videtur autem lux per suam propriam speciem ipsam representantem , ut dicitur in libris *de Anima* .

Atqui non solus finis , verum , & media , ut quod attinguntur , & terminant actum Voluntatis ; nam etiam ipsa , ut probatum est , sunt appetibilia , ut quod , & potentia terminare actum Voluntatis , cum sint intrinsecè bona , ergò finis non est adequatum Voluntatis objectum .

Constat insuper , quòd actus consensus , & electionis non attingit , nec termina-

tur , ut quod ad finem , sed ad media , licet finis ratio sit , & motivum attingendi media ipsa ; de fine siquidem , ut fine , non est consensus , nec electio : quare dum quis , v. g. eligit , & vult laborare , ut lucretur , non dicitur formaliter , per talem actum velle lucrum , sed laborem propter lucrum .

17. Consequenter igitur dicendum est actum Voluntatis recipere suam speciem essentialem à suo proximo , & immediato objecto , sive illud sit finis , sive medium . Quilibet enim actus à suo proximo , & immediato objecto speciem desumit . Nihil enim est actus , ut dictum est , nisi via , tendentia , & motus ad objectum , & præcipue Voluntatis actus , qui est quædam inclinatio , & pondus in appetibile ; Via , verò , tendentia , & motus à proximo , & immediato objecto , seu termino speciem desumit . Unde alteratio , v. gr. quamvis disponat ad generationem , & formam substantialem , non ab hac , sed ab accidentali , ad quam immediatè terminatur , suā accipit speciem . Cum ergò me-

media objectum sint Voluntatis, actus qui ad ipsam immediatè, & proximè terminantur, speciem ab ipso defument.

18. Cumque actus qui libet non sit in genere moris, nisi ut à Voluntate procedit, immò, ut supradictum est, actus aliarum potentiarum cum actu Voluntatis non ponant in numero; sed moraliter idem omninò sint, absolutè dicendū erit, actus morales ab objecto Voluntatis, moraliter tamen considerato, idest cum ordine, & subiectione ad legem specificari.

19. Aliqua tamen pro pleniori intelligentia, & solutione plurium, quæ objici solent, addenda sunt. Ac primò habendum est præ oculis, finem duplicem esse, intrinsecum scilicet, & extrinsecum, vel quod idem est, operis, & operantis. Finis intrinsecus est, quem per se respicit, & ad quem actus ex natura sua ordinatur, præcisa quacumque extrinseca, & adventitia ordinatione.

Cumque actus de se ad objectum ordinetur, & pro-

pter illud sit, ad aliud siquidem non datur actus, quàm ad objecti attingentiā. Hinc est, quòd hujusmodi finis, & objectum idem omninò sunt. Insuper cum Voluntas ab objecto moveatur, si non efficienter, & per modum principii activi, de quo nolumus disputare, in genere saltem causæ finalis, & formalis extrinsecè, alliciendo ipsam; sequitur, quòd idem sint hæc tria, objectū, finis, & motivum.

Finis autem extrinsecus ille dicitur, quem de se non respicit, sed ad illū ex agentis intentione ordinatur. Et hic finis de se non dat speciem actui essentialem, sed se habet per modum accidentis, & circumstantiæ.

20. Quando igitur Sanctus Doctor cum communi proloquio ait, quòd actiones humanæ specificantur ex fine; intelligi debet de fine intrinseco, & immediato, & proximo, qui est idem, ac objectum.

21. Vel certè, quòd potissima, & principalis species à fine adhuc extrinseco, & operantis, desumitur. Verum namque est, quòd, dum quis

quis furatur, ut adulterium committat, magis est adulter, quàm fur, quia Voluntas ejus, dum furatur, magis in adulterium fertur, quàm in ipsum furtum. Cũ quò tamen fiat, quòd talis actus sit essentialiter in specie furti, & tantum accidentaliter in specie adulterii. Ut enim idem ait S. Doctor *p. p. q. 5. art. 1. ad 1. & alibi*, bonum, & malum sumuntur potissimè à forma accidentaria superaddita.

22. Nequè id mirum videri debet. Essentia namque constituit rem absolute; id verò, quod constituit illam in esse perfecto, jam supponit rem in suo essentiali esse constitutam; quidquid autem rei advenit jam in suo esse constitutæ illi est accidentale. Undè, ut cetera omittamus, ipsa summa, & ultima hominis perfectio, & Beatitudo formalis, accidens quoddam est illi superadditum. Benè fiat igitur, quòd potissima, & præcipua species humani actus à fine desumatur, & sit nihilominus illi accidentalis.

23. Notate insuper, quòd

licèt finis non sit Voluntatis adæquatum, ac totale objectum formale; quod est nihilominus adæquata ratio formalis, sub qua media etiam attingit: Undè ait S. Thom. *p. 2. q. 1. art. 1.* finē se habere ad media, sicut se habet lux ad colorem; quare nec media, ut media attingit, nisi ratione finis.

Cum quò benè fiat, quòd medium, etiam ut medium, non sit objectum purè per accidens, & materiale; ad hoc enim requireretur, quòd non solum ratione finis attingeretur, sed insuper, quòd secundum se nullam haberet attingibilitatem, sed per eandem omninò attingeretur attactionem, quā finis. Sicut hac ratione substantia non est, nisi materiale objectum visus; quia non solum ratione coloris videtur, sed eadem indivisibili visione, quā videtur color, dicitur videri substantia per accidens, & de materiali, nec aliter videtur, quàm per coloris visionem. At verò medium, licèt non nisi ratione finis appetatur; diverso tamen appetitu, quamvis in ipsa mediū Voluntate inclu-

O datur

datur Voluntas finis, in ordine ad quem appetitur medium. Et hoc sufficit, ut non sit purè objectum materiale, sed formale, licet minus principale, & secundarium; quia hoc sufficit ad hoc, ut aliquem terminet Voluntatis actum.

Sequitur Summarium.

24. Non sufficit specifica distinctio in esse entis, ut objectum det speciem in genere moris.
25. Tria sunt præcipuè de legis essentia.
26. Non infert lex formalem actus distinctionem, nisi specialem directionem importet.
27. Diversus finis legis non sufficit ad speciem diversificandum actum.
28. Nisi fortè proponatur, tanquam finis proximus, & particularis.
29. Finis generalis, & remotus non inducit novam speciem, nisi ab operante sit intentus.
30. Quomodo intelligatur Philosophus. Quod non est eadem virtus boni civis, & boni viri.
31. Virtutes morales faciunt

bonum civem, prout inducunt rationem Justitiæ legalis.

32. Diversa est Justitia legalis juxta regiminum diversitatem.
33. Falsum est, Virtutes infusas per solum ordinem ad finem supernaturalem specie distingui ab acquisitis.
34. Fidelis peccans contrà virtutem moralem nō semper duplici malitia peccat, scilicet contrà infusam, & acquisitam.
35. Non semper tenetur fidelis, ad præcepta supernaturalia, & supernaturalem finem advertere.
36. In usu non est, etiam apud Doctos, de hujusmodi malitiis distinctè se accusare.
37. Tunc lex modum specialem præscribit, quando in objecto respicit aliquam rationem, quæ sufficit se sola, ipsum completè constituere in genere boni, vel mali.
38. Id provenit originariè ab ipsa objecti appetibilitate.
39. Proprius modus operandi Voluntatis est, trahi ab objecto; ubi ergo est diversa appetibilitas, ibi est diversa ratio motivi, & objecti formalis.

40. Offen-

40. *Ostenditur hoc in speciebus gula.*

41. *Quaecumque directionis diversitas ad malitiam speciei distinguendam sufficit, non verò ad bonitatem.*

24. **R**ESTAT modò, ut videamus, quomodo nosci possit, objectũ speciei distingui in genere moris, ut complectamur habeamus regulam specificæ distinctionis moralium actuum. Non enim sufficit specifica objecti distinctio in esse entis; aurum quippe, v. gr. & argentum speciei distinguuntur. Furari autem argentum, vel aurum, in genere moris ejusdem sunt omninò speciei. E contrà fornicari cum libera, vel conjugata, in esse naturæ ejusdem sunt speciei, diversæ tamen in genere moris; cum autem in genere moris non constituatur objectum, nisi per ordinem, & subjectionem ad legem, hinc fit, quòd per eundem ordinem habet objectum moralem unitatem, vel diversitatem specificam.

25. Sed notandum ex D. Thom. p. 2. q. 95. art. 4.

quod plura sunt de ratione, & essentia legis; ac præcipuè, quòd ad commune bonum ordinetur, quòd ab auctoritatem habente instituitur; ac demùm, quòd humanorum actuum sit directiva. Id autem, quod per se propriè, & essentialiter ab actu, & ejus objecto respicitur in lege, est ratio directivi; aliæ verò rationes, quasi de materiali, & præsuppositivè se habent; ita ut, si per impossibile vera lex dari posset, quæ veram haberet rationem directivi, & regulæ morum absque auctoritate, vel ratione boni communis; verè actus per illam regulatus bonus, vel malus esset in genere moris: eo quia munus proprium legis circa humanos actus est, esse illorum regulam, & mensuram, quòd quidem non aliter exercet, quam objectum proponendo; undè & ordo actus, & objecti ad legem non est, nisi tanquam ad regulam, & mensuram.

26. Licet ergò, quotiescumque lex distinguitur secundum aliquam ex dictis rationibus, cum omnes illæ sint de legis essentia, lex ipsa pro-

propriè, & essentialiter distinguui dicatur; attamen ad formalem actus, vel objecti moralis distinctionem, non sufficit quælibet adhuc essentialis legis distinctio, sed requiritur, quòd sit distinctio penes rationem directivi, & regulæ, quæ per se ab actu, & objecto respicitur.

Quarè, licèt lex Divina, & humana essentialiter distinguantur ex parte legislatorum; nisi aliquam specialem directionem important circa objectum, quod proponunt; nec illud, nec actum specie diversificant; undè furtum lege Divina & humana prohibitum ejusdè indivisibilis est speciei; quia modus, & distinctio utriusque legis eadem est omnino, putà æqualitas Justitiæ quam utraque lex intendit.

27. Dices tamen, quòd cum legis directio sit propter finem, ubi diversus est finis legis, non potest diversa non esse directio; medium enim, & finis proportionari debent. Cum igitur finis legis naturalis, v. g. & legis humanæ positivæ diversus sit: hæc enim pro fine habet politicam conviventiam, &

pacem; illa verò honestatè, & secundum rationem esse; diversam quoque habebunt rationem directivi; ac per consequens diversam inducent moralitatem in objectum, & actum. Undè S. Doctor cum Philosopho 3. Pol. lec. 3. docet, quòd non est eadem virtus boni Civis, & boni Viri; immò nec eadem est Virtus boni Civis, secundum quod benè se habet ad diversas Politicas.

Ad hæc autem dicitur, quòd cum unum, & idem medium possit benè ad plures fines, saltem extrinsecos ordinari, & optimè conducere, ut experientia satis constat, diversus finis legis de se non sufficit ad objectum, vel actum in genere moris distinguendum, quia non sufficit ad variandam rationem directivi, quòd per se ab utroque respicitur in lege; directio namque legis est, modum præscribere, cui debeat actus conformari, & commensurari; quarè, nisi lex diversum præscribat modum, nunquam diversa erit formaliter in ratione directivi.

Cum igitur idem omnino sit

fit modus, quem præscribit lex naturalis, & positiva, prohibendo, v. gr. furtum, putà æqualitas Justitiæ, quā unicuique suum tribuatur Jus; diversitas finis, diversam non inducit moralitatē. Undè communiter Theologi docent, quod finis præcepti non cadit sub præcepto, v. gr. licèt præceptum abstinendi à servilibus in die festo habeat pro fine divinum cultum; quamvis aliquis die festo divinis non vacet; immò potiùs illicitis, modò serviliter non operetur, præceptum servat.

28. Tunc ergò solùm finis legis, aut legislatoris novam inducit moralitatē, quandò tanquam finis proximus, & particularis proponitur, sicut enim lex actū, & objectum de se indifferens, præcipiendo, vel prohibendo ex rationabili causa, constituit in determinata specie bonitatis, vel malitiæ moralis; ità præcipiendo, vel prohibendo actum de se bonum, vel malum ex novo titulo, & speciali fine, illi addit novam bonitatis, vel malitiæ moralis speciē, quæ tamen accidentaliter erit,

ut ex dictis constat, putà si præcipiatur jejunium in virtute obedientiæ.

29. Caterum finis generalis, vel remotus legislatoris non inducit de se novā speciem, nisi fortè ab operante sit intentus; puta si quis patienter injuriam substineat, ut quieti Reip. cooperetur, vel si furtum, aut homicidium committat, ut eidem noceat: sed tunc ista nova bonitas, vel malitia, non præcisè adveniret ex fine legis, ut talis; immò potiùs, quia jam est finis ipsius agentis, qui semper suā bonitatem, vel malitiam actui superaddit.

30. Ad id, quòd additur ex Philosopho, dicendum. Sensus Philosophi, & S. Doct. non esse, quòd virtutes morales in se distinguantur specie, secundum quod ad bonum Reip. ordinantur, & bonum faciunt Civem, à se ipsis, ut præcisè circa propriam materiam versantur, v. g. Quòd fortis Vir ad hoc quòd sit bonus Civis, indigeat nova fortitudinis virtute specie distincta à fortitudine, quā fortis est secundum se. At sensus est, quòd ratio

ratio faciens bonum Civem alia est, ac aliundè sumitur, quàm ratio faciens bonum Virum, etenim ad bonum Civem sufficit, quòd convenienter se habeat, & faciat opus suum, & ministerium in ordine ad Reip. conservationem, quod non sufficit ad bonum Virum, ad quem pertinet, benè se habere secundùm rationem; Undè contingit aliquem esse bonum Civem, qui tamen nō habet virtutem, secundùm quam aliquis est bonus vir, ut ait S. Doct. ibi; ex quò sequitur, inquit Medina *p. 2. q. 63. art. 4.* quòd hoc modò virtus boni Civis, ut sic, non est virtus simpliciter dicta; quæ simpliciter bonum facit habentem.

31. Si verò simul sit aliquis bonus Vir, & bonus Civis, illud habebit ex propria honestate moralium virtutum; hoc autem, quatenus ipsæ induunt rationem Justitiæ legalis ordinatæ ad commune Reip. bonum: undè nec propriam speciem amittent, sed aliam accidentale Justitiæ legalis accipient, per quam constituent bonum Civem.

32. Cumque diversa, juxta regiminum diversitatem, sit Justitia ipsa legalis; diverso namque modo se habere debent Cives ad Reip. conservationem in regimine populari, & in Magnatum, vel Tyrannorum: undè bonus quis potest esse Civis in uno, & non in alio regimine; hinc est, quòd ipsæ Virtutes diversam quoque fortirentur speciem, accidentalem tamen, secundùm quod ad diversas politicas ordinantur.

33. Major certè difficultas apparet in lege Divina supernaturali, quæ diversam omninò moralitatem inducit absque ulla objecti variatione per hoc solum, quòd ad supernaturalem finem dirigat: undè communiter cum S. Doct. Virtutes infusas, quæ ad ipsam pertinent, specie distinctas esse ab acquisitis; Thomistæ docent.

At verò falsum est, Virtutes infusas ab acquisitis per solum ordinem ad supernaturalem finem specie distingui: docet enim expressè D. Thom. *p. 2. q. 63. art. 4.* distingui secundùm rationes formales objectorum,

rum, eò quia ratio formalis objecti virtutum moralium est modus à ratione institutus in bono propriæ materiæ; alterius autem rationis est modus, qui imponitur secundum regulam rationis humanæ, & modus, qui imponitur secundum regulam legis divinæ: putà in sumptione ciborum, ratione humana modus statuitur, ut non noceat valetudini corporis, nec impediatur rationis actum; secundum autem regulam legis Divinæ requiritur, quòd homo castiget corpus suum; & in servitutem redigat per abstinentiam cibi, & potus, & aliorum hujusmodi. Undè ait ibi Medina; Medium, quod eligit temperantia acquisita, est consentaneum rationi humanæ; medium verò temperantiæ infusæ videtur stultitia, si ratione humana examinetur.

34. Ex hoc tamen sequi videtur, quòd ut plurimum fidelis peccans contra quācunque moralem virtutem duplici specie distincta malitia peccet; Etenim modus virtutis infusæ, licèt superexcedat modum acquisitæ,

illum tamen includit, non excludit, & insuper aliquid addit, v. gr. modus temperantiæ infusæ non excludit moderationem cibi, & potus, quam requirit acquisita temperantia, ut valetudini corporis, & recto usui rationis consulat, sed illam includit, & ampliùs addit moderationem, quā corpus ipsum castigetur, & in servitutem redigatur. Quamvis igitur aliquis non servans hanc moderationem cibi, & potus, quā corpus castiget ubi, & quando tenetur, sive ex communi, sive ex speciali aliqua lege, aut præcepto; non nisi unica malitia peccet contra infusam virtutem; dum tamen quis modum excedit virtutis acquisitæ, puta plus de cibo, & potu sumendo, quàm naturalis ratio dicet, manifestum est, quòd modū quoque transgreditur virtutis infusæ; ac per consequens duplici malitia peccabit.

Ita planè dicendum, existimat Medina *p. 2. q. 72. art. 6.* Ego autem, salvo meliori iudicio, puto, quòd si taliter peccans advertat ad præceptum infusæ virtutis,

tis, utique duplici peccabit malitia; Secus verò, si absque tali advertentia. Et ratio est; quia sine tali advertentia infusa virtus non læditur, nisi ad summum per accidens. Cum enim actus de se in ordine sit naturali, non habet de se contrarietatem, nisi cum actu ejusdem ordinis, quemadmodum, & habitus vitiosus, ad quem pertinet, propriè non contrariatur virtutibus infusis, sed acquisitis, ut idem ait Medina *q. 63. art. 3. in resp. ad 4.* Undè admittit, quòd cum virtute infusa compatibilis sit habitus vitiosus oppositus.

Quia igitur modus, v. gr. temperantiæ acquisitæ non est proprius, & specialis modus temperantiæ infusæ, sed quodammodò per accidens, ac de materiali ad ipsam pertinet, quatenùs videlicet proprius ejus modus consistere nequit absque modo temperantiæ acquisitæ, ad minùs in quantum moderatur excessum cibi, & porus; hinc est quòd excedens modù acquisitæ temperantiæ non nisi per accidens, ac de materiali, vir-

tutem infusam lædit, nisi fortè, ut dixi, cum advertentia ad illam operetur. Hoc autem non sufficit ad dandam actui specialè malitiam contrà virtutem infusam; sicut quamvis omne peccatum mortale pugnet cum charitate, illamque expellat, non sequitur indè, quòd omne mortale peccatum sit in specie malitiæ contrà charitatem, nisi cum illa ex propria, & speciali ratione pugnet.

25. Neque fortasse dicas, non requiri ad peccatù expressam, & actualè præcepti, & malitiæ advertentiam, sed sufficere, quòd quis teneatur advertere, Nam de facto non semper tenetur fidelis, dum quid pium agit, advertere ad supernaturalia præcepta, sicut nec actualiter suas operationes ad finem supernaturalè dirigere; sed sufficit, & benè tenetur, advertere ad actus honestatem: si ergò, dùm peccat, non advertat ad supernaturale præceptù infusæ virtutis, cum aliàs ad illud advertere, non teneatur, nullo modo per se contrà virtutem infusam peccabit,

cabit, nec ipsam lædet, nisi ad summum per accidens, ac de materiali, quòd non sufficit ad dandam speciem.

36. Quidquid autem sit. Hæc teneant, quantum possunt, omnia saniori iudicio submitto. Certum est, apud viros, etiam doctos, in usu non esse, de huiusmodi malitiis distinctè se accusare, nisi fortè, ut dixi cum advertentia quis peccet, vel speciale virtutis infusæ præceptum transgrediatur, undè puto, quòd etiam si verè semper distinctæ sint malitiæ non sit opus, de tali distinctione anxios nos esse in Sacramentali confessione, sed sufficiat, simpliciter nos de peccato accusare; cum enim hæc malitia cōtrà virtutem infusam comiteretur de se peccatum cōtrà acquisitam, sufficienter jam utraque malitia explicatur, explicando peccatum ipsum.

37. Ex his liquidò colligitur, quòd tunc objectum in genere moris distinguitur specie, quando lex circa illud specialem habet directionem, specialemque in illo modum præscribit; sed

remanet adhuc difficultas. Quomodo nosci possit, legem in objecto specialem præscribere modum? Ad hoc dico, tunc legem præscribere modum specialem, quando in objecto respicit aliquam rationem, quæ se solà, præcisà quacunque alia, sufficiat, ipsum objectum completè constituere in genere bonitatis, vel malitiæ: si enim talis ratio absolute bonum, vel malum constituit objectum, jam utique dat illi moralem speciem; ac per consequens quælibet alia ratio adveniens quæ sit pariter de se sufficiens ad illud bonificandum, vel vitandum, novam afferet speciem.

38. Hoc autem originariè provenit ex ipsa objecti appetibilitate: quotiescumque enim in objecto specialis ratio apparet, quæ de se vim habeat alliciendi, ac trahendi Voluntatem utpotè specialem cum ipsa proportionem, & convenientiam habens, putà speciale honestatem, vel delectationem, seu utilitatem, indiget utique Voluntas ipsa quadà speciali directione, ac modo

P quòd

quò ad ipsum congruè se habeat. Undè sæpè, & benè reperit S. Doct. tunc esse diversum formaliter objectum, quando est diversum motivum.

39. Neque dicas, id esse petitionem principii, cum ut diximus, idem sint objectum, finis, & motivum. Quamquam enim id verum sit, diversas tamen habent hæc tria formales rationes, ut supra in hoc §. explicuimus. Et quia proprius modus operandi Voluntatis est, trahi ab objecto per modum ponderis, & inclinationis; hinc est, quòd ratio motivi propriè constituit objectum in speciali ratione objecti Voluntatis, secundum proprium ejus operandi modum. Quia verò ista motio, & attractio non fit, nisi media objecti appetibilitate; indè fit, quòd ubi diversa est appetibilitas, diversum quoque est motivum, & objectum formale: Et quia hæc diversa appetibilitas diversam exigit directionem, & modum; ex diversitate motivi, & appetibilitatis, optimè arguitur formalis objecti diversitas, etiam in genere

moris, exigitivè saltem, quamvis formaliter ab ordine ad legis directionem habeatur.

40. Ostenditur hoc manifestè in speciebus gulæ tali versu contentis.

Præproperè, lautè, nimis, ardentè, studiosè.

In quibus diversitatem objecti ex diversitate motivi, & appetibilitatis desumere, necesse est; non enim apparet; undè aliter desumi possit. Nam quòd quis præproperè comedat, provenire potest ex facili consumptione humiditatis; propter quam homo dilationem cibi ferre non potest, undè præpropera comestio speciale commodum affert, quod non affert, v. gr. lauta, hoc est prætiosorum ciborum. Hæc pariter specialem habet delectationem in pretiositate cibi, quam in aliis non reperies. Item quòd multum, & nimis quis comedat, de se provenit ex virtute naturæ multum potentis ad convertendum cibum, & sic de aliis. Quarè omnes istæ species diversam requirunt directionem, & modum; patet namque, posse quempiam

piam moderatè comedere in quantitate, & tamen lautè, cibos videlicet pretiosos, & sic de singulis. Diversa ergò appetibilitas cum subjectione ad legem, quæ omninò essentialiter, & formaliter se habet in genere moris; non solum in esse naturæ, sed etiam moris tribuit diversitatem.

41. Ubi tamen advertè, consultò in tradita regulâ nos posuisse, tunc legè specialem præscribere modum, quando in objecto rationem aliquam invenit, quæ se sola, præcisa quacumque alia sufficiat, completè constituere in genere bonitatis, vel malitiæ: nam licèt quæcumque diversitas modi, ac directionis ad malitiæ speciẽ sufficiat, non tamen ad bonitatem; eò quia, ut sæpè dictum est, bonum ex integra causa, malum autem ex quocumque defectu resultat; undè quod in vitio adæquatum est objectum, & se solo sufficiens ad ipsum cõpletè in specie constituendum, ejus moderatio inadæquata est, & partialis respectu virtutis, nec sufficiens de se, in bonitatis specie

constituere, ut satis apertè constat.

§. IV. Undè sumenda numerica distinctio moralium actuum.

SUMMARIUM.

1. Difficile est, regulam assignare, quâ peccatorum numerus dignosci possit.
2. Numerica distinctio, etiã in genere moris, ab ipso actu sumenda est.
3. Non tamen attendenda unitas, vel distinctio actus in esse entis, sed moris.
4. Multiplicato moraliter Voluntatis actu, multiplicatur etiam bonitas, vel malitia.
5. Moralis continuatio dat unitatem, discontinuatio multiplicationem.
6. Etiam absquẽ discontinuatione multiplex esse potest actus moraliter.
7. Unitas, vel diversitas numerica moralium actuum ab unitate, vel diversitate morali Voluntatis pensanda est.
8. Etiam quoad actus, qui opere complentur externo.
9. Probaturn manifestè.

10. *Distinctio numerica non est sumenda ab actibus Voluntatis, ut sunt formaliter morales, sed ab ipsis materialiter sumptis, moraliter tamen judicatis.*

1. **N**ON parvi momenti est in re morali presentis difficultatis resolutio, præcipuè quoad peccata, quorum in confessione, species non modò, sed & numerum, opus est, explicare. At multa, & tam varia, immò, & in parte opposita congerunt Authores, ut difficilè sit valdè, certam assignare regulam, quàm numerum peccatorum dignoscere possimus. Nihilominùs, quàm poterimus, brevitate id, quod certiùs videbitur, ex ipsius Angelici D. Doctrina, aliorumque DD. placitis, tanquam veriorè regulam statuere, conabimur.

2. In primis ergò certum est, quòd, cum in moralibus actus ipse humanus se habeat, tanquam materia, bonitas verò, & malitia, tanquam forma; sicut formalis, & specifica distinctio à bonitate, & malitia, ita numerica, & materialis ab ipso a-

ctu sumenda videtur; forma namque dat speciem, & formalem distinctionem, materia verò individuationem, & numericam diversitatem. Quin immò, cum bonitas, & malitia sit accidens humani actus, ut ab initio notavimus; & individuat accipientium à subjecto sumatur, ut constanter docet S. Thom. bonitatis quoque, & malitiæ moralis individuat ab actu sumenda erit.

3. Quòd si Cajeta nus tom. 1. tract. 31. resp. 15. ad 2. dub. videatur, asserere, nullo modo attendendum esse ad unitatem, vel multiplicitatem actuum, ut unitatem, vel multiplicitatem peccatorum inveniamus, sed tantum ad actus deordinationem; itaut, ubi est unum numero deordinatio, unum sit numero peccatù, quamvis actus plures.

Quæramus ab ipso, à quò habet deordinatio, ut unum numero sit, nisi ab unitate actus, cujus est accidens.

Quarè Cajetanum intelligendum puto, non esse quidem attendendum ad unitatem actus in esse entis, & naturæ, benè tamen in esse mo-

moris; Verùm namquè, & certissimum est, quòd sicut plures actus diversarum specierum in esse naturæ, in genere moris in eadem specie adunantur; ità plures actus numero in esse entis, moraliter unus tantum actus reputantur. Patet siquidè quod moraliter unus actus dicitur Voluntas occidendi, & externa occisio; & ipsū homicidium voluntariè perpetratum unum, non solum specie, sed numero peccatū, & actus moraliter dicitur, cum tamen specie, & numero distincti sint actus realiter, & in esse naturæ. Similiter è contrà, sicut quæcumque copula cum foemina ejusdem est speciei in esse naturæ, in genere tamen moris distinguitur specie, si foemina libera sit, vel conjugata; ità unus numero actus in esse entis, multiplex dici potest in esse moris.

Patet hoc, nam si quis eodem actu simul conjugatā, & liberam concupisceret; actus certè in esse naturæ unus numero esset, in genere autem moris non posset, duplex non esse; implicat siquidem, quòd idem nume-

ro in duabus sit speciebus essentialibus; individuum namquè determinatam supponit speciem; talis verò actus in genere moris in duabus esset speciebus essentialibus, quod manifestè convincitur. Nam ibi absque dubio duæ species malitiæ sunt; vel ergò utraque essentialis est, vel una essentialis, ac accidentalis altera; hoc esse nō potest; tum quia nō videtur assignabilis ratio, cur potius una, quàm alia sit essentialis; tum etiam quia, nec secundum se una est accidens, vel circumstantia alterius, nec ex intentione peccantis, cum utramque directè, & æqualiter intendat: igitur dicendū est, quòd talis actus, & si naturaliter unus, moraliter duplex est.

4. Supposito ergò, quòd unitas, vel diversitas numerica ex unitate, vel diversitate numerica actus in esse moris desumenda sit. Difficultas remanet, quando unus, vel multiplex actus moraliter dici debeat. Et certum est in primis, quòd multiplicato Voluntatis actu moraliter, multiplicatur quoque bonitas, vel malitia, quæ potissimè in ipsa

Vo-

Voluntate consistit, immò in ipsa sola intrinsicè, quòd ad meritum, vel demeritum, ut ostensum est. Dubium autem erit, an stante unitate morali actus Voluntatis, cum multiplicitate actuum externorum, dici debeat absolute unus, vel multiplex actus moralis bonus, vel malus. Hoc igitur erit primum punctum discutiendum.

5. Deindè videndum est; quando nam actus Voluntatis unus, vel multiplex moraliter censerì debeat. Circa quod certum est, quod sicut naturaliter multiplicatur actus per discontinuationem, seu interruptionem, ita ut si Voluntas continuò operetur, putà continuò actualiter amando, non nisi unicum actum eliciat; si verò ab amore cesset, & iterum amet; jam novum eliciat amoris actum à priori distinctum; ita moralis continuatio de se unitatem dabit, moralis verò discontinuatio, & interruptio multiplicatam præbebit moralem.

Secundò ergo statuendū erit; quomodò nosci possit, actum discontinuari moraliter.

6. Cæterum, cum possit adhuc Voluntatis actus absque ulla discontinuatione multiplex esse moraliter, ut in allato exemplo de simul concupiscente liberam, & conjugatam; ibi enim discontinuatio esse non potest; nam hæc successionem importat, ac perindè prius, & posterius; In casu autem assignare non est prius, & posterius, non enim tempore, quia supponimus, quòd simul in utrumque objectum feratur, nec natura, cum prædicta objecta de se nullum dicant ordinem, quòd prius unum, quàm aliud appeti possit, nequè moraliter; hoc enim non videtur, undè possit oriri, nisi ex concupiscentis intentione, quæ in casu esse potest, quia supponimus, quòd utrumquè appetat æqualiter. Cumque ex alia parte non possit, duplex non esse moraliter actus, ut ostensum est, relinquatur, quòd præter discontinuationem ex alio quoque capite moraliter actus multiplicari possit. Hocque tertium erit resolvendum, quibus statutis, facile satis numericam distinctionem bonita-

nita-

nitatis, & malitiæ discernere poterimus.

7. Dicendum ergo generaliter. Unitas, vel diversitas numerica moralium actuum, etiam quoad bonitatem, vel malitiam ipsorum, ab unitate, vel diversitate morali actuum Voluntatis pensanda est. Hæc videtur mens D. Thom. *in 2. dist. 42. q. 1. ar. 1.* ubi licet solum querat utrum actus interior, & exterior sit unum, vel multiplex peccatum, dat nihilominus generalem doctrinam, ait enim in corp. *Secundum unitatem Voluntatis est sumendum iudicium de unitate ejus, quod in genere moris dicitur.* Et rursus ad 4. *Ubi non multiplicatur actus Voluntatis, non multiplicatur peccatum.*

8. Conclusio ista, quod actus, qui in Voluntate ipsa consummatur, puta amoris, vel odii, clara satis est. Quoad multiplicationem pariter actuum, qui opere complentur externo, quod scilicet, multiplicatis actibus Voluntatis; quamvis non multiplicetur opus externum, multiplicetur actus moralis cum sua bonitate, vel mali-

ria, ex dictis etiam patet. Quoad unitatem vero, quod nempe, uno existente moraliter Voluntatis actu, quavis multiplicetur externus, unus sit moralis actus, unaque numero bonitas, vel malitia.

9. Probatur manifestè. Nam actus externi moraliter non ponunt in numero cum actibus Voluntatis, neque novam addunt bonitatem, vel malitiam, ut §. 2. ostendimus; unde actus consummatus furti; v. gr. non est novum peccatum, sed unum; & idem cum intentione furandi, solumque complementum est ejusdem peccati; ergo stante unitate in actu Voluntatis, per multiplicationem actus externi multiplicari non potest moralis actus, nec bonitas, vel malitia.

Patet consequentia; nam aliàs externi actus ponerent in numero, nec unum essent cum actu Voluntatis; Præterquam quod, ubi non est distincta bonitas, vel malitia, non potest esse distinctus actus moralis, qui per ipsam bonitatem, vel malitiam in genere moris constituitur.

Ubi

Ubi autem unus est Voluntatis actus, una numero est bonitas, vel malitia, quæ per actus distinguitur, ut dictum est; actus enim externi novam bonitatē, vel malitiam nō addunt supra Voluntatis actum, ut pariter supra ostensum est.

10. Quæ contrā istam conclusionem opponi possent, ex dictis, & dicendis facilè solvuntur; Una tantum occurrit specialis objectio. Quia nempe, sicut formalis, & specifica distinctio ex parte formæ, ita numerica ex parte materiæ desumitur; actus autem Voluntatis, ut moralis est, hoc est elicitus cum subiectione ad legem, non se habet, ut materia in genere moris; immò est jam formalissimè cōstitutus moraliter: ergò non ex illo, ut sic, sed potius ex actibus externis, vel etiam ipsius Voluntatis in esse entis, & naturæ consideratis; quomodo verè, ut materia, se habent, sumi debet numerica distinctio; ac per consequens, quotiescumquè multiplex est actus externus, vel actus Voluntatis entitativè; multiplex erit quo-

que in genere moris.

Ad hoc autem dicitur, quòd objectio procedit ex falso supposito; Non enim dicimus, quòd numerica distinctio actus moralis desumatur ex actu Voluntatis, ut moralis est; hoc enim esset petitio principii. Quæritur enim, per quid, non solum actus externus, ac potissimè ipsius Voluntatis habeat in genere moris, quòd sit unus, vel multiplex numericè. Et dicimus, hoc pensandum esse ab unitate, & distinctione ipsius actus Voluntatis, non ut moralis est, quia hoc est, quod quæritur, sed ab ipso actu materialiter sumpto, moraliter tamen iudicato, idest non secundum unitatem, vel distinctionem naturalem, sed secundum unitatem; & distinctionem, quam habet in morali estimatione. Et hæc de primo puncto.

Sequitur Summarium.

11. *Voluntatis actus moraliter discontinuatur per actum oppositum, vel retractionem.*
12. *Quotiescumque actus non retractatus formaliter in se,*

se, aut virtualiter in suo effectu perseverat, continuari censetur.

13. *Explicatur, & simul probatur assertio.*
14. *Inclinatio, & promptitudo remanens post retractionem non remanet per modum actus; sed per modum habitus.*
15. *Sola naturalis, & involuntaria cessatio per se non sufficit ad moraliter actum discontinuandum.*
16. *Non qualibet Voluntatis interruptio moraliter ipsum interrupt.*
17. *Probatur, non esse necessariam formalem perseverantiam ad Voluntatis morale continuationem.*
18. *Sequeretur aliàs, quòd pluries quis peccaret in actuali ejusdem peccati executione.*
19. *Item verba, tactus, oscula non essent idem peccatum cum fornicatione contra communem sententiam.*
20. *Licet in somno non dicatur homo, actualiter peccare, potest dici continuò peccans per antecedentem, & subsequentem Voluntatem.*
21. *Immo potest dici etiam in somno actualiter peccans.*

22. *Ad minùs completivè, si non substantialiter, & primariò.*

23. *Non tamen per hoc ulla tenùs augetur malitia.*
24. *Contrarium sentientes minus benè docent, non esse necessariù, hujusmodi multiplicationem exprimere in confessione.*
25. *Neque Voluntaria cessatio sufficit per se ad actum discontinuandum.*
26. *Mulier non discontinuat actum concupiscentiæ, dum illi motus ipse concupiscentiæ displicet hic, & nunc, tanquam distractivus applicationis, quòd se ornare vult.*
27. *Quæ dicta sunt, intelligi debent ex puris terminis cessationis, sive voluntariæ, sive involuntariæ.*
28. *Si in toto decursu cessationis Voluntas nullo moveatur impulsu; etiam si postea statim redeat, non videtur signum ita certum continuationis.*
29. *Cessans Voluntariè ab actu potest hic, & nunc illum efficaciter velle, & solùm inefficaciter nolle.*

11. **Q**UOAD secundū punctum . Dico primò . Voluntatis actum discontinuari moraliter per actum oppositum , vel retractationē Voluntatis . Hoc indubium omninò est . Per actum enim oppositum, vel retractationem adeò præcedens actus trāsīit etiam moraliter , ut nullo modo ampliùs , nec moraliter perseveret . Si ergò iterum quis ad priorem Voluntatem redeat , utique moraliter quoque novum , distinctumque actum eliciet , nec apparet , quomodò cum priori continuari moraliter possit .

12. Dico secundò quotiescumque actus per oppositam Voluntatem non retractatus formaliter in se , aut virtualiter in aliquo suo effectu perseverat, continuari censetur . Istam conclusionem docet Mastrius disput. 15. de pec. g. 4. art. 1. nam. 66. Tunc actus Voluntatis moraliter interrumpi censetur, quoties, nec formaliter, nec virtualiter perseverat; hoc est, cum nullus effectus assignari potest, in quo virtualiter, vel interpretativè manere censeatur .

13. Explicatur hoc . Intendit quis, inimicum occidere, gladio armatus exit ad quærendum illum , per viā incidit in hominem , qui ad aliud negotium ipsum distrahit, sicque ad tale negotium applicatus , nihil interim ampliùs cogitat de homicidio, expleto autem tractatu , ad homicidii redit intentionem : certè hic physice duos actus habuit voluntarios homicidii , unicum tamen moraliter , quia primus adhuc in negociando moraliter perseverare censetur in suo effectu , puta in gladio ad hoc præcinto , in itinere ad hoc incepto , & multò magis in prompta animi dispositione ab ipso actu relicta , quæ , licet à superveniēte applicatione impedita actualiter animum ad homicidium non inclinaret, verè tamen in sua virtute permanebat . Cujus evidens est signum , quòd remoto applicationis impedimento , absque novo motivo , vel impulsu ad priorem Voluntatem recurrit .

Idque confirmari potest ex communi Theologorum sensu , quò ad merendum , satis-

satisfaciendum, immò, & ad Sacramenta conficienda, sufficere docent virtuales intentionem; omnia enim ista moralem, & voluntarium actum requirunt: evidens ergò est, voluntatis actum physicè non existentem, sed jam transactum, perseverare moraliter in sui virtute, ac per consequens, dum iterum Voluntas actualis reddit, moraliter non censetur novus actus, sed unus, & idem cum præcedenti, qui nunquam cessavit, immò semper moraliter perseveravit.

14. Objicies tamen contra istam conclusionem. Stat Voluntas actum discontinuari moraliter, adhuc ejus virtute perseverante, per actum enim oppositum, vel retractionem Voluntatis, ut in prima conclusione dicimus, omninò discontinuatur actus: Atqui potest adhuc virtus ejus perseverare, teste quotidiana experientia, quà post peccatorum poenitentiam, constat, pluries in Voluntate remanere promptitudinem, & expeditam inclinationem ad illa, quod potissimum est signum

perseverantiæ virtutis actus, ut hic dicimus. Falsa est igitur, quam tradimus regula, tunc censi actum continuari moraliter, dum virtualiter in aliquo suo effectu perseverat.

Respondetur ad hoc in primis. Talem inclinationem, & promptitudinem remanere quidè posse post poenitentiam, vel retractionem Voluntatis: non tamen per modum actus, sed per modum habitus, qui ex multiplicatis actibus generatur, nec per unum actum oppositum statim destruitur; undè, ut §. præcedenti notavimus ex Medina, cum virtute infusa remanere potest habitus vitii oppositus, quidquid sit, an remaneat cum formalitate habitus vitiosi, vel tantum de materiali, hoc enim parum refert. Quamvis ergò remanere possit Voluntas habitualiter inclinata, non tamen actualiter, cujus est signum, quòd absque novo motivo, & impulsu non recurrit ad priorè intentionem, sicut bene facit, dum retractata non est.

Sed admissio etiam, quòd absque novo motivo recur-

rere possit, adhuc non censetur actus præcedens retractatus moraliter perseverare; quia talis dispositio, & inclinatio à præcedenti actu relicta, post ejus retractationem non remanet ampliùs voluntariè, sed omninò involuntariè, de materiali, ac naturaliter; undè potiùs dici potest virtus actus in esse naturæ, quàm in genere moris. Quando verò Voluntas retractata non est, immò vult, in affectu peccati perseverare, cum talis inclinatio rationem Voluntarii retineat participatam ab actu, benè dicitur in ipsa, tanquàm in sui virtute, actus ipse moraliter perseverare.

15. Dico tertiò: solam naturalem, & involuntariam cessationem per se non sufficere ad moraliter actum discontinuandum; Hæc probatur ex præcedenti conclusione. Quoriescumque perseverat in homine virtus actus voluntarii, moraliter censetur actus ipse perseverare; at non sufficit per se naturaliter, & involuntaria cessatio ad tollendam in homine virtutem Voluntarii actus: ergò non obstante ta-

li cessatione, virtus perseverare potest, & in ipsa moraliter actus; ac proindè cessatio ista per se non sufficit ad ipsum actum discontinuandum. Consequentia videtur bona. Minor patet experientia. Nam efficaciter, v. gr. intendens homicidium, & in ipsa Voluntate persistens obdormiat; vix à somno excitatus ad priorem voluntatem redit; immò sæpè contingit, ut vi concitata passionis quies ipsa non semel interrumpatur; quid ergò clarius, quòd illius Voluntatis virtus in homine perseveret? Et quidem voluntariè; verè igitur in ipsa virtualiter perseverat præcedens Voluntas. Quod & ampliùs infra explicabitur.

16 Major quoque admittenda, ni velimus concedere, quamlibet Voluntatis interruptionem, ipsam quoque moraliter interrompere, ac multiplicare. Quod licet ab Azorio *p.p. libr. 4. cap. 4. q. 1.* inter alios tribuatur S. Doctori loco supra citato ex 2. sent. Et D. Antonino *p. 2. tit. 5. cap. 1. §. 10.* Certè S. Thom. nil aliud asserit, quàm id, quod nos retulimus:

limus: ex quo non benè colligitur, mentem S. Doctoris esse, quamlibet Voluntatis multiplicationem peccata multiplicare; optimè siquidem intelligi potest de morali multiplicatione. Quod videtur explicare p. 2. qu. 72. art. 7. ad 3. ubi ait: *Peccatum cordis, & oris non distinguuntur à peccato operis, quando simul cum eò conjunguntur; sed prout quodlibet horum per se invenitur;* Ly enim per se, denotare videtur tunc peccatū cordis distinctum esse peccatum ab opere, quando taliter in ipso sistit Voluntas, ut nullatenus ampliùs ad opus tendat, quod non contingit, si ex involuntaria solum, vel naturali cessatione interrumpatur, ut patet; Eodem prorsus modò intellige D. Antoninum, ut ejus textum legens, faciliè quoque intelligere poterit.

17. Ad rationem ergò redeamus. Si non sufficit ad actum Voluntatis moraliter continuandum perseverantia Virtutis ejus, necessaria erit perseverantia formalis ejusdem actus; ac per consequens quælibet actus inter-

ruptio moraliter ipsum discontinuabit, ut dicebamus. Hoc autem stare non potest multiplici ratione. Nam de facto, ut supra tetigimus, & communiter admittitur; ad meritum sufficit, quòd actus Volūtatis in virtute permaneat, licet formaliter transierit, ut patet de recitante Divinum Officium, vel aliā quacunque bonam exercente operationem, & aliquandò involuntariè ad alia distracto; non enim pro illo tunc, & mora talis distractionis desinit esse meritoria talis operatio. Id verò aliter dici non potest, nisi quia præcedens actus moraliter in sua virtute cōtinuari censetur; non enim, nisi actibus voluntariis, mereri possumus; Si ergo non continuetur actus ad minùs moraliter, neque meritum continuari poterit.

18. Deindè, quia sequeretur aliàs, quòd pluries peccaret quis in actuali executione ejusdem peccati; posset namque cōtingere, quòd dum aliquis, v. gr. actualiter furatur, pro aliqua mora Voluntas ad alia intenderet, ac distraheretur, & indè ad fur-

furtum rediret, hoc autem ridiculum sanè videtur.

19. Tùm demùm, quia in omnium sententia actus, qui ex natura sua ad unum ordinantur, & si realiter specie quoque distincti sint, in esse tamen moris unum specie, & numero peccatum constituunt; putà verba, tactus, oscula cum fornicatione, unum omninò peccatum sunt. At nonnè in his omnibus plures Voluntatis actus realiter distincti contingere possunt? Poterit namque Voluntas osculis, v. gr. taliter delectari, ut pro illo tunc nil cogitet Intellectus, nec proindè actualiter appetat Voluntas copulæ actû. An ergo novum erit peccatum, dum Voluntas actualiter copulam vult? Hoc certè non videtur dicendû; & absque dubio tunc novus est actus Voluntatis; quotiescumque enim Voluntas aliquid vult, quod ante actualiter nō volebat, novum elicit actum. Debet ergò sufficere omninò ad moraliter continuandum Voluntatis actum, quòd in sua perseveret virtute.

20. Sed objicies. Conti-

nuato actu voluntario peccati, continuatur ipsum peccatû: ergò durante morali continuatione actus, homo actualiter continuò peccat. At dici non potest, quòd homo in somnis, v. g. actualiter peccet; ergò ad minùs per naturalem somni cessationem discontinuatur actus Voluntatis. Discursus videtur bonus. Minor subsumpta, in qua potest esse difficultas probatur. Nam ad actualiter peccandû requiritur actualis libertas, quā sit in hominis potestate peccatum ipsum; nemo enim peccat in eò, quod vitare non potest, sed non est in potestate dormientis retrahere, vel prosequi peccatum; dormiens igitur dici non potest actualiter peccare.

Ad hoc responderi posset in primis. Quòd licèt in somno non dicatur homo actualiter peccare, nihilominùs Voluntas peccati somnum præcedens, & illud subsequens, benè dici potest continuari, & homo ipse continuò peccans; Et hoc ideò, quia tempus somni moraliter non computatur; undè per somni interjectionem

nem discontinuari non potest actus moraliter, nullum siquidē instans morale currit, in quò talis in sua libertate non sit; ac proindē actualiter non peccet, si in ipso Voluntas peccati, vel in se formaliter, vel in sua virtute perseveret.

21. Vel secundò dici potest; Ad peccatum requiri, & sufficere actualem libertatem, sive in se, sive in alio; Ut enim communiter asserunt Theologi, ad peccatū non requiritur voluntarium directè, & in se, sed sufficit voluntarium indirectè, sive in alio, puta in causa: ità pariter satis est, quod sit liberum in eò, in quo est voluntarium. Cum ergò in dormiente remaneat virtus prioris actus, & quidem voluntariè Voluntate ipsius actus; pariter liberè libertate actus talis vis in eò perseverat. Nequē ad hoc opus est, quod ipsa consummatio peccati sit hic, & nunc in potestate peccantis; hoc enim requiritur solum ad liberum, & voluntarium in se; ad voluntarium verò in causa sufficit, quod illud, in quò est voluntarium, fuerit

in potestate peccantis. Ut patet de pollutione in somnis, accidente ex voluntaria causa, quæ certè dum contingit non est in potestate patientis, quia tamen fuit in ejus potestate causa, ipsa pollutio, dicitur voluntaria, libera, & peccaminosa, non in se, sed in causa.

22. Vel deniquè tertio dici potest. Quòd homo in somnis non potest dici quidem, peccare, actualiter primariò, & substantialiter; benè tamen completivè: Et enim peccatum quòdā substantiam cōmittitur in primò Volūtatis actu, & ad hoc requiritur omninò, quod actualiter, & formalissimè liber sit peccans, in ejusque potestate actus peccati; cōplementum verò nō est necesse, quod ità formaliter sit liberum, & in potestate peccantis, sed sufficit, quod sit liberum in antecedenti Voluntate; patet namque; v.g. non esse ampliùs in potestate sagittarii post emissam sagittam, illam retrahere, nè occidat, & tamen ipsa occisio peccatum est Sagittarii, non quidem novum, sed complementū prioris actus, quò

quò voluit occidere, quipè in ejus potestate fuit, & cum quo ipsa occisio non ponit in numero.

23. Verum tamen est, quòd cum hujusmodi complementū, & annexa voluntaria, & libera, & consequenter bona, vel mala non sint, nisi virtute actus voluntatis, de se bonitatem, vel malitiam non augent, nisi simul augeatur, vel intendatur actus Voluntatis; unde per pollutionem in somno accidentem, non additur major malitia, quam habuit actus, quò quis Voluntariè causam posuit pollutionis, & sic pariter, licèt in somno continuetur peccatum, non augetur ejus malitia toto illo tempore, cum non possit in eò actus Voluntatis intendi, nec ipsi aliquid addi; cum neque formaliter in se, sed tantum virtualiter perseveret; eò, vel maximè quòd, ut in prima solutione dictum est, illud tempus moraliter non computatur; ac per consequens moraliter, neque augetur ipsius actus duratio.

24. Adverto insuper, quòd asserentes, per hujus-

modi cessationem discontinuari, ac perindè multiplicari peccatum; docent nihilominus, in confessione nequaquam esse necessarium, exprimere, quot vicibus fuerit discontinuatum, verum sufficere, ut exprimaturs tempus, in quò persistit in peccato. Quod certè in hac sententia, nescio, quomodò absolutè possit affirmari; cum habeamus ex Tridentino, peccatorum numerum necessariò exprimendum in confessione; Si ergò in eorū sententia plura sunt numero peccata, ipsorum numerus exprimi debet eò prorsus modo, quò numerus aliorum peccatorum, ità ut, si morali diligentia inveniri possit certò, ità omninò exprimatur; alias plùs, minùs, ut de cæteris peccatis.

25. Dico quarto: Neque voluntariam cessationem sufficere per se ad moraliter actum discontinuandum. Ista conclusio, licèt à pluribus negetur, etiam ex admittentibus præcedentem, ut à Mastrio loc.cit. evidenter nihilominus eadem ratione cõcludi videtur. Nam quandocumquè actus in sua vir-

virtute perseverat, actus ipse moraliter perseverare, & continuari dicitur, ut probatum est: at non obstante voluntaria cessatione, actus in sua virtute perseverare potest; ergo voluntaria cessatio non est per se ad illum discontinuandum sufficiens. Minor probatur. Potissimum signum, quod actus in sua virtute perseveret est: cum remoto interruptionis, vel distractionis impedimento, Voluntas ad ipsum absque indigentia novi motivi recurrit; sed ita contingere potest non obstante voluntaria cessatione; puta, si quis ad fornicandum pergens recorderetur alicujus negotii magni momenti, decernatque, prius tale negotium explere, & postmodum fornicationem prosequi; immo, etsi negotium peragendo, ipsi displiceat, quod pro illo tunc a fornicationis concupiscentia distrahatur ab applicatione negotii; quo tamen expleto, intendit, & de facto absque alio motivo ad fornicationem redit. Quis dubitet, hunc voluntarie omnino cessasse ab actu fornicario Voluntatis?

Quod autem nihilominus perseveret actus in sua virtute, constat non solum ex eo, quod expleto negotio, de se Voluntas ad ipsum recurrit; verum quia talis vult expressè in affectu, & dispositione ad actum perseverare, licet nolit hic, & nunc ad actum exire; Sicut v. gr. si Mulier præparando, & ornando se, ut aptius ad amasium accedat, ex impetu concupiscentiæ ab ornatus applicatione distraheretur; ac perinde ipsi talis concupiscentiæ motus displiceret hic, & nunc, tanquam impeditivus meretricii ornatus; quis unquam dicat, ipsam discontinuasse actum concupiscentiæ per talem voluntariam cessationem inter ornandum?

26. Neque dicas. Ita esse in hoc secundo casu, quia, cum ea intentione Mulier ornet se, ut amasio placeat, in ipsa ornandi actione verè perseverat principalis intentio, non verò in primo casu, cum negotium omnino disparatè se habeat ad actum fornicationis. Nam licet hoc totum verum sit, non ideo Mulier cessans vo-

R lun-

luntariè ab actu concupiscētiæ, dicitur, ipsum adhuc moraliter continuare, quia ipsa ornandi actio de se ad concupiscentiam ordinatur; defacto enim, si priorem Voluntatē retractaret, omninò actus discontinuaretur. Tota ergò ratio moralis continuationis est, quia prior Voluntas virtute perseverat, licet formaliter cesset. Cùm ergò non minùs perseveret Voluntatis virtus in primo casu, nihil obstat continuationi actus, quòd applicatio ad illum disparatè se habeat.

27. Notandum verò, quòd consultò in his duabus ultimis conclusionibus appositæ est illa particula, per se, intendimus enim, quòd solummodò ex puris terminis cessationis, sive Voluntariæ, sive involuntariæ, actus moraliter non discontinuatur, cum quò tamen stat quòd ex alio capite discontinuari possit. Et quidem tunc, quando ex cessatione, vel distractione cessaret in Voluntate proxima, & expedita inclinatio ad actum; neque circa hoc assignari potest certa regula, sed to-

tum ex ipsius operantis dispositione pensandum est. Contingit namque multoties, quòd Voluntas adeò tenaciter fixa est in affectu, & appetitu objecti, ut etiam per notabile tempus ad extranea distracta, spontè ad ipsum recurrat; aliquando verò ex levi distractione taliter ipsum deferat, ut nisi ex novo motivo, & impulsu, illud non appetat.

28. Regulariter tamen loquendo, puto, quod tunc cœnseri debeat continuata Voluntas in sua virtute, quando, non solum expleto negotio, vel distractione, spontè, ac de se ad priorem intentionem recurrit; verùm etiam, cùm inter agendum aliquali motu excitatur; Si verò in toto negotii decursu nullo moveatur impulsu, etiam si post negotii explicationem statim redeat, non videtur ità certū continuationis signum præcipuè si notabilis, & diuturna fuerit distractio: Experimur namque multoties, quod ex quadam subita excitatione memoriæ, fertur Voluntas in objecta jam à tempore multo, nec appetita,

tita, neque cogitata. Quare hoc prudentum iudicio potissimum relinquendum est.

29. Objicies contrā istā conclusionem. Cessans voluntariē ab actu hic, & nunc, ipsum non vult: ergo si virtus ejus perseveret, involuntariē perseverat, ac per consequens moraliter etiam discontinuatur. Consequentia patet; antecedēs quoque videtur certum: Nam de facto, ut dictum est, hic, & nunc displicet ipsi, non solum actus, verum etiam concupiscentia, & inclinatio ad illum, ergo ipsum absolute non vult.

Respondetur, quod cessans voluntariē ab actu, in dō Voluntatē nō retractet, sed velit in affectu persistere, ut in allatis exemplis; inefficaciter quidē hic, & nunc ipsum non vult, sed absolute, & efficaciter vult; Sic pariter ejus concupiscentia, licet illi displiceat hic, & nunc quatenus impeditiva presentis applicationis; absolute tamen ipsi placet, illamq; vult. Hæc est enim differentia inter efficacem, & inefficacem Voluntatem, quod efficax executiva est, ac electiva.

mediorum ad finem intentum conducentium; Inefficax verò minimē, Cū ergo talis, media non eligat impeditiva concupiscentiæ, & inclinationis ad actum, puta Voluntatem retractando; immo in ipsa persistere velit; inefficaciter solum, & per nolentiam quandam, ipsum non vult; verē tamen absolute, & efficaciter vult. Sicut Mercator nollet quidē projicere merces in Mare, & non nisi cum magna projicit displicentia; absolute nihilominus, ut vitam salvet, vult, & voluntariē projicit.

Subsequitur Summarium.

30. *Unicus Voluntatis actus est moraliter multiplex, dū equaliter tendit ad plura objecta per se integra.*
31. *Si non equaliter omnia respiciat, unus erit actus etiam moraliter, licet cum bonitate, vel malitia multiplici.*
32. *Sola bonitas, vel malitia primariō ab actu respecta essentialis est.*
33. *Volens furari, ut fornicetur, unum committit peccatum; procedens autē ad furti, & fornicationis executio-*

tutionem duplex omnino .

34. *In tali casu est duplex actus Voluntatis, moraliter nedum, sed realiter, formaliter ad minus, si non entisativè .*

30. **C**IRCA tertium punctum. Dico. Tunc unicum actum Voluntatis multiplicè esse moraliter, quandò æqualiter tendit ad plura objecta per se integra, hoc est, quorum unum non se habeat, ut pars vel complementum alterius; neque unum ad aliud ordinetur, neque omnia simul ad unum aliquid, & hoc quidem, non quia numerica distinctio, vel unitas actus moralis, ex numerica unitate, vel distinctione objectorū formaliter sumi debeat, ut ait Azorius *p.p.lib.4.cap.4.g. 3.* Sed quia, cum singula hujusmodi objecta de se peccant completum Voluntatis actum, omnia simul plures completos actus ex postulant. Si ergò ad omnia unico actu feratur Voluntas æqualiter; talis actus pluribus est æquivalens; ac perindè moraliter cēsetur multiplex, & cum multiplici

adæquata bonitate, vel malitia. Quod satis convincitur ex allato exemplo suprà numero tertio.

31. Si verò non æqualiter omnia objecta respiciat, unus erit numero actus, etiā moraliter, cum una essentiali malitia, & multiplici accidentali. Quod patet ex eo, quòd omne adveniens rei jam completè in suo esse constitutæ, & individuatæ, non potest ad illam se habere, nisi ut accidens illi superadditum; at per primam bonitatem, vel malitiam ab objecto primariò inspecto, jam actus est completè in suo esse constitutus, & quidem in individuo; non enim forma potest actuare in abstracto, sed quod ponitur in re, in individuo ponitur: ergò bonitates, vel malitiæ à secundariis objectis, & minùs principaliter inspectis omnino accidentales erunt.

32. Nec dici potest, quòd tales bonitates, vel malitiæ, quamvis adveniant actui jà individuo secundum unam virtualitatem, adhuc tamen dici possunt essentielles, & primariæ ejusdem actus secundum diversam virtualitatem

tatem, cùm sit actus virtualiter multiplex.

Non inquam hoc dici potest; Nam tales moralitates nullo modo essentialiter se habere possunt ad actum, etiam secundum diversam formalitatem, ac virtualitatem; Quod enim est essentialē, omninò principaliter, & primariò ad rem spectat; hujusmodi autem bonitates, vel malitiæ absolute secundariò, non principaliter inspiciuntur ab actu, ut supponimus; Et sic nullo modo ad ipsum essentialiter spectare possunt. Cùm verò nihil individuetur, nisi in sua essentiali specie constitutum, nullatenus per tales bonitates, vel malitias novam individuationem actus recipere potest; ac per consequens nec numero multiplicari.

33. Objicies nihilominus. Volens, v. gr. furari, ut fornicetur, duplex committit peccatum, & tamen non æqualiter duo respicit objecta, sed unum primariò, aliud secundariò, & ratione alterius: ergò ut Voluntatis actus sit moraliter multiplex, non est necesse, quòd

plura objecta respiciat equaliter; sed sufficit, quòd plura sint objecta de se integra, & adæquata. Major, in quā potest esse difficultas, probatur evidenter. Nam talis defacto vi prædicti actus Voluntatis continuati usque ad consummationem furti, & fornicationis, duo peccata distincta committit; non enim rationabile videtur contrarium; at hoc esse non potest, nisi etiam in Voluntate sit duplex peccatum, iminò principaliter: ergò vera est propositio, ac per consequens id, quod sequitur.

Respondetur ad hoc ex Medina p.2. q.18.art.3. & 4. negando absolute majorem; ad cujus probationē, in primis negatur suppositū, quòd scilicet, continuato prædicto actu usq; ad furti, & fornicationis consummationē, vi solius dicti actus talis furetur, & fornicetur; talis namque actus est electionis, ut patet, est enim de medio in ordine ad finem; electio autem, necessariò supponit finis intentionem, cujus virtute movetur Voluntas ad eligenda media. Non ergò potest quis, velle furari

ad

ad fornicandum, nisi prius fornicationem intendat. Constat autem, quod actus intentionis, & electionis duo actus distincti sunt; non moraliter solum, verum & in esse naturæ. Itaque talis, furando, & fornicando, duo peccata committit, quia duplici, non externo solum, sed & Voluntatis actu primario duo integra objecta respicit; fornicationem quidem actu intentionis, furtum verò actu electionis.

34. At forrè dices. Posse quempiam, eodem naturali actu simul velle fornicationem, & furtum propter illam; non enim implicat, Voluntatem simul appetere plura objecta inter se ordinata, vel quodammodo in unum congregata. Tunc ergò ista Voluntas continuata usque ad furti, & fornicationis effectum duplex erit peccatum, & objecta non æqualiter primario, sed unum primario, aliud secundo volitum.

Respondetur. Quod licet Voluntatis actus formaliter distincti possint aliquando in eadem entitate adunari, ita ut unus entitativè sit a-

ctus, duplex autem formaliter, puta dum quis finem simul in se vult; & illum per media efficaciter assequi; tunc enim volitio, & intentio in eodem materiali actu coincidunt. Et similiter eodem actu consentire, & eligere medium: immò etiam electio medii formalitatem intentionis habere in ordine ad aliud medium; puta electio furti ad fornicandum, habere potest rationem, & formalitatem intentionis, quatenus movet Voluntatem ad eligenda congrua media ad furandum; Non est forrè adeò certum, intentionem unius finis, & electionem medii ad ipsum conducentis in eodè actu materiali posse adunari.

Sed quia nolumus de hoc disputare; admissò casu, dicimus; quod tunc talis actus non solum moraliter, sed realiter formaliter, si non entitativè, duplex erit; & utrumque objectum primario secundum diversam formalitatem respiciet. Et quidem prioritate saltè naturæ ad fornicationem terminabitur primario per formalitatem intentionis; ac deinde

per

per formalitatem electionis pariter primario ad furtum. Intentio namque finis est vera, & realis causa, realiter movens ad mediorum electionem.

Sequitur Summarium.

35. Proponens, tota die Veneris comedere Carnes, toties peccat novo peccato, quoties comedit, non autem persistens in odio, nisi forte odii Voluntas moraliter discontinuetur.
36. Idem dic de rem alienam detinente, vel de ordinato in Sacris, non emisso Castitatis voto, & similibus.
37. Quòd semper infert preceptum, solùm infert, quòd semper quis peccet, non autem semper novo peccato.
38. Sicut unicus actus plura implere potest precepta, ita unicus plura transgredi.
39. Immo plura precepta circa idem omnino obiectum, non inducunt plures obligationes, sed unam numero.
40. Causa de se sufficiens, absque ullo virtutis detrimento impediri potest, nè producat effectum, per hoc solùm, quòd productum inveniat.

41. Quare duplex preceptum ejusdem rationis inducere possit duplicem pœnam, & non duplicem culpam.
42. Duplex Preceptum non potest inducere duplicem pœnam totalem sed partialem: ita dici posset inducere duplicem culpam, quasi partialem.
43. Pluralitas precepti auget culpam, non autem notabiliter.
44. Duplex preceptum inducere potest duplicem pœnam ejusdem rationis, quantum ad vim coercitivam, non quantum ad effectum.

35. **A**LIIQUÆ sunt demùm objectiones diluendæ contra huc usque traditam doctrinam, quas consultò distulimus; faciliùs enim solvuntur ex dictis. Objicies ergo primò ad probandum, quamcunque multiplicitatem actus Voluntatis multiplicare actum, quoad moralem bonitatem, vel malitiam. Si quis odio habens inimicum pluries iteret actum odii, toties, quoties peccat, etiamsi semper intendat, ipsum odium continuare, & in illo per-

persistere. Sicut proponens per totum diem non abstinere, sed comedere Carnes in die Veneris, toties peccat novo peccato, quoties comedit ergo &c.

Respondetur, negando absolutè antecedens, quod licèt à pluribus admittatur, nescio tamen, quà ratione, nisi fortè intelligant, toties, quoties moraliter discontinuatis actibus iteratur odiū. Ad instantiam negatur paritas, magnum siquidè est discrimen. Nam quælibet comestio est de se integrum, completum, & adæquatum objectum Voluntatis, ac proindè, licèt unico actu ad omnes comestiones feratur Voluntas, actus ille moraliter est multiplex: Sicut si quis unico Voluntatis actu vellet, quinquies, vel decies cum eadem fœmina fornicari, quinque, vel decem committeret peccata, cæterum in odio unum penitès, & idem est objectum, & cœsequenter, existente unitate morali actus per continuationem, non est, undè moraliter multiplex cœseri possit.

36. Idem omninò dici

debet in similibus casibus; putà in detentione rei alienæ, detinens enim continuè peccat, quòad usque non restituat, sed non semper novo peccato, durante in ipso morali continuatione actus, ut explicatum est. Idè de ordinato in Sacris, non emissio castitatis voto, quod præcipit Ecclesia Latina, cōtinuè quidè peccat usque dum emittat, eodem tamen continuato peccato, si Voluntas cōtinuata perseveret.

37. Nec aliquid obstat, quod opponunt, videlicèt, semper instare præceptum emittendi votum, restituendi, vel deponendi odium. Nam si hoc valeret, sequeretur, quòd unica comestione carniū in die prohibita tot quis peccata committeret, quot sumeret buccellas, quia semper instat præceptum abstinendi, quod semper comedens transgreditur, & sic de singulis; quod planè ridiculum videtur. Quòd ergò semper instet præceptum, nil aliud facit, nisi quòd semper talis peccet; non verò semper novo peccato, nisi novum eliciat actum.

38. Ex

38. Ex quibus patet ad argumentum, quod obijci posset ad probandum, præceptorum multiplicationem saltem numero multiplicare peccata. Ubi enim est distincta transgressio, ibi est distinctum peccatum; sed ubi sunt plura præcepta, sunt plures transgressiones, quia sunt plures obligationes, transgressio autem nihil aliud est, quam contraventio, vel omisso obligationis.

Sed responderetur. Quod sicut unicus actus plura implere potest præcepta, ita unicus plura transgredi; & sicut unus actus implens duplex præceptum ex eodem motivo non habet duplex meritum, ita nec unus actus duplex transgrediens præceptum duplex habet demeritum, vel malitiam: Cujus multiplex adduci potest ratio. Prima quidem. Nam, ut sæpè diximus, moralitas in ordine ad legem consistit, benè autem potest idem ordo ad plures terminos materiales terminari, ut patet in relatione quoque prædicamentali; puta eadè paternitas ad plures filios. Si ergò ista præcepta purè

materialitèr distinguantur, eundem numero ordinem terminare poterunt.

Deindè, quia talia præcepta unicam numero mensurabilitatem important, & unam numero rectitudinè; nec enim magis est rectus, & bonus actus ex eo, quod pluribus præceptis imperatur. Sicut non magis artificiosum est opus ex hoc, quod pluribus regulis idem omninò dictantibus coapetur. Demùm, quia ut dictum est, numerica distinctio ex materiali, & subiecto sumi debet, quod in moralibus est actus; præcepta, verò ex parte formalis tenent. Undè ex ipsorum distinctione specifica potius, quàm numerica distinctio moralium actuum sumenda est, de quà jam supra.

39. Vel negari posset absolute, plura præcepta circa idè omninò objectū plures inducere obligationes. Et ratio est evidens. Obligatio siquidem nil aliud est, quàm necessitas quædam, quæ exigit actus modum à lege propositum ad ipsum regulandum, & rectificandum; ubi ergò modus non additur, &

reſtitudo, neque nova neceſſitas, & obligatio. Indigens enim, v. gr. uno denario, unam numero neceſſitatem habet, ſivè neceſſitas illi ab uno, vel pluribus inducta fuerit.

40. Neque huic obſtat, quòd unumquodque præceptũ de ſe potens eſt, obligationem inducere, nec amittit veram Præcepti rationem, & virtutem per hoc, quòd aliud præceptum inveniat. Nam licèt hoc totum verum ſit, nihil convincit. Benè ſiquidem poteſt cauſa de ſe ad producendũ effectum ſufficiens abſque ullo ſuæ virtutis detrimento impediri, nè illum producat, ex hoc ſolũ, quòd jã productum inveniat; ut innumeris patet exemplis. Ignis enim quilibet de ſe materiã ignire valet, & non præſtat ſi jam ignitam invenit. Sacerdotes plures verba conſecrationis proferentes habēt omnes virtutem conſecrandi, & nihilominus, qui primus verba profert; ſolus conſecrat, & hujusmodi.

41. Sed inſtabis adhuc. Præceptum non minùs habet vim obligandi ad culpã,

quàm ad pœnam; ſed duplex præceptum ejusdem omninò rationis poteſt inducere duplicem pœnam, etiam ejusdem rationis, puta duas excommunicationes; ergò, & duplicem culpam.

Reſpondetur in primis. Quòd licèt quantum eſt ex parte præcepti, & præcipientis, eadem ſit vis obligandi ad culpam, & ad pœnam; valdè tamen eſt diſpar ratio ex parte peccantis, & puniti: nam ad pœnam ſufficit actio ipſius præcipientis, nec requiritur Voluntas puniti; immò contrà, & omninò præter ejus intentionem eſt pœna, ut pœna, de cujus ratione eſt, quòd ſit contraria Voluntati, ut docet S. Thom. *p. 2. q. 46. art. 6. ad 2. & alibi*; undè non requirit actionem ex parte puniti; ſed ſolũ ex parte punientis; & ſic, ſi duplex ſit punientis actio, duplex erit punitiō, & pœna. Cæterũ in culpa requiritur omninò, immò principaliffimè actio ipſa peccantis, ità ut præceptum non ſe habeat, niſi per modum termini extrinſeci, quem tranſgreditur peccans; undè ſi una tan-

tum

tum sit actio peccantis, una tantum erit culpa contra duplex præceptum.

42. Respondetur secundò. Quòd duplex præceptum circa idem, non potest inducere duplicem poenam totalem, sed ad summum partialem, ut enim ait S. D. 2. 2. q. 39. art. 4. ad 3. & q. 99. art. 4. ad 2. Unius peccati est tantum una poena totalis, & adæquata; multiplicatur autem poena, quando una non sufficit ad corrigendam culpam; si enim una sufficeret, injustè altera infligeretur. Quare dum plures poenæ infliguntur, partialiter se habent; ita ut ex ipsis una totalis, & adæquata poena resultet. Et sic posset etiam admitti, quòd aliquo modo duplicis præcepti transgressio, duplex quoque sit culpa, quasi partialis, unam totalem integrans.

43. Præcipue cum in sententia Cajetani, & aliorum, pluralitas præcepti gravitatem augeat culpæ, etsi non ita notabiliter, ut sit ne-

cesse, in cōfessione explicare.

44. Tertiò demum respondetur, quòd licet duplex præceptum inducere possit duplicem poenam ejusdem rationis, quantum ad vim coercitivam, non tamen quantum ad effectum; duplex enim excommunicatio ejusdem rationis unum tantum effectum poenalem causat; quia eisdem privati bonis, nec aliquo privato præ alia. Et hoc ideò, quia secunda jam invenit subiectum privatum per primam omni bono, quo posset privare. Ità pariter, licet duplex præceptum duplicem habeat vim obligandi ad culpam; non tamen ad duplicem culpam in effectum; quia ad eandem culpam, utrumque obligat, si ejusdè sit rationis. Undè retorqueri posset argumentum. Sicut duplex præceptum ejusdem rationis poenam ejusdè rationis inferens, non nisi unicam poenam in effectum ponit; ità pariter neque ad duplicem, sed unam culpam obligare poterit in effectum.

CAPUT V.

De Specie Moralitatis, quæ Malitia dicitur.

§. 1. *Quid sit Malitia
Moralis.*

SUMMARIUM.

1. *Malitia moralis definitur, quod sit privatio rectitudinis debita.*
2. *Rectitudo est adequata conformitas ad rationem, & legem.*
3. *Duplex est Malitia, & malum, scilicet malum absolute, & privative, & malum alteri, seu respectivè.*
4. *Moralis malitia formaliter consistit in ordine dissonantiæ, cui annexa est privatio debita rectitudinis.*
5. *Distinctio inter malum simpliciter, & secundum quid non est commentitia.*
6. *Gratis asseritur, sine ullo fundamento, malum morale appellari malum secundum quid.*
7. *Distinctio malitiæ privativæ, & positivæ habetur expressè Hieremia 2.*
8. *Apud SS. PP. peccatum explicarunt per privationem, tanquam per magis notum.*
9. *Concilia multoties per positivum explicant.*
10. *Item quoque Sancti Patres.*
11. *Probatur ratione, formale peccati constitutivum, esse ordinem dissonantiæ.*
12. *Confirmatur à simili.*
13. *Argumentum sumptum à divina causalitate ab adversariis quoque solvendum est.*
14. *Solvitur argumentum idem.*

1. **E**X duabus Moralitatis speciebus, quod ad bonitatem sufficiant, quæ hucusque dicta sunt; in isto capite aliqua specialiter de malitia consideranda occurrunt relictis pluribus, quæ minùs utilia videntur ad intentum nostrum, quæquæ potius Metaphysicam speculationem, quàm Moralem praxim sapiunt. Et primò se offert. Quidnam sit ista
mo-

moralis malitia? Cùm autē malum, ut sic, nil aliud sit, quàm privatio boni: Privatio, inquam, non simplex carentia, hoc est privatio formę, perfectionis, & bonitatis debitę privato; si enim debita non esset, ejus privatio non esset malum, v. gr. in lapide malum non est carentia visus. Hinc malitia moralis aliud esse non videtur, quàm privatio boni moralis: Ex quo communiter definitio moralis malitię colligitur. Quodd sit privatio rectitudinis debitę in esse, in quā cōsistit bonitas moralis.

2. Rectitudo namque dicitur, quasi recta Inclinatorio, Tendentia, & Propensio ad præfixum terminum; sicut linea recta dicitur, quæ nulla obliquitate, vel ambitu ad ultimum usque punctum protenditur; Via recta, quæ ad metam, seu terminum directè ducit, nec ab eo per ulla ambages, vel circuitus deflectit. Sic igitur in humanis actionibus rectitudo est adæquata conformitas ad rationem, regulam, & legem, quæ actio ipsa directè ad Statutū, & præscriptum legis, & rationis in-

debitum tendit objectum; ita ut in nulla circumstantia à præscripto legis deviet, vel deflectat, & sic actio bona est, ac per consequens mala, si hac rectitudine careat. Nihil ergò videtur malitia, nisi privatio debitę rectitudinis.

3. Hoc non obstante, magna est difficultas inter Theologos, an verè malis malitia formaliter in hac privatione consistat; an potius in aliquo positivo, cui talis privatio annexa sit? Quam difficultatem fusè in tractatu de Peccatis ad q. 72. p. 2. S. Doct. discussimus; & hic libenter penitus omitemus, tanquàm purè speculativam; quia tamen ab ejus resolutione plurimum pendet specifica Peccatorū distinctio, cogimur, vel summis labiis, quæ poterimus brevitate, delibare. Pro quo. Notandum est, malum, seu malitiam duplicè esse, aliud enim est malum absolutè, & in se, aliud malum respectivè, & in ordine ad aliud. Primum certè nihil esse potest, quàm privatio; cùm enim bonitas sit impræscindibilis ab entitate,

re, quodcunque ens est, bonum est, undè, & dicitur malum simpliciter, & absolute privativum. Secundū verò absolute, & in se bonum est, quia entitas est, malum tamen alteri, quia illi disconveniens, & repugnans, undè, & dicitur malum secundū quid, & contrariè.

Quia verò nil est alteri disconveniens, repugnans, & malum, nisi in quantum illud privat aliqua sua perfectione, & bonitate; quod enim alteri non nocet, nec aliquid aufert, illi disconveniens nō est, nec repugnans, sed vel conveniens, vel disparatè se habens. Hinc est, quòd etiam hoc secundū malum privationem habet annexam, immò formalissimè illam importat; ità ut malum intelligi nequeat, nisi cum respectu, & connotatione ipsius privationis.

Cæcitas v. gr. in homine absolute, & simpliciter malum est, quia in se nihil est, sed pura visionis privatio. Ægrotudo autem nō est malum simpliciter, & absolute privativè, sed secundū quid, & contrariè, quia in

se non est pura privatio, sed entitas quædam positiva, puta qualitas, & dispositio humorum, quæ quia privat hominem debitā sibi humorum dispositione, ac temperie, illi disconveniens, & mala est, nec mala esset, nisi hanc privationem afferret.

4. Dico igitur; licet moralis malitia indispensabiliter secum afferat, & formaliter connotet privationem, debitæ rectitudinis, non tamen in illa formaliter consistit, sed in ordine dissonantiæ ad legem, & rationem. Quòd malitia moralis privationem importet, adeò clarum est, ut probatione non egeat.

Quòd autem in ipsa formaliter non consistat, in quo est difficultas, videtur expressa D. Thom. sententia innumeris penè locis; ac præcipuè 3. cont. Gen. cap. 9. ait inter cætera. *Nec malum, secundū quòd est differentia specifica in Genere moralium, importat aliquid, quòd sit secundū essentiam suam malū, sed aliquid, quòd secundū se est bonum, malum autem homini, in quantum privat ordine rationis, quòd est hominis bonum*

bonum. Idem docet *p.p.q. 48. art. 1. ad 2.* Et clariùs explicat *q. 1. de malo art. 1. ad primum, & infrà.*

5. Ex quibus liquidò apparet, distinctionem inter malum simpliciter, & secundum quid, & morale, non esse fictam, & commentitiam, ut cum Vasquez, & aliis ait Mastrius in 2. disp. 6. de Pec. q. 1. art. 1. neque à Cajet. excogitatam, cum illà, ut videre est locis citatis, expresse doceat S. Doctor, quem ipsi, aut non legerunt, aut intelligere noluerunt.

6. Gratis quoque omnino cum Suar. disp. 99. Met. Sect. 1. n. 16. idè asserit Mastrius, sine ullo prorsus fundamento, malum morale appellari malum secundum quid, & non simpliciter. Ut enim norat vocabulum ipsum, omnium malorum maximum est malum simpliciter, quam appellationem convenientius multò meretur morale malum; Cætera namque mala naturalia in ejus comparatione longè minora sunt. Quod certè non dicerent, si advertere vellent, nos idem malum morale in genere quo-

que mali simpliciter constituere, cum ipsi privationem adjunctam asseramus.

Quòd si adhuc velimus dicere, morale malum, etià præcisa privatione illi adjuncta, excedere in immensum quodcumque malum simpliciter in esse naturali, nil contrà nos convincerent. Minimum enim superioris ordinis excedit maximum ordinis inferioris; undè maxima perfectio argenti pervenire non potest ad minimà auri perfectionem, vel perfectissimum corporum, ad infimum spiritum. Etsi ergò Malum morale sit malum secundum quid, quia superioris est ordinis, excedit quodcumque malum simpliciter ordinis naturalis.

7. Porro tantum abest, quòd hæc duplex malitia, privativa scilicet, & positiva, ficta sit, & commentitia, ut cæteris omisissis, habeatur expresse Jer. 2. agente Domino. *Duo mala fecit Populus meus. Me dereliquerunt fontem Aquæ vivæ* (en privativum, & aversio) *& foderunt sibi Cisternas, Cisternas dissipatas,* (en positivum, & conversio.) Non-

nè apertè conversionem ipsam, ut ab averfione diffinitam, vocat Dominus malum? an fingit, an commentum loquitur Deus? an ista ignoraverunt SS. PP. quòd Mastrius asserit, ipsos nullū aliud agnovisse malū, quàm defectum, & privationem?

8. Negari certè non potest, multotiès Patres malitiam, & peccatum per privationem explicasse; & id quidem non incongruè, sed aptè nimis, tanquàm per magis notum; Cùm ex alia parte valdè obscura sit, nec facilis explicationis ejus natura, & essentia; maximè quòd ipsa privatio, licèt essentia non sit peccati, est nihilominùs quid necessariò connexum, & formaliter consecutum; Et quidem propriè, specialique modo, non ex còmuni conditione, quà ad unamquamque essentià, negatio alterius naturæ consequitur. Sicut objecta fidei, & spei positiva quædam sunt pro formali, sed tanquàm intrinsecos modos, negationem habent; Puta fides non visum, spes non habitum, per quas complentur utique, non constituuntur.

Item motus est realis tendentia, quæ tamen intelligi nequit sine carentia termini ad quem, & demùm unitas quid positivum est, nihilominùs ipsam per privationem explicamus, Carentiam scilicèt divisionis: Ita pariter licèt morale malum, & peccatum in positivo formaliter consistat, ipsū benè absque privatione explicare non possumus.

9. At falsum omninò est, semper PP. per privationem explicasse peccatum, & malitiam: Constat siquidem, nedùm PP. sed Concilia, & Scripturas multotiès per positivum explicasse; puta vocando peccata actus, mala opera, & similia, & præsertim Trid. Sess. 6. Can. 6. *Siquis dixerit, non esse in potestate hominis, vias suas malas facere, sed mala opera, ita ut bona, Deum operari, non permittivè solum, sed etiam propriè, & per se &c. anathema sit.* Et certè loquitur Concilium de peccato pro formali, qualiter solum permittivè à Deo est, nam prò materiali propriè ab illo est effectivè, sicut entia cætera. Peccata igitur mala opera sunt,

sunt, opus autem quid positivum est.

10. Patres quoque cuncti peccatum per positivum explicant. Sufficiat autem pro cunctis Augustinus innumeris in locis lib. 22. contra Faustum cap. 27. *Peccatum est factum, vel dictum, vel concupitum aliquid contra eternam legem*: Lib. de duobus animabus cap. 11. *Peccatum est Voluntas retinendi, vel consequendi, quod Justitia vetat*. Primo de libero arbitrio cap. 16. Peccare nihil aliud est, quam neglectis rebus æternis, temporalia sectari. Lib. 83. questionum q. 30. Omnis humana perversitas est, uti fruendis, & frui utendis. Sed potissimum lib. de perfectione Justitiæ in initio ait: *Quærat ergo, quod eodem vitio nomen imponat, utrum rem velit dicere an actum; an rei potius qualitatem malam, quàm deformis actus existit*. Ubi clarè deformitatem actus in qualitate constituit. Et lib. item de perfectione Justitiæ ratiocinatione 4. *Iterum querendum est, quid est peccatum, Actus, an res? Respondemus, peccatum quidem actum dici,*

& esse, non rem. Id est non substantiã; disputabat enim contra Cœlestium. Demùm de natura, & gratia cap. 64. Pelagio alleganti, *Joannes Constantinopolitanus Episcopus dicit; Peccatum non esse substantiam, sed actum malignum*, respondet Augustinus: *Quis hoc negat?* Patet ergo, Augustinum, & Chrysostomum peccatum in actu constituere. Nec certè dici potest, in his præcipuè locis Augustinum sumpsisse peccatum pro materiali: cum enim contra Hæreticos quærentes, in quo nam peccatum consisteret, disputaret, insufficienter nimis locutus esset, per materiale, non per formale peccati respondendo; quòd si formalitatem ipsius in privatione cognosceret; Utique facillimè respondere potuisset. Peccatum nihil est, sed privatio.

11. Probatum igitur breviter hac una, & efficaci ratione assertio nostra. Illud est formale constitutivum, cujuscumque rei, quod primò in ipsa re intelligitur, & quo posito, ponitur, & intelligitur ipsa res, quocum-

T que

que alio præciso, atqui primum, quod in malo morali intelligitur, non est privatio, sed ordo dissonantiæ, & contrarietatis ad legem, & hoc posito, etiam non intellecta privatione, ponitur, & intelligitur morale malum: ergo in ordine isto formalissimè, & adæquatè consistit. Discursus est legitimus. Major est evidens. Minor verò quoad primam partem, videtur certa: privatio enim supponit fundamentum; prius ergo intelligitur fundamentum, quàm ipsa privatio; hoc autem esse non potest, nisi contrarietas ad legem; in tantum enim actus peccati secum fert privationem rectitudinis legis, & virtutis oppositæ, in quantum cum utràque pugnat, illisque contrariatur; ità ut si illis non contrariaretur, nec privationem induceret, immò cum illis compatibilis esset. Sicut calor in tantum frigus expellit, ejusque privationem inducit, quia cum illo pugnat, illique contrariatur; ità ut si contrarius non esset, ipsum non expelleret, nec ejus induceret privationem. Non ergò

privatio, sed ordo contrarietatis, & dissonantiæ, ad quæ sequitur ipsa privatio, est id, quod primò in malo morali intelligitur.

Quoad secundam partem etiam probatur eadem minor. Ex hoc ipso, quod actus intelligatur dissonus, & contrarius legi, quocumque alio præciso, formalissimè moraliter malus est, eo enim ipso, quod cum ordine, & respectu, & subjectione ad legem eliciatur, utique moralis est, cum in alio non consistat moralitas, quàm in ordine, & subjectione ad legem: atqui non potest bonus esse, quia bonum dicit conformitatem: ergo malus. Et quidem formaliter, non tantum initiativè, materialiter, aut fundamentaliter: ex hoc enim, quod actus cum respectu, & subjectione ad legem eliciatur, est formalissimè in genere moris; cum respectus ad legem sit ipsissima formalis moralitas: ergo ex hoc ipso, quod cum repugnantia, & contrarietate legem respiciat, est formalissimè malus moraliter.

12. Confirmari potest.
Ca-

Calor enim, v. gr. non solum, quia privat aquam frigiditate sibi debita, & convenienti, est disconveniens aquæ, sed etiam, quia de se qualitas est naturæ aquæ repugnans; ita ut, etiamsi per impossibile absque frigoris expulsionem introduceretur calor in aquam, illi disconveniens esset, utpotè forma, non solum nihil conferens; immò repugnans ipsius naturæ; ergo pariter actus, non solum, quia privatur legis rectitudine, sed quia illi contrarius, & cum illa pugnans, disconveniens, ac difformis est; immò certè primario ex ista contrarietate; cum non nisi ex illa privationem importet; Sicut calor ex contrarietate privationem infert frigoris: igitur adhuc non intellecta privatione, actus per contrarietatem ad legem, formalissimè malus est moraliter.

13. Potissimum argumentum, quod contrà opponunt Adversarii, est ex inconvenienti. Si enim formalis malitia quid positivum esset, non pura privatio, peccatum ipsum pro formali causaretur à Deo; omne

liquidem positivum à Deo causatur, quod nimis est absurdum.

Cruciat certè objectio ista, quæ tamē ab ipsis quoque omnino solvenda est.

Ut enim cætera brevitatis gratia omittam, estò apud ipsos peccatum pro formali sit pura privatio; hæc certè reale fundamentum habere debet, aliàs non privatio, sed mera negatio esset; at hoc fundamentum esse non potest, nisi quid positivum; privatio enim non est privationis fundamentum, ni velimus dare processum in infinitum. Si ergo fundamentum privationis, in qua per illos formalis malitia consistit, positivum est, utique à Deo causatur; causans verò fundamentum non potest non causare privationem, quæ posito fundamento, resultat, hæc enim aliter causalibilis non est, nec aliter ab ipsa Creatura causatur, quæ per fundamenti positionem. En ergo, quod ponendo formale malitiæ, & peccati in privatione, difficultatem non effugiunt.

14. Dicendum est igitur, brevi, facili, ac vera solutio-

ne. Omne positivum causari à Deo, non tamen sub omni formalitate, & ratione, sed tantum secundum id, quod habet de entitate, & perfectione; non secundum id, quod à perfectione deficit. Constat enim, Deum causare liberum arbitrium, non tamen, ut est causa peccati, licet liberum arbitrium, ut causa peccati, non sit quid à se ipso absolute sumpto distinctum. Ipsa defectibilitas, & potentia ad peccandum, non est certe privatio; non est enim ipse defectus, ipsum peccatum, sed quid positivum connotans defectum, peccatum, & privationem; est autem à Deo, ut entitas est, non ut connotans defectum. Actio limitata est à Deo, ut entitas, non sub formalitate limitationis, ut sic enim defectum importat. Motus tibie claudicantis, à Deo, & ab Anima, est in ratione motus, non obliquitatis, & claudicationis. Ipsum fundamentum privationis, in qua ponunt Adversarii formale peccati, dicere ipsi quoque debent, quod causatur à Deo, cum sit quid positivum, non ta-

men, ut formaliter privationis fundamentum, ut sic enim causaret Deus ipsam quoque privationem, quæ aliter causalibilis non est.

Hoc autem ideò, ut bene advertit Cajetanus *p. 2. q. 79. art. 1.* quia in resolutione effectuum in causas non consideratur distinctio rei, sed ratio rei. Præcipue quando formalitas aliqua, quantumvis cum effectu identificata, est extra spheram causalitatis, & efficaciam ipsius causæ. Sicut quamvis obliquitas in motu sit illi identificata, vel adminus inseparabiliter, ac intimè connexa, nihilominus anima, tibiam curvam movendo, causat motum illum quatenus physicus, & vitalis, non quatenus obliquus, & defectuosus; quia obliquitas illa non continetur intra objectum adæquatum potentiae loco motivæ, sed tota in tibiam curvam reducitur, quo exemplo utitur D. Thom. *p. 2. q. 79. art. 2.* & S. P. August. *de perf. jus: rat. 4.* Sic igitur quamvis formale peccati quid positivum sit, non dicitur causari à Deo; quia licet causet illud positivum, quan-

quantum ad entitatem, & secundum id, quod habet de perfectione; non tamen secundum quod contrariatur legi, & rationi, estque fundamentum privationis, & aversionis, quamvis ista contrarietas, & hoc, quod est, esse fundamentum privationis, non sit quid distinctum realiter ab ipsa entitate positiva, quæ causatur à Deo; quia talis contrarietas, & fundamentum non est intra sphaeram divinæ causalitatis, & efficaciæ, cum defectum importet, & recessum ab ultimo fine; objectum autem divinæ omnipotentiae adequatum est solum id, quod in ipsum Deum ultimum finem est reducibile. Et hæc sint satis, superque dicta, nè à nostro nimis recedamus instituto; reliqua apud Authores videnda relinquimus, cui libuerit.

§. II. *Quid sit Peccatum, & à quo ejus distinctio sumenda.*

SUMMARIUM.

1. *Peccatum, aliud originale, aliud personale, & hoc,*

aliud actuale, aliud habituale.

2. *Peccati actualis definitio explicatur.*

3. *Peccata diversis opposita virtutibus, proculdubio specie differunt.*

4. *Eidem virtuti opponuntur peccata specie diversa, per excessum, vel defectum, seu etiam per omissionem, & commissionem.*

5. *Privatio ejusdem formæ, distingui potest specie, si consideretur ex parte positivi, cui necessario conjuncta est.*

6. *leges, & præcepta diversum præscribentia modum, & directionem, diversificant specie peccata, non aliter.*

7. *Ex fine intrinseco, proximo, & immediato specie distinguuntur peccata.*

8. *Tutior, formalior, & infallibilior est regula; peccata specie distingui per objecta.*

1. **M**ultiplex est peccatum. Aliud originale dicitur, quod ab Adamo derivatur, & per originem, & generationem in ejus posteros transfunditur. Aliud

Aliud personale, quod ab alio non derivatur, sed propria peccantis Voluntate committitur. Personale insuper dividitur in actuale, & habituale. Primum est actus malus, & difformis regulis morum; secundum est macula quædam, quæ in anima relinquitur ex actuali peccato, & in ea remanet, donec per gratiam sanctificantem auferatur. Unde peccatum habituale non est habitus vitiosus; hic enim est quædam proxima, expedita, & prompta potentia, quæ ad peccandum inclinatur; & non unico actu peccati, sicut macula, sed multiplici generatur. Relictis autem cæteris, utpotè ad nostrum finem parum conducentibus; hic pauca de actuali peccato subiciemus; plura siquidem ex jam dictis patere possunt.

2. Definitur ergo communiter huiusmodi peccatum ex August. lib. 22. *con. Faust.* cap. 27. Dictum, vel factum, vel concupitum contra legem æternam. Quam definitionem explicat S. D. p. 2. q. 71. *art.* 6. per aliam strictiorem, & formaliozem, dicendo: *Peccatum nihil aliud*

est, quàm actus humanus malus. Duo igitur sunt in peccato, actus videlicet humanus, hoc est voluntarius, & liber; & malitia. Ideò bene August. in dicta definitione utrumque ponit; id, quod pertinet ad substantiam actus humani, scilicet dictum, factum, vel concupitum; & quod pertinet ad rationem mali, scilicet contra legem æternam, quæ prima regula est humanorum actuum, à quâ omnes aliæ dependent, & legis, ac regulæ rationem participant. Quia verò subdit S. Doct. ad idem genus pertinet affirmatio, & negatio; ideò accipiendum est in dicta definitione dictum, & non dictum, factum, & non factum; & sic etiam comprehendit peccatum omissionis, de quo paulò post dicemus.

3. Pro nunc aliqua de peccatorum distinctione breviter advertenda sunt. Et quidem de numerica nihil prorsus addendum remanet ad ea, quæ generaliter capite diximus præcedenti. Quò ad specificam verò triplex adest sententia. Prima eorum, qui ponunt formale con-

constitutivum peccati in privatione perfectionis oppositæ virtutis, & consequenter, cum privatio ex forma opposita specificetur, & distinguatur, asserunt, peccata specie distingui per oppositas virtutes. Quod hæc sententia de certo habet est, quod peccata diversis virtutibus opposita citra dubium omnino specie distinguuntur; sive hoc sit, tanquam ex ratione formali, sive ex quocunque alio capite.

4. Caterum, cum eidem virtuti peccata specie distincta opponi possint, puta liberalitati prodigalitas, & avaritia (non enim audiendus est Mastrius in 2. disp. 6. de Pec. q. 2. art. 3. & Met. disput. 5. num. 318. admittens, peccata eidem virtuti opposita per excessum, & defectum, ejusdem esse speciei in genere moris, quod nescio, quomodo possit admitti contra communem Philosophorum sententiam.) Recurrendum est ad formalem distinctionem objecti, ut bene recurrit idem Mastrius loco citato in 2. art. 4. ad ponendam specificam distinctionem inter peccata omissio-

nis, & commissionis contra eandem virtutem, puta inter Dei odium, & omissionem amoris ejusdem. Quod certè omnino dici potest de peccatis per excessum, & defectum; licet enim prodigalitas, & avaritia idem habeant materiale objectum, scilicet bona fortunæ; formale tamen objectum avaritiæ, est pretium illorum, ex quo ad illa congreganda Voluntas urgetur; prodigalitati verò eorundem utilitas, ex quâ ad illa parvipendenda, & dissipanda movetur: & intellige semper eum ordine, & respectu ad legem, quæ perinde, ut cap. præcedenti diximus, diverso modo dirigit, ac moderatur.

5. Ubi etiam advertite ex Greg. Martinez p. 2. q. 72. art. 1. dub. 1. quod si privatio in se consideretur per ordinem ad formam, cujus privatio est, proculdubio, eadem forma manente, privatio diversificari non potest; Si autem consideretur ex parte positivi, cujus est proprietas, vel cui necessario conjuncta est, etiamsi forma privata eadem omnino sit, bene poterit privatio

tio distingui, secundum distinctionem formæ, ad quã sequitur. Sicut distinctæ sunt hoc modo privationes rationalitatis in equo, & Leone; quia licet rationalitas, quã privant, eadem sit, differentia tamen equi, & leonis, quibus tales privationes naturaliter conjunctæ sunt, specie distinguuntur. Unde in nostra sententia, distincta erunt peccata specie contra eandem virtutem, etiam in ratione privationis, & mali simpliciter, si rationes positivæ, quibus connexæ sunt specie distinguantur: Ità pariter in hoc sensu admitti poterit hæc sententia, quod ex virtutibus, peccata specie distinguantur; ità scilicet, ut nō solum distincta sint specie peccata contra distinctas virtutes; verum etiam, quādo eidem virtuti opponuntur secundum diversam rationem rectitudinis, modi, ac directionis juxta ea, quæ à nobis tradita sunt cap. præcedenti §. 3.

6. Secunda sententia est aliorum, formale peccati constitutivum ponentium in privatione rectitudinis legis,

seu præcepti; ac per consequens ex diversitate præceptorū peccata distinguendum. Quæ pariter sententia in praxim admitti potest modò intelligatur, tunc præcepta, seu leges peccata specie distinguere, quando diversum imponunt modū, ac directionem præscribunt, & non aliter, ut satis quoque in præcedenti capite explicatum est.

7. Tertia est quoque sententia, specie distingui peccata ex fine. Quæ si benè intelligatur, vera est, & cum nostra coincidit; finis enim intrinsecus, proximus, & immediatus idem est, ac objectum, à quo, nos distinctionem specificam peccatorum sumendam esse, asserimus: finis autem extrinsecus poterit quidem addere novam speciem malitiæ accidentalem, si novam secum afferat formalem rationem objecti, ut pariter in dicto capite ostendimus.

8. Quamvis igitur in praxi ad cognoscendas peccatorum species uti possis pro regula præceptorum distinctione, formali tamen, & ex diverso motivo proceden-

cedentium, diversumque modum præscribentium, & directionem: vel etiam oppositione virtutum modo explicato: Formalior tamē, tutior, infallibilior, ac expeditior est regula, si ab objectis formalibus in genere moris distinctionem peccatorum exquiramus. Cum enim peccata, etiam in genere moris, actus humani sint; actusque per objecta formalia distinguantur specie; nec aliter, quàm per ordinem ad objecta, ipsam legem respiciant, ut præcedenti capite satis ostensum est; per eundem ordinē moralitatem recipiunt, ac perinde speciem ipsius. Recolite, quæ capite eodem dicta sunt, nè hic frustra repetantur.

§. III. De multiplici Peccatorum divisione.

SUMMARIUM.

1. Peccata dividuntur primo in carnalia, & spiritualia.
2. Item alia sunt specialiter in Deum, alia in se ipsum, alia in proximum.

3. Item dividitur peccatum, in peccatum cordis, oris, & operis.
4. Dividitur etiam generaliter in peccatum commissionis, & omissionis.
5. Etiam omissionis formalis malitia est positivus ordo dissonantiæ, & contrarietatis ad legem.
6. Fundatur iste ordo in actu voluntatis, quod vult omissionem, vel qui est causa, vel occasio omittendi.
7. Omnis actus, qui est causa, vel occasio inficitur malitia ipsius omissionis.
8. Secus si non influat in illam, quamvis cum actu præcepto sit impossibilis.
9. Censendus est influere, nisi firma, & stabilis præceperit omittendi Voluntas.
10. Immo quotiescumque spes adest mutandi propositum.
11. Clericus longam assumens navigationem cum firmo proposito non recitandi horas canonicas, tot peccata committit, quot sunt dies.
12. Breviarium projiciendo, novum & distinctum peccatum committit.
13. Actus qui est causa omissionis, ex hoc præcisè non inficitur, nisi malitia ipsius

omissionis, quamvis privetur propria bonitate.

14. *Peccatum omissionis, non solum est formaliter, dum quis vult, omittere, sed etiam, dum instat preceptum eliciendi actum.*

1. **N**ON intēdimus hic. omnes peccati divisiones in specie assignare, sed quasdam solum generales; Illud enim longum esset nimis, ac per singulas materias discurrendo, prout se obtulerit occasio, ex regula jam tradita facile quisque athomas etiam peccatorum species dignoscere poterit.

Primò ergò dividuntur peccata actualia in carnalia, & spiritualia: ea, sunt, quæ in carnali delectatione perficiuntur, ut gula, & luxuria: Ista verò, quæ in quadam spirituali delectatione, & appetitu consistunt; & spirituale intellige, prout spiritus à carne, & corpore distinguitur, non verò in alia strictiori acceptione, ut à Spiritu Sancto nominatur, & sic spiritualia peccata sunt omnia, quæ in sola apprehensione, & Voluntate

de se consummantur, ut superbia, invidia, & hujusmodi.

2. Secundò peccatū dividitur ex parte personæ, in quam peccatur immediatè, & sic alia sunt peccata specialiter contrà Deum, licèt ex generali cōditione quolibet peccatū contrà Deum sit, utpotè injuriam, & offensam illius includens: Alia sunt peccata contrà se ipsū: Alia contrà proximum. Ad hæc enim tria homo benè, ac moderatè habere se debet; Ad Deum quidem per debitum amorem, & reverentiam; ad se ipsum juxtà debitum, & exigentiā propriæ naturæ, & ad alios homines, quibus convivere debet, ut animal sociabile. Quotiescumque igitur ab aliquo ex dictis ordinibus deflectit, ac deficit, peccare dicitur; in Deum quidem; cum illi debitum amorem, & reverentiam subtrahit, In se ipsum, cum juxtà rationis exigentiam proprias non regulat passionem, & actus; Bonum enim proprium hominis est, secundum rationem esse. In proximum denique, cum illi proprium

Jus

Jus non servat, vel humanam societatem offendit.

Patet autem, quod omnia hucusque enumerata peccata, formaliter inter se distinguuntur, cum habeant distincta immediata, & propria objecta formalia; quidquid sit, an carnalia, & spiritualia ex præcisa ratione spiritualis, & carnalis distinguantur.

3. Tertiò dividitur in peccatum cordis, oris, & operis: quæ certè, si accipiantur, secundum quod cordis peccatum est illud, quod ex natura sua consummatur in corde interiùs, puta odium; peccatum oris, quod consummatur in ore, ut mendacium, ac peccatum operis, quod opere completur externo, ut homicidium, formaliter distinguuntur; patet enim, quod distincta habent objecta formalia; si verò intelligantur, secundum quod ad idem ordinantur, potiùs gradus quidam sunt ejusdem peccati, quàm diversa peccata, v. gr. in luxuria priùs ex concupiscentiæ motu quis appetit, dein per verba, vel alia externa signa internam cordis con-

cupiscentiam demonstrat, ac demùm actû ipsum opere complet. non sunt autem hæc tria, sed unum etiam numero peccatum, nisi fortè discontinetur, juxta regulas cap. præc. §. 4. generaliter de numerica distinctione traditas.

4. Quartò dividitur peccatum generaliter in peccatum commissiõis, & omisiõis. Primû est actus malus, & regulæ, rationi, ac legi difformis. Secundum est carentia, seu privatio actus debiti, & à lege præcepti. Quarè commissiõ est contrà præceptû negativum prohibens actû, quem commissiõ ponit; omisiõ verò contra præceptû positivum præcipientem actû, quem omittens non curat, ponere. Quæ peccata ex præcisa ratione commissiõis, & omisiõis formaliter non differunt, sed purè materialiter; Undè si ex eodem motivo procedunt, & circa idem objectum, ejusdem sunt omninò speciei in genere moris, puta rapere alienum, & non solvere debitum, ut expressè docet S. Thom. p. 2. q. 72. art. 6.

5. Sicut ergò formalis

V 2 di-

distinctio peccati commissionis ab objecto formali actus ipsius desumenda est; ità & omissionis ab objecto actus, cuius est carentia, ubi tamen advertite, quod licet omissionis peccatum, secundum suam specialem omissionis rationem pura sit privatio; nihilominus ejus quoque formalis malitia, non pura privatio est, sed positivus ordo dissonantiæ, vel contrarietatis ad legem; qui quidem ordo non in ipsa privatione actus, quam dicit ommissio, fundatur, privatio enim capax non est alicujus positivi, sed in actu Voluntatis, quò ipsam vult omissionem, quique malitia ejus inficitur, ut insinuat Martinez ad dictum art. 6. dub. 2. ad 2.

6. Et quidem, si directè volita sit ommissio, puta dum quis expressè vult, omittere, seu non agere actum præceptum, clarè pater; quando verò expressè volita non est, fundabitur in actu, qui causa est, vel occasio omit-
tendi, qui pariter inde malitiam ipsius omissionis cōtra-
habet, quia verò nolumus
disputare, an possit dari o-

missio culpabilis absque omni actu, licet probabilius omninò, & conformius ad S. Doct. mentem existimemus, non posse, cum enim culpabilis esse nō possit, nisi voluntaria; siquidem volita non est directè, ad minùs certè indirectè, ac per consequens ad Voluntatem alterius, quod causa sit, vel occasio illius; sed nolumus, inquam, de hoc disputare, quia parùm refert, ideò adhuc in sententia eorum; qui contendunt, absque omni prorsùs actu posse omissionem dari culpabilem, dicimus; quod tunc ordo ipse in potentia, seu voluntate fundabitur, non quidem nudè sumpta, sed ut suspendente actum à lege præceptum, ut sic enim verè legi contrariatur.

7. Aliqua demùm circa hujusmodi omissionis peccatum notanda sunt, & primò certum est, quòd omnis actus, qui sit verè causa, vel occasio omit-
tendi, ejus malitia inficitur, v. gr. si quis propter nimiam studendi aviditatem omitat Sacrum in die Festo, tale studium, quamvis bonum in se, vitia-

tur

tur ex ista circumstantia mali effectus, & malum redditur. Dubium est autem, an quando actio non est causa, neque occasio omittendi, nihilominus eadem inficiatur malitia, si cum actu præcepto impossibilis sit, v.g. si quis jam deliberaverit, Sacrum omittere, ac interrim, dum urget præceptum, studio vacet, an, inquam, tale studium vitietur eadem omissionis malitia?

8. Ad quod negativè responderetur. Siquidem tale studium nullatenus in omissionem influit, sed merè per accidens, & concomitanter ad illam se habet: quotiescumque igitur actus de se impossibilis cū adimplentione præcepti supponit, jam firmum, & efficax Voluntatis decretum non servandi præceptum, ad ejus omissionem talis actus merè per accidens se habet, nec ejus malitia inficitur.

9. Si verò tale propositum non supponit, etsi aliqua præcesserit omittendi Voluntas, non tamen adeò firma, & stabilis, actus ipse impossibilis censendus est, aliquo modo influere, cum

enim de se humana Voluntas variabilis sit nimis, talis actus est causa, quòd præcedens non retractetur, cum de se adeò non fuerit efficax.

10. Immò addo, quòd licèt Voluntas efficax fuerit omittendi; si tamen aliqua sit spes moraliter murandi propositum, puta quia longum adest implendi præceptum tempus, actus cum ejus impletionem impossibilem cēsetur adhuc influere utpotè obicem, & impedimentum ponendo, nè Voluntas retractetur, sicut verè similiter poterat retractari: undè Clericus, v. g. longam assumens navigationē cū firmo proposito non recitandi horas canonicas toto navigationis tempore peccaret mortaliter, projiciendo Breviarium, quia verisimile est, quòd toto illo tempore priorē retractaret Voluntatem, & per projectionē necessitatur ad omittendum.

11. Et quidem puto, quòd novum esset ac distinctum peccatū à præcedente Voluntate; & ratio est, quia licèt Voluntas omittendi

con-

continuata sit; moraliter tamen discontinuata censetur, juxta regulam superius traditam cap. præcedenti §. 4. Pro cuius intelligentia notandum, quod proponens, non recitare Divinum Officium per mensem, v. g. non unum, sed tot peccata committit, quot sunt dies in mense, quia cujuslibet diei officium est de se completum, integrum, & adæquatum objectum præcepti; ac proinde transgressionis, nec unum ad aliud ordinatur, nec aliquo modo per modum partium se habent; unde talis actus Voluntatis, quod proponit, per mensem non recitare, virtualiter est multiplex, sic eadem ratione intendens ter, vel quater fornicari, etiam eodem simplici Voluntatis actu in esse naturæ, tria, vel quatuor fornicationis peccata mentaliter committit, licet opere non expleat.

12. Insuper advertendum, quod in tali casu duplex est omnino actus Voluntatis, etiam realiter, & in esse naturæ, vel entitativè, ut probabilius puto, vel saltem formaliter, juxta ibi-

dem tradita: prior enim voluntas est intentionis, quæ intendit non recitare, ex quâ movetur ad electionem medii conducentis, projectionem scilicet ipsius Breviarii; unde talis actus, quod vult, Breviarium projicere, distinctum omnino habet primum, & adæquatum objectum à priori Voluntate; per hunc enim vult primum, & immediatè, obstatulum ponere ad officii recitationem, ita ut, etiam si prior Voluntas retractetur, non possit officium recitare, & hoc quidem, aut directè, & expressè, aut sanè indirectè, dum enim vult, Breviarium projicere, indirectè saltem vult omne id, quod ipsam projectionem consequitur. Quare talis Voluntas æquivalet, & virtualiter continet actum, quod post retractionem prioris voluntatis, iterum ad ipsam recurreret; Sicut defacto, si talis Voluntatem retractaret, non posset amplius Divinū Officium recitare; hoc autem est quod saltem indirectè, & in causa volvit, dum projectionem volvit Breviarii, ac per consequens per talem actum

actum Divini Officii omissionem, etiam supposita retractatione prioris Voluntatis; quod constat distinctum esse peccatum, & actum etiam in genere moris.

13. Aliud occurrit dubium. An actus de se bonus, dum vitatur, eò quod sit causa, & occasio omissionis; duplicem habeat malitiam specie distinctam; unam, scilicet ipsius omissionis, & aliam oppositam virtuti, ad quam spectaret, si non vitaretur, v. gr. utrum studium causans omissionem Sacri sit, non solum contrà Religionem, sed etiam contrà virtutem studiositatis. Et ratio dubitandi est, quia talis actus privatur de facto bonitate, quam aliàs haberet ex specie sua, non videtur autem hac posse privari, nisi per contrariam malitiā, quod enim alteri non contrariatur, illud non expellit. Præterquam quod nimius, & immoderatus affectus ad studium est propriè contrà studiositatis virtutem; omit- tens autem Sacrum, ut studio vacet, omninò videtur excedere in affectu studendi; ac per consequens etiam

contrà studiositatem peccat.

Dicendum nihilominus; actum, qui est causa omissionis, nisi aliundè pariter vitietur, ex hoc præcisè non infici, nisi unica omissionis malitia: licet enim privetur etiam propria bonitatis specie, id non est per se, sed omninò per accidens ratione impossibilitatis, quā habet generaliter malitia cū bonitate; quælibet enim specialis malitia cum omni bonitate pugnat, illamque expellit: Sicut quodlibet mortale peccatum expellit gratiam, charitatem, omnesque virtutes infusas; non tamen sequitur, quòd quodlibet mortale peccatum tot habeat malitias, quot virtutes expellit, sed tantum illā, quæ virtuti opponitur, cū quā specialiter pugnat. Similiter non quilibet excessus est propriè contrà studiositatem, sed quæcumque aliam virtutem, sed tantum ille, qui transgreditur limites, & modum ab ipsa virtute specialiter præscriptos; puta si quis prohibitis, inanibus, vel propriā facultatē superantibus studere vellet:

let:

let : quando, verò excessus non est in propria materia, nec per transgressionem limitis, aut modi talis virtutis, sed tantum ratione alterius virtutis, ut in casu, non vitiatur actus per malitiam propriæ virtuti oppositam, sed per malitiam oppositam virtuti, quam lædit.

14. Nota demum, quod sicut, licet tota malitia; præcipue quoad demeritum, ut supradictum est, in actu voluntatis consistat, ita ut externa executio novam non addat, nec augeat malitiā; nihilominus ipsa externa executio mala, & peccaminosa est formaliter, & non solum objective, neque ut purus effectus; eadem tamen formali malitia voluntatis: ita pariter in omissione, tota quidem formalis malitia est in actu, quod quis directe, vel indirecte vult ipsam omissionem, nihilominus, dum instat præceptum eliciendi actum, quamvis tunc non adfit actualis Voluntas omittendi, omisio ipsa mala est formaliter, & peccaminosa; eadem tamen, & non distincta malitia, & non purus effectus

malæ Voluntatis, vel peccati, modò Voluntas ipsa tractata non sit.

Quod non est speciale in omissione, sed in quocumque alio effectū voluntario in causa; puta dum quis turpi cogitatione delectatur, ac iadè in somnis polluitur, pollutio ipsa, dum contingit, non est purus peccati effectus, sed in se mala, & peccaminosa, eadem tamen malitia præcedentis delectationis, in quā, tanquam in causa voluntaria est; ita pariter dum quis inebriatur, aut somno indulget, ex quo Sacrum tempore debito omittit, ipsa omisio mala, & peccaminosa est, non purus peccati effectus, quia in causa voluntaria est; eadem tamen malitia, quā fuit mala Voluntas causæ; huiusmodi enim effectus, & omissiones sunt veluti quædam substantialia complementa ipsius Voluntatis, sicut actus externi.

§. IV. De Peccato mortali,
& veniali.

SUMMARIUM,

1. Mortale dicitur, quod infert animæ mortem, privando gratia, & charitate; veniale autem digne venia, nec privans gratia.
2. Non distinguitur mortale à veniali ex parte subiecti, fidelis scilicet, & infidelis, prædestinati, & reprobi.
3. Nec etiam per hoc, quod mortale sit contrà præceptum, veniale contrà consilium.
4. Sed potissimè; quòd mortale est contrà legem, veniale autem, non contrà, sed præter legem.
5. Veniale ex parvitate materiae, vel imperfecta deliberatione nõ est propriè contrà legem.
6. Veniale ex genere non est contrà, sed præter legem; hoc est, non contrà finem intentum à lege.
7. Veniale est contrà legem particularem, non contrà totam legis unitatem, seu contrà modum ad perfectio-
- nem pertinens, non substantiam legis.
8. Vel deinde, si veniale est contrà legem, non tamen, quæ simpliciter sit lex, sed potiùs modus, & accedens legis.
9. Mortale includit saltem virtualiter magnum Dei contemptum, non autem veniale.
10. Mortale charitatè, Deique amicitiam excludit, non veniale.
11. Mortale avertit ab ultimo fine, veniale verò non; licèt ab illo retardet.
12. Mortale ab intrinseco est irreparabile, non autem veniale.
13. Regula generalis: peccatum graviter ladens Dei, sui, vel proximi dilectionem, vel commune bonum, est mortale, aliàs veniale.
14. Peccatum ex genere suo mortale sit veniale ex parvitate materiae, vel imperfecta deliberatione.
15. Quod sit præter intentionem, non sufficit ad reddendum veniale, nisi adsit, vel imperfectio deliberationis, vel parvitas materiae.
16. Ignorantia, vel inadverten-

tentia reducitur ad imperfectam deliberationem.

17. *Veniale ex genere fieri potest mortale, si in ipso constitutur finis ultimus, vel ex contemptu, conscientia erronea, scandalo, vel quacumque mortali circumstantia.*

18. *Plura venialia simul non possunt unum constituere mortale; immò intrà propriam materiam nunquam veniale potest fieri mortale.*

1. **D**ividitur tandem generaliter peccatum in mortale, & veniale; mortale dicitur, quod infert animæ mortem, eam privando gratia, & charitate, & ab ultimo fine avertendo. Veniale verò, quod ex se venia dignum est, utpotè leve in comparatione ad mortale; neque enim gratia, vel charitate privat, sed solummodò fervorem ejus diminuit; Nec ab ultimo fine avertit, sed potiùs aliquàlter ab eò divertit, ac retardat.

2. Itaque in primis non distinguitur peccatum veniale à mortali, ut volunt Lutherus, Calvinus, aliique

Hæretici, solum ex parte peccantis, ità scilicet, ut infideli, aut reprobo omnia peccata sint mortalia, fideli autem, vel prædestinato omnia venialia. Neque pariter, ut olim docuere Gerson. & Almainus, ex sola Dei misericordia, quædam punire nolentis æterna morte, licèt omnia de se justè ipsa punibilia sint, sed quia mortale de se dignum est æterna morte, utpotè gravis, & simpliciter offensa Dei; Veniale verò de se venia dignum est, utpotè levis, & tantum secundum quid ipsius Dei offensa. Undè à B. Pio V. & Gregorio XIII. dānata meritò fuit hæc Michaëlis Bay propositio. *Nulum est peccatum natura sua veniale, sed omne peccatum meretur pœnam æternam.*

3. Non item differt mortale à veniali, ut docent Scotus, Gabriel, & alii, quia mortale est contrà præceptum, veniale verò contrà consilium; etenim consilium ad nullum peccatum obligat, ac perindè, contrà consilium agere, nullum est peccatum. Undè Apostolus 1. ad Cor. 7. *de Virginitatibus*

nibus præceptum Domini non habeo, consilium autem dò, & subdit. Si nupserit Virgo non peccavit; consilia enim sunt, non de necessariis, sed de perfectioribus, ad quæ homo non tenetur.

+ Potissima ergò inter mortale, & veniale peccatum differentia, ex quâ omnes aliæ derivantur, consistit in hoc, quòd mortale est contrà legem, veniale verò non contrà, sed præter legem. Pro cuius intelligentia notandum: Venialia peccata in triplici esse differentia; quædam enim venialia sunt ex genere suo, puta Verbum otiosum, mendacium jocosum, aut quid tale; quædam verò ex parvitate materiæ, putà furtum unius pomi; quædam demùm ex imperfecta deliberatione; adde, si vis quartam ex intentione legislatoris nolentis graviter obligare, de quâ infra cap. de legibus,

5. Ex his ergò pater, quòd peccatum veniale ex parvitate materiæ non est propriè contrà legem, sed potius præter ipsam, vel ad summum contrà secundum

quid, & imperfectè; parum enim pro nihilo moraliter cõputatur. Similiter ex imperfecta deliberatione peccans non potest dici, simpliciter agere contrà legem, cum enim lex agentibus liberis imponatur, propriè in rigore non violatur, nisi à libere, & cum deliberatione operantibus. Cæterum difficultas est circa venialia ex genere, vel etiam ex intentione legislatoris; patet siquidem, quòd proferens deliberatè mendacium, absolutè legem transgreditur nõ mentiendi; & agens deliberatè; quod lex prohibet sub veniali illam absolutè violat, & transgreditur.

6. Ad hoc respondet Cajetanus p. 2. q. 88. art. 1. Cum dicitur veniale ex genere esse præter, non contrà legem; potest dupliciter intelligi: Primò, ut ità sit præter legem, ut contrà nullam sit legem; & in hoc sensu falsum est, nam mendacium, est secundum se pravum, & contrarium virtuti; ac per hoc contrà legem illius virtutis, & tamen non est mortale ex genere. Alio modo, ut sit præter legem, & non

contrà, quia non est contrà intentum finem legis; & hoc modo contrà nullam legem est veniale, quia finis cuiuscumque legis est dilectio Dei, sui, & proximi; Idem fere ait Medina ibidem. Quæ doctrina fundamentum habet in D. Thom. q. 7. de ma. art. 1. ad primum, ubi ait. *Cōvenienter dicitur, quòd peccatum veniale non est contrà legem, sed præter legem; quia si in aliquo recedit ab ordine legis, non tamen ipsum corrumpit, quia non corrumpit dilectionem, quæ est plenitudo legis.*

7. Idipsum clariùs expendit Gabriel à S. Vinc. p. 2. disp. 19. dub. 1. num. 7. advertens, quòd nomen legis sumitur aliquandò pro hac, vel illa determinata; aliquando verò pro tota lege, à quâ dirigimur, & ordinamur ad ultimum finem humanæ vitæ; secundùm quã rationem amplectitur omnes leges, omniaque earum præcepta, velut partes integrales, ex quibus coalescit: in lege autem sic accepta aliquid se habet, veluti substantia legis, & est id, sine quò lex nequit, homines

ad finem ultimum perducere, ut sunt præcepta obligantia sub mortali; & aliquid se habet, ut modus, vel accidens pertinens ad perfectionem legis, quia sine illo potest lex, homines ad dictum finem perducere, ut sunt præcepta obligantia solum sub veniali. Peccatum ergò veniale est præter legem primo modo, licet contrà secundo modo.

8. Hoc pariter fundamentum habet in D. Thom. p. 2. q. 88. art. 1. ad primum sic enim ait. *Venialiter peccans non facit, quòd lex prohibet, nec pratermittit id, ad quòd lex per præceptum obligat; sed facit præter legem, quia non observat modum rationis, quem lex intendit.* Quibus verbis insuper insinuare videtur aliam doctrinam clariorem certè, ac expeditiorem, licet fortè aliquibus non nimis placeat, quam tradit Gonet in *Clyptom.* 1. tract. 5. disp. 9. art. 1. §. 4. Quòd scilicet, ut verificetur, aliquem actum esse contrà legem simpliciter, duo requiruntur; primum est, quòd lex, cui opponitur, sit de numero illarum, quæ

quæ simpliciter leges vocantur, eò quòd omninò necessariæ sunt ad finem ultimum consequendum; secundum quòd talis actus simpliciter tendat contrà talem legem, seù simpliciter illam transgrediatur. Leges ergò tantum ad veniale obligantes non simpliciter leges dicuntur, cum non imponant necessitatem simpliciter, sed ad melius esse, & secundum quid. Undè actus contrà tales leges non dicuntur propriè, & simpliciter contrà legem, quia non sunt defacto contrà legem, quæ sit simpliciter talis. Hoc inquam insinuat S. D. dum ait, quòd peccans venialiter non facit, quod lex prohibet, nec prætermittit id, ad quod lex obligat per præceptum, hoc est, per veram legem, quæ simpliciter sit talis; ità ut ly, præceptum, denoter legem præceptivam, & graviter obligantem, aliàs enim patet, quòd peccans venialiter verè facit, quod lex prohibet, si nomine legis intelligatur, quæcumque lex; sed hujusmodi leges ad veniale obligantes potius modi, & acci-

dentia legis, ut ait Gabriel; quàm propriè leges dicendæ sunt; Undè subdit S. Doctor. *Sed facit præter legem, quia non observat modum rationis, quem lex intendit.*

9. Ex hac igitur potissima differètia sequuntur aliæ. Prima quidem, quòd mortale peccatū virtualiter saltem includit magnum Dei contemptū, cum pro amore Creaturæ non curet homo, graviter ipsum Deum offendere, contrà ejus legem, & voluntatem agendo. Undè creatoris amorì amorem præfert creaturæ: quod non facit peccans venialiter, ex hoc ipso, quòd contrà Dei legem non agat simpliciter, quamvis aliquàlter ab illa deficiat.

10. Secunda, quòd mortale peccatum charitatem excludit, Deique amicitiam, cujus certè legem violat, cum graviter offendens ejusque amorì quidpiam vile præferens: quod non facit veniale, cum tantum levem offensam importet, neque absolutè contrà charitatem sit, cum lex, quam transgreditur, ad illam conservandam non sit absolutè,

tē, & simpliciter necessaria .

11. Tertia, quòd mortale peccatum avertit ab ultimo fine, ad quem per charitatem dirigimur; est enim contrà legem, quæ ad illius assecutionem necessaria est, charitatemq; excludit. Veniale verò licèt ab illo retardet, non tamen avertit propter oppositam rationem.

12. Quarta demùm, quòd mortale peccatum ab intrinseco est irreparabile, non autem veniale: Ultimus enim finis, à quò avertit mortale, est sicut primum principium in speculativis. Sicut autem errans in primis principiis incorrigibilis est, non autem errans circa conclusiones, quia per ipsa principia reduci, corrigi, & illuminari potest, ità qui ab ultimo fine averfus est, non habet in se, undè ad ipsum converti, & reduci possit, sed solum per extrinsecam Divinam virtutem; qui verò ab ultimo fine non est averfus, per ipsam rectam finis intentionem potest reduci: Ex quo fit, quòd mortale de se reatum inducit poenæ æternæ; cum enim

ejus malitia purgari nō possit, quæcumque temporalis poena illi est inadæquata; per poenam siquidem reparari debet ordo justitiæ, qui per culpam pervertitur; ac proindè culpa, quæ inordinationem dicit de se irreparabilem, quantum est de se, poenam exigit interminabilem; secus verò peccatum veniale, cum ejus inordinatio sit ab intrinseco reparabilis.

13. Ex dictis licèt regulam colligere ad cognoscendum, quando peccatum veniale sit, vel mortale. Si enim graviter, ac notabiliter charitatem, & dilectionem lædat Dei, vel proximi, & multò magis sui ipsius, aut commune bonum, peccatum erit mortale; si verò tantum leviter, peccatum erit veniale: quod & meliùs explicabitur infra capite de legibus.

14. Constat pariter ex dictis, quomodo peccatum aliàs ex genere suo mortale possit esse veniale, scilicet ex parvitate materiæ; puta minimum furtum; vel ex imperfectione actus, cum non ex plena deliberatione,

juxta doctrinam supra traditam cap. 2. §. 1. Et nota, quod nunquam imperfecta deliberatio ad mortale peccatum sufficit; tùm quia, ut diximus; non potest simpliciter, & perfectè violari lex nisi ab agente libero, & ex perfecta deliberatione operante. Lex enim est regula humanorum actuum: non autem perfectè humani sunt actus ex imperfecta deliberatione procedentes; tùm quia satis dedecet infinitam Dei bonitatem, pro hujusmodi culpis, quas humana fragilitas vitare vix potest, æterna morte punire.

15. Dominus Cajetanus in *Summula* pluribus in locis addere videtur tertium aliud Caput, ex quò peccatum ex genere suo mortale, fiat veniale, scilicet, cum est præter intentionem, præcipuè in peccatis linguæ, aut similibus, quæ sine intentione talia non sunt, nisi materialiter, puta contumelia, detractio, & hujusmodi: cù tamen addat, quòd si notabiliter lædatur proximus, actus redit in naturam suæ formæ, & est mortale peccatum, quamvis non ex in-

tentione; manifestum est, quòd si levitas materiæ, vel imperfecta deliberatio non excuset, adhuc hujusmodi peccata mortalia remanent, quamvis præter intentionem.

16. Addi etiam posset ignorantia, vel inadvertentia venialiter tantùm culpabilis, puta quia tantum ex levi negligentia, hæc enim, licet omninò à peccato non excuset, tantùm nihilominus minuit, ut de mortali reddat veniale; cùm enim facta per ignorantiam, vel inadvertentiam, voluntaria non sint, ac perindè nec peccata, nisi quatenus ignorantia ipsa voluntaria est, si hæc non nisi venialiter mala est, nō potest actio ex ipsa procedens mortalis esse. Quia verò ignorantia ipsa, vel inadvertentia venialis esse nō potest in materia gravi, & peccati mortalis, dum est perfectè, & ex plena deliberatione voluntaria; hinc est, quòd ex imperfecta deliberatione habet, quòd sit venialis, ac per consequens peccatum ex illa procedens, quod aliàs erat mortale, veniale sit ex imperfecta deliberatione. Undè relinquitur,

tur,

tur, ex duplici tantum capite peccatum ex genere veniale fieri, scilicet ex levitate materiæ, vel imperfecta deliberatione.

17. At verò peccatum veniale ex genere multipliciter quidem reddi potest mortale. Primò ex contemptu, non solum Dei, sed etiam superioris, aut legis, aut etiam Personæ, vel loci. Si quis enim in spretum Ecclesiæ, ibi confabulari vellet, aut in contemptum nollet, obedire Prælato, etiam in his quorum transgressio de se mortalis non esset, proculdubio mortaliter peccaret. Notate verò, quòd, ut contemptus mortale reddat peccatum ex genere suo veniale, necesse est, quòd verè quis tota deliberatione, & ex determinata intentione, contemnendi Deum, Superiorem, vel legem, actum eliciat; & insuper, quòd absolute, & simpliciter Deum, Superiorem, aut legem contemnere intendat, & non tantum in his minimis; undè si quis, v. gr. paratus absolute, obedire Deo, Prælato, ac legi graviter præcipienti, contemnat nihilominus, pa-

rere in levibus, & minimis, quia minima sunt, & de illis curare non vult; non ideo mortaliter peccat, quia non contemnit simpliciter, sed secundum quid, & cum addito, scilicet in minimis. Vide Cajet. V. *Contemptus*.

Secundò veniale peccatū mortale redditur, si quis in ipso ultimum finem constituat, puta si taliter esset affectus, ut illud omnino vellet, quamvis inde gravis offensa Dei confurgeret.

Tertiò ex conscientia erronea, ut videbimus cap. de *Conscientia*.

Quartò ex scandalo, & generaliter ex quacumque circumstantia, quæ de se mortalem importet malitiam, præcipue autem ex fine, & effectu, & periculo incidendi in mortale peccatum, qui enim amat periculum, in illo peribit.

18. Quibus non obstantibus fieri non potest, quòd multa peccata venialia simul, unum constituent mortale peccatum; non enim, ut ait D. Thom. p. 2. q. 88. art. 4. omnia peccata venialia de modo, possunt habere tantum de reatu, quantum unum peccatum mor-

mortale. Quod pluribus rationibus demonstrât Theologi, apud quos videndas relinquimus. Immò, & quando peccatum ex genere suo veniale fit per aliquâ circumstantiam mortale, nō remanet ampliùs in propria materia, sed ab illa quodammodo extrahitur; quod quidem patet, dum fit mortale ex primo, vel quarto capite, trahitur enim tunc ad speciem contemptus, vel scandali, aut ejus malitiæ, quam secum fert circumstantia illa aggravans. Quando verò ex secundo, vel tertio capite, quamvis in propria materia permanere videatur, formalitas tamen verò ab illa extrahitur: dum enim v. gr. quis mendacium profert officiosum cum erronea conscientia, quòd sit mortale peccatum, vel si ponat in illo rationem ultimi finis, defacto in illo apprehendit, illique tribuit inordinationem, contrarietatem, & aversionem, quam ex genere suo, & propria materia non habet, undè quasi ad extranea ducitur per conscientiam errantem, vel inordinatum affectum;

Si verò intra limites propriæ materiæ maneret, nunquam posset mortale fieri.

§. V. De comparatione Peccatorum.

SUMMARIUM.

1. *Peccati gravitas considerari potest, vel per ordinem ad rationem, vel Deum; item ex parte conversionis ad objectum, vel privationis gratiæ, & opposita virtutis.*
2. *Ex parte conversionis ad objectum, non omnia peccata mortalia paria sunt.*
3. *In ratione offensæ quodlibet mortale est infinitum, ac per consequens absolutè unum non est majus alio.*
4. *Similiter quodlibet mortale tota gratiæ, & charitate privat, undè nec unum est gravius alio.*
5. *Nec plura eidem virtuti opposita, benè verò diversis virtutibus.*
6. *His non obstantibus, licèt omnia mortalia in ratione offensæ paria sint, quoad gravitatem subjectivam, & personalem, non tamen quoad objectivam.*

Y 7. Nec

7. *Nec etiam in ratione privationis, si privatio consideretur, ut proprietas, vel consecutum ad aliud.*
8. *Gravitas essentialis ex objecto, accidentalis verò ex circumstantiis pensanda est.*
9. *Non solum mala intrinsece, sed etiam mala, quia prohibita, differunt in gravitate.*
10. *Potest unum peccatum esse gravius alio contra eandem legem, quamvis modus praescriptus sit indivisibilis.*
11. *Gravius est peccatum secundum se, quò praestantior est virtus opposita.*
12. *Secundum se graviora sunt peccata in Deum, deinde in se ipsum, postremò in proximum. Item graviora, quæ in Spiritualibus ledunt, quàm quæ in Corporalibus, & graviora, quæ in vita, quàm, quæ in bonis exterioribus, ac demùm graviora, quæ contra bonum commune, quàm quæ contra particulare.*
13. *Intellige hæc primò secundum objectum primum, & principale virtutis oppositæ.*
14. *Secundò nè peccatum inferiori oppositum includat etiam oppositionem cum superiori virtute.*
15. *Tertiò, quòd habeant eundem modum oppositionis ad virtutem peccata, inter quæ sit comparatio.*
16. *Timiditas ex formali objecto pejus est peccatum, quàm intemperantia; ex annexis tamen è contrà.*
17. *Regula generalis. Comparatio fieri debet, proportionem servata, puta maximi cum maximo, minimi cum minimo.*
18. *Potissimè habenda est ratio voluntarii, & libertatis, difficultatis vincende, & motivi impellentis.*
19. *Peccans ex certa scientia gravius peccat, quàm peccans ex ignorantia etiam culpabili, vel infirmitate, aut passione.*
20. *Licet peccans ex habitu peccet ex certa malitia; potest malè habituatus quandoque non ex habitu peccare.*
21. *Precipue si jam pœnituit de præteritis.*
22. *Peccatum ex objecto minus grave potest ex circumstantia gravius esse peccato aliàs graviori ex objecto.*

23. *In moralibus fallere potest Metaphisica ratio, quod perfectius, quoad substantiam excedi non potest à perfectiori quoad accidens.*

24. *Immo fallit, quando accidentalis imperfectio impedit essentialem formam, ne totam suam perfectionem subiecto communicet.*

25. *Demum, quia moralitas ipsa accidens est.*

1. **N**ON parùm utile est Confessariis, peccatorum gravitatem dignoscere, ut prudentiali iudicio gravioribus pro merito congruas adhibeant medicinas. Ex duplici autem capite potissimum gravitas peccatorum pensanda est. Primum quidem per ordinem ad rationem, cujus regulas transgreditur, ordinemque pervertit peccatum. Secundò in ordine ad Deum, cujus offensa est. Similiter considerari potest peccatù, vel ex parte conversionis ad proprium objectù, vel ex parte privationis gratiæ, & charitatis, aut etiam rectitudinis oppositæ virtutis. Hoc posito.

2. Certum est, quod si

consideretur peccatum ex parte conversionis ad objectum, non omnia peccata, etiam mortalia, paria sunt; sed unum gravius alio, secundum quod magis, vel minus contrariatur bono communi, ordini rationis, dilectioni Dei, vel proximi.

3. Difficultas verò est, quomodo unum gravius alio dici possit in ratione offensæ vel privationis; cum enim quodlibet mortale peccatù simpliciter sit offensa Dei, ex hoc quandam infinitatē participat ratione infinitæ dignitatis personæ offensæ, siquidem ex dignitate personæ offensæ crescit gravitas injuriæ, & offensæ; ac per consequens quodlibet mortale peccatum in ratione offensæ infinitam gravitatem habet; unum autem infinitum non est majus alio.

4. Similiter cum omne mortale peccatum totaliter gratia, & charitate privet, nec etiam in hac ratione unum gravius alio dici potest; una enim privatio non est major alia.

5. Immo licet in ratione privationis rectitudinis oppositæ virtutis, peccata

Y 2 di.

diversi generis inæqualia dici possint, unumque gravius alio secundum quod unum digniori virtuti opponitur; pejor siquidem est privatio, quæ meliori forma privat; v. gr. pejor est mors, quæ privatio est vitæ, quàm cæcitas, quæ privatio est visus. Peccata nihilominus mortalia ejusdem speciei paria omnino erunt in ratione privationis; cum omnia eadem, & tota virtutis oppositæ bonitate privent.

6. Sed his non obstantibus certè dicendum est; non omnia peccata, etiam mortalia æqualis gravitatis esse, adhuc in ratione offensæ, vel privationis. Et in primis notandum, quod gravitas offensæ duplex est. Objectiva scilicet, quæ desumitur ex ipsa injuria, & offensæ; & subjectiva, quæ desumitur ex persona læsæ, & offensæ, quæ subjectum est morale, in quò censetur ipsa injuria moraliter recipi. Quamvis ergò omnia peccata mortalia in ratione offensæ paria dici possint, quò ad gravitatem personalem, & subjectivam, cum omnia

infinita sint moraliter; ut benè dicebatur; inæqualia tamen sunt, quò ad gravitatem objectivam, ut patet quoque in humanis. Quamvis enim omnis offensæ Regis, regia sit, non tamen omnis æqualis est in gravitate; gravius enim, quis regem offendit, ipsum percutiendo v. gr. quàm verbis tantum resistendo, aut impugnando.

7. Similiter, quanquam privatio, si præcisè consideretur ex parte positivi, quò privat, scèd cuius est privatio, ejusdem sit omnino rationis, in quocumque reperiatur, si forma privata sit eadem; attamen si consideretur ipsa privatio, ut proprietas, & quid consecutum ad aliud, ex illius diversitate diversificatur, ut suprà §. 2. notavimus ex Martinez. Quia ergò privatio, sive Gratia, & Charitatis, sive oppositæ rectitudinis, in peccato consequitur ex conversione ad objectum, & contrarietate ad legem, ac dilectionem Dei, vel proximi; nec non ad oppositam virtutem; quo deterior erit conversio, & objectum, magis.

gisque disconveniens, ac repugnans, eò pariter deterior erit ipsa privatio.

8. His præmissis. Cum gravitas peccati ex ejus malitia debeat attendi; cum, ut suprà ostensum est, essentialis malitia ex proprio objecto; accidentalis verò ex circumstantiis desumatur; consequens est; ut pariter essentialis gravitas ex objecto, accidentalis ex circumstantiis pensanda sit.

9. Antequam verò, quænam graviora peccata sint, quævè nimis gravia statuamus, notandum est; non solum eà, quæ intrinsecè, & ex natura sua mala sunt, verùm illa, quæ mala sunt, quia prohibita lege positiva, inter se in gravitate differre. Cujus ratio est; quia ex hoc ipso, quòd lex aliquem actum prohibet, vel præcipit, ponit illum, sub determinata specie Virtutis, vel Vitii, juxta motivum, ex quò præceptum, vel prohibitio dimanat. Cum autem ipsæ Virtutes, & Vitia inæqualia sint in bonitate, & malitia, per consequens etiam tales actus præcepti, vel prohibiti.

10. Sed restat adhuc difficultas; an peccata contrà eandem legem positivam ex eodè motivo prohibita, possint esse inter se inæqualia, sicut contingit in his, quæ intrinsecè mala sunt, v. gr. gravius peccatum est; Furari centum, quàm furari decem. Quamvis autem Mag. Serra p. 2. q. 73. art. 2. videatur sentire, quòd si leges humanæ determinent modum indivisibilem, tunc peccata contrà eandem legem æqualia sint: Quod quidem verum est, per se loquendo, ut idem subdit; sed hoc non est speciale in his peccatis, sed còmune etiam de se malis; unà enim fornicatio v. gr. non est gravior alia, per se loquendo: Cum quo tamen stat, quòd una præ alia possit aggravari ex circumstantia illi adjuncta; Ego puto, quòd ex eodem capite peccata contrà eandem legem positivam inæqualia esse possint, ac unum gravius alio, quantumque sit indivisibilis modus à lege præscriptus. Undè omit- tens audire Sacrum v. gr. ut vacet ludo, gravius peccare videtur, quàm omit- tens,

tens, ut studio, vel gravi negotio incumbat. Nec oppositum sentire judico Cajet. Sylv. & Navar. à Serracitatos. Sed tantum velle, non ita notabiliter aggravari peccatum, ut in confessione sit necessarium, hanc exprimere gravitatem, quod ultrò concedimus.

11. Itaque cum gravitas essentialis ex objecto, accidentalis verò ex circumstantiis desumatur, manifestum est; illud secundum se gravius esse peccatum, quod pejus habet objectum. Cumque objectum omnis peccati contrarium sit objecto alicujus virtutis, cui perinde ipsum peccatum contrarium est; patet etiam, quòd eò gravius erit peccatum secundum se, quò præstantior virtus opposita: Ex hoc enim ipso tale peccatum pejus habet objectum, majusque bonum habet corrumpere, ac destruere.

12. Quare secundum se graviora sunt peccata in Deum, deinde in se ipsum; postremo in proximum: Item graviora, quæ in spiritualibus lædunt, quam quæ in temporalibus; Et

graviora, quæ in vita etiam corporali, quam quæ in bonis exterioribus. Item graviora, quæ contrà commune bonum, quam quæ contrà particulare.

13. Tria nihilominus cum Salmanticensibus advertit Gonet in man. tract. de pec. cap. 3. Primò, quòd, cum dicitur, illud peccatum esse gravius, quod præstantiori virtuti opponitur, intelligi debet secundum objectum primum, & principale talis virtutis; undè licet charitas perfectissima sit omnium virtutum; non omne peccatum charitati oppositum gravissimum erit; nam odium proximi v. gr., immò & schisma, licet charitati opponatur, est minus peccatum, quam infidelitas, ut docet S. Doct. 2. 2. q. 39. art. 2. at verò odium Dei, qui est primum, & principale charitatis objectum, inter alia peccata gravius est, ut idem docet ibidem q. 34. art. 2. & p. 2. q. 73. art. 4. ad 3.

14. Secundò notandum, quòd si peccatum inferiori virtuti oppositum includat etiam oppositionem cum vir-

virtute superiori, poterit, ex tali inclusione superare in malitia, & gravitate peccatum directè ipsi majori virtuti oppositum: & sic, quamvis iustitia, cui opponitur furtum, sit perfectior castitate, cui adulterium opponitur, gravius tamen furto est adulterium, quia simul cum oppositione ad castitatem, includit etiam oppositionem ad iustitiam.

15. Tertiò demùm, quòd peccata, inter quæ fit comparatio, eundem habeant modum oppositionis ad virtutem; ità ut utrumque sit peccatum commissionis, vel omissionis; aliàs enim satis probabile videtur quòd si peccatum inferiori virtuti oppositum sit commissionis, & oppositum superiori omissionis, illud possit esse gravius, v. gr. homicidium, quòd iustitiæ opponitur, gravius omissione Sacri, quæ præstantiori virtuti religionis opponitur. Hoc tamen nõ videtur omninò verum: nam ommissio, v. gr. restitutionis, vel cuiuscumque actus Iustitiæ in materia gravi, & notabili, absolutè, & simpliciter pec-

catum videtur gravius fornicatione simplici: quòd ergò in aliquo casu ommissio præcepti superioris virtutis minùs grave peccatum sit commissione contrà inferiorem, ex alio proveniet capite, quòd ex dicendis hic, & sequenti capite patebit.

16. Aliqua hic interim occurrit difficultas ex D. Th. 2. 2. q. 142. art. 3. ubi absolutè docet, ac probat, quòd intemperantia majus est vitium, quàm timiditas, cum tamen fortitudo, cui opponitur timiditas nobilior omninò sit virtus, quàm temperantia; non ergò verum est, eò pejus, & gravius esse peccatum, quòd præstantiori virtuti opponitur.

Ad hoc tamen respondetur ex doctrina ipsius Angelici Præcept. ibidem ad 1. Ubi ait: *Quòd excellentia fortitudinis supra temperantiam potest considerari dupliciter, unò modò ex parte finis; quod pertinet ad rationem boni, quia scilicet fortitudo magis ordinatur ad bonum commune, quàm temperantia; ex hac etiam parte timiditas habet quandam excellentiam supra intemperantiam, in quan-*
tum

tam scilicet per timiditatem aliqui defessunt à defensione boni communis: alio modò ex parte difficultatis, in quantum scilicet difficilius est, subire pericula mortis, quàm abstinere à quibusdam delectabilibus; & quantum ad hoc non oportet, quòd timiditas præcellat intemperantiam: Sicut enim majoris virtutis est non vinci à fortiori; ità etiam è contrario minoris vitii est, à fortiori vinci, & majoris vitii à debiliore superari: Ex quibus clarè patet, quod si consideretur timiditas ex proprio formali objecto, secundum quod fortitudini directè opponitur, absolute, & simpliciter pejus peccatum est, quàm intemperantia; si verò consideretur ex annexis, puta ex causa, & motivò inducente timiditatem, ut necessarius vitæ amor, bene poterit minus peccatū esse, quàm intemperantia, quia ex hoc ipso habet plura minuentia, & exculantia, ut de se patet. Non mirum autem, quòd S. Doct. absolute quæstionem resolvat, dicendo, quòd intemperantia gravius est vitium, quàm timiditas; quia defacto, ut

plurimum, ità est, sicut in citato Articulo discurret; & casus valdè rarus est, quòd timiditas gravius peccatum sit, quàm intemperantia; secundum ea, quæ regulariter accidunt. Satis nihilominus mentem suam explicavit Sanct. Doct. præcipuè in resp. ad 1.

17. Satis placet regula generalis, quam tradit Mag. Medina p. 2. q. 73. art. 4. Quòd ut cognoscatur, quod nam peccatum sit gravius, debet fieri comparatio, proportionè servata, puta maximi cum maximo, minimi cum minimo, mediocris cum mediocri. Quod patet in primis in virtutibus ipsis; licet enim justitia v. gr. dignior sit fortitudine, non ideò quilibet actus justitiæ excedit omne opus fortitudinis; vendere enim triticum justo pretio, actus est justitiæ, quis autem diceret, hunc actū digniorem eo, quo quis pro defensione Reipublicæ fortiter pugnat? Deindè in naturalibus, Leo de se fortior est Urso, poterit nihilominus grádior Ursus, catulum superare leonis. Item in humanis, Aurum pretiosius est

Ar-

Argento; vastamen argenteum affabrè constructum prætiosius esse poterit vase aureo simplici. Semper ergò digniori virtuti oppositum, gravius est peccatum, cæteris paribus; quando verò cætera non sunt paria, benè poterit oppositum inferiori virtuti gravius esse: quod certè multoties, immò fortè semper continget, si peccatum inferiori virtuti oppositum sit intrinsecè malum, oppositum verò superiori malum tantum, quia lege positiva prohibitum; ex hoc enim ipso illud maiorem dicere videtur ad rationem repugnantiam: & hoc etiam intellige, cæteris paribus.

18. Potissimè autem in gravitate peccatorum dijudicanda, ratio habenda est voluntarii, & libertatis; quodlibet enim, voluntariū & libertatem diminuens, minuit quoque malitiam. Item notanda est difficultas vincenda, motivumq; inducens ad peccatum; nam, quæ non nisi cum magna difficultate superari, & repelli possunt, ex hoc ipso eorum culpa alleviatur, & quodam

modo excusatione digna redditur: Sicut pariter excusabilis est in parte, qui gravi motivo, passione, vel tentatione impulsus delinquit; damnabilis autem valdè, qui tota libertate, ac propria electione peccat. Undè S. Doct. p. 2. q. 73. art. 5. benè cum D. Gregorio 31. Mor. cap. 31. docet, quòd peccata carnalia secundum se sunt minoris culpæ, & majoris infamiæ, quàm spiritualia, nam ex una parte valdè sunt exprobrabilia, ut ait Philosophus 3. *Ethicor*: quia sunt circa illas delectationes, quæ sunt communes nobis, & brutis, undè quodammodo per ista peccata homo brutalis redditur, ex alia tamen parte sunt minoris culpæ, quia vehementius habent impulsivum, idest ipsam concupiscentiam carnis nobis innatam.

19. Ex his manifestè colligitur, quòd peccans ex certa scientia, hoc est, benè quidem advertens ad malitiam actus, & nihilominus propter affectum ad bonum delectabile concupitū peccare volens, gravius peccat, quàm peccans ex ignoran-

Z tia,

tia, inadvertentia, vel inconsideratione etiam culpabili, vel ex infirmitate, ac passione. Ille siquidem peccat ex certa malitia, quod omnino gravius est, ut cum D. Thom. p. 2. q. 78. art. 4. & alibi, docent communiter Theol. Peccare namque ex certa malitia, ut explicat Medina ibi art. 1. est nulla opprimente, vel impellente passione, eligere malum, quod scitur, esse malum.

20. Sed advertendum ex eodem S. Doct. ibi art. 2. & Medina ibi. Quod licet peccās ex habitu peccet ex certa malitia, eo quia per habitum sit illi per se diligibile, & quodammodo naturale id, quod secundum ipsum habitum est ei conveniens, ex hoc quidem, sive malus habitus sit in Voluntate ipsa, sive in appetitu sensitivo; quia etsi motus sensitivi secundum se habeant potius minuere peccatum, impellendo voluntatem, & rationem perturbando; cum tamen ex habitu quis peccat, jam voluntas inordinata est, ac in objectum propensa; unde potius ipsa passionēs, & sensitivos motus excitat,

quàm ab illis trahatur. Cum hoc tamen stat; quòd aliquandò malè habituatū nō ex certa malitia peccet, immò nec propriè ex habitu, sed ex aliquo passionis impetu. Habitu enim, non est necesse, quòd semper utamur, sed subjacet imperio Voluntatis; undè definitur, quod sit, quò quis, cum voluerit, utitur; Tunc igitur peccatum non aggravatur.

21. Addit insuper, & bene Medina juxta superius à nobis tradita cap. 2. §. 2. & cap. 4. §. 4. Quod si malè habituatū poeniteat, quāvis in illo remaneat inclinatio, & pronitas ad peccatum, quia tamen illi amplius voluntaria non est, immo involuntaria, si contingat, ex ipsa iterum ad peccatū impelli, ejus peccatum non erit ex certa malitia, sed potius ex infirmitate; pronitas enim illa potius minuit rationem voluntarii, ac proinde malitiam, quàm augeat. Idque notaverim pro Confessariis, ut cum hujusmodi malè habituatīs, non rigorosè procedant, poenitentias aggravando, sed potius

tiùs insistendo, ut veram, ac perfectam peccati detectionem concipiant; consiliis adjuvando, modosque suggerendo, quibus faciliùs ab hujusmodi noxiis retrahant voluntatem; ac potissimum per Sacramentorum frequentiam, præcipuè Sanctæ Confessionis.

22. Restat demùm aliqua difficultas. An quando peccatù inferiori Virtuti oppositum aggravatur nò ex propria formali ratione, objecti; sed ex aliqua omninò accidentalicircumstantia, dici debeat absolutè gravius? Quamvis autem quidam ex D. Thom. Discipulis velint, peccatum ex objecto minùs grave nunquam posse, tantùm ex circumstantiis aggravari, ut excedat peccatum gravius ex objecto: Id tamen falsissimum putat Medina. Sit enim v. gr. simplex furtum ex una parte; simplex fornicatio ex altera; furtum nudè sumptum gravius est fornicatione pariter nudè sumpta. Aggravetur modò fornicatio ex circumstantia, nedum accidentali, ad aliam speciem non transferente. Puta quòd quis

non adeò vehementi passione concitatus, immò tota, plenaque libertate fornicetur. Allevietur ex alia parte simili circumstantia furtù, puta quòd quis ex necessitate, licet non extrema, sed gravi, furetur; quòd nam horum gravius erit peccatù? Videtur certè, quòd fornicatio: talis enim fornicator excusationem ullam non habet de peccato suo; multam autem fur: Graviùs verò peccatum absque dubio rigorosior expetit vindictam, strictiorique Judicio dignù est; ac perindè peccatum excusationem admittens gravius esse non potest excusationis experti.

23. Contrarium autem sentientes fundantur in metaphysica ratione. Quia id, quòd perfectius est, quòd substantiam, & essentiam, quamvis ab alio in aliquo accidenti excedatur, non idèò dicitur minus perfectum; immò absolutè, & simpliciter perfectius, & solum secundùm quid imperfectius: Si ergo unum peccatum est alio gravius ex objecto, ex quo gravitas substantialis, & essentialis

desumitur; quamvis in aliqua circumstantia, & gravitate accidentali superetur; dicendum nihilominus est absolutè, & simpliciter gravius; & secundùm quid minus grave.

Cæterum ipsi, meo videri, multipliciter falluntur. In primis, quia est illa metaphysica ratio absolutè convinceret, fallere tamen posset in moralibus, in quibus non ad eò metaphysicæ rationis rigor, sed magis prudentialis attèditur existimatio. Ut enim dicebamus, Vas aureum pretiosius est substantialiter Vase argenteo; si tamen huic addatur accidentale pretium, puta si optimè sit fabrefactum, absolutè, & simpliciter pretiosius judicatur Vase aureo, licet hoc illud superet in pretio substantiali.

24. Deindè potest illa propositio distingui, ita ut vera sit, quandò accidentalis imperfectio substantialè perfectionem non impedit; secus verò, si obstaculum ponat, nè forma ipsa essentialis totam suam perfectionem subjecto communicet; Quod certè in moralibus cõ-

tingit. Sicut enim potest accidentalis circumstantia taliter impedire objectum, ut non solum totam suam bonitatem actui non tribuat, immò nullā penitus conferat; & actus circa objectum de se bonum aliqua circumstantia viciatum absolutè, & simpliciter malum reddatur ut suprà vidimus cap. 4. §. 1. Poterit eodem modo circumstantia impedire, nè objectum totam suam malitiam transfundat in actum: & hoc ideo, quia ut pariter eodem cap. notavimus §. 5. tota malitia, vel bonitas actus ex objecto derivatur, nec circumstantia potest actum afficere, nisi objectum ipsum afficiat; undè quilibet circumstantia objectum ipsum reddit melius, vel pejus, magis, vel minus bonum, aut malum.

25. Demùm, quia moralitas ipsa accidēs est actus, & objecti, undè licet perfectio essentialis actus, quam recipit ab objecto in esse naturæ, quæ verè essentialis est, ipsum actum in sua specie essentiali constituens, per nullā accidentalem circumstantiam superari nõ possit; benè

benè verò perfectio, sed gravitas moralis per aliam circumstantiam in esse moris. Hoc siquidem non est, perfectionem accidentalem excedere essentialem, sed unā accidentalem, aliam pariter accidentalem; quod nullum est inconveniens. Dicitur nihilominus bonitas, vel ma-

litia ex objecto substantialis, & essentialis, quia per illas verè primò constituitur actus in specie moris; quæ tamen species absolute illi accidentalis est. Hæc ad superabundantiam dicta sint, neque enim in his diutius nobis immorandum.

CAPUT VI.

De Circumstantiis humanorum actuum.

§. I. *Quid, & quotuplex sit Circumstantia.*

SUMMARIUM.

1. Circumstantiæ, accidentiæ quædam sunt actus humani.

2. Propriè circumstantiæ actus non sunt locus, v. gr. vel tempus, sed aliquid in ipso actu resultans ex illorum respicientia.

3. Septem communiter assignantur circumstantiæ actus humani.

4. Nomine circumstantiæ, Quis, intelligitur conditio Personæ elicientis actum.

5. Circumstantia semper objectum afficit moraliter,

dans illi specialem conformitatem, vel dissonantiam ad legem.

6. Circumstantia, Quid, est effectus secutus, vel accidens objecto principali adjunctum.

7. In Circumstantia, Ubi, consideratur qualitas, vel conditio loci.

8. Nomine auxiliorum, veniunt, sive Personæ, sive Instrumenta, quibus utitur operans.

9. Circumstantia, Cur, est finis, non quidem proximus, & immediatus actus, sed ad quem ex intentione operantis ordinatur.

10. Circumstantia, Quomodo, dicit modum quemdā ipsius actus,

actus, vel ex parte operantis, vel ex parte ipsius actus, vel ex parte medii.

11. *In Circumstantia, Quando, consideratur temporis qualitas, & quantitas.*

12. *Numerus non est propriè circumstantia.*

1. **C**ircumstantiæ, ut nomen sonat, à circumstando dictæ sunt, à locibus translato vocabulo, ut notat S. Doct. p. 2. q. 7. art. 1. Dicitur autem in locibus aliquid circumstare, quod est quidem extrinsecum à re, tamen ipsam attingit, vel ei appropinquat secundum locum; Et ideo quæcumque cōditiones sunt extrà substantiam actus, & tamen aliquo modo ipsum attingunt, circumstantiæ dicuntur. Quod autem est extrà substantiam rei, ad rem ipsam pertinens, accidens ejus dicitur; Undè circumstantiæ humanorū actuum accidentia eorum dicenda sunt. Ex quibus habetur, quòd circumstantiæ nihil aliud sunt, quàm accidentia quædam actus humani. Proprium autem est accidentis, inhærere subjecto, cujus est

accidens; si ergò circumstantiæ, accidentia sunt actus humani, debent ipsi actui inhærere, quod tamen omninò falsum apparet. Dum enim quis, v. gr. occidit hominē in Ecclesia, Ecclesia certè non inhæret occisioni, & tamen ejus circumstantia est novam ipsi tribuens malitiam.

2. Verum nihilominus est, quòd circumstantiæ omnes actui insunt: licet enim locus, v. gr. vel tempus, & alia hujusmodi circumstantiæ dicantur actus humani; attamen propriè, non ipsa in se circumstantiæ sunt; sed aliquid in actu resultans ex illorum respicientia: Sicut in Logica, vel Metaphysica dici solet, quod, Ubi, non est locus ipse continens, sed modus quidam intrinsecus, locato adveniēns, ipsique inhærēns, ex loci circumscriptione. Sit exemplum. Vult quis inimicum occidere; ~~actus iste~~ voluntatis est quædam tendentia, quā Voluntas fertur in Vitam inimici auferendam. Contingit, inimicum esse in Ecclesia, & adhuc ipsum vult occidere; Jam voluntatis actus non
respi-

respicit eodem modo inimi-
ci Vitam; prius enim, ut ab-
solutè auferendam, respicie-
bat, nunc verò illam respi-
cit, ut auferendam in Eccle-
sia. Datur ergò in tali actu
essentia, quæ in ordine ad
vitam auferendam consistit;
& accidens, seu circumstan-
tia, quæ in ordine ad ipsam
auferendam in Ecclesia. Nò
quod isti sint duo ordines,
sed idem ordo essentialiter,
& primariò ad vitam termi-
natur, & secundariò ad il-
lam loci circumstantiam.

3. Septem autem com-
muniter assignantur circun-
stantiæ actus humani hoc
versu comprehensæ. Quis,
Quid, Ubi, Quibus auxiliis,
Cur, Quomodo, Quando.
Explicemus ergò breviter
singulas.

4. Et primò circumstan-
tia, Quis, intelligitur de per-
sona eliciente actum; dupli-
citer autem eliciens compa-
rari potest ad actum; essen-
tialiter scilicet, seu per se,
& accidentaliter, seu per ac-
cidens: essentialiter quidem,
tanquam causa efficiens ne-
cessariò ad actum ipsum cò-
currens; huiusmodi autem
est persona liberè operans

cum usu, & iudicio rationis;
hoc enim est de essentia a-
ctus humani, quòd à ratio-
ne deliberata procedat; ut
sæpè dictum est; quare
hoc non est circumstantia,
sed quid essentialiter, & ne-
cessariò ad actum requisitū.
Illud ergò, quod nomine
circumstantiæ, Quis, intelli-
gitur, & quod accidentaliter
ad actum pertinet, est
conditio personæ elicientis,
puta dignitas, officium, sta-
tus &c. Ex hoc enim, quòd
operans huius, vel illius sit
conditionis, diversimodè a-
ctus objectum respicit, ac si
talis conditionis non esset.

5. Nota verò, quòd li-
cèt aliquandò circumstantia
nullo modo videatur obje-
ctum afficere moraliter, ni-
hilominùs ipsum verè affi-
cit, ac variat, diversamque
conformitatem, vel disson-
nantiam ad legem, & ratio-
nem in illud inducit: dum
enim Judex, v. gr. furatur,
licèt còditio Judicis nil reale
ponat in objecto furti, re sci-
licèt aliena; illam tamen
reddit respectu Judicis ali-
ter dissonam, ac sit in se, pu-
ta quod violet iustitiam, qui
ponitur Iustitiæ defensor:

& hoc quidem ad minùs moraliter, quidquid sit in esse physico, de quo nolumus disputare.

6. Secunda pariter circumstantia. Quid, non significat substantiam actus, vel ipsius objecti, quod etiam pertinet ad substantiam, sed intelligitur, vel effectus ex actu secutus, puta, damnum, aut utilitas; vel etiam accidens aliquod objecto principali, & substantiali adjunctum, puta in furto magna, vel parva quantitas; in accessu ad non suam; quod sit soluta, vel conjugata. Unde sicut diximus, quod circumstantia, Quis, dicit accidens, conditionem, vel statum personæ elicientis actum, ita circumstantia; Quid; conditionem objecti, vel effectum ex actu secutum.

7. Tertia circumstantia, Ubi, idest locus; in qua pariter consideratur loci qualitas, vel conditio, puta si privatus, vel publicus, Sanctus, vel prophanus: Etenim in loco publico peccare, peccatum reddit scandalosum; multa item licent in privato, quæ in publico indecentiam afferunt; Simili-

ter in loco Sancto consideratur, vel tantum indecentia quædam, quam omne peccatum dicit in loco Sancto commissum, quia Dominum Dei decet Sanctitudo: vel consideratur propria ratio injuriæ, quæ loco Sancto fit, quando scilicet ad prophanos usus trahitur, sic enim violatur specialiter Sanctitas loci, & quasi jure suo privatur, quo Sanctis usibus destinatus est; sicut si committatur in eo luxuria, homicidium, negotiatio, aut quibuscumque prophanis usibus destinetur; quæ omnia sacrilegii speciem inducunt, ut ait Jo. à S. Thom. p. 2. q. 7. Vide infra §. seq. num. 19. Alia verò peccata, licet ratione indecentiæ aggraventur, non tamen propriè sacrilegii speciem contrahunt.

8. Quarta, Quibus auxiliis. Possunt nomine auxiliorum intelligi, & personæ, quarum quis utitur opera, & exteriora instrumenta, quibus exequitur, vel præparat ad exequendum opus, v. gr. si quis utatur auxilio infidelium ad bellum præcipuè contrà Catholicos, si ope Dæmonum; vel magi-

cis

cis incantationibus, quæ distinctam speciem malitiæ præbent: si quis alium occidat instrumento majori cruciatu necante, aut si arundine, vel fuste ignominie causa percutiat, quæ aliquando solum aggravant, aliquando speciem mutant, puta si speciale dehonestationem afferant.

9. Quinta, Cur, seu propter quid, & intelligitur finis, seu intentio. Cum autem, ut supra diximus, duplex sit finis, operis videlicet, & operantis; finis operis, qui est ipsum proximum, immediatum, & proprium objectum actus, non est circumstantia, ex ipso enim species essentialis desumitur, finis verò operantis respectu actus intentionis neque circumstantia est, cum sit illius proprium, & immediatum objectum, sed est circumstantia respectu actus electionis, & imperati; quando tamen non per se, sed per accidens, & ex pura intentione operantis ad illum ordinatur, v. gr. dum quis vult, furari, ut ludat, ludus ipse non est circumstantia respectu actus, quò quis ludere intendit,

sed est ejus objectum specie essentiali ipsi tribuens; quia verò ex hac intentione ludj movetur, ut eligat, & velit furari, ipse ludus dicitur circumstantia furri, vel quia furtum non est de se ad ludum ordinatum, sed hoc accidit illi ex intentione furantis propter ludum.

10. Sexta, Quomodo; & hæc dicit modum quandam specialem ipsius actus absque ullo respectu ad aliud extrinsecum; qui potest considerari, vel ex parte operantis, puta quòd tardè, aut velociter, promptè, vel ineptè operetur; sicut in gula attenditur, quòd quis preproperè, vel ardentè comedat. Vel potest considerari ex parte ipsius actus, quòd sit intensior, aut remissior; vel demum ex parte medij, ut si per fraudem, vel insidias occidat, si modos extraneos adhibeat; puta in gula, venere, fastu &c.

11. Septima denique. Quando, idest tempus, in quo consideratur, & qualitas, & quantitas; ut si dies festus, vel in quo aliquid est prohibitum; item si multum, vel parum in actu

perseveraverit .

12. Addunt aliqui octavam circumstantiam quoties, hoc est, numerum non esse propriè circumstantiam, nam hæc dicit propriè conditionem accidentale unius actus humani, numerus verò non reperitur in uno, eodemque actu. Præterquàm quòd numerus, etsi non sit ipsa substantia, sed accidens; multiplicat nihilominus ipsam substantiam rei, & actus, ità ut in qualibet unitate confluente numerum sit tota substantia actus; circumstantia verò supponit substantiam, & aliquid accidentale superaddit. Sed quidquid sit, hoc parùm refert; de numero certè omninò ratio habenda est, ut de se constat.

§. II. Quomodo dictæ Circumstantiæ minuunt, augeant, vel mutant speciem.

SUMMARIUM.

1. Ex circumstantiis quædam augent, quædam minuunt bonitatem, vel malitiam.
2. Aggravantes, vel minuentes, præcipuè quædam

malitiam, quædam aggravant; vel minuunt in infinitum, quædam citrà infinitum.

3. Dupliciter mortale peccatum dici potest gravitatis infinita, scilicet ratione offense, & ratione privationis infiniti boni.
4. Tripliciter adhuc ista gravitas considerari potest; Primò in ordine ad ipsum Deum offensum, & sic est infinita.
5. Secundò in ordine ad offendentem, à quo non potest infinitatem accipere.
6. Tertiò in ordine ad objectum, quod nequè infinitatem dare potest.
7. Aggravare in infinitum, dupliciter stare potest, negativè scilicet, & positivè.
8. Circumstantia mutans speciem dici potest, aggravare in infinitum negativè, non autem positivè, nisi faciat de veniali, mortale.
9. Immo ex D. Thom. non aggravat in infinitum, nisi addat gravitatem peccati mortalis.
10. Dupliciter adhuc stare potest, aggravare in infinitum, materialiter scilicet, & formaliter.

11. *In rigore nunquam circumstantia in infinitum aggravat, nisi dum facit de veniali mortale.*
 12. *Addens novam speciem peccati mortalis novo titulo reddit infinitè grave, nõ autem formaliter infinitè aggravat.*
 13. *Colligitur hoc ex D. Tb.*
 14. *Ex ipso S. Doctore colligitur item, circumstantiam novam speciem addentem peccati mortalis aggravare in infinitum solùm materialiter.*
 15. *Vel, si velis etiam formaliter, intellige, non in effectu, sed quantum ad sufficientiam, & efficaciam de se.*
 16. *Circumstantia non minuit in infinitum, nisi dum facit de mortali veniale.*
 17. *Tunc solùm circumstantia mutat speciem, quando specialem ordinem ad rationem importat.*
 18. *Sacrilegium propriè importat violationem rei Sacrae formaliter, seu contra id, ad quod sanctificata est.*
 19. *Quodlibet peccatum in Ecclesia commissum distinctè contrahit specie malitiam,*
- non tamen ex genere suo mortalem, nec propriè sacrilegium dicitur, nisi latiori vocabulo.*
 20. *Peccatum veniale dici potest quodammodò ejusdem speciei cum mortali circa eandem materiam, reductivè tamen, & ut quid imperfectum in tali specie.*
 21. *Immo formaliter diversum dicit ordinem ad rationem.*

1. **E**X dictis ergò circumstantiis quædam augent bonitatem, vel malitiam actus, quædam verò minuunt: Augent, quæ actum reddunt magis rationi conformem, vel difforem; puta dum quis multum elemosynæ tribuit, per ly, multum, augetur bonitas elemosynæ; Si enim elemosynam dare, est rationi consonum, plus dare, magis est consonum. Et similiter, si furari malum est, ac dissonum, est magis dissonum, ac malum, furari multum. E contra minuunt, quæ non ita conformem, vel difforem rationi, & legi reddunt actum, puta minimum dare, vel furari, & sic dis-

currendo per singulas circumstantias.

2. Insuper præcipue quod ad malitiam, aliquæ sunt aggravantes, vel minuentes in infinitum, aliæ citrà infinitum.

3. Pro quo notandum. Quod mortale peccatū dupliciter dici potest gravitatis infinitæ: Primò ratione offensæ, quia per illud infinita Majestas offenditur: secundò ratione privationis infiniti boni, quam habet annexam.

4. Gravitās porro, maximè offensivæ, adhuc tripliciter considerari potest. Primò in ordine ad ipsum Deum offensum, seu secundum id, quod ab ipso, ut offenso, recipit: Et sic verè dicitur infinitæ gravitatis moraliter; quidquid sit, an debeat dici simpliciter infinite gravitatis, nec ne? Quia sicut honor, & meritum accipit valorem, ac estimationem ab honorante, ac merente, in quo subiectatur; ita injuria, & offensæ gravitatē sumit ab ipsa Persona læsa, & offensæ in quâ moraliter subiectari dicitur, undè gravitas ista, ut supra

tetigimus, dici potest gravitas personalis, & subiectiva.

5. Secundò considerari potest in ordine ad offendentem, seu secundum id, quod ab offendente recipit. Et dici potest gravitas affectiva, quia ex affectu, & voluntate offendentis desumitur; quæ cum sit finita, non potest in actum infinitam gravitatem refundere.

6. Tertiò demùm ex parte objecti, seu secundum id, quod ab objecto, ejusque circumstantiis desumitur, & gravitas dicitur objectiva; neque ista infinita est, sed finita, sicut objectum, & Circumstantiæ: Quod, si aliquod peccatum objectum habeat infinitum, puta odiū Dei; neque tamen ipsi actui gravitatem infinitam communicare potest; Quia objectum non comunicat omni actui totum id, quod aliàs communicare posset, sed secundum modum, & mensuram, quo per actum attingitur: Quare neque actui Charitatis, quo Creatura ipsum Deum diligit, infinitam suam tribuit bonitatē, sed secundum mensurā illi par-

participat. At verò injuriæ, & offensæ, quia illam in se recipit moraliter, estque forma ejus gravificativa, totam gravitatem communicat. Sicut dignitas tota Personæ merentis actui communicatur. Hujus verò discriminis ratio est; Quia objectum, estò sit terminus, vel etiam forma actus, est forma extrinseca, non autem forma extrinseca totum suum præbet effectum semper; at verò subjectum est intrinseca moralis forma valorans, aut gravificans actum; forma autem intrinseca ex hoc ipso, quod informat, totam se ipsam communicat.

7. Notandum insuper; quod aggravare in infinitum, dupliciter potest intelligi; negativè scilicet, & positivè: negativè quidem, querens unum pervenire non potest ad gravitatem, seu perfectionem alterius; puta argentum, quantumcunque perficiatur, manens argentum, ad perfectionem auri pervenire non potest; & hoc modo quæcunque species infinitè distare ab alia dicitur, quia nulla species ad perfectionem alterius potest

pertingere: Positivus autem excessus infinitus est, quod unius perfectio infinita sit, alterius autem finita; sic enim verum est, quod id, in quo unum aliud excedit, infinitum est; sicut Deus in infinitum excedit omnes Creaturas, non verò una Creatura aliam, cum omnes finitæ sint.

8. Juxta quam doctrinam circumstantia dici non potest, aggravare in infinitum positivè, nisi dum actum de se finitæ gravitatis ad infinitam trahit; quod non est, nisi dum ex veniali facit mortale. Poterit nihilominus dici, aggravare in infinitum negativè, quotiescunque novam speciem addit; cum una species infinitè negativè distet ab alia: Ita sentire videtur Nugnus in *ad. q. 9. art. 2. dub. 2. ibi 4.* notandum.

9. Cæterum ex hoc sequeretur, quod circumstantia quoque addens novam speciem peccati venialis, in infinitum aggravare, dici posset; puta si quis jocosum dicat mendacium ad irridendum proximum; quod, certè non video, quomodo pos-

sit

fit affirmari : Immo S. D. in 4. dist. 16. q. 3. a. 2. quæstiunc. 4. expressè ait, quòd, si circumstantia mutet speciem, tunc potest, in infinitum aggravare, sed non semper hoc facit, quia quando ex deformitate speciali, quam circumstantia addit, habet directè oppositionem ad Charitatem, quod ostèditur ex hoc, quòd est directè contrà præceptum legis, cujus finis est Charitas; tunc in infinitum gravitatem addit, scilicet peccati mortalis.

10. Alitèr ergò fortè meliùs dicendum, puto : Quòd aggravare in infinitum, dupliciter stare potest, primò quasi materialiter, in quantum scilicet malitia, quæ additur, est absolutè in se infinitæ gravitatis; hoc autem non est, absolutè, in rigore, & formaliter in infinitum aggravare, sed potiùs ex parte materiæ; quia scilicet id, quod additur; est infinitæ gravitatis : Aggravare autem in infinitum formaliter, est, reddere infinitè gravius id, supra quod aggravans additur, cò quia formaliter aggravare, est graviùs reddere; in infinitum ergò aggravare, est, redde-

re infinitè gravius. Hoc posito.

11. Dico: nunquàm circumstantiam formaliter, & in rigore in infinitum aggravare, nisi dùm actum de se venialem reddit mortalem. Quod patet : Si enim addatur malitia venialis, cum ista finita sit, non potest utique actum, cui additur, infinitè graviorem reddere : Si verò novam addat mortale malitiã actui jam in se mortali, neque dici potest, formaliter in infinitum aggravare, cum enim supponatur actus jam infinitæ gravitatis, per supervenientem circumstantiam, quantumcunque pariter infinitæ gravitatis, reddi nò potest infinitè gravior, nam infinitum additum infinito non facit magis infinitum, præcipuè in eodè genere. Sicut si infinitæ quantitati adderetur alia quantitas pariter infinita, illam non faceret magis infinitam, nec extensam; quia jam supponitur ad eò extensa, ut ampliùs extendi non possit, aliàs infinita non esset. Cum ergò infinitas peccati sit solùm in ratione Divinæ offensæ, vel privationis in-

Infiniti boni, quod totum omni minimo peccato mortali convenit; non poterit una mortalis gravitas alteri mortali addita, in infinitum aggravare formaliter.

12. Poterit quidem, novo titulo infinitè gravè reddere; Sicut novo titulo Dei offensivum reddit actum, & infiniti boni privativum, quod est, materialiter tantum in infinitum aggravare. Sicut pariter aggravabit formaliter offensā ipsam, quod ad objectivam, vel affectivam gravitatem, non autem in infinitum; quia hujusmodi gravitates infinitæ non possunt esse, ut explicatū est.

13. Hoc totum insinuate videtur S. Doct. loco citato, ubi ait; quod circumstantia, quando speciem non mutat, sed aggravat, ad huc remanet in ratione circumstantiæ, & non potest, in infinitum quantitatem peccati augere, ut ex veniali mortale fiat. En ergo sentit, quod tunc aggravat in infinitum, quando facit de veniali mortale: Quia, subdit, ut dictum est, circumstantia taliter aggravans, ex suppositione præcedentis deformitatis, habet ra-

tionem majoris deformitatis ex ejus virtute; unde, si etiam illa sit infinita, non potest, infinitam deformitatem addere.

En expresse ratio nostra, quod si jam peccatum infinitæ sit gravitatis, quale est omne mortale, non potest, infinitæ aggravari, quia jam supponitur infinitum. Quæ ratio currit omnino, sive circumstantia novam addat speciem peccati mortalis, sive non, ut explicatum est.

14. Sed fortè dices, quod S. Doct. aperte, & absolute admittit, circumstantiam aggravare in infinitum, quando ex deformitate speciali habet directè oppositionem ad Charitatem, & solum id negat de circumstantia solum aggravante ex suppositione præcedentis deformitatis, & per consequens non mutante speciem.

Ad hoc tamen dicitur, quod ex allato contextu satis patet, S. Doct. intelligere, quod circumstantiam in infinitum aggravare, idem est, ac de veniali mortale reddere; nec enim quolibet passu eadem repetere, necesse est: Adde, quod ibidem S. Doct. non asserit ab-

solu-

solutè, circumstantiam, quæ ex speciali deformitate directè oppositionē habet ad Charitatē, in infinitū aggravare, sed quod in infinitum gravitatem addit, scilicet peccati mortalis; hoc est infinitam addit gravitatem, quod est, aggravare in infinitum, quasi materialiter, non formaliter, ut explicuimus: præcipuè cum jam expressè paulò ante insinuaverit, quid sit, in infinitum aggravare hoc est, ut ex veniali mortale fiat.

15. Quod si adhuc velis contendere, intelligendum esse de formali aggravatione; dicamus, quod hujusmodi circumstantiæ in infinitum aggravant, quantum ad sufficientiam, & efficaciam, de se namque gravitatem important, quæ actū de veniali reddere potest mortale, quamvis per accidens id cum effectu nō præstent formaliter; quia jam actum infinitæ gravitatis inveniunt. Sed quid de his, quæ parùm, vel nihil ad nostrum? Tenenda tamen est doctrina pro sequentibus.

16. Ex quibus faciliè cōstat de minuentibus, quod

scilicet circumstantia minueri non potest in infinitum, nisi de mortali faciat veniale juxta regulas traditas capit. præced. §. 4.

17. Quænam verò circumstantiæ mutant speciem, quæ non, constat pariter ex dictis de specifica distinctione humanorum actuum, ac de Peccatorum divisione; Ex quibus regula generalis hæc est. Quotiescumque circumstantia specialem ordinem ad rationē importat, mutat speciem, secus verò, si specialem ordinem non dicat, de quo satis in citatis locis.

18. Neque contrà hoc est, quod supra de tertia diximus circumstantia, peccata in loco Sancto commissā, quæ solum indecentiā quandam important, non contrahere propriè speciem sacri legii, sed solum aggravare; Cum tamen semper circumstantia loci sacri specialem ordinem ad rationem importet. Nam verè utique semper hujusmodi peccata novam speciem contrahunt, eò quia circumstātia loci sacri novam illis addit malitiam contrà Virtutē aliam, puta

puta Religionem: Diximus tamen, propriè non contrahere speciem sacrilegii, quia sacrilegium propriè importat violationem rei sacræ formaliter, hoc est, in eo, scilicet contrà id, ad quod sanctificata est specialiter; undè licet ager, v. gr. sanctificatus sit Ecclesiæ, & Deo, non tamen, si quis in eo fornicetur sacrilegium committit, quia non est sanctificatus ad hoc, ut ibi non exerceatur fornicatio, vel aliud peccatum; sed ad hoc, ut oneribus secularibus sit immunis, omnesque fructus ad honorem Dei, ministrorumque ejus sustentationem applicentur, quare sacrilegium committeret, qui illum devastaret, aut redditus exigere, conaretur.

19. Ecclesia pariter sanctificata est specialiter ad Divinum Cultum, & Refugium; Undè solùm propriè sacrilegium est, ad ipsam confugientes extrahere, capere &c. Vel in ipsa exercere, quæ Divinum Cultum impediunt, puta sanguinis, vel seminis effusionem, vel negotiationes, quæ ipsam in Speluncam Latronum con-

verterent, ut aiebat Dominus Jesus. Quia tamen Dominum Dei decet sanctitudo, quodlibet peccatum in ea commissum nonnullam indecentiam, & irreverentiam præferret, quæ, licet aggravet peccatum, & certè distincta specie malitiæ; non tamen ex genere suo mortali; undè nec necessariò in Confessione declaranda, ut cõmuniter docent Casuistæ; nisi fortè contemptum, aut grave scandalum secum ferret: Posset nihilominus ampliori vocabulo sacrilegium dici, quia circà rem sacram.

20. Sed restat difficultas. Nam peccatum mortale, & veniale circà eandem materiam, puta furtum grave, & leve specie differunt, immò plùs, quàm genere, in sententia D. Thom. apud quem, non univocè, sed tantum analogicè conveniunt in ratione peccati, ut expresse docet *p. 2. q. 88. art. 1. ad primum*; Non videtur autè, quomodo specialem distinctum ordinem ad rationem dicant, utrumq; enim Justitiæ ordinem, & æqualitatem violat, quavis magis, & minus, quod non mutat specie.

B b Re-

Respōdetur ad hoc ex eodem D. Thom. *ibi q. 72. artic. 5. ad primum. Quòd peccatum mortale, & veniale differunt in infinitum ex parte aversionis, non autem ex parte conversionis, per quam respicit objectum, undè peccatum speciem habet; undè nihil prohibet, in eadem specie inveniri aliquod peccatum mortale, & veniale. Quod tamen non sic intelligendum est, quòd mortale, & veniale peccatum circà eandem materiam, omninò, & absolute dici debeant ejusdem speciei; sed quòd ad eandem speciem spectant; mortale quidem; & absolute, & simpliciter speciei rationem participans; veniale verò secundum quid, & imperfectè; undè nec simpliciter dici debet peccatum illius speciei, sed quid reductivè ad talem speciem pertinens. Sicut embryo, v. gr. non dicitur quidem esse in specie hominis, sed benè quid ad talem speciem pertinens, tanquam imperfectum, & homo in fieri.*

21. Dici etiam posset, quòd licet ordo, quem ad rationem, & legem dicit

furtum grave, & leve, materialiter ejusdem sit rationis, & speciei, formaliter nihilominus diversus est valde; Tota siquidem ratio legis, quam respicit actus humanus est rectitudo, & modus, quem lex illi præscribit: Satis autem diversimodè legis directionem respicit mortale, & veniale peccatum: Illud enim respicit ejus fini contrarium, hoc verò tantum secundum quid, seu præter ipsius legis finem, & non contra.

5. III. *Quenam circumstantiæ sint necessariò in Confessione Sacramentali explicandæ.*

SUMMARIUM.

1. *Circumstantia speciem addens peccati mortalis necessariò explicanda est.*
2. *Circumstantia verò addens tantum speciem venialis nõ est de necessitate aperienda.*
3. *Circumstantia in infinitum aggravans, vel minuens est necessariò explicanda.*
4. *Aggravantes citrà infinitum, salutiferum est, aperire; minuentes verò neque*

con-

- consilium; sincerè tamen sunt explicanda, si à Confessario petatur.*
5. *An Circumstantiæ purè aggravantes explicandæ sint, necnè? Utraque pars gravissimos habet fautores.*
 6. *Media via incedendum; Ut solæ circumstantiæ necessariò explicandæ sint, quæ notabiliter variare possunt confessarii iudicium.*
 7. *Falsum est, Circumstantias intrà eandem speciem aggravantes de se ferre gravitatem peccati mortalis.*
 8. *Ex D. Thom. absolute, & per se loquendo, non sunt necessariò explicandæ circumstantiæ solum aggravantes.*
 9. *Quàm clara sint S. Doct. autoritates.*
 10. *Refellitur explicatio Jo. à S. Thom. ex contextu ejusdem S. Doct.*
 11. *Consonat sententia nostra Conc. Trid.*
 12. *Expenditur ipse Concil. autoritas.*
 13. *Ratio potissima nostræ assertionis.*
 14. *His non obstantibus, necessariò explicandæ sunt circumstantiæ, quæ notabiliter diversè exposcunt iudiciū.*
 15. *Id convincunt auctoritates Canonum, & Conciliorum, quæ pro contrariâ sententiâ possent afferri.*
 16. *Falsum est, in morali estimatione posse hujusmodi circumstantias equivalere, & superare multiplicationē peccatorum.*
 17. *Furans, aggrediendo viatorem, vel per rapinam, debet, has circumstantias explicare, quia non sunt purè aggravantes.*
 18. *In sententiâ, quod omnes incestus unius atomæ sint speciei, non esset substantialiter gravius, accedere semel ad Matrem, quàm ter, vel quater ad aliam consanguineam.*
 19. *In foro externo gravius puniuntur, quæ magis laudant politicam conviventiam, & commune bonum, quàm graviora in se.*
 20. *Omnia prædicta diversum valde postulant iudicium; undè necessariò explicandæ sunt.*
 21. *Ratione confirmatur limitatio nostræ assertionis.*
 22. *Quomodò in furto centum, vel mille notabiliter aggravet, ut sit necessariò explicandum, vel non?*

23. *Qui furatus est mille, peccat mortaliter, confitendo, se furatum nongenta, quia tota furti quantitas est materia necessaria.*

24. *Immo, qui furatus est unum scutum, confitens, furatum se novem Julios, precipue in tutiori, & probabiliiori sententia, quod in confessione mentiri etiam circa venialia, sit mortale peccatum.*

25. *Adhuc in sententia, quod mentiri circa venialia, sit solum veniale, mentiri circa materiam peccati mortalis, esset mortale.*

26. *Etiam necessario explicanda sunt circumstantiae minuentes, dum notabiliter variant judicium.*

27. *Si circumstantia minuens aliquid importet magni momenti, necessario explicanda est; si verò tanti momenti non sit, poterit illam pœnitens explicare, sed fortè non tenetur necessario.*

28. *Absolutè, quoad necessitatem explicandi, idè est judicium de minuendis, ac de aggravantibus.*

29. *Id non est, se excusare, sed justè accusare, quod pœnitentis est munus.*

1. **Q**UÆDAM in hac re certa sunt apud omnes, alia controversa inter DD. Certum est in primis, quod circumstantia mutans speciem necessario in confessione declaranda est, modò tamè species ejus peccati sit mortalis, non autem, si tantum sit venialis. Horum est ratio, quia tota malitia mortalis est necessaria materia cōfessionis, ad ejusque integritatem spectat, ita ut, si unum tantum de mille peccatis mortalibus taceatur voluntariè, confessio nō integra, sed invalida, & sacrilega sit. Si ergò circumstantia novā addit speciem peccati mortalis, necessario aperienda est; aliàs non tota malitia mortalis exponeretur, & confessio integra non esset.

2. Per oppositum peccata venialia non sunt necessaria materia, licet sufficiant ad Sacramentalem absolutionem recipiendam, unde licitè quis potest, cum conscientia decem peccatorum venialium unum tantummodò confiteri. Si ergò circumstantia variet speciem peccati solum venialis, non

non erit de necessitate in confessione aperienda, puta si quis in Ecclesia detraxerit.

3. Pariter certum est, quòd si circumstantia in infinitum aggravet, vel minuat; hoc est, de veniali reddat mortale, aut de mortali veniale; omnino explicanda est; aliàs in materia gravi, & necessaria confessio non esset fidelis, & graviter falleretur confessarius existimans poenitentem reum venialis tantum, qui verè peccati mortalis reus est, vel è contrà.

4. Hic autem nota, quòd licèt salutiferum, & optimū sit valdè, in confessione circumstantias omnes aperire, quæ adhuc tantum venialiter aggravant, sicut optimū est de venialibus quoque se accusare; Circumstantias tamen, quæ non ità notabiliter minuunt, neque consilium est explicare; immò consulunt, & benè DD. illas omittere; munus enim poenitentis est, se accusare, non excusare: Si tamen de huiusmodi quoque à confessario interrogetur, illas explicet poenitens: v. gr. si quis

gravi tentatione, aut metu, vel prompta occasione invitatus fornicetur, aut falsum juret, debet simpliciter se accusare, dicendo; Semel falsum juravi: Si verò interroget confessarius; Quod habuisti motivum? Sincerè dicat, ex metu, occasione &c. Sed & insuper addat. Potui, occasionem vitare, & non feci; fortiter metum excutere, & nolui. Debet enim accusans esse confessio, non excusans. Quod tamen intellige juxtà ea, quæ infrà dicemus de circumstantiis notabiliter aggravantibus, & §. seq. de consuetudine habitu, & occasione.

5. Tota igitur difficultas reducitur ad circumstantias illas, quæ intrà eandem speciem aggravant; puta, si quis furtum committat mille aureorum; An sufficienter se accuset, dicendo. Semel furatus sum in quantitate gravi; an sit necesse, quantitatem ipsam exprimere? Utraque sententia, gravissimos habet fautores, nec levia fundamenta, quæ fusè nimis, & accuratè libravimus in tract. *de moralitate ad artic. 11. q. 15. p. 2.*

Ex

Ex quibus breviter meo videri :

6. Media quædam via in hac re tenenda est, quam ni fallor, Sapientissimus insinuat Mag. Soto in 4. dist. 18. q. 2. art. 4. con. 7. Videlicet; Non esse quidem ex necessitate omnes circumstantias aperiendas, quomocunque aggravantes; at illas tantum, quæ irà notabiliter aggravant, ut earum explanatione diversa notabiliter existimatio, ac iudicium formetur de pœnitente ab eo, quod sine illis formaretur.

7. Quarè mihi non satis probatur regula, quam cum aliis tradit Jo. à S. Thom. p. 2. q. 19. disp. 10. art. 3. Quòd scilicet necessariò sint explicandæ, quandò secundum se sumptæ gravitatem important peccati mortalis; ità ut in furto v. gr. supposito, quòd materia sufficiens ad mortale peccatum sit quinque Juliorum, quòd modò non definimus, si quis furetur decem scuta cum dimidio, reneatur ex necessitate dimidium illud explicare: Non enim est diversum notabiliter iudicium de furto

decè, ac de furto duodecim, vel quindecim scutorum; Satis autem diversum esset de furto centum, aut mille: Hujusmodi ergo circumstantiæ necessariò erunt explicandæ, secus aliæ.

Nec aliquid obstat, quòd gravitas, quam istæ circumstantiæ addunt, sit, ut inquirunt de se peccati mortalis, ac per consequens necessaria confessionis materia. Nam ut optimè docet S. Th. in 4. dist. 16 q. 3. art. 2. questum. 4. *Circumstantia taliter aggravans, hoc est intrà eandem speciem, ex suppositione precedentis deformitatis, habet rationem majoris deformitatis ex ejus virtute*: Undè falsum est absolutè, quòd hujusmodi circumstantiæ de se gravitatem peccati mortalis importent; immò de se nullam dicunt malitiam, si ut putæ circumstantiæ considerentur, sed totam hauriunt ex virtute precedentis malitiæ, qua supposita, illam habent augere: Puta in casu parum, vel multum, de se neque malitiam, nec bonitatem dicit, additum verò furto ejus contrahit malitiã, illamque auget, vel minuit:

Non

Non oportet igitur pro circumstantia sumere, & considerare furtum, v. gr. unius, vel dimidii scuti; hoc enim totum non est circumstantia, sed circumstantia simul cum substantia furti; undè non valet arguere, furtum unius scuti est necessaria materia confessionis: ergò circumstantia unius scuti est necessariò explicanda. Scutum enim secundùm se malitiam non dicit, & hoc modo est circumstantia, quæ addita furto illius, ut dixi, malitiã contrahit, & auget.

8. Salvo igitur meliori iudicio; dico in primis, absolute, ac per se loquendo, non sunt necessariò explicandæ in cõfessione circumstantiæ solùm aggravantes, sed tantùm illæ, quæ novam speciẽ peccati mortalis addunt. Hæc expressa omninò est sententia S. Doctõris in 4. dist. 16. q. 3. art. 2. q. 5. ubi sic habet: *Alii verò dicunt, quod non sunt de necessitate confitenda, nisi circumstantiæ, quæ ad aliud genus peccati trahunt, & hoc probabilius est, sed addendum est; quæ ad aliam speciem mortalis trahunt.* Idem repetit ad

Annibaldum eadẽ dist. q. unica art. 3. & opus. 12. art. 6. ait: *Sic igitur huiusmodi circumstantiæ aggravantes, quæ non trahunt in aliud genus peccati, non credo, quòd aliquis teneatur confiteri.*

9. Adeò claræ sunt huiusmodi auctoritates, ut Illustrissimus Aravio 3. p. q. 84. art. 5. dub. 3. n. 19. absolute asserat, hanc sententiam tenuisse D. Thom. Martinez item de Prado tom. 2. Theolog. Mor. cap. 25. q. 1. n. 31. existimat, hanc esse mentem S. Doctõris, & veram sententiam, de qua tamen se remittit ad tract. de Sac. Pœnit. ubi q. 2. de integ. confes. dub. 2. §. 2. idem ferè docet, ac nos. Idem sentiunt alii graviores Thomistæ inter quos Sapient. Mag. Soto in 4. dist. 18. q. 2. art. 4. conclus. 7. addit verò cum quibusdã aliis, quod si fortè S. Thomas cõpleisset summam, sententiam mutasset; quod ego non video, quare? Cùm iterùm atque iterùm ex professio talem doceat sententiam.

10. At verò Jo. à S. Th. loco citato conatur, mentẽ S. Doctõris explicare, dicendo S. Doctorem loqui de circum-

cunstantiis aggravātibz citrā mortale, hoc est, dum gravitas, quam addunt, non sit adeo notabilis, ut de se ad mortale sufficiat. Quod cōprobatz ex contextu ejusdem quæstiunculæ 5. ad 1. ubi hujusmodi circunstantias venialibus æquivalentes asserit.

Sed contrā est duplex cōtextus literæ; ibi enim immediatè præmiserat. *Quidam dicunt, quod omnes circunstantiæ, quæ aliquam notabilem quantitatem peccato addunt, confiteri, necessitatis est;* Loquitur ergo de circunstantiis notabiliter etiam aggravantibus; nec autem dici potest notabiliter aggravans, quæ solam quantitatem ad veniale, non ad mortale sufficientem, addit; puta in furto; supponamus, quod ad mortale furtum, requiratur quantitas quinque juliorum, de quo modo non disputamus; si quis furetur novem, non potest dici aggravari furtum notabiliter.

Sed expressiùs ibidem ad 2. ait, *quod determinata quantitas non potest Sacerdoti innotescere, quia nec ipse pecca-*

tor scit, undè sufficit, quod cognoscat quantitatem, quæ ex specie peccati consurgit. Idem repetit in 4. ad Annibaldum dist. 16. q. unica art. 3. ad 2. Immo addit, *quod si cognosceret, non tamen tenetur confiteri; quia tantum peccatum mortale est de necessitate confitendum.*

Neque potest explicari; quod cum hujusmodi circunstantiæ de se importent gravitatem sufficientem ad mortale, comprehenduntur potiùs, quàm excludantur in dictis verbis, dùm asserit, quod peccatum mortale de necessitate est confitendum. Non inquam valet, quia, præter jam dicta circa hoc, quantum ad mentem Sancti Doctoris, ipse manifestè ibi loquitur de ista gravitate, ut ab ipso mortali peccato distincta; & vult, quod mortale tantum peccatum sit de necessitate confitendū, non verò ista gravitas, sed sufficit, quod Sacerdos cognoscat quantitatem, quæ ex specie consurgit.

Ex quo insuper colligitur non benè consonare literæ S. Doct. explicationē, quam tradit idem Jo. à S. Thom.

Quòd

Quòd scilicet, dùm ait, circumstantiam, quæ novam rationem peccati mortalis addit, esse de necessitate cõfitendam; aliam verò non; Sensus est, esse confitendam ex necessitate circumstantiã, quæ novam addit rationem peccati mortalis; hoc est, quæ in aggravando addit id, quod sufficit ad mortale peccatum, quamvis novam speciem non addat: Etenim ex allato contextu ad 2. factis clarè constat; D. Thom. intelligere, solum esse confitendam circumstantiam, quæ novam rationem, hoc est speciem peccati mortalis addit; ait siquidem expressè, quòd sufficit cognoscere quantitatem, quæ ex specie confurgit.

Ad authoritatem ex op. 12. dicit Jo à S. Thom. quòd litera videtur esse mendosa, & legi debere: *Sic igitur hujusmodi circumstantias non aggravantes &c.* Tum quia ly, hujusmodi, refert circumstantias paulò antè commemoratas, quas vocaverat S. Thom. non aggravantes, dicendo, *Circumstantias verò non aggravantes, quæ in aliud genus peccati non trahunt &c.*

Tum etiam, quia titulus articuli de non aggravantibus positus fuerat; Sic enim dicit: *Sexta questio est, an circumstantias peccati trahentes in alterum genus, non notabiliter aggravantes, teneatur homo confiteri.* Et certè litera videtur suboscure; ex contextu nihilominus patet omninò, quòd mendosa non est: nam subditur: *Quod autem dixi, circumstantias aggravantes, quæ nō trahunt in aliud genus peccati, non esse de necessitate confitendas, non est referendum ad numerum, quem aliquis confiteri tenetur.* En ergò confirmat, se verè dixisse, circumstantias aggravantes, & non mutantes speciem, non esse necessariò confitendas; à quibus tamen claritatis gratiã numerum excipit, licèt propriè circumstantia non sit, ut supra dictum est: Numerus autem, nedum aggravat, sed multiplicat peccatum; undè penitus incongruè fieret exceptio numeri à circumstantiis non aggravantibus.

Neque titulus aliquid officit; Non enim erat absolute de circumstantiis non

aggravantibus, sed de non aggravantibus notabiliter, ut patet; undè cùm subdit: *Circumstantias autem non aggravantes &c.* cum eadem clausula intelligi debet, hoc est, non aggravantes notabiliter, nec in aliud genus trahentes; de quibus docet, non esse quidem necessariò confitendas, licet sit laudabile, quòd homo confiteatur, sicut peccata venialia: manifestum est autè, quòd circumstantias, quæ nullo modo aggravant, confiteri, neque laudabile est, immò inutile, ac vanum.

Demùm quod S. Doct. ait, hujusmodi circumstantias venialibus æquivalere; dici potest, vel quòd in hoc venialibus æquiparantur, quòd sicut illa de se directè non opponuntur charitati, & Gratiæ, ità nec istæ circumstantiæ, ut circumstantiæ sunt, in tantùm enim Gratiæ, & Charitati opponuntur, in quantum species peccati, cui adduntur, talem oppositionem dicit: Si enim furtum, v. gr. de se oppositionem ad Charitatem non diceret, nec furari millia, millium; undè in hoc venia-

libus æquiparantur. Vel certè, quia ut opus. 12. ait de his in ordine ad Confessionem idem videtur iudicium, ac de venialibus.

11. Consonat etiam hæc sententia Trid. sess. 14. capit. 5. de *Pœnit.* ubi explicans, quid necessariò in confessione Sacramentali aperiendum sit; nullam facit mentionem de circumstantiis tantùm aggravantibus, benè tamen de mutantibus speciem, ut ibi videre est: Ad hoc ramen dicit Jo. à S. Th. quod per 1y, speciem intelligit Conc. non solum speciem moralem, sed etiam Theolog. & sic completitur circumstantias aggravantes, quæ intrà eandem speciem moralem novam, scilicet majorem offensam mortalem inducunt: quam explicationem dat etiam auctoritatibus D. Thom. allatis. At fateor cum pace tanti Viri; non video, quomodo circumstantia intrà eandem speciem moralem aggravans; nisi fortè de veniali mortale peccatum reddat; dici possit, variare speciem etiam Theolog. Unum enim furtum mortale ab alio fur-

ro mortali non differt specie, nec morali, nec Theologica, sed tantum numero: quomodo ergo idem furtum per hoc, quod aggravetur intrà eandē speciem Theologicè specie differre potest?

12. Aliter ergò puto, quòd meliùs, & communiùs dici posset, Conc. expressè tantum nominasse circumstantias mutantes speciem; quia hoc certum est, alias verò omisit, quia de illis controversia erat inter DD. Concilia enim in suis Decretis. certiorē solummodo exponunt Doctrinam, dubiam relinquendo Theologis discutiendam. Quare, ut benè advertit Medina *p. 2. q. 7. art. 2.* Argumentum negans, neque in Divinis Scripturis, neque in definitionibus Conc. validum est; & Aravio *3. p. q. 84. art. 5. dub. 3. n. 20.* Argumentum ab autoritate negativa nihil convincit. Quod certè omninò verum est; non parum tamen ad nostrum confert. Cum enim ibi ex professo tractarent Patres de circumstantiis necessariò cōfitendis, videtur quòd in re

tam gravi diminutè valdè locuti essent, nullam penitus de hujusmodi circumstantiis mentionem facientes, ad minus consulendo, si non, absolutè determinando, ut in aliis fortè non tam gravis momenti.

13. Ratio autem potissima nostræ assertionis hæc est, quia necessaria materia confessionis non est, nisi malitia mortalis; atqui hujusmodi circumstantiæ de se malitiam non afferunt mortalem, ut satis ex dictis liquet, nullam enim de se malitiam afferunt; sed solummodò jam præsuppositam participant, & participando augent; non igitur, per se loquendo necessaria materia sunt.

14. His non obstantibus. Dico secundo. Necessarium esse in confessione Circumstantias aperire, quæ licet speciem non murent, ità notabiliter aggravant, & notabiliter quoque diversum exposcunt judicium; alias verò non. In hoc sensu intelligi potest S. Doctor. quod scilicet per se, & secundum id, quod est ex natura, & ratione ipsarum circumstantiarum, non sunt necessariò

confitendæ. Cum quo tamen stat, quod per accidens aliquandò sint necessariò explicandæ, secundùm id, quod in casu contingere potest. Hoc, & non ampliùs convincere videntur auctoritates, & rationes, quæ pro contraria sententia possent afferri.

15. In primis cap. Consideret de Pœnit. dist. 5. sic dicitur: *Consideret qualitatem criminis in loco, in tempore, in perseverantia, in varietate Personæ, & quali fecerit hoc tentatione, & in ipsius vitii multiplici executione: Quod sumptum est ex August. lib. de vera, & falsa pœnit. capit. 14. ubi subdens exempla multarum similium circumstantiarum, concludit. Omnis ista varietas confitenda, & desclenda est, ut cum agnoverit, quòd peccatum est multum, citò inveniat Deum propitium.*

Sed hoc parùm urget. Multa namque SS. PP. dicta, quæ in Decretis inferuntur, consilia sunt, non præcepta; Nec apparet, quomodò ista præceptivè ponantur; non enim ibi terminus, aut dictio reperitur præceptum, aut simpliciter necessitatem in-

dicans, immò quod S. P. subdit, *Citò inveniat Deum propitium*: satis consilium præfere, non necessitatem; Præterquam quod plura ibi allata, ut in plurimum, non ità notabiliter aggravant, etiam in contrariorum sententia, ut necessariò explicanda sint, v. gr. locus, tempus, & perseverantia.

Non magis vincit auctoritas Jo. à S. Thom. p. 2. q. 19. disp. 10. art. 3. Conc. Wormaciensis can. 25. ubi dicitur. *Debere Sacerdotem considerare causas, originem, modumque peccatorum*: Còmodè namque potest hoc intelligi, quandò hujusmodi circumstantiæ speciem variant, aut valdè notabiliter aggravant: Vel etiam præcipuè, quodam causam, & originem, quandò ex occasione proximæ pœnitens ruit, quam noscere omninò debet Sacerdos; undè Concil. expressè ait, debere Sacerdotem ista considerare, ut opportuna remedia præbeat, ac dispositionem pœnitentis agnoscat, de quo nos §. seq.

Item idem ibi Conc. Flor. in Decreto Eugenii Papæ habet: *Pœnitentem debere omnia*

nia integraliter cōfiteri. Quod itā explicat Jo. à S. Thom. ut per ly; Omnia, intelligātur omnia peccata mortalia, & per ly; integraliter, quidquid pertinet ad istas circūstantias aggravantes; quia istā sunt, quæ integrant peccatum, & sunt quasi partes ejus integrales. Sed melius dicamus nos, quod ly; Integralitèr, cadit supra confiteri, non supra peccata; itā ut sensus sit, debere confiteri omnia integraliter, hoc est nullum omittendo, ut confessio integra sit. Non verò, ut sit sensus, quod omnia peccata integra, hoc est, cum omnibus annexis, etiam non de substantia, confiteatur.

Vel etiam si cadat suprā peccata, sensus est, quod omnia integra substantialiter, non verò quoad integritatem purè accidētalem. Integritas autem substantialis peccati consistit in externa cōsummatione actus, quæ licèt de se novā non addat malitiam, ut supra dictum est, pertinet verè ad integritatē peccati, ex actu enim interno, & externo unum peccatum integratur.

Cæterum hujusmodi circūstantiæ penitūs accidentariè dici possunt, nec solūm extrā essentiam, verū extra substantiam, seū integritatem peccati. Sicut in homine longitudo comæ, vel magnitudo membrorum non pertinet ad ipsius integritatem substantialem, benè verò ipsa membra.

Deindè in Rituali Romano à Paulo V. approbato Rubrica de Sacramēto penitentiæ dicitur, Idem ibi. *quod si penitens numerum, speciem, & circūstantias explicatu necessarias nō expresse-rit, Sacerdos eum interroget.* Ubi distinguens Pont. circūstantias à specie, intelligi nequit de circūstantiis mutantibus speciem; sed hoc facilè refellitur: Satis enim congruè, non obstante prædicta distinctione, intelligi potest de circūstantiis variantibus speciem; Non solūm, quia sola species essentialis dicitur propriè species, accidentales verò non, nisi cum addito, scilicet species accidentales, undè si quis interroget. Cujus speciei est Petrus: adæquatè respondeatur hominis, & omninò in-

con-

congruè responderetur albi, vel nigri. Ita cujus speciei est, rapere aliena in Ecclesia? Utiq; benè respōdetur furti; hæc enim est essentialis species. Quamvis verum sit, in moralibus aliquo potiori jure species etiam vocari accidentales. Non ergo hac sola ratione, verum quia id apertè videtur insinuare Pont. dùm ait speciem non species: Si verò nomine circumstantiarum intelligeret solum non mutantes speciem, non sufficienter dixisset, speciem, sed species dicere debuisset; Cum possit actus in pluribus esse malitiæ speciebus; At verò etiam admissò, quod nomine circumstantiarum intelligat puras circumstantias non mutantes speciem, non esset opus intelligere de circumstantiis aggravantibus utcumque, sed ut subdit, de necessariis explicatu, puta frequentia, occasione, & similibus, vel etiam in nostra sententia valdè notabiliter aggravantibus.

Denique Trid. loco citato, quamvis expressè de solis circumstantiis mutantibus speciem fecerit mentio-

nem, ratio tamen, quam affert de aliis quoque convincit, ait Jo. à S. Thom. Sic enim ibi dicitur. *Colligitur præterea, etiam eas circumstantias in Confessione explicandas esse, quæ speciem peccati mutant, quòd sine illis peccata ipsa, neque à pœnitentibus integrè exponantur, nec Judicibus innotescant, & fieri nequeant, ut de gravitate criminum rectè censere possint, & pœnam, quam oportet, pro illis pœnitentibus imponere.* Quæ currere videntur etiam in circumstantiis nō mutantibus speciem, sed solum aggravantibus. Cæterum, & ad hoc dici potest, quod sine hujusmodi circumstantiis peccata ipsa integrè, & exponuntur, & innotescunt, quoad integritatem substantialem, & hoc sufficit, ut expressè ait S. Doct. supra citatus. Non enim est necesse ad substantiam, & validitatem Sacramenti, ad lancem, ut ità dicam, peccata ponderare, nec Metaphisica proportionem tantam imponere pœnam, quanta est gravitas culpæ; sed sufficit, quod pœna sit suo modo proportionata peccato,

secundum gravitatem, quam ex specie habet.

16. Rationes pariter, quæ adducuntur facili quoque negotio solvuntur. Ajūt in primis, quod in morali æstimatione, & in ordine ad punitionem, & medicinam conscientiæ, potest circumstantia aggravans æquivalere, immo, & superare multiplicationem peccatorum in numero, & in specie: ergo si tenetur quis confiteri numerum, & speciem peccatorum; etiam circumstantias aggravantes; furtum enim v. gr. mille aureorum superat in morali æstimatione centum furta duorum. Et confirmatur; nam sequeretur ex opposita sententia, quod ex majori gravitate, & malitia quis commodum reportaret; & minus teneretur confiteri, qui plus damnificavit, v. gr. furans mille unico furto satisfaceret confitendo, se furatum semel quantitatem ad mortale sufficientem; qui verò tantum centum furatus esset; sed hæc decem vicibus, teneretur dicere, se decem furta mortalia commississe.

Ad hæc autem dici posset

in primis, falsum esse in morali etiam æstimatione hujusmodi circumstantias æquivalere, aut superare multiplicationem peccatorum: adhuc enim morali æstimatione vituperabilius, & graviori poena puniendus est, qui decies furatur unum scutum, quam qui semel viginti; Unde nullum est inconveniens, quod assertur pro confirmatione: quod nihilominus cum debita limitatione statim explicabimus, sicut & alia.

17. Addunt, qui decem furatur, viatorem aggrediendo, gravius peccat, quàm qui centum in Civitate, vel Domo; Sed in primis furans aggrediendo viatorem, duplicem injustitiam committit, dum rem tollit, & vim infert Personæ, unde necessarium explicanda esset hæc circumstantia, sicut rapina, quæ distincta est species à simplici furto. Immo Grassetores viarum lædunt quoque publicum Jus, & inde hujusmodi furta speciale quantum habent ad legem repugnantiam.

18. Item inquirunt, semel ad Sororem, vel Matrem ac-

cedere, horribilius est, quàm rer, vel quater ad aliam cōsanguineam in tertio, vel quarto gradu; Ad hoc autē valdè probabilis est sententia, incestum secundum diversos gradus specie differre, & probabilior atque communis quo ad Matrem, & Sororem. In sententia tamen, quod unius atomæ sit speciei, substantialiter, & in re, non esset gravius, accedere semel ad Matrem, vel Sororem, quam bis, vel ter ad aliam consanguineam. Quod autem hæc horribiliora hominibus appareant, parùm refert; nam aliqua multoties vituperabiliora sunt apud homines, quæ in se minoris sunt culpæ, undè illud Greg. apud S. Thom. quod peccata carnalia sunt minoris culpæ, & majoris infamiae, quàm spiritualia.

19. Denique subdunt. Quod ratione hujusmodi circumstantiarum adeò peccatum aliquandò aggravatur, quod gravissima pœna, etiam in foro exteriori, dignum efficiant. Sed neque hoc quidquam convincit. Nam externa punitio ad Politicam conviventiam or-

dinata est, undè, quæ illi magis contrariantur, gravius puniuntur, & gravissima quandoque impunita relinquantur. Facilis item solutionis cætera sunt, quæ adduci possent ex hac parte.

20. Ad nostrum autem unico verbo: Ista omnia ita notabiliter aggravant, ut diversum postulent valdè judicium; quare nostram confirmant resolutionem, & libenter admittimus, quod necessario explicanda sunt, quamvis non murent speciem.

21. Hac igitur unica brevi ratione dicta limitatio confirmari potest. Confessio enim Sacramentalis est medicinale quoddam Judicium, quo Confessarius congruam poenitenti Medicinam adhibere debet. Quamvis ergo necesse non sit, minutim, & ad unguem peccati, ac morbi gravitatem illi innotescere; ad minimum certè, necesse est, ut grossiori quadam mensura justum dare possit judicium. Igitur necesse est, illi circumstantias innotescere, quæ valdè notabiliter judicium variant. Quod nō ita passim, & ut in plu-

plurimum occurrit, nisi mutant speciem. Quare optimè, & per se loquendo ait S. Doct. quod non sunt ex necessitate aperiendæ, nisi circumstantiæ, quæ mutant speciem: Cum quo tamen benè stat, quod in casu particulari necessarium sit, etiã non mutant speciem, at verò notabiliter aggravantes, explicare.

22. Addo nihilominus ad majorem claritatē: Quòd licet suprà dixerim, in furto v. gr. furari centum, vel mille, notabiliter variare iudicium, ac per consequens explicandum esse in Confessione: Id tamen pensandū est ex aliis quoque circumstantiis: Etenim si furtum fuerit simplex, & incidenter commissum, ita sentiendum puto; at verò in famoso Latrone ad graviora furtum jam assueto, puto neque centum, neque mille notabiliter adeò variare iudiciū: ex quo enim pravam suam voluntatem, & consuetudinem confitetur, satis percipit Confessarius ejusdē conscientie statum; sicut etiam si semel magni Divitis Domum, quis depredatus fue-

rit. Omnia tamen saniori submitto iudicio.

23. Unicum restat præ cæteris argumentum, specialem ingerens difficultatem, ex Mag. Soto loco jam supra citato, si quis furatur mille, non tenetur quantitatem confiteri, sequitur, quòd mentiens, dicēdo se furatum octingenta, vel nongenta, non redderet invalidā Confessionē, mendacium enim in Confessione circā materiam non necessariam non est mortale, sed veniale peccatum, quòd ipsam non invalidat; hoc autem absurdum videtur. Et nè dicas, id esse mendacium perniciosum, ac per consequens mortale, supponamus, quòd poenitens habeat jam firmū propositū satisfaciendi plenariè, & integraliter.

Sed negatur sequela: esset enim, verè mentiri circā materiam necessariam, quia circā mortale peccatum; Aliud est enim, quòd non sit necessarium, explicare quantitatem; aliud, quòd ipsa quantitas non sit materia necessaria. Cum enim sit quantitas peccati mortalis, tota ejus malitia est ne-

De cessā-

cessaria materia Cōfessionis; undè mentiri circà illam est, mentiri circà materiam necessariam: Unius enim peccati, una est malitia, neque licet, partem explicare, partem abscondere, sed totam exponere necesse est; non tamen totam explicitè, sed sufficit implicitè. Dùm ergò quis confitetur furtum, in materia gravi, quamvis non explicet tantum, vel quantum, totum implicitè confitetur, quia totum in furto includitur: Si verò confiteretur decem, cùm sit furatus viginti, jam reticeret quantitatem mortali malitia affectam, nec implicitè alia decem exponeret; ac circà rem peccati mortalis mentiretur.

24. Sed instabis. Hinc sequeretur, quòd furans unum furtum, & confitens, se furatum novem Julios, peccaret mortaliter, & invalidam redderet confessionem, quod videtur durum.

Responderetur: ita esse, neque durum videri debet, maximè in tutiori sententia, quam docet Cajet. *V. Confessio* & 2. 2. q. 69. art. 1. in resp. ad tertium, quòd scilicet me-

tiri in Confessione, adhuc circà materiam peccati venialis, peccatum sit lethale, non absolutè quidem, sed supposito, quòd illud clavisbus, & iudicio sacramentali exponatur, quam sententiam ego veram omninò puto. Sic ergo in casu, quamvis non teneatur, aperire quantitatem explicitè; supposito, quòd illam explicet, sub mortali tenetur, illam sincerè omninò exponere.

25. At quid in sententia, quam tuetur mordicus Magist. Soto de regendo secreto, & de Justitia, ac demum 4. dist. 18. q. 2. art. 4. con. 3. quòd scilicet, mentiri circà venalia quantumcunq; iudicio exposita, non est mortale. Certè vix argumentum solvi posse video: Nihilominus dici potest; disparem satis esse rationem de peccato veniali, ac de quantitate materiæ peccati mortalis, quantumvis exigua, propter adductam rationem, quia scilicet veniale nullo modo est necessaria materia; peccati autem mortalis materia tota est necessaria, quia tota mortali malitia inficitur.

26. Ex dictis manifestè col-

colligi videtur, etiam necessarium explicandas circumstantias notabiliter minuentes; valde namque diversum est iudicium de Puella, quæ vix effugere potuit illatam violentiam, sed ferè vi oppressa est, quamvis tandem consenserit; ac de alia, quæ sua sponte consensit. Immo aliquandò aperiendæ sunt non adèò notabiliter alleviative, non quidem per se, & ad excusandum peccatum; sed per accidens, ratione alicujus annexi, puta ut propriæ famæ consulat penitens, aut quid tale: Sed & hoc semper, se accusando, non excusando, Audiamus in hoc sententiam, & præcisa verba Sapientissimi Mag. Soto loco citato, con. 5.

27. Sic de his habet. *Licet non sit necessarium, illas confiteri, tamen si multum minuant, necessarium est, illas exprimere, exempli gr. si Puella gravi inopia oppressa, aut mortis metu, ut periculo vita succurreret, Juvenem admisit, licet peccatum mortale sit, potest tamen (nota ly, potest) sua famæ, & honori consulere, dicendo causam, quæ turpitudinem suam aliquo mo-*

do alleviet. Pariter, si quis putans, se bene facere, furtum fecit, quod Pauperibus largiretur, aut pejeraverit, ut vitam servaret Regis. Ut enim Eccl. 41. admonemur, cura habenda est de bono nomine, salva confessionis veritate. Immo verò, si esset Persona, quæ multum prodesse posset Reipublicæ, & confiteretur Episcopo, quod occiderit hominem, teneretur (nota ly, teneretur) honorem suum protegere, dicens, si verum esset, quod ille occiderat Parentes suos. Si autem tantum non minuant, satius est, eas non confiteri; Hec ille.

Ex quibus duo colligo: primum, quod si fama, vel aliud annexum est magni momenti, ut in ultimo casu, teneretur quis, exprimere, si verò non sit tanti momenti, potest, sed fortè non teneretur ex necessitate, & sub præcepto, undè ait de Puella, quod potest.

28. Secundò colligo; quod cum in omnibus dictis exemplis notabiliter sint alleviantes circumstantiæ, & ad annexa, puta famam, vel Reipublicæ utilitatem, recturatur M. Soto, videtur sen-

tire, quod nec hujusmodi circumstantiæ sint per se necessario confitendæ, sed solum per accidens, & ratione annexi; at ratio procedit absolute; Quarè, & absolute quoque dicerem, quod sicut necessarium est, notabiliter aggravantes exprimere, ut justum fiat judicium, ita & notabiliter alleviantes.

29. Neque contra id facit, quod poenitentis munus est, se accusare, non excusare; nam hoc non est, absolute se excusare, sed justè accusare, quod ad poenitentem pertinet, & quamvis, non exprimente ipso poenitente, debeat Confessarius de hujusmodi interrogare, ut justum formet judicium, non tamen debet poenitens, expectare interrogationem Confessarii de his, quæ ipse bene novit. Munus enim Confessarii non est interrogare, nisi ad supplendum poenitentis defectum: Quarè dum poenitens scit, debet sincerè, ac spontè aperire, quod ad justum exigitur judicium, semper tamen accusatorie, non excusatorie, ut sæpe dictum est.

Scio quidè; hac in re limi-

tes excessisse, quem intendimus Summarii tractatus, at verò parcat lector; nam gravitas, & simul necessitas ipsius materiæ; ac difficultas circà mentem S. Doct. à quâ nec minimum apicem, quod ad suppetent ingenii vires, recedere conamur; causa fuit protractionis. Extrà chorum insuper cecinisse videbimur: Dum hæc materia, non hujus quidem loci, sed magis tractatus de poenitentia propria est.

Verùm propter connectionem, & quia corporis debilitas nō adeò longam promittit Vitam, ut ad ipsum de poenitentia perveniamus tractatum; hæc quæ jam præ manibus habuimus, subnectere, satius visum est; undè nec pigeat, ad complementum alia quoque seq. §. audire.

§. IV. *Aliæ quædam examinantur difficultates.*

SUMMARIUM.

1. *Quomodo circumstantia novam dans mortalis peccati speciem, dici possit, non notabiliter aggravans.*

2. *Pec-*

2. Peccatum veniale, vel mortale aliàs confessum, potest quis, confiteri in genere, absque alia determinata specie.
3. Quod ait S. Doct. quòd non confitetur peccatum, qui non confitetur speciem, intellige de confessione distincta, non utcumque, & prout sufficit de materia non necessaria.
4. Consuetudinem, seu habitum alicujus peccati explicare, tenetur pœnitens.
5. Ex duplici capite oritur hæc necessitas, ut cognoscatur præsentis peccati gravitas, & status pœnitentis.
6. Quomodo cognosci possit, aliquem ex habitu peccare.
7. Potissimum ex secundo capite necessitas oritur explicandi consuetudinem.
8. Quando malè habituato absolutio differenda non sit.
9. Peccata semel confessa nõ iterùm exponuntur iudicio, sed per accidens iterùm explicanda sunt, ut alia jussè judicentur.
10. Consuetudo faciliè de se innotescit.
11. In uno casu præcipuè necessario explicanda est, ubi triplex conditio concurrat.
12. Nullatenus absolvendus est, qui proximam non vult occasionem dimittere.
13. Quædam circumstantiæ, nec trahunt in aliud genus, nec tantum augent; sed rationem peccati multiplicant.
14. Ut plurimum hujusmodi circumstantiæ non sunt necessario explicandæ.
15. An sit necessarium explicare circumstantiam, ut circumstantiam, vel sufficiat illam confiteri utcumque.
16. Tutius quidem est, non autem necessarium, circumstantiam, ut circumstantiam explicare.
17. Dùm quis furatur ad mæchandũ, non est duplex mæchiæ malitia, neque pars malitiæ ipsius mæchiæ furto communicatur, sed in morali æstimatione censetur, quòd tota, & eadem furto communicetur.
18. Dupliciter considerari potest furtum, & mæchia, dùm quis ad mæchandũ furatur, scilicet furtum, ut furtum, & ut formaliter ad mæchiam ordinatum, & è contrà.
19. Ma-

19. *Malitia propria, & essentialis quandoque per circumstantiam augetur, quandoque minuitur.*

20. *Aggravatio malitiæ essentialis non est regulanda, vel mensuranda ex quantitate malitiæ circumstantiæ, secundum se sumptæ.*

21. *Regulariter circumstantia non ita notabiliter aggravat malitiam essentialem, ut necessariò ista gravitas explicanda sit, in aliquo tamen casu poterit, notabiliter aggravare.*

22. *Circumstantia de veniali faciens mortale regulariter id non facit per hoc, quod essentialis malitia mortalis evadat, sed mortalis est actus ratione malitiæ ipsius circumstantiæ.*

23. *Poterit tamen aliquando ipsa malitia essentialis fieri mortalis, quod cum grano salis intelligendum est.*

24. *Ratio efficax nostræ assertionis ex paritate, seu exemplo actus, qui est causa, vel occasio omissionis præcepti.*

bentes in alterum genus, non notabiliter aggravantes, teneatur homo, confiteri, etiam innotescendo Personam cum qua peccaverit. Et respondet S. Doct. quod omninò debethas homo confiteri, non enim homo confitetur peccatum suum, nisi speciem confiteatur peccati, quæ cognosci non potest, nisi per circumstantias trahentes in aliud genus, ex quibus peccatum specificatur.

Fateor meam ignorantiam, Nescio planè sensum legitimum hujus literæ. Supposito enim, quod hujusmodi circumstantiæ mutant speciem, & non aggravent notabiliter; videtur ex consequenti, quod non trahant ad aliud genus peccati mortalis; sic enim notabiliter utique aggravarent: Si ergo solum addunt speciem peccati venialis, quomodò sibi constat S. Doct. qui expressè loco supra citato ex quarto docet, hujusmodi circumstantias mutant speciem, esse quidem necessariò confitendas, sed cum addito, dum scilicet ad genus trahunt peccati mortalis? Et consequenter, si tantum spe-

1. **E**T primò animum, pulsatur litera S. Doct. opus. 12. Ibi enim quæritur. An circumstantias peccati tra-

speciem addunt peccative-
nalis, non erunt ex necessi-
tate confitendæ.

Posset dici fortè, quod li-
cèt gravitas peccati morta-
lis de se notabilis sit, unum
tamen mortale peccatum
non est semper notabiliter
gravius alio pariter mortali;
immò taliter poterit utrius-
que gravitas ponderare, ut
vix dari possit judiciū, quod
nam sit gravius, v. gr. Stu-
prum secundum se gravius
certè notabiliter est simplici
fornicatione. Ponamus mo-
dò ex una parte simplicem
fornicationem cum libera-
commissam toto libero con-
sensu, & ex certa malitia; ex
parte alia Stuprū cum Puel-
la, quæ sub nullius custodia
sit, sed omninò sui juris,
commissum à Juvene gravi-
ter, & verbis, & blanditiis,
aliisque hujusmodi ab ipsa
Puella invitatum, & illectū,
ex quibus certè stupri spe-
ciem non omittit, adhuc
enim est specialis deformi-
tas ex parte ipsius Puellæ,
quæ per stuprum ponitur,
quasi in via meretricandi, ut
docet idem S. Th. 2. 2. q. 144.
art. 6. Quod nam ergò isto-
rum gravius est peccatum?

Certè non auderem asserere,
quòd peccatum Juvenis
cum Puella; valdè namque
in casu videtur excusabilis,
cum hujusmodi stimulis, ac
tentionibus absque Divi-
na specialissima gratia, qua-
lem habuit Angel. ipse Præ-
ceptor humana fragilitas re-
sistere non possit: At nihi-
lominùs tenetur Juvenis,
hanc Personæ, ac stupri cir-
cunstanciam aperire. Quia
ut subdit S. Doct. non con-
fiteatur homo peccatū suum,
nisi speciem confiteatur.

De his ergò, & similibus
circumstantiis, puto, salvo
meliori judicio, intelligen-
dam esse literam S. Doctor.
quæ licèt speciem afferant
peccati mortalis, benè ta-
men in sensu exposito dici
possunt, non notabiliter ag-
gravantes: Sicut pariter ait
Jo. de la Crux in direct. ad 6.
Dec. præcept. art. 4. con. 2.
Incestum extrà secundum
gradum non notabiliter ag-
gravare, at nihilominùs ex-
plicandā esse in Confessio-
ne speciem incestus, licèt
necessè non sit, exprimere in
tertio, vel quarto gradu, sed
sufficiat dicere, comisi ince-
stū extrà secundum gradū.

2. Sed

2. Sed ex allata D. Th. ratione infert idem Jo. de la Cruz. Direct. de Sacram. Pœnitent. q. 3. dub. 1. con. 4. quod, qui confitetur peccatum veniale, tenetur confiteri circumstantiam dantem ei speciem: Ratio enim currit de peccato etiam veniali; quia scilicet, nec peccatum confitetur, qui speciem non confitetur. Et hoc idem dici potest de mortalibus aliàs confessis, dùm iterùm confessioni exponuntur: Et quidem si addatur in casu, quò talia peccata sint totalis materia Confessionis; puta dñi pœnitens non nisi de venialibus se accusat, aut de mortali aliàs confessio, videtur satis probabile. Nihilominus probabilius puto, quòd veniale peccatum, vel mortale jam ante confessum, quamvis tota sit materia confessionis, possit absolute, & simpliciter exponi, etiam sine expressione circumstantiæ dantis illi speciẽ quamvis explicare sit melius; non tamen necessarium. Moveor, quia hujusmodi peccata non sunt materia necessaria confessionis, licet sint materia sufficiens: Hæc au-

tem est differentia inter necessariam, & solum sufficientem materiam; Quòd necessariam, teneor omnino, totam, & integram exponere, sufficientem verò, & non necessariam possum quidem exponere, si velim, & possum, non exponere; & possum totam, vel partem, ut melius visum fuerit. Volo igitur modò v. gr. me accusare de levi mendacio, nec exprimere, an fuerit officiosum, vel jocosum, aut hujusmodi. Peto nunc; expono sufficientem materiã, vel non? Si sufficientem expono; quare vis me ultra compellere, cum totum fuerit in mea electione, exponere, vel non exponere? Si dicas, quod non sufficientẽ expono materiam: Probat̃ur evidenter oppositum ex eodem Jo. de la Cruz. infra dub. 8. con. 2. citante Navar. Man. cap. 10. n. 7. ubi ait, esse absolvendum, qui non valens, explicare peccatum in specie, explicat ejus genus: Immo si pœnitens solum recordetur se peccasse, esse absolvendum, quod verum est ad minus in casu necessitatis. Paret ergo, quod pec-

peccatum expositum, etiam non in determinata specie, est materia sufficiens; aliàs isti nullo modo essent absolventi; non enim cadere potest absolutio suprà materiam non sufficientem.

3. Quod ergò ait S. D. quòd non confitetur peccatum, qui non confitetur speciem; verùm est de peccati confessione distincta, qualis esse debet in materia necessaria; non verò de confessione utcumque. Si enim confiteor v. g. dixi mendacium, cognovi mulierem, non meam; verè peccatum confiteor; quia secundùm se mendacium; & accessus ad non suam, verè peccata sunt; licèt non distinctè confitear, quia non explico speciem. Materia ergò necessaria distinctè exponenda est, quia de illa distinctum debet ferri iudicium, & tota iudicio exponi. Materia verò non necessaria, satis est, si utcumque exponatur, modò sufficienter ad hoc, ut Sacerdos cognoscat, verè sufficientem, & capacem absolutionis materiam fuisse expositam. De huiusmodi enim est magis iudi-

cium gratiosum ad impetrandum absolutionis beneficium, & Gratiā Sacramentalem, quàm punitorium.

Et confirmari potest ex ratione, quā idem cum aliis probat eodem dub. absolvendum esse Infirimum, qui nec in genere, valet explicare, peccatum, vel etiam mutū, modò explicet, ut potest, se peccasse. Confessio enim generalis peccatorum obli-torum, simul cum confessione aliquorum in particulari, est vera materia Sacramenti poenitentiae, ut ait D. Thom. 4. dist. 21. q. 2. artic. 1. ad primum, ergò eādem confessio generalis potest esse materia totalis; nam, quod in hoc Sacramento est materia partialis, potest esse totalis ergò à fortiori cōfessio explicita peccati particularis, quamvis nō in distincta, & determinata specie.

4. Secundò est difficultas. An teneatur quis, consuetudinem, seu alicujus peccati habitum confiteri. Et videtur, quòd sic; nam de consuetudine, Jure, potest Confessarius, interroga-

E c re,

re, undè Summus Pontifex Innoc. XI. in Decreto Fer. 5. 2. Martii 1675. sequentem damnat propositionē. a. 58. *Non tenemur, Confessario interroganti fateri peccati aliqujus consuetudinem*: ergò tenetur pœnitens, spontè illam exprimere, si advertat: probatur consequentia: Non enim potest, jure Confessarius, exigere à pœnitente, quod ipse non tenetur, confiteri; undè si de venialibus, aut aliàs confessis interrogetur, potest negare licitè responsionem: Et ex alia parte tenetur pœnitens, sua sponte quidquid necessariū est ad Sacramentale judicium exponere.

In contrarium tamen est, quòd nemo tenetur, semel confessa, & ritè absoluta, iterum confiteri, non enim Deus judicat bis in idipsum, neque proindè Ministri ejus: ergò si aliquis, ritè confessus, & absolutus est de præteritis, non tenetur, eadem iterum exponere; quod esset omnino, si consuetudinem fateri teneretur.

5. Ad hujus elucidationem sciendum; quòd necessitas exprimendi consuetu-

dinē ex duplici capite oriri potest: primò quidem, ut præsentis peccati gravitas dignoscatur; ut enim docet S. Thom. p. 2. q. 78. art. 4. gravius peccat, qui peccat ex certa malitia, quam qui peccat ex passione; ut autè idem docuerat a. 2. quicumque peccat ex habitu, peccat ex certa malitia. Secundò, ut status, & dispositio pœnitentis Confessario innotescat, illique proportionatam adhibeat medicinam constat namque; satis diversa indigere curatione; dùm mala per longas convaluere moras, ac dùm vix in primo limite fixere pedes.

6. Quòd ad primum recollenda est doctrina præced. cap. 9. ult. tradita; scilicet non semper habentem habitum ex habitu peccare, ac per cōsequens ex certa malitia. Poterit autem cognosci aliquem in vitio habituatū hic, & nunc ex habitu non peccare, si jam præcesserat in illo verum, ac firmum propositum vitandi tale peccatum; ac postmodum insurgente passione, adhuc ad peccatū trahitur; quia tunc videtur, quòd peccet.

cet quidem eligens, non tamen ex electione, ut loquitur D. Thom. loco citato ad tertium; Quia scilicet electio non est in eò primum peccandi principium; sed ex passione inducitur ad eligendum id, quod extrà passionem existens non eligeret; quod non est, peccare ex certa malitia, ut ex dictis in citato §. constat,

Si ergò malè habituatus non peccet ex habitu, cùm indè non aggravetur peccatum, non est necessariò explicanda in Confessione consuetudo, vel habitus ex primo capite: Immo fortè neque semper, dum ex habitu quoque peccat; nisi enim adeò pertinax, & obstinata sit voluntas in malo affectu, ut meritò valdè nimis augeri malitia existimetur; non apparet, quod secundùm se peccare ex habitu, ità notabiliter aggravet peccatum, ut necessariò gravitas ista exprimenda sit.

7. Puto igitur, quod ex secundo capite magis oriatur necessitas exprimendi consuetudinem; primò, ut constet Confessario, poenitentem verè detestari, & fir-

mum habere propositum vitandi, quantum in se est, hujusmodi peccata; plùs enim ad hoc exigere debet à consuetudinario peccatore, quàm ab alio ex fragilitate peccante; undè, & non statim impertiendam esse illi absolutionem, sed differendam, consulunt DD. Quod tamè cum grano salis pensandù est, neq; presentis est loci sigillatim discutere.

8. Secundò etiam, ut ipsi consilia, & remedia porrigat, quibus faciliùs in futurù à talibus cavere possit, salutare item poenitentias imponat, & alia hujusmodi, quæ omnia boni confessarii sunt. Hic tamen obiter advertere licèt, quod si taliter habituatus humiliter peccata sua fateatur, & ex mala consuetudine, dicat credere se iterùm peccaturum; nihilominùs de hoc valdè dolere, & omninò totis viribus velle, à peccato abstinere, uno verbo talia, dederit signa, quibus prudens confessarius de ejus presenti bona intentione, ac proposito certioretur; ac potissimùm, si illum obedientem, & promptù ad omnia

imposita inveniat, debet illum omninò absolvere, nec absolutionem differre, sed consolari, & hortari ad fiduciam in divino adjutorio; fecit enim, quod est in se, & tali Deus non denegat gratiam suam, nec igitur confessarius absolutionem.

9. Ad argumentū porro in contrarium respondetur; quòd semel confessi non sunt per se iterum confitenda ex necessitate, & ut iudicio subdantur; per accidens tamen, non ut de illis iudicetur, sed ut iustè de aliis iudicium proferatur, nihil prohibet, iterum esse exponenda; immo neque formaliter exponi dicuntur, sed tantum materialiter quatenus videlicet notitia presentium ab illis dependet. Quod constat etiam in foro externo; puta v. gr. punitus de uno furto, si aliud furtum committat, benè potest, ac debet iudex inquirere, an talis alia furta commiserit, & sit solitus delinquere, ut iustum de presenti ferat iudicium; aliter enim iudicatur reus primo delinquens, aliter solitus delinquere.

10. Neque dicas, in usu

non esse, ut vix fortè aliquis etiam doctus, & timoratae conscientiae de consuetudine se accuset, nec ut plurimum id exigunt confessarii. Etenim prudentes confessarii de hoc benè interrogant; quando ratio postulat, & poenitentes, qui advertunt, hanc circumstantiam explicant; quod verò plures non exprimant, id est ex inadvertentia. Verum tamen est, quod consuetudo, ut plurimum statim innotescit ex numero peccatorum, habita relatione ad tempus ab ultima ad presentem confessionem; undè necesse non est, illam specialiter exprimere, sicut nec alia, quae de se patent.

11. In uno tantum casu puto, quòd necessarium sit, consuetudinem exprimere, ac si poenitens non exprimat, debere à confessario interrogari; ubi scilicet hæc triplex concurrat conditio. Quod poenitens confessario notus nò sit, & quod à modico tempore, puta tribus, vel quatuor diebus, sit confessus, & demum, quod tali tempore semel tantum, aut bis ad summum peccatum

tum commiserit, si enim quater, vel quinquies, consuetudo, vel malus habitus jam videtur evidens. Sed neque ista regula omninò certa videtur; poterit namque contingere, quod talis nunquam, vel rarò pro tempore præterito in huiusmodi peccatum inciderit, at illis tribus, vel quatuor diebus ex prompta quadam occasione sæpiùs lapsus sit. Quare si aliàs Confessario non constat, satiùs est, quòd interroget.

12. Sed jam tetigimus aliud punctum de proxima occasione, quam pauci exprimunt, & certè absolvendus non est, qui occasionem non vult dimittere; quare de hoc interrogare omninò, debet confessarius, si aliàs ipsi notum non sit; undè inter cæteras præpositiones in decreto 18. Martii 1666. ab Alexandr. VII. sequens dānatur num. 41. *Non est obligandus Concubinarium ad eiciendam concubinam, si hæc nimis utilis esset ad oblectamentum concubinarij vulgò, regalo: dum deficiente illo, nimis agrè ageret vitam, & alijs apulis tædio magno concubina-*

rium afficerent, & alia famula nimis difficilè inveniretur. Hæc tamen materia saniori discussione indiget, præcipuè, ut quænam proxima censerì debeat occasio, & quomodo vitanda cognoscatur; quæ huius loci non sunt: sufficiat ergo tetigisse.

13. Alia difficultas est; an circumstantiæ, quæ non trahunt in aliud genus peccati, neque tantùm simpliciter augment, sed multiplicant rationem peccati, ut loquitur D. Thom. p. 2. q. 73. art. 7. v. gr. si prodigus det, quandò non debet, & cui non debet; an inquam huiusmodi circumstantiæ sint necessariò explicandæ? Pro quò supponendū est, quòd huiusmodi circumstantiæ absolute specièm non mutant, sed ad eandem omninò pertinent.

Et ratio est, quia ex eodem omnino motivo procedunt, eandemque ad rationem disconvenientiam habent, puta in adducto exemplo, dare quando, & cui nō oportet, ex eodem vitioso divitiarum contemptu oritur, & hanc simplicem disconvenientiam habet ad rationem-

tionem; quæ est immoderata divitiarum dispersio. Dicit nihilominus S. Doctor. quod multiplicant rationē peccati; non quidem essentialiam, & ordinem ad rationem, & legem, quia sic speciem variarent; sed quasi quasdam ejusdem speciei, & ordinis accidentarias rationes, & modos, qui tamen in eadem ratione essentiali adunantur.

14. De his ergo puto, quod ut plurimum non sint ex necessitate aperiendæ; quia de se non videtur notabiliter aggravare; quinimò sine ipsarum distincta expressione totā posse malitiæ gravitatem explicari. Puta si quis diceret, Confiteor, quod prodigē, & inutiliter satis dissipavi substantiam; immò gravius, perdidi ipsam, nihil omnino curando, per quæ satis utique declaratur, quanta fuerit prodigalitas ejus. Dico tamen, ut plurimum, & per se loquendo: quia ex earū multiplicatione poterit fortè adeò notabiliter aggravari peccatum, ut explicandæ meritò censeantur; quod nihilominus vix contingere posse,

arbitror. Dùm enim quis fatetur, se nihil penitus de substantia curasse, totum inutiliter dissipasse, aut quid simile, non video, quid amplius dici possit.

15. Gravior denique difficultas est; An sit necessarium, explicare circumstantiam, ut circumstantiam; vel sufficiat, ejus malitiam, utcumq; accusare; v. g. Dùm quis furatus est, ut fornicaretur; Dubium est, an sit necessarium, quod se accuset, dicendo furatus sum? Duplex autem est potissima ratio dubitandi, quarum utraque ostendere videtur, non explicari totam malitiam, & mortalem quidem, & necessariò declarandam; nisi circumstantia, ut circumstantia explicetur.

Est igitur prima. Quia dùm quis furatur propter mœchiam, duplex omnino peccatum committit; mœchiam scilicet, & furtum; quorum utrumque duplicē habet malitiam mortalem: furtum enim est essentialiter furtum, & accidentaliter in specie mœchie, tanquā circumstantiæ finis: mœchia pariter in specie furti, tanquam

quam circumstantiæ. Quibus auxiliis, vel etiam Quid, ut dicit effectum: manifestum est autem, quod malitia mœchiæ afficiens furtum est mortalis; & è contrà: Ibi ergò est duplex malitia, mœchiæ, & similiter furti, una scilicet essentialis: accidentalis altera. Cùm enim diversi sint actus mali, non solum physicè, sed moraliter, non potest unica malitia furti, v. gr. in ambobus reperiri: sed constat, quod talis non confiteretur, nisi unicam, non ergò sufficienter.

Alia ratio est: Quia per hujusmodi circumstantiam, nō solum additur furto v. g. malitia mœchiæ, sed & ipsa malitia furti notabiliter aggravatur: Quod patet; nam circumstantia secum ferens mortalem malitiam tantum aggravat peccatum, cui additur, ut illud mortale faciat, quamvis non esset ex genere suo nisi veniale, ut expressè docet Cajet. V. Prodigalitas, & alibi passim.

16. Sed his non obstantibus: quamvis tutius sit, circumstantiam, ut circumstantiam explicare, idque necessarium esse, cùm sum-

ma Angel. sentiat Nugnus in add. q. 9. art. 2. dub. 2. Nihilominus ego puto, id non esse necessarium. Quod melius ostendi nō potest, quam rationes dubitandi diluendo. Et ita sentit Martinez de Prado de Conf. q. 2. dub. 2. n. 4.

Ad primam ergò dicitur: quod quamvis in rigore metaphysico duplex dici possit illa malitia; moraliter eadē omnino censetur: Nec aliquid obstat, quod actus duo sint, etiam moraliter. Ad hoc enim dici posset, quod estò unum accidens numero esse non possit in duplici subjecto intrinsecè, benè tamen in uno intrinsecè, in alio extrinsecè, moraliter nedū, sed etiam physicè: Sicut eadem visio in oculo intrinsecè, in objecto extrinsecè reperitur, illudque visum denominat. Ita malitia mœchiæ intrinsecè tantum est in ipso actu mœchiæ, & extrinsecè furtum denominat.

Sed quia nolumus, modò de hoc disputare, & fortè veriùs mœchiæ malitia intrinsecè quoque furtum afficit: Aliter dicamus, quod talis malitia duplex est in adæquatè, & quasi partia-

liter,

liter, non verò adæquatè, & totaliter: Non enim ibi sunt duo peccata mœchiæ, quod esset omninò, si duplex adæquata malitia in duobus actibus existeret: quare dùm confitens, mœchatus sum, adæquatam mœchiæ malitiam exprimat, sufficit ad illam integrè accusandam, & si non ità explicitè.

17. Dices, quòd neque implicitè ullo modo totam fatetur malitiam, cò quia dicere mœchatus sum, non continet, nisi malitiam, quæ in ipso actu mœchiæ reperitur, & nullatenùs, neque implicitè malitiam, quæ in furto est.

Ad hoc autè negari posset suppositum. Non enim fingere debemus, quod in actu mœchiæ sit tota sua malitia, & postea alia mœchiæ malitia distincta furto adveniat, quod videtur supponere infantia. Sed tota malitia est in actu mœchiæ, & ab ipso diffunditur, seu participatur furto. Non ità, quòd pars malitiæ, quodāmodò ab actu mœchiæ, ut ità dicam, decidatur, & furto communicetur: Sed quasi materialitèr ipsa malitia

dividitur, ità ut tota ejus gravitas in actu mœchiæ remaneat, undè ipse actus mœchiæ malus est in se cum tota gravitate mœchiæ, quæ tamen furto communicat. Neque id mirum videri debet, nam in morali æstimatione, quæ in moralibus attenditur, quidquid sit de Metaphysica ratione; censetur eadem omninò malitia, & gravitas utriusque; & tota gravitas est in mœchia, & tota in furto. Verè namque in morali æstimatione censetur tota mœchiæ malitia furto communicari, & ex tali communicatione gravificari malitiam ipsam in actu mœchiæ, ut mox explicabimus.

18. Vel etiam dici potest facilis: Quòd tales moraliter unus censentur in ordine ad mœchiæ malitiā; actus enim, qui ad idem ordinantur, moraliter unum sunt, ut patet de actu interiori, & exteriori; & generaliter de actu imperante, & imperato, si ut sic formaliter considerentur. Dum ergo quis furatur, ut mœchetur, duos elicit actus; etiam moraliter, in ordine ad utraque

que malitiam, furti scilicet, & mœchiæ, sed comparativè ad unam furti, vel mœchiæ malitiam unum sunt.

Et ut tacitè occurramus instantiæ: Nota quòd furtum perpetratum propter mœchiam dupliciter considerari potest, & ut furtum, & sic malitia mœchiæ illi accidentaria est, & ut formaliter ad mœchiam ordinatum, & sic eadem malitia illi essentialis est; quia ut sic unus, & idem actus est moraliter cum ipsa mœchia.

Hæc probabiliter dicta sint pro aliquali Doctiorum satisfactione. Cæterum verū omninò est, quòd in morali estimatione hujusmodi malitiæ non ponunt in numero; censetur enim ipsa mœchiæ malitia, quæ in actu mœchiæ essentialiter est, per modum circumstantiæ, & accidentis afficere ipsum furtum; quare videtur, quòd ex isto capite sufficienter fiat confessio modo prædicto.

19. Ad secundam ergò dubitandi rationem dicimus cum Jo. à S. Thom. loco supra citato art. 2. Quòd malitia propria, & essentialis

per circumstantiã quandoque augetur, & quandoque minuitur. Si enim ex circumstantia crescat in ipso actu, etiam ergà proprium objectum major voluntariæ ratio, vel major contemptus legis, procul dubio aggravabitur peccatum, etiam intrà latitudinem propriæ speciei. Undè S. Thomas 2. 2. q. 154. art. 1. ad secundum: ait. Quòd augetur in adulterio ex circumstantia, injustitiæ, malitia luxuriæ; quia ex hoc ostenditur gravior ipsa malitia, quòd ita sequitur concupiscentiam, quòd pro illa contemnat justitiam. Ex quibus tamen manifestè videtur colligi, quòd circumstantia sit signū potius à posteriori, & ab effectu demonstrans gravitatē essentialis malitiæ; quàm illā formaliter aggravet: Indeque colligitur, quòd in furto propter mœchiã, malitia mœchiæ augetur modo prædicto ex circumstantia furti; quia ostenditur clarè pejor voluntas erga mœchiam, quæ ut ad ipsam perveniat, non recusat furti malitiam, & justitiam contemnit: Sed ex alia parte,

minui potius, quàm aggravari videtur malitia furti; nam ergà ipsum non ità patet affecta voluntas, quæ aliàs nollet furari, nisi furtum ad mœchandum necessarium esset: Undè benè dicitur cum Philosoph. quòd furans, ut mœchetur, est magis mœchus, quàm fur.

20. Hic tamen observandum ex eodem Jo. à S. Thoma. Quòd aggravatio malitiæ essentialis non est regulanda, nec mensuranda ex quantitate malitiæ ipsius circumstantiæ secundum se sumptæ; sed respectivè, & in quantum còducit ad hoc, quòd crescat in actu ratio voluntarii, vel contemptus legis: scù in quantum incrementi ipsius signum est. Contingere namque potest, quòd circumstantia minoris gravitatis in se magis aggravet peccatum, quòd suam essentialem malitiam, quàm alia gravior circumstantia; furari enim decem, est de se minoris gravitatis, quàm furari mille. Nihilominùs valdè gravius esset homicidium in ratione homicidii, perpetratum ad furandum decem, quàm ad

furandum mille; quia in illa monstratur magis perversa voluntas, quæ pro parva summa non curat, occidere hominem. His præmissis.

21. Dico, quòd regulariter circumstantia non ità notabiliter aggravat malitiam essentialem actus, ut necessariò explicanda sit. In casu tamen, quò notabiliter aggravaretur ipsa malitia, esset aperienda ista gravitas: ut si quis hominè occideret ad furandù quinque, vel decem scuta; valdè namque gravior, ac deformior homicidii malitia apparet; quæ deformitas vix aliter explicari posse videtur, quàm talem circumstantiam per modum circumstantiæ confitendo: quòd si posset, neque tunc necessarium esset. Quare puto, quòd necessitas explicandi hujusmodi circumstantias per modum circumstantiæ proveniat ab extrinseco; quia scilicet aliter explicari non posset notabilis gravitas peccati principalis. Ut benè advertit Martinez loco citato.

22. Ad illud, quòd ex Cajetano afferebatur; dico, quòd circumstantia mortalis addi-

addita peccato veniali facit illud mortale ; non quidem ratione suæ essentialis malitiæ, sed ratione malitiæ, quæ à tali circumstantia illi communicatur, eo prorsus modo, quo mortaliter vitiosum redderet actum indifferentem, vel ex genere suo bonum.

23. Hoc, inquam, regulariter loquendo, nam posset adhuc ipsa essentialis malitia mortalis reddi, si taliter ad ipsam esset affecta voluntas, ut illam amori Dei præponeret, aut legem propter illam contemneret. Quod cum grano salis intelligendum est. Non enim ita, ut quotiescumque pro illius amore hic, & nunc, Deum offendere, non curat quis, malitia ipsa mortalis evadat : Sicut non sufficit ad hoc, ut quis peccato speciali contra studiositatem peccet, quod hic, & nunc, ut studio vacet, aliquod peccatum committat, puta omittendo Missam, vel Officium, ut fusè docet, & explicat Gonet in *Clyp. de Pec. disp. 3. art. 3.* & nos quoque supra docuimus: Sed solum, dum quis verè tota delibe-

ratione præ amore talis objecti vult, non curare de amore Dei, ejusque offensa, legemq; contemnere juxta superius dicta cap. 5. §. 4. Quod non ita passim contingit. Sed ut plurimum, quod quis pro levi satisfactione, v. gr. grave committat peccatum, non tam ex affectu ipsius satisfactionis, quàm ex parva æstimatione legis, & Dei, procedit.

24. Ex quibus efficax ratio desumitur pro nostra resolutione. Actus qui causa, vel occasio est omissionis præcepti, non minùs aggravatur à malitia omissionis, vel etiam ab ipsa mortaliter vitatur, si actus de se bonus, vel indifferens esset, aut solum venialiter malus; quàm per quamcunque aliam circumstantiam aggravetur malitia essentialis cujuscumque peccati de se mortalis; puta non minùs aggravatur fornicatio, si sit causa omissionis Sacri, quàm si ad fornicandum quis fureretur, servata proportionem: Sed in communi Theolog. sententia sufficit, absolute se accusare de omissione, nec requiritur, quod explicetur

causa, vel occasio omittendi, nisi aliàs ex sua specie, & objecto sit malum, ut testatur loco citato Gonet: ergò universaliter necessarium non est, circumstantiã,

ut circumstantiam accusare, nisi, ut dixi, valdè notabiliter malitia principalis aggravaretur, nec aliter explicari posset.

CAPUT VII.

De Conscientia.

§. I. *Quid, & quotuplex sit Conscientia?*

SUMMARIUM.

1. *Duplex est regula humanorum actuum, proxima, & intrinseca, scilicet humana ratio, & remota, & extrinseca, scilicet lex.*
2. *Suprema, & prima Regula est lex aeterna, ex cujus participatione omnes leges, etiam ipsa ratio, vim legis, & regulæ participant.*
3. *Synderefsis est habitus primorum principiorum operabilium, quò instigamur ad bonum, & retrahimur à malo.*
4. *Conscientia est actus ipsius Synderefsis.*
5. *Triplitem actus iste ordinem dicit ad aliquid.*

6. *Conscientia est practicum judicium.*

7. *Ex parte objecti dividitur Conscientia in Rectam, & Errantem.*

8. *Ex parte ipsius Judicii in Certam, Opinativam, Dubiam, Suspicientem, & Scrupulosam.*

9. *Conscientia dubia, & suspiciens propriè Conscientia non est.*

10. *Scrupulosa, quà parte assensum includit, Conscientia est, non verò, quà suspicionem tangit.*

11. *Opinativa, dubium est, an sit verè Conscientia?*

¶ CUM rota moralitas, ut sæpè dictum est, consistat in ordine ad Regulam, Legem, & Rationem. Potissimum in re morali sibi vendicant locum

hæc

hæc omnia. Duplex autem est Regula humanorum actuum; Proxima scilicet, immediata, & intrinseca, quæ ipsa est humana Ratio, & Conscientia, de quâ in isto capite; Ac remota, & extrinseca, lex videlicet, quæ non nisi media Ratione, & Conscientia, humanos regulat actus, de quâ seq. & ultimo capite.

2. Ipsa tamen ratio, & conscientia generaliter nomine legis comprehendi potest. Ut enim docet S. Th. *p. 2. q. 19. art. 4.* Prima, & suprema Regula humanorum actuum est lex æterna, ex qua ipsa humana ratio, & omnes aliæ leges habent regulæ, ut quædam participationes ipsius legis æternæ.

3. Sicut ergo in speculabilibus datur in Intellectu habitus primorum principiorum, quo cognoscimus veritates per se notas; ita pariter ad operandum naturaliter nobis inditus est habitus quidam, quod principia ipsa operabilium cognoscimus: & hic habitus dicitur syndereſis, quod instigamur ad bonum, & retrahimur à

malo; undè solet dici, quod Syndereſis instigat ad bonum, & murmurat de malo.

4. Conscientia igitur nihil aliud est, quàm actus ipsius Syndereſis; quod scilicet Intellectus ex cognitione principiorum dictat hic, & nunc, aliquid esse bonum; vel malum; faciendum, aut vitandum; prosequendum; vel fugiendum: Ut enim ait S. Doct. *p. 1. q. 79. art. 13.* dicitur Conscientia, quasi cum alio scientia, quia importat ordinem, seu applicationem scientiæ ad aliquid: Undè & Sylv. V. *Conscientia*, dicitur, quasi concludens scientia. Omissis autem pure speculativis, & ad nostrum inutilibus; dicimus generaliter, quod conscientia est actuale dictamen rationis, seu intellectus practici, quod demonstrat, quid bonum, quidvè malum, quid agendum, quidvè sit omittendum.

5. Triplex autem est hic actus, seu triplicem ordinem, vel respectum dicit ad aliquid. Primum enim respicit præteritum, prout cognoscimus, nos aliquid fecisse, vel non fecis-

fecisse, & sic dicitur Conscientia testificari. Secundò etiam præteritum, non absolutè, sed prout particulariter judicamus, nos benè, vel malè fecisse; & sic dicitur approbare, vel excusare, accusare, vel remordere. Tertiò demùm ad futurum, secundùm quod judicamus, aliquid esse, vel non esse faciendum, & sic dicitur ligare, obligare, vel instigare, & retrahere, seu murmurare; Quod licet in actuali, etiam operatione cõtingat, dicitur nihilominus ordo potiùs ad futurum, quia judicium præcedit operationem, quamvis ipsam quoque comitari possit.

6. Ex his patet, Conscientiam, judicium quoddam practicum esse. Cùm verò in Judicio duo potissimè consideranda occurrant; ordo scilicet ad objectum, seu rem judicatam, & modus ipsius judicii; hinc duplex eruitur conscientiae divisio.

7. Primò ex parte objecti dividitur in Rectam, & Errantem, seu Erroneam. Conscientia recta est rectum judicium de re operabili,

seu legi æternæ, ac rectæ rationi conforme, quo judicamus, aliquid bonum, vel malum; agendum, vel nō agendum; prout est secundùm rei veritatē. Conscientia Errans per oppositū est falsum judiciū de re operabili. Tertia his addi posset, Conscientia scilicet probabilis; hæc tamen in re, vel recta est, vel errans; & quoad nos reducit ad rectam, vel errantem, secundùm qualitatem probabilitatis, ut infrà suo loco explicabimus.

8. Secundò igitur ex parte ipsius judicii, seu modi, quo fertur in objectum, dividi solet Conscientia in Cerram, Opinativam, Dubiam, Suspiciantem, & Scrupulosam. Certa Conscientia est judicium certum de re operabili; cū scilicet absque timore, aut formidine dictat, aliquid bonum, vel malum agendū, vel non agendū.

Conscientia Opinativa, est judicium determinatum de re operabili, cum formidine tamen alterius partis; dùm scilicet Ratio dictat, aliquid agendū esse, non tamē adeò certè, ut de veritate aliquo modo non formidet,

Con-

Conscientia dubia est, dùm ratio, & Intellectus, neque assentit, neque dissentit, sed anceps manet, quasi in equilibrio, nec se ad aliquam contradictionis partem determinat.

Conscientia suspicans est, dùm neque ad aliquam partem se determinat ratio, magis tamẽ in unam, quàm in alteram inclinat.

Scrupulosa demùm est, quæ jam ad unam partem determinata, ex levi fundamento fortiter apprehenso, incidit in suspicionem partis oppositæ.

9. Ex his autem dubia, & suspicans propriè Conscientiæ nõ sunt: Cùm enim Conscientia sit particulare, & actuale dictamen, ac judicium; utique determinatum esse debet. Dubia verò ratio nihil dictat, sed potiùs dictamen, & judicium suspendit. Suspicans autem, quamvis determinatè ad unam partem inclinet, adhuc tamen illam non dictat, nec illi assensum præbet, quod omninò dicit judiciũ, & dictamen.

10. Scrupulosa verò, quà parte assensum, & di-

ctamen includit, verè conscientia est; quà tamen suspicionem tangit, Conscientiam non format, v. gr. scit aliquis, quòd spueri in Ecclesia, peccatum non est: apprehendit postea, indè loco sacro irreverentiam irrogari, & cogitur titubare, & ambigere, an sit peccatum. Hæc titubatio priorem assensum, & judicium, quòd non sit peccatum, non excludit, neque judicium format, quòd spueri peccatum sit, quia ut sic, jam non scrupulosa, sed verè Conscientia esset, quamvis erronea; certa, vel opinativa, juxta modum adhæssionis. Manet igitur in priori judicio, sed cum aliqua trepidatione; undè scrupulus magis, quàm Conscientia, trepidatio quædam est rectæ Conscientiæ.

11. Dubium est apud quosdam; An Opinativa Conscientia verè talis dicenda sit? Hoc autem parùm ad nos. De his omnibus, quæ magis judicabimus necessaria, sigillatim examinabimus, cætera apud Authores videnda relinquentes.

9. II. De Conscientia Erronea.

SUMMARIUM.

1. Conscientia etiam Erronea verè obligat.
2. Obligatio deponendi Conscientiam non est quid medium inter obligari, & non obligari, respectu ipsius Conscientia.
3. Ut lex obliget, sufficit, quòd, vel justè lata sit, vel ut lata justè habeatur.
4. Indubitatum est, quòd stante Conscientia erronea, contra illam agere, peccatum est;
5. Ut quis contra Conscientiam operari dicatur, sufficit, quòd præcesserit, modò tamen in virtute perseveret.
6. Non sufficit; quòd tantum perseveret habitu.
7. Duplicis generis iudicium præcedit, antequam voluntas in objectum feratur.
8. Quòd Iudicium non sit revocatum, nò est sufficiens inditium ejus perseverantia.
9. Perseverat Conscientia, dum aliquòd ipsius murmur vel trepidatio persistit,
10. Cessante murmure ex oblivione, vel inadvertentia, censetur quoque cessare conscientia; non autem si à pravo affectu voluntatis absorbeat.
11. Nec fidelis in verū Deum, nec infidelis in suum Idòlum, tenetur semper actualiter omnia referre.
12. Conscientia erronea non potest ad libitum deponi.
13. Ad minùs requiritur bona fides, quà credat quis, verum non esse, quòd Conscientia dicat.
14. Peccatum contra Conscientiam errantem nò est quoddam speciale peccatum, sed ejusdem speciei cum vitio, sub cujus ratione apprehenditur, & proponitur objectum.
15. In casu, quo quis putaret aliquid peccatum, nesciens tamen, quare, vel quale, peccaret ad minùs contra Dei obedientiam, id tamen est difficile.
16. Regulariter est peccatum, mortale, vel veniale, secundum quòd Conscientia dicat.
17. Conscientia dicente veniale peccatum in materia aliàs gravi, puta dicendo esse.

esse mentiendum ad vitam proximi salvandam, sed non mentiri, tantum veniale peccatum; nihilominus peccaret mortaliter contra talem Conscientiam agens.

18. Conscientia distans aliquod peccatum, non determinando, an mortale, an veniale; judicandum erit ex qualitate materiae.

19. Regula esse potest murmur ipsius Conscientiae, in quo tamen cavendum cum scrupulosus.

20. Sequens dictamen Conscientiae invincibiliter errantis peccat, si actus in se sit malus, bene tamen agit, si error sit invincibilis.

21. Probatur assertio, quoad secundam partem, quia judicium talis Conscientiae est prudens.

22. Explicatur magis idipsum.

23. Voluntas concordans rationi invincibiliter erranti fertur in id, quod in re bonum est, hic, & nunc, licet absolute malum.

24. Judicium Prudentiae non est de re nude sumpta, sed omnibus attentis circumstantiis hic, & nunc.

25. Sicut ratione circumstan-

tia falsificari potest propositio, quae absolute vera est, ita e contra.

26. Judicium Conscientiae invincibiliter errantis est conclusio per bonam consequentiam ex utroque vero principio deducta; unde necessarium verum est.

27. Hujusmodi discursus fit ab operante implicite saltem, virtualiter, & in exercitio.

28. Immo verum est judicium talis Conscientiae, quamvis ex una praemissa falsa.

29. Conscientia invincibiliter errans non dicitur formaliter errans, quoad Judicium ultimum, & proxime directivum, sed quia in alio falsos fundatur, cujus tamen falsitas invincibiliter ignoratur.

1. **P**LURA circa istam Conscientiam occurrunt explicanda, à quibus tamen majori, quàm poterimus, brevitate nos expediemus.

Primo ergo quaeres. Utrum errans Conscientia obliget: Cum enim Conscientia vim habeat legis ab ipsa aeterna lege participatae, proprium

Gg que

que sit legis ligare, seu obligare ad id, quod ipsa dicitur; dicitur enim lex à ligando, quasi ligans: Conscientia utique ligare, & obligare debet. De Conscientia nihilominus errante, utpotè falsum dictante, non modica est difficultas.

Sed omninò cum S. Doct. *p. 2. q. 19. art. 5.* dicendum est: Conscientiam etiam erroneam verè obligare, quod sic ostenditur. Obligari verè, & in toto rigore, nihil aliud est, quàm teneri ad aliquid faciendū, vel omitteudam, sed tenemur omninò, facere, vel omittere, quod Conscientia errans, adhuc errore vincibili, dicitur faciendum, vel omitteudum: ergò verè obligamur. Atqui obligatio ista non aliundè oritur, quàm ab ipsa Conscientia errante, ad minùs quòdā proximam, & immediatam obligationem, nō enim assignabilis est alia proxima regula, & lex talem obligationem inducens; ergò illa verè obligat. Minor principalis, in quā potest esse difficultas; probatur evidenter. Nam faciens, vel non omitteus, quod con-

scientia errans dicitur faciendum; vel omitteudum, peccat absque dubio; quia contrà Conscientiam; ergò tenetur illud facere, vel omittere; nemo siquidem peccat, non faciendo id, quod facere non tenetur, vel faciendo, quod non tenetur omittere.

2. Neque dicas cum P. Vasquez. Quòd licet non faciens, quod errans Conscientia dicitur faciendum, peccet, non tamen sequitur, quòd teneatur; quia tenetur Conscientiam deponere, si error sit vincibilis. Datur enim mediū, inquit ipse, inter facere, & nō facere juxta Conscientiā, scilicet, ipsam deponere. Vanum tamen est hoc effugium. In primis non infringit rationem ex indubitato principio deductam. Quod scilicet nemo peccat, non faciendo, quod non tenetur facere: Si ergò non tenetur quis, facere, quod Conscientia dicitur, nō peccabit, illud non faciendo.

Deindè. Obligatio deponendi Conscientiam non est quid medium inter obligari, & non obligari, respec-

tu

At ipsius Conscientiæ errā-
tis, sed extranea est omnino
procedens ex vero, certo, &
infallibili dictamine, quo
tenetur quis, prudenter ope-
rari, & ignorantiam vince-
re, quæ prudentem opera-
tionem impedit. Sistendo
igitur in ordine ad ipsam
Conscientiam, necesse est,
quòd si tenemur, contrà il-
lam non agere, juxta illam
ex consequenti agere, tenea-
mur: non enim potest quis,
non agere contrà Conscien-
tiam, nisi juxta illam agat,
ipsa Conscientia stante;
Quòd ergo teneamur illam
deponere, solum convincit;
quòd non obliget absolutè,
sed ex suppositione, quòd
permaneat, & non depona-
tur, quod libenter conce-
dimus.

3. Confirmatur, & ex-
plicatur magis id ipsum. Ut
lex obliget, sufficit, & requi-
ritur, vel quòd justè lata sit,
vel ut lata justè habeatur;
v.g. Si Proconsul, quo exem-
plo utitur S. Doct. promul-
garet legem, quæ verè talis
non esset, immo potius cō-
trà ipsius Imperatoris volū-
tatem, & tanquam vera lex
haberetur à Populo, certè

Populus obedire teneretur,
& inobedientes formaliter
contemptores Imperatoriæ
legis essent: Atqui Cōscien-
tia errans, quamvis justā in
se, & vera lex non sit, habe-
tur nihilominus, ut vera, &
justa lex: ergò illa obligat.
Tota igitur vis obligandi,
quam habet Conscientia er-
ronea, est, quòd, licet in se
nullam habeat vim, nec ve-
ra sit regula, nec Divinæ ra-
tionis, æternæque legis par-
ticipatio; undè omnis lex
vim obligandi participat,
apprehenditur nihilominus,
& proponitur, tanquam ve-
ra, & justa lex, & Divinæ
participatio rationis. Un-
dè, quoadusque deponatur:
vim habet obligandi, non
ratione sui, sed quia propo-
nitur, ut vera lex, & parti-
cipatio legis æternæ.

4. Quidquid autem sit;
plura consultò relinquimus.
Quod ad nostrum, certum
est apud omnes, quòd stan-
te Conscientia erronea, con-
trà illam agere, peccatum
est. Et hoc sufficiat nobis,
ut ad utiliora procedamus.

5. Quæritur ergo secun-
dò; An, ut quis dicatur, con-
trà Conscientiam operari,

G g 2 sit-

fit necesse, quòd ipsam operationem Conscientiæ judicium comiteretur? Habet v.g. quis Conscientiā erroneam, quòd sit in præcepto, abstinere à Carnibus feria quarta. Dubium est; an, ut agat contrà conscientiam, & peccet, requiratur, quòd actu, dùm carnes comedit, habeat judicium dictans, hoc esse vetitum; an verè sufficiat, quod tale judicium præcesserit. Ad hoc dicendum, puto cum Mag. Medina, sufficere, quòd præcesserit, dùmmodò in virtute perseveret.

6. Dico in virtute, non habitu: Quia Conscientia, ut vidimus, actus est, non habitus: potestque habitus erroneus perseverare, adveniente Conscientia recta, ut si taliter erranti dicat Vir Doctus, nullum esse præceptum abstinendi à carnibus feria quarta, illique talis credat; formabit Conscientiam rectam, cum quā tamen benè perseverare potest habitus ex antiquo jam errore genitus; nec ita facilè mobilis: manducans ergo carnes, nec contrà conscientiā agat, licet contrà erroneum habitum, ex quo fortè ali-

quam etiam habere poterit formidinem.

7. Quòd autem non requiratur, quòd actuale judicium formaliter perseveret, videtur certum, nam aliàs vix aliquis contrà Conscientiam ageret, præcipuè in actibus interioribus voluntatis; actus enim voluntatis judicium subsequitur, & nō est simul cum illo. Pro quo notandum, quòd, antequam Voluntas in objectum feratur, duplicis generis præcedit judicium. Primò namque judicat ratio de honestate objecti, quod est judicium Conscientiæ dictans, aliquid esse, vel non esse faciendum secundum rationē. Deindè judicat de illius executione, hic, & nunc: Quæ licet multoties in unum coincident, & imperceptibiliter fiant: Dùm verò secundum judicium dictat, aliquid exequendum, vel appetendum contrà primum Conscientiæ judicium; cū illi hoc secundum quodammodò contrarietur, non videtur simul stare posse: v.g. in allato exemplo: Judicat ratio, malum esse, carnes comedere, quia prohibitum,

non

non potest simul judicare, bonum esse, comedere, quia delectabile: nam & hoc secundum judicium consultationem exigit, & quod magis est, aliquam contrarietatem dicit cum primo, licet, quia ex diverso principio procedunt, non sint omnino contraria: Voluntatis autem actus judicium secundum sequitur, ut patet: Verum tamen est, quod ut plurimum Judicium, quod dicitur ratio aliquid appetendum contra Conscientiam, comitatur quædam trepidatio, formido, & quasi renitentia, vel difficultas, quæ provenit ex Judicio conscientie, illiusque murmuratio dici potest, ac perinde, licet formaliter transierit, in virtute permanet: Neque in hoc amplius immorandum.

8. Major est difficultas; quomodo nosci possit, judicium Conscientie in virtute perseverare. Mag. Medina insinuare videtur, quod perseveret, quoadusque revocetur. Id tamen absolute non admitterem. Plura namque judicia recta, & certa, nedum falsa, evanescunt ex

naturali oblivione, licet revocata non sint. Adde, quod perseverare aliquid in virtute actu, & non solum habitu, est, perseverare in aliquo, quod actu sit, & aliquam virtutem ejus contineat: puta, ut censeatur intentio virtualiter perseverare, non sufficit, quod retractata non fuerit, sed requiritur, quod actu perseveret aliquid ab ipsa relictum, quod nos potissimum esse, diximus, dum de numerica distinctione actuum ageremus, promptam quandam animi dispositionem, quæ, præciso novo impulsu, ac motivo, ad priorem voluntatem redimus.

9. Ita dicerem hic, Judicium errantis Conscientie in virtute perseverare, quotiescumque; murmur aliquod, aut renitentia, vel trepidatio rationis mox explicata persistit, quæ cessante, putarem, judicium ipsum cessare; proprium siquidem est Conscientie murmurare de actu, quem illicitum judicat. Ita sentire videtur cum pluribus Ferd. de Castro Pal. disp. 1. de Conscientia pun. 4. ubi docet expresse, peccatum non esse, nisi actu Conscien-

tia

tia dīctet, eſſe peccatum, aut ſaltem, operari dubiret. Quod probatur manifeſtè. Nam aliàs illud iudicium non manet in ſe, nec in aliquo actuali eſſectu; ſed ad ſummum in habitu: ergò non poteſt dici, actu, nec virtualiter perfeverare.

10. Nihilominùs etiam hoc limitandum puto; Sæpè namque murmur Conſcientiæ à pravo affectu voluntatis abſorbetur, ut in malè habituatīs, ac perditæ conſcientiæ patet; non igitur defectus murmurationis infallibilis eſt regula, iudicium Conſcientiæ penitùs evanuiſſe, nec in virtute quidem perfeverare. Id ergò tantùm habere locum, puto, quando murmur ceſſat ex totali oblivione, vel inadvertentiā. Quare, ſi prædictum habens errorem carnes mādudaret feriā quarta, nihil advertens; puto, quòd non peccaret, licèt poſteà conſcientia ipſum remorderet; Ratio eſt; quia tunc nullo modo conſcientia errans inſlueret in cōneſtationem, ac perindè non poſſet illam vitare.

Sed, ut fatear, hoc non eſt

peculiare Conſcientiæ errantis: oblivio enim naturalis, & inadvertentiā involuntaria excuſat à tranſgreſſione, cuiuſcumque veræ legis. Cùm autem dictamen conſcientiæ errantis pro verā lege habeatur, iudicandum in omnibus de illa videtur, ſicut de quacumque alia lege; Sicut ergo ex culpabili inadvertentiā tranſgrediens legem peccat, ita ex culpabili inadvertentiā peccabit agens contrā dictamen conſcientiæ errantis.

11. Difficilè tamen eſt, contrā hoc argumentum; Nam indè ſequeretur, quòd Paganus habens Idolū pro Deo, quidquid ageret, peccaret; Nam, vel referret opera ſua in Idolū, & ſic certè peccaret; vel non referret; & ſic pariter peccaret contrā conſcientiam; ex quò enim Idolū habet pro Deo; in ipſum, dictat Conſcientia, omnia opera eſſe referenda.

Duplicem huic argumento ſolutionem adhibet Mag. Medina, & licèt utramque, ut putat Ferd. de Caſtro Palao, ſolvat optimè Salas; mihi tamen earum vim non videtur omninò infringere.

Quid-

Quidquid autem sit: faciliùs respondetur ex doctrina tradita supra cap. 1. §. 3. Quod, si nos fideles non tenemur, semper actualiter omnia opera nostra in verū Deum dirigere, ut benè, saltem moraliter operemur; sed sufficit, quòd secundum rectæ rationis dictamen agamus: Ita nec infidelis ex errante Conscientia tenetur, omnia sua opera semper ad suū referre Idòlum. Quarè, si bonum opus de se, rectèque rationi conforme operetur, nec ipsum ad falsum Idòlū referat, benè utique operabitur, nec peccabit. Videte, quæ ibi diximus: Hæc enim est sana doctrina Theologorum, quam præcipuè cōtrà Jansenium tradit Gonet Man. Tract. *de gratia* cap. 2. §. 1.

12. Quæres tertio: Quomodò Conscientia errans deponi possit? Cajet. & Medina sentiunt, deponi posse ad libitum; Ità ut, quantumcunque ex magna ratione, & autoritate judicet quis falsò; possit pro sua autoritate, & libito, errorem illum deponere, vel non acceptare: v. gr. si mulier à

Prædicatore audiat, mortale peccatum esse, uti alienis capillis, ab eoque adducta ratione vincatur; ipsa tamen ex affectu ad hujusmodi vanitates credat nihilominus, sibi licere, & de facto alienis capillis utatur, non peccat. Rationem afferunt; Quia errans conscientia non obligat per se, sed solùm, quia acceptatur, ergo ex quocumque capite non acceptetur, non obligabit.

Sed verius est, ut communiter sentiunt Casuistæ, non posse, prò libito deponi. Ratio est; Quia Conscientia errans ab errante vera putatur; ergo ab illa recedere, esset formaliter à veritate recedere: Sicut, contrà illam facere, est formaliter contrà legem, & rectam rationem facere, quia stat pro lege, & recta ratione. Nec obstat, quod hujusmodi conscientia nō obligat per se, sed ex sola acceptatione; nā acceptatio ista non est pro libito; sed quia proponitur, & accipitur, ut vera; quousque igitur vera apparet, non potest rationabiliter non acceptari: sed omnino imprudenter.

13. Verum nihilominus puto, quòd, citò quis ratione, vel authoritate, se vinci sentiat ad assensum præstandum erranti dictamini: si tamen verè bona fide credat, id verum non esse, quamvis rationem solvere nesciat, neque contrariam habeat; potest rationabiliter non acceptare; multoties enim experimur, plura nos percipere non posse, immo impossibilia nobis apparere; quorum tamen reddere nescimus rationem, neque solvere contrarias, quod rudioribus potissimum accidere solet. In hujusmodi ergò Casibus ad cōscientiam deponendam, seu potius non acceptandam, non exigemus necessariò contrariæ, & veræ scientiæ acquisitionē; dummodò verè quis bona fide credat, se posse licitè oppositum ejus, quod errans conscientia dictat; puta in casu posito, si verè mulier putaret, se licitè posse uti alienis capillis. Si verò idedò, rationem respuere, ac sententiam non acceptare conetur, ut liberè, quod vult, exequatur, non verè, sed fictitiè conscientiam deponere,

videretur. Quare puto; quòd in simili casu teneretur quis, consulere DD. ac iterum suspendere actum, quòd adusque de veritate certioretur. Quòd si urgeret necessitas, quà non posset ab operatione desistere, puto, quòd posset excusari, modò verè, ut dixi, bona fide licitam credat.

14. Quæres quartò: Quodnam peccatum sit, agere contrà Conscientiam errantem? Ad hoc in primis dicendum, non esse quoddam speciale peccatum; sicut nō est speciale peccatum, agere contrà legem; Conscientia enim habetur, ut lex; Est ergo peccatū ejusdē speciei, ac esset, si Conscientia non esset errans, sed recta; puta dictante conscientia, peccatum esse, in Ecclesia spuerè, propter irreverentiam loci sacri, spuerendo, quis contrà Religionem peccaret. Quamvis enim actus de se totaliter sit indifferens, dum tamen conscientia illum præceptum, vel prohibitum dictat, semper id facit, apprehendendo in illo aliquam rationem Virtutis, vel Vitii, ut ait S. Doctor.

p. 2. q. 19. art. 5. ad 3. unde ex tali apprehensione judicanda erit peccati species.

15. Subdit autem Medina, quòd, si quis tam ignarus esset, quòd putaret aliquid esse malum, & nesciret, quare, vel quale; peccaret ad minùs contrà Dei obedientiam; sed puto, quod omninò semper, implicite saltem, aliqua ratio boni, vel mali particularis apprehendatur, licet non explicitè, ac distinctè, ut satis consideranti patere potest.

16. Major est difficultas; an sit mortale, vel veniale peccatum? Respondetur, quòd, si conscientia dicet esse mortale, mortale proculdubio erit. Si dicet veniale, ita pariter, ut dicunt Montesinus, & alii; Sed hoc puto limitandum, nam, si malitia, quam apprehendit, sit ex genere suo mortale, & materia aliàs gravis; pensatis circumstantiis, existimo, id verum non esse universaliter; sed posse mortale peccatū esse, quamvis cōscientia dicet, esse tantum veniale.

17. Pro cujus intelligentia notandum; quòd in casu potest conscientia dupliciter

errare. Primò dictando, tale actum, vel ejus omissionem esse peccaminosam, quæ in se talis non est. Secundò, judicando peccatum veniale, quod in se mortale est: v. gr. dicat Conscientia, mentiendum esse ad salvandam proximi vitam, quando alia non suppetit via, sed omittere hoc mendacium, esse tantum veniale peccatum. Errat primò, dictando, esse mentiendum, ac perindè peccatum; non mentiri. Errat Secundò, judicando veniale peccatum, non subvenire proximo in extrema necessitate: Tunc ergò, si error secundus esset invincibilis, certè ommissio peccati non esset plus, quàm veniale peccatum. Si autem error sit vincibilis, mihi viderur, quòd ommissio esset mortalis. Ratio est, quia talis, quantum est in se, directe contrà proximi charitatem ageret, licet ex errore. Tum quia, si liceret in casu mentiri, utiq; mortaliter peccaret, nō mentiendū; quamvis putaret ex vincibili errore, id non esse, nisi veniale.

18. Demum, quid dicendum, si conscientia dicet ab-

H h fo-

solutè, aliquid esse peccatū, non determinando, an mortale, vel veniale? Azor. *p. 1. lib. 2. cap. 8.* dicit absolute esse mortale: quia taliter agens exponeret se periculo peccandi mortaliter; cui ex parte videtur adhærere Moresin. *disp. 29. q. 5. §. 2. n. 66.* Ego verò puto, id verum esse, quando materia est aliàs gravis; secus quando materia levis esset; puta, si conscientia diceret esset peccatum in Ecclesia spuerè; nō crederem, nisi venialiter quempiam peccare spuen- do. Si autem ambiguum esset, an materia gravis esset, aut levis; tunc fortè locum quoque haberet dicta ratio de periculo: neque in hoc certa regula potest assignari.

19. Mihi tamen pro qua- si certa regula probatur; ut ex conscientia ipsius mur- mure iudicium sumamus. Ità ut, si fortiter de aliquo murmure, ex hoc ipso mor- tale peccatū dictare, cen- senda sit: veniale verò, si tantū leviter. Sed & in hoc valdè cavendum cum scrupulosis, ac timoratis cō- scientiis, quæ minima quæ- que fortiter apprehendere,

ac pavere solent. Quare prudentia multa opus est.

20. Quæres quintò. An sequens dictamen errantis Conscientiæ benè agat? Sup- posito, quòd, contrà Con- scientiam agere, semper sit peccatū: Et similiter si error sit vincibilis, & culpabilis, quod non excusetur, sed, omninò peccet, sequens ta- men dictamen, si contrà le- gem, & rectā rationem sit: Ac demum, quod si error sit invincibilis, & inculpabi- lis, excuset à peccato, quam- vis actū in se contrà rectam rationem esse contingat: Restat modò difficultas: an sequens dictamen conscien- tiæ invincibiliter errantis, non solūm excusetur, sed etiam benè agat.

Quamvis autem S. Doct. citata *q. 19. art. 6.* solūm concludat in corpore, quòd si error sit vincibilis, volun- tas erranti conscientia con- cordans erit mala, non bona: Si autem error sit invincibi- lis, non erit mala, quia ex- cusatur à malitia: Dubitan- dum non est, ipsum verè in- telligere, conscientiam in- vincibiliter errantem, non solūm excusare, sed & bo- nam

nam reddere operationem illi conformem; aliàs enim diminutè processisset, nec satisfecisset quæsito proposito: Utrum scilicet, voluntas concordans rationi erranti sit bona: qui titulus erat articuli. Puto nihilominus, quòd satis D. Thom. mentem suam explicaverit in principio corporis, ubi præmisit quæstionem hanc eandem esse cum illa, qua quæritur, utrum conscientia erronea excuset; ac proinde apud ipsum idem est, conscientiam excusare, & voluntatem illi concordantem esse bonam: Si ergò determinat, rationem invincibiliter errantem excusare, consequenter sentit, voluntatem hujusmodi rationi concordem bonam esse.

Nec certè aliter asserere potuit, si consequenter ad superiora locutus est; Quæst. enim præced. nullum vult S. Doct. dari actum indifferenter in individuo; sed omnem esse, vel bonum, vel malum: ergò si voluntas rationi erranti concordans nō est mala, quia excusatur; si bona non esset, jam utique indifferens: ac per conse-

quens D. Th. sibimet contradiceret; Ità expressè D. Thom. intelligit Alvarez ad dictum art. 6. & Montefin. cum aliis *disp.* 27. q. 5. §. 1. tanquam certum supponit, accessum Jacob ad Liam, nedum caruisse malitia, sed bonum, honestum, ac meritum fuisse, & infra supra eundem art. 6. repetit, voluntatem bonā esse, quando error est involuntarius.

21. Probatur ergò assertio ista, quam præter alios, docent ex antiquis Almaynus, & Cordubensis apud Azor. *p. 1. lib. 2. cap. 8.* Voluntas concordans, & sequens prudens judicium, bona est: atqui talis est voluntas concordans rationi invincibiliter erranti: ergò bona est: major videtur omnino certa; judicium enim prudens est proxima, & immediata regula humanorū actuum: Minor, in qua potest esse difficultas, omissis cæteris, quæ in ejusdem confirmationem possent afferri, probatur evidenter. Judicium in operabilibus moraliter certum de veritate, ac rectitudine operationis, est judicium prudens: cum

Hh 2 enim

enim in operabilibus, utpote, quæ à circumstantiis, variisque accidentibus, hic, & nunc occurrentibus potissimum dependent; evidens, & scientifica certitudo, ut plurimum, haberi non possit, si ad prudens iudicium non sufficiat moralis certitudo; vix dabitur in humanis iudicium prudens: Atqui iudicium Conscientiæ invincibiliter errantis est iudiciū certum moraliter de veritate, ac rectitudine operationis; illud ergo est prudens iudicium. Probatur hæc minor. Certitudo, quæ major humano modo haberi non potest; proculdubio est certitudo moralis: huiusmodi autem est certitudo cōscientiæ invincibiliter errantis, aliàs non esset invincibilis error: igitur ejus iudicium est moraliter certum de veritate, ac rectitudine operationis, & consequenter prudens iudicium.

22. Explicatur hoc ipsum. Habens erroneam conscientiam, aliquam certitudinem de suo iudicio habere debet; ac talem, quæ dubium excludat; aliàs conscientia esset dubia, non et-

ronea: Si autem non adeo certus sit, quin aliquam admittat trepidationem, ad hoc, ut invincibilis illi censeatur error; tenetur majorē adhibere diligentiam, juxta ea, quæ infra dicemus. Vel ergo commoditatem habet adhibendi congruam diligentiam, vel non: Si non habet; jam utique humano modo majorem certitudinē habere nequit. Si habet commoditatem, & non facit; adhuc error non censeatur illi totaliter invincibilis; quia invincibile dicitur, quod, morali adhibita diligentia, vinci non potest. Si autem facit, & adhuc error non superatur, jam non potest majorem habere certitudinem, & per consequens moraliter certus erit.

23. Contrà tamen est in primis autoritas S. Doct. in eodem art. 6. in resp. ad primum, ubi ait ex Dionys. quod, *Bonum causatur ex integra causa, malum autem ex singularibus defectibus*; & ideo ad hoc, quod dicatur malum id, in quod fertur voluntas, sufficit, sive, quod secundum suam naturā sit malum, sive quod apprehendatur, ut

malum, sed ad hoc, quòd sit bonum, requiritur, quòd utroque modo sit bonum. Ex quibus manifestè colligitur, quòd, cum id, in quòd fertur voluntas ex dictamine Conscientiæ adhuc invincibiliter errantis, in se malum sit, quamvis, ut bonum apprehendatur, non sufficit ad bonificandum voluntatem, licèt per invincibilem ignorantiam à peccato, & malitia excusetur; quia, ut bona sit, requiritur, quòd feratur in bonū utroque modo, scilicet, & bonum apprehensum, & bonum in se.

Sed ex hoc nil contrà nos convincitur: Notandum, ergò, quòd S. Doct. hujusmodi solutionem adhibet, ut ostendat, non omnem voluntatem rationi erranti concordem esse bonā, quòd probabat argumentum. Dicit ergò, quòd, ut sit mala, sufficit quod in malum feratur, vel in aliquod, ut malum, apprehensum. Ut autē bona sit, requiritur utrumque, & quòd bonum sit, id, in quòd fertur, & ut bonum apprehendatur. Quia ergò voluntas concordans rationi erranti vincibiliter fertur in

aliquid, quod in re malū est, quamvis apprehendatur, ut bonum, non sufficit, ut ipsa bona sit. Cæterum voluntas concordans rationi erranti invincibiliter, non solum fertur in id, quod ut bonum apprehenditur, sed etiam, quod bonum est in re: Bonum, inquam, hic, & nunc, licèt absolutè, & nudè sumptum sit malum; quia per invincibilem errorem à malitia depuratur, & bonum redditur, hic, & nunc, quod non contingit, si error sit vincibilis; undè volūtas fertur in malum in re, nec à malitia ullatenus depuratum.

24. Pro cuius intelligentia sciendum est. Quòd Judicium Prudentiæ non est judicium de re absolutè, & nudè sumpta; sed attentis omnibus ejus circumstantiis, quibus, hic, & nunc vestitur; Cum enim sit dictamen practicum, exercitiū, & actua-lem operationem, ut ponendam in re, dirigens, debet ipsam respicere, non secundum se, & in abstracto, sed in singulari, & cum circumstantiis, cum quibus in re ponitur. Hinc fit, quòd multoties Prudentia ipsa

pro-

prohibet operationes de se, & ex genere suo bonas, & honestas propter aliquam particularem circumstantiam, ratione cujus, hic, & nunc non expediunt, v.g. bonum, & honestum est absolute, Peregrinari ad visitanda Sacra, locaque Sacra; nihilominus id prohibere potest Prudentia Patrisfamilias, aut Prælati, nè absentia eorum in præjudicium familiæ cedat, vel commissi gregis: Indèque sequitur, quod Judicium in practicis, quod absolute consideratū verum est, falsum esse possit, attentis circumstantiis, hic, & nunc occurrentibus; puta in allato exemplo; Verum est hoc judicium, Bonum est peregrinari, falsum autem idem est, attentā Patrisfamilias, aut Prælati circumstantia cum præjudicio gregis, aut familiæ.

25. Sicut autem ratione circumstantiæ propositio, quæ absolute considerata verum est, falsificari potest; ita per oppositum propositio, quæ nudè sumpta falsa est: attentis circumstantiis, vera esse potest: v. gr. hæc propositio, licitum est hominem occi-

dere, nudè sumpta, falsa omnino est. Si autem illi addatur circumstantia inuasoris, à quo aliter inuasus defendere se non potest, vera est: verè namque licitum est, occidere hominem inuasorem, quando alia non superest defensio. Ità in casu nostro; quamvis Judicium cōscientiæ invincibiliter errantis nudè sumptum falsum sit, attentā nihilominus circumstantiā invincibilis ignorantiae, verum omnino est; sicque Judicium, quod habuit Jacob, accedendo ad Liam, verum fuit, non enim absolute dictavit, licitū est accedere ad istam mulierē, quod falsum fuisset, sed ex suppositione, quod sua Uxor esset.

26. Quod manifesto convincitur argumento. Impossibile est, quod conclusio per bonam consequentiam ex utroque principio vero deductam, vera non sit; ex vero siquidem falsum sequi non potest; hæc autem propositio ex utroque principio vero deducitur, hoc syllogismo. Licitum est accedere ad mulierem, quæ invincibiliter sua Uxor creditur; sed ista invincibiliter

pro-

propria Uxor creditur: ergo licitum est ad illam accedere. Vera igitur esse debet ista conclusio, cum utraque præmissa, ex quâ deducitur, vera sit, supposito invincibili errore. Cùm autem, ut dictum est, operatio prudenti judicio conformis nō possit bona non esse: manifestum est, quòd voluntas tali dictamini concordans bona sit: quia non solum est erga bonum apprehensum; sed bonum in re, hic, & nunc, utpotè prudenti Judicio cōforme.

27. Neque dicas, hujusmodi discursus, ac reflexiones, neque necessarias esse, neque fieri solitas. Quamvis enim expressè non fiant, virtualiter tamen, implicite, & quasi in exercitio fiunt; & verè in re virtute illius discursus conscientia dictat.

28. Quia immo, adhuc admissio, quòd nec implicite fiant hujusmodi reflexiones; propositio illa vera est, quamvis ex una præmissa falsa deducatur; ut patet in hoc Syllogismo. Licet accedere ad propriam Uxorē, hæc est propria Uxor; ergo ad ipsam licet accedere.

Quamvis minor falsa sit: conclusio est vera; ex falso nāque juxta regulam Dialecticorū sequi potest verum. Quod autem talis conclusio vera sit, probatur manifestè, nam, licet, absolutè loquendo, falsum sit licitum esse, ad hanc mulierē accedere, verum tamen est, supposita ignorantia invincibili; nam verè licitum est accedere ad illam, quæ invincibiliter creditur propria Uxor. In conclusione autem non asseritur absolutè, quod liceat ad istam accedere, sed ex suppositione minoris, quæ invincibiliter ignoratur, & cujus virtute intellectus assentitur conclusioni; ergo illa vera omninò est.

Quod, & confirmari potest ad uberiorem doctrinā. Supposito enim invincibili errore, talis actus, vel est licitus, vel illicitus; vel indifferens; usque modò aliam speciem actus moralis; nescierunt excogitare DD. Certum est autem, quòd talis actus nō est illicitus, quia excusatur à malitia in omnium sententia, cùm nemo peccet in eo, quod vitare nō potest. Si dicas, quod est

in-

indifferens: Hujusmodi actus quamvis de se neque boni, neque mali sint; boni tamen, vel mali reddi possunt per aliquam circumstantiam: Manifestum est ergò, quod, si accedens, v. gr. ad non suam, quam invincibiliter suam credit, ad honestum finem, ut debet, suum ordinet accessum; illum utique bonificabit, quamvis aliàs esset indifferens: ergò absolute verum est, quod agens opus de se malum cum invincibili errore, quod bonum sit; benè agit, non solum à malitia excusatur: quia ex hoc ipso ad honestum finem ordinat, quem dicit ratio ipsa bonitatis, quam in actu, & opere apprehendit.

29. Ex quibus colligitur, quod Conscientia errans invincibiliter non dicitur propriè errans, quia erret formaliter in suo ultimo iudicio proximè, & immediatè directivo operationis; in hoc enim verè, & non falsè iudicat formaliter; sed quia iudicium hoc fundatur in alio iudicio falso, quod quidem falsum est, licet invincibiliter ignoretur. Et ideo conscientia ipsa non dicitur ab-

solute vera, & recta, sed errans invincibiliter. In quo differt à Conscientia vincibiliter errante, hujus enim Iudicium, non solum fundatur in errore, sed & ipsum falsum est; quia dicitur licitum id, quod in se malum est, & malum permanet; cum error vincibilis non sufficiat ad purgandam illius malitiam, Per quæ faciliè solvuntur, quæ contrà possent obijci, undè ista sint satis,

§. III. De Conscientia Dubia.

SUMMARIUM.

1. Conscientia formaliter dubia est, dùm ratio iudicium suspendit, & nulli parti assentitur.
2. Admittenda est in legitimo sensu divisio Conscientiæ in speculativam, & practicam.
3. Speculativam dicimus, quæ dicitur in communi, & universali; practicam verò, quæ in particulari, hic, & nunc.
4. Potest etiam hæc divisio bis terminis explicari, scilicet in Conscientiâ generalem, & particularem.
5. Conscientia formaliter, & pra-

practicè dubia, operantem peccare, autoritate ostenditur.

6. *Idem probatur; quia talis peccandi periculosè exponit.*
7. *Explicatur, an, & quomodo liceat, pro spirituali vita proximi, periculo exponere propriam etiam spiritualem.*
8. *Petrus dubitans, an ager possessus verè sit suus, licitè retinet, quia in Dubiis melior est conditio possidentis, ex quò dubius non est formaliter de sua possessione licita.*
9. *Ad peccatum sufficit, operari sinè certa regula, nec requiritur, quòd actus contra particulare sit dictamen.*
10. *Generale dictamen sufficiens non est ad bonificandum, benè verò ad vitandum ab illo discordem.*
11. *Si requiritur etiam particulare dictamen ad peccatum, sufficit dictamen, vel signatum, vel exercitum, distinctivè.*
13. *Stare potest iudicium certum de petendo, vel reddendo debitum, cum dubio de validitate matrimonii.*

1. **C**IRCA dubiam conscientiam occurrit primò; An stante Conscientiâ dubiâ, liceat quidquam operari; Et quæritur de conscientia dubia formaliter, ita scilicet, ut ratio iudicium suspendat, & nullum præstet assensum ad aliquam contradictionis partem: Hoc est enim, esse formaliter dubium, nam si ad unam partem assensum præbeat, quâquam cum formidine, ac timore alterius partis, non erit dubia, sed probabilis, vel opinativa Conscientia, de quâ infrâ. Ubi advertendū est, quòd non sufficit ad excludendū formale dubium, quòd ratio aliquàlter potius in unam, quàm in alteram partem inclinet, quod suspicionem esse, diximus, sed requiritur, quòd verè determinatè iudicet.

2. Deindè notandum, quòd licèt universum Conscientia practicum sit dictamen, immo, & ipsa Synderesis, utpotè directè, & per se, ac ex natura sua opus respiciens: hoc non obstante, communiter dividi solet conscientia in speculativam, & practicam, quæ divisio, li-

cet. ab aliquibus immeritò rejiciatur, omninò admit-tenda est in suo vero, & le-gitimo sensu, in quo ab Au-thoribus usurpatur; valdè namque conducit ad plures difficultates in re morali re-solvendas.

3. Dicitur ergo Con-scientia speculativa, non quia verè practicum dicta-men non sit, verùm quia speculativo judicio assimi-latur, & ad illud quodam-modo accedit. Proprium est enim speculativi, abstrahere ab hic, & nunc, & singula-ribus circumstantiis, de qui-bus non datur scientia; & rem in abstracto, & univer-sali quadam ratione consi-derare. Sic igitur Conscien-tia speculativa dicitur, quæ in communi, & universali dictat, aliquid faciendum, vel nò, puta malum est alic-na rapere; Præceptum est die festo Sacrum audire; Non licet ex mutuo aliquid accipere. Conscientia verò practica est, quæ dictat hic, & nunc aliquid esse facien-dum, vel non: v. gr. Ho-die mihi laborandum non est, quia festum: Hæc ac-ceptio ultra sortem non est

licita, sed usuraria.

4. Si quis verò ad vitan-das contentiones velit, spe-culativā Conscientiam ge-neralem Conscientiam vo-care, & practicam particu-larem, admittamus; parùm enim ad rem, sed quæstio est de nomine. Præ oculis ta-men habenda est hæc distin-ctio, quia valdè utilis est: Ut enim diximus præced. 5. judicium, quod in se nudè sumptum verum est; per ali-quam advenientem circum-stantiam falsificari potest, & è contrà; Hinc est, quòd ut juxtà Conscientiam ope-remur, non tantùm genera-le, & speculativum, sed po-tissimè practicum, & parti-culare attendendum est; hoc enim est proxima, & imme-diata regula operationis: Abstrahendo igitur nunc à quæstione, utrùm stante du-bio generali, & speculativo, possit particulare, & practi-cum certitudinem habere; puta, an dubitans, aliquem contractum illicitum esse, determinatè possit judicare, sibi licitum hic, & nunc, de quà infra: Querimus nunc; An stante judicio particula-ri, & practico formaliter

du-

dubio , licitum sit , operari.

5. Et omninò dicendum est ; peccare , qui conscientia formaliter , & practicè dubia operatur , quod manifestè colligitur ex illo ad Rom. 4. Quod non est ex fide , peccatum est ; Ubi communiter à Sanctis Patribus per fidem , Conscientia ipsa intelligitur ; Opus autem factum , stante dubia conscientia , non esset ex fide ; qui enim est formaliter dubius , non habet Conscientiam de honestate suæ operationis , cùm conscientia determinatum importet iudicium : ergò tale opus peccatū esset .

Confirmatur ex Dionys. sæpè adducto ; Bonum debet esse ex integra causa , malum autem ex quocunq; defectu : talis autem operatio non esset ex integra , sed deficiente causa ; deficeret enim ipsi regula proximè directiva , quæ est practicum , & particulare iudicium cōscientiæ ; mala ergò esset .

6. Probatum deindè communi ratione . Exponens se manifesto peccandi periculo , peccat , juxta illud : Qui amat periculum , in illo peribit ; omninò enim imprudē-

ter agit : operans autem cōscientia formaliter , & practicè dubia , manifesto se periculo peccandi exponit : ergò peccat . Probatum minor . Qui nullam habet de operationis honestate securitatem , evidenti se peccandi periculo exponit ; operationem eliciendo ; ambulans enim v. gr. per loca , ubi potest impingere , & cadere , absque ulla securitate , se manifesto exponit cadendi periculo ; atqui operans , conscientia dubia , nullam habet de bonitate operationis securitatem ; non enim apparet , undè vel minimam possit habere ; Si enim aliquam haberet , illam utique cognosceret , hanc autem cognitionem habere non potest , nisi per aliquod iudicium , quo aliquo modo licitam cognosceret operationem ; sed si hoc iudicium haberet , jam non esset formaliter dubius , quia conscientia dubia omne iudiciū excludit : operans igitur cōscientia dubia , se periculo exponit , ac perindè peccat .

7. Dices fortè . Non esse universaliter verum , peccatū esse , periculo se peccandi ex-

ponere: ut enim docet Mag. Soto lib. 5. *just. q. 1. art. 6.* licitum est pro salute spirituali proximi propriam vitam spiritualem exponere periculo; immo id opus esset præstantissimæ charitatis: nemo autem exponit periculo spiritualem vitam, nisi exponendo se periculo peccati: Falso ergo nititur fundamento nostra conclusio, vel saltem non universaliter vero; ac per consequens deficere potest in aliquo saltem casu.

Ad hoc Mag. Medina vellet negare absolute, licitum esse, ullo modo spiritualem vitam periculo exponere; sed tenetur autoritate tanti Magistri: Sano igitur modo intelligenda est propositio illa; ita scilicet, ut periculum se teneat solum ex parte imbecillitatis, & infirmitatis humanæ, non autem si absolute periculum adfit, nulla ex parte roborata propria salute. Itaque si quis v. gr. dubitaret absolute se in peccatum casurum, alloquendo mulierem, non liceret ipsi, ad eam convertendam, vel consilium, aut aliud ad salutem necessarium

præstandum, alloqui: esset enim id non ex charitate, sed ex imprudentia operari, ac totum charitatis ordinem, pervertere, quo certè, non plus proximum, quam nos ipsos; immo plus nosmet ipsos, quoad spiritualia, quam proximum, diligere, & curare debemus: ut idem Mag. Soto ibi explicat ad secundum. In tantum ergo licet aliquo spiritualis vite periculo se exponere pro spirituali proximi vita; in quantum, cum id cautè, & debita sit *circumspectio*, ac potissimum firmiter Divino adjutorio confiditur; satis optimè propriæ salutis consulitur. Unde nec absolute Mag. asserit, licitum esse, periculo se exponere, sed aliquo; id est post habita aliqua tutiori cura, & via, quæ quis propriæ salutis commodius, & severius posset consulere; puta intra claustra meditationibus, aliisque piis *exercitationibus* insistendo. Si quis ergo ex nimio charitatis ardore, ac perinde prudenter hæc omittat, ut proximo subveniat, ex hoc ipso melius, aut tutius propriæ consulit salutis; cum hoc ipso

fo Charitatem nutriet, quæ est vinculum perfectionis. Quare licet, hoc modo qualicumque periculo exponi, quia eadem periculi expositione periculo ipsi cavetur.

8. Ad maiorem explanationem, Obijcies primò. Petrus dubitans, an ager, quem possidet, sit suus, potest illum tutâ conscientiam retinere; sed tunc illud retineret conscientiam dubiam, ergo non est peccatum conscientiam dubiam operari.

Respondetur, quod Petrus in tantum posset agrum retinere, quia in dubiis melior est conditio possidentis, ac per consequens haberet verum, & certum dictamen, quod sibi licet possidere agrum, de quo dubium est, an verè sit suus, teneretur nihilominus inquirere veritatem; nam regula illa, melior est conditio possidentis; valet solum, quoadusque veritas haberi non potest: Si autem culpâ suâ veritas lateret, in mala esset fide; undè nec frui posset beneficio præscriptionis. Ad summum igitur Petrus consideret agrum conscientiam dubiam speculative, nam pra-

cticè per dictam regulam certificaretur.

9. Obijcies secundò. Omne peccatum est contra speciale aliquod practicum, & singulare dictamen, quod est proxima, & immediata regula operationis, nam generale non est sufficiens regula, undè ab illo discordare potest operatio, ut supra tetigimus, & infra melius explicabimus; operans autem conscientiam dubiam non agit contra practicum, & particulare dictamen, quia nulum tale dictamen adest, conscientia manente dubia, non ergo peccat.

Responderi posset in primis, necessarium non esse ad peccatum, quod quis contra particulare dictamen operetur, sed sufficere, quod sine certa regula operetur; quod satis insinuare videtur Apostolus, dum ait; Quod non est ex fide, hoc est ex conscientia, peccatum est: Et amplius comprobatur; nam agens juxta conscientiam vincibiliter errantè peccat, & certè non agit contra practicum dictamen.

10. Nec probatio in contrarium aliquid obstat. Ex hoc

hoc enim, quòd generale dictamen sufficiens non sit regula, benè argui potest, quòd actus illi conformis adhuc bonus non sit, nisi etiam conformetur dictamini practico, & particulari; quia bonum adæquatā exigit regulam, & cum illa perfectam adæquationem. Non autem potest inferri, quòd actus à generali dictamine discordans malus non sit: cùm enim illud verè sit regula, & malum ex quocunque defectu nascatur; licet non sufficiat hujusmodi dictamen ad bonificandum, sufficit ad vitiandum actum ab eo discordantem. Quòd autem aliquando possit licetè operatio à generali dictamine discordare, id est, quia per aliquam particularem circumstantiam, & dictamen modificatur, & limitatur ipsum generale, ut videbimus.

11. Vel etiam si velimus admittere, omne peccatum esse cōtrà particulare dictamen humanę rationis: intelligendum erit de dictamine, sive signato, sive exercito; disjunctivè; hoc est contrà dictamen, quod actu habet

operans, vel contrà dictamen, quod natura ipsius actus, attentis omnibus circumstantiis, exposceret. Sicut, ut artifex contrà regulas artis operari dicatur; non est necesse, quòd præ oculis regulam habeat, sed sufficit, quòd ejus opus à regula, cui conformari deberet, deficiat: de moralibus enim pariformiter ad artificialia discurrendum est.

12. Objicies tertio: Si operari conscientia dubia, peccatum, esset, sequeretur, quòd aliquis citrà suam culpam esset perplexus, & ex necessitate peccaret; puta, si conjux dubitaret de valore sui matrimonii, & stante dubio, quod non potuit deponere, peteretur ab alio Conjuge; sive redderet, sive negaret debitum, peccaret; non reddendo enim, exponeret se periculo injustitię, & reddendo, fornicationis, quod maximum est inconveniens.

Respondetur, quòd casus iste difficillimus est, nec in ejus resolutione conveniūt DD. ut videre est apud Montesin. præcipuè disp. 29.

q. 4. §. 4. Pro quo tanto autem spe-

spectat ad præsens, notandum est, quod manente dubio de valore matrimonii, potest certum haberi iudicium de reddendo debito, vel non, quod ex dicendis infra constabit, cum agemus de dubia conscientia deponēda. Dico ergo, quod stante dubio, non solum de validitate matrimonii, sed etiam de licita redditione, vel negatione debiti; utique talis, quidquid ageret, peccaret, quia exponeret se periculo; non tamen absque sua culpa esset perplexus, quia dubium quodlibet deponi potest, ut dicemus; Si ergo non deponit, ut potest, ac debet, sibi imputet.

• *Sequitur Summarium.*

13. An stare possit cum dubio speculativo certitudo practica.
14. Quid sit dubium juris, & facti.
15. Adveniente aliqua particulari circumstantia, variari potest iudicium hic, & nunc.
16. Tunc autem particulare iudicium extrahitur quodammodo à subiectione generalis, & sub alio pari-

ter generali collocatur.

17. Non potest singulare, & practicum iudicium ab universali, & speculativo prudenter discordare, invariatis omnino terminis.
18. Probatur assertio ex illo principio. Omne, quod non est primum, in unoquoque genere, ad aliud reduci debet, & ab illo mensurari.
19. In moralibus præcisa ratio speculativi, & practici non sufficit ad contradictionem tollendam.
20. Probatur, quia iudicium speculativum est regula, cui debet commensurari practicum.
21. Iudicium speculativum, & practicum in veritate omnino conveniunt.
22. Exercitium variat quidem objectum in ratione specificantis actum, vel habitum, non autem in ratione mensuræ veritatis.
23. Argumentum ad hominem contra adversarios.
24. Ad tollendam contradictionem non sufficit sola diversitas ex parte attingentis, sed requiritur diversitas ex parte objecti.
25. Nulla superveniente circumstantia, conclusio speculativè

lativè probabilis, etiam talis est practicè .

26. *Stare non potest cum dubio speculativo certitudo practica ; cum non possit regulatum certius esse regulà .*
27. *Confirmatur ; quia non potest conclusio premissas excedere in certitudine .*
28. *Item ; quia non potest quis judicare , posse utramque contradictionis partem esse veram .*
29. *Quarè potest dari conclusio vera ex principio falso , & non certa ex dubio .*
30. *Immo stare non potest practicum judicium verū cum falsitate speculativi , sub quo adequatè continetur .*
31. *Vel etiam admitti potest , modò veritas aliundè conclusioni adveniat .*
32. *Aliud est, aliquid esse certum in se , aliud, certum intelligenti .*
33. *Ut milites in conscientia teneantur obedire , non est necesse , quòd judicent practicè bellum justum, sed sufficit , quòd ejus injustitia non constet .*

13. **Q**Uæres secundò .
An stare possit cum dubio speculativo cer-

titudo practica. Quod idem est, ac quærere . Utrum dubitans , an aliqua actio licita sit , necnè : possit item certus esse , hic , & nunc in exercitio sibi licitam esse ; puta : dubitat quis , an sibi liceat Sacrum omittere , ut infirmum custodiat , quæritur , an tali dubio stante , possit certò judicare sibi licitam Sacri omissionem . Et pro nunc certum judicium voco quodlibet judicium determinatum, formale dubium excludens . Resolutio præsentis, & sequentis quæstionis valdè necessaria est , nedùm pro dubia, sed & pro Conscientia opinativa , & probabili ; undè utraque aliquando accuratius examinanda est .

14. In hac re distinguunt aliqui . Si enim dubium sit de jure , dicunt posse cum dubio speculativo practicū determinatū judicium componi ; secùs verò , si dubium sit de facto . Dicitur autem dubium de Jure, quandò dubium est , an actio licita sit ; quia dubitatur , an sit contrà dispositionem Juris , legis, Præcepti , aut Rationis, quod idem est : v. gr. si quis du-

dubitaret, an licitum sit, die festo aliquod opus exercere. Dubium autem facti, quando dubitatur, an actio licita sit, quia dubitatur, an aliquid factum sit, vel res talis, vel talis sit; v.gr. Si Sacerdos dubitet, an sibi liceat celebrare, quia dubitat se fecisse homicidium, seù dubitat, an Panis triticeus, sit, vel azy mus. Cæterum hæc distinctio nulla est, ut ex resolutione dubii patebit.

15. Quia verò dubium hoc ferè coincidit cum eo; An Judicium practicū discordare possit à speculativo; quòd infrà, dùm de Opinativa Conscientia tractabitur, esset resolvendum, ideò nè inutiliter eadem repetenda forent, hic universaliter difficultatem resolvemus. Ut autem, quòd fieri potest clariùs, & brevius procedamus, & ab incertis certa separemus: Dubium esse non potest, quia adveniente in singulari aliqua circumstantia, variari possit Judicium, hic, & nunc: Puta; certò scio, quòd rem alienam retinere, non possum, sed Domino reddere, teneor: Si tamè hic, & nunc

rem habeam alterius, quàm nunc extremè indigeo, prudenter judicare possum, non teneri me, nunc illam Domino reddere.

16. Sed advertite, quòd tunc meum judicium extrahitur quodammodo à subjectione illius generalis, & sub alio pariter generali judicio, ac dictamine collocatur; puta isto. In extrema necessitate potest quilibet, uti re alterius; quia in tali casu Jus acquirit ad id, quod sibi necessarium est; nec potest rationabiliter Dominus, illud repetere. Sicut enim dari non potest individuum, quod sub aliqua determinata specie non cõtineatur; ità nec dari potest aliquod singulare judicium, quod sub aliquo universali, velur sub specie, contentum non sit: Non autem contineri potest sub universali judicio, à quo discordat: ergo sub alio, cui consonet.

17. Quibus præmissis nõ minùs clarè status quæstionis, quàm ejusdem resolutionis apparet. Quæritur enim; an de eadem re, seù actu, invariatis omninò terminis, prædicato scilicet, & subje-

cto, possit iudicium singulare ab universali, sub quo adæquatè continetur, discordare; ità ut, quòd universale iudicium dictat illicitum, singulare dictare possit licitum?

Er dicendum. Non posse ullo pacto prudenter, invariatis omninò terminis, practicum, seu singulare iudicium ab universali, & speculativo discordare. Probatur in primis conclusio ex Philosophia. Repugnat omninò, quod aliquis sanæ mentis duabus propositionibus contradictoriis assentiatur; atqui hoc esset, si omninò invariatis terminis, ferret quis iudicium singulare discordans ab universali, sub quo adæquatè continetur: ergò nemo, nisi insanus, nedùm imprudens, potest huiusmodi iudicium habere. Major est indubitatum Philosophiæ axioma, quod negare esset, totam destruere Philosophiam. Minor quoque certissima est: Etenim *propositio universalis affirmativa, & particularis negativa, vel universalis negativa, & particularis affirmativa in eisdem*

terminis contradictoriè opponuntur, sic autem esset in casu, de eodem enim actu, de quo iudicium universale dictaret esse illicitum, particulare negaret, aut è contrà v. gr. Non licet in mutuo aliquid ultrà sortem accipere: Licet nunc mihi in mutuo aliquid accipere, quis non videat, contradictionē evidentissimam esse, nisi aliqua interveniat circumstantia, quā conditio actus varietur?

18. Probatur deindè non minùs efficaci, quàm evidenti ratione morali petita pariter ex Philosophico Principio. Omne, quod primum non est in unoquoque genere ad aliud reduci debet, & ab illo mensurari. Primum enim in quolibet genere est mensura cæterorum. Sic prima principia in speculabilibus mensura sunt omnium veritatum. Sic Deus primum ens, est mensura omnium entium. Primum mobile, mensura omnium motuum. Sic igitur quælibet regula, & mensura, quæ prima non est, mensurari debet ab alia Superiori, illique conformari, ut vera

vera, & recta sit. At quodlibet iudicium particulare, practicum non est prima regula moris, & operationis humanæ: ergò ab alia superiori mensurari, illique conformari debet, ut recta sit, & prudens; atqui mensurari non potest, nisi à iudicio speculativo, & universali, sub quo adæquatè continetur: ergò, ut vera, & recta regula sit, ab illo mensurari, & illi conformari debet; ac per consequens ab illo discordare nō potest.

Major, præterquam quòd ex illo communi principio satis constat; certissima est in moralibus, nulla enim regula vim, & virtutem regulæ habere potest, nisi primæ regulæ, rationi scilicet Divinæ, sit conformis, immo nulla est regula, nisi quatenus participatio est ipsius Divinæ rationis, æternæ legis, ac primæ regulæ. Minor indubitata est, & cōsequentia evidens.

Minor autem subsumpta probatur, & explicatur. Nullum particulare iudicium, nedum practicum, sed nec speculativum, immediatè derivatur à Divina

Ratione, sed omnia medio aliquo iudicio universali, speculativa quidem per prima principia speculativa, & practica per prima principia practica, ad hoc enim dantur habitus naturaliter inditi primorum principiorū speculabilium, & Syndere-sis pro practicis: Commune siquidem est causis inter se subordinatis, ut infimæ, non immediatè, sed mediis aliis causis superioribus, influxum recipiant à prima: undè nullus effectus naturalis naturaliter producitur à Deo, nisi mediis causis secundis, quanquam possit extrà ordinarium cursum, naturæ ipse Deus, præciso cujuscumque alterius causæ concursu, aliquem præstare effectum. Sic igitur naturali, & humano modo nullū particulare iudicium regulatur immediatè à prima regula, sed medio aliquo universali principio, quamvis possit extraordinariè, puta; per immediatam Dei regulationem, aliquod particulare iudicium haberi, de quo modò non disputamus. Hoc posito; sic probatur minor subsumpta. Iudicium

particulare mensurari non potest, naturaliter saltem, à prima regula, & mensura, nisi media regula proxima, & immediata; sed nulla potest assignari proxima, & immediata regula illius, nisi universale judicium, sub quo immediatè, proximè, & adæquatè continetur: nam, & ipsa principia universalissima, puta Bonum est faciendum, Malum fugiendum; non nisi per alia inferiora particularibus applicantur; ut manifestum est: ergò à judicio universalis, sub quo continetur, particulare mensurari debet, illique conformari, ut primæ regulæ sit conforme.

19. Per quæ penitus evacuetur effugium, quod scilicet, ex hac ipsa ratione, quòd unum sit speculativum, & aliud practicum, bene potest unum ab altero discordare; nedùm universale à particulari, sed idem particulare judicium à se ipso. Per hoc enim tollitur contradictio; quia licèt materialiter judicium sit idem, formaliter tamen est diversum: v. gr. Non licet mihi, hic, & nunc manducare car-

nem, licèt mihi, hic, & nunc manducare carnem, Contradictoria non sunt: Si in primo judicio præcisè ad veritatis contemplationem, & terminorum convenientiam attendam. In secundo verò exercitè operationem respiciam. Hoc inquam, nihil valet: Nam præterquãquòd in moralibus coincidunt speculativum, & practicum, & in re ipsa universalissima principia Synderesis practica sunt, sicut ipsa synderesis practicus habitus.

20. Præter hæc, inquam, judicium practicum immediatè subjicitur: non potest ergò à prima regula non discordare, si à proxima, & immediata discorder.

Deindè, ut dictum est; dari non potest particulare judicium, quod sub aliquo universali non contineatur; cui proindè conformari debet, ut alteri universaliori, ac demùm ipsi primæ regulæ sit conformis, materialiter enim gradatim procedunt causæ ad invicem subordinatæ, ita ut una non nisi media alia concurrat, & influat. Tum sic. Illud universale judicium, cui neces-

fariò debet conformari particulare, non respicit exercitè operationem, sed signatè, & in cõmuni; universale siquidem ex ipsa natura universalitatis abstrahit ab exercitio, hic, & nunc: ergò si hoc sufficit, ut iudicium speculativum sit; tale iudicium speculativum erit; at nihilominùs non potest ab illo discordare iudicium particulare, & practicum; quia debet omninò habere, & conformari suæ regulæ proximæ, & immediatæ: ratio ergò præcisa practici, & speculativi non est sufficiens causa dissonantiæ; sed aliundè ratio discordantiæ peti debet; undè autem, nisi ex aliqua nova ratione, & circumstantia, quâ non respiciat illud universale iudiciũ.

21. Denique Iudicium speculativum, & practicum in veritate omninò conveniunt, & solùm differunt penès hoc, quòd speculativum ab exercitio actuali operationis præscindit, practicum verò applicat veritatem, & scientiam in exercitio ad opus; ità ut eandem omninò veritatem, quam cõtemplatur speculativum;

exerceat, seu applicet ad exercitium, & actuale opus iudicium practicum; ergò non possunt, absque manifesta contradictione circà idem omninò, & invariatur ab invicem discordare. Probaturs antecedens. Ubi est eadem omninò veritas objectiva, eadem est quoque veritas formalis: hæc enim tota cõsistit in adæquatione ad veritatè objectivam; sed eadem omninò est veritas objectiva utriusq; iudicii: ergò in veritate omninò conveniunt. Probaturs minor. Veritas objectiva consistit in cõvenientia, & connexione, quam in se habent extrema, objecta, & formalitates ad invicem, sed hæc eadem omninò est, non enim est alia convenientia, vel connexio inter hæc extrema, quæ sunt honestas, & actus; sive actus ipse consideretur signatè, & in abstracto, sive consideretur in exercitio.

Urgetur ampliùs. Veritas formalis consistit in adæquatione ad rem, ut est in se; ergò duo iudicia respicientia eandem omninò, & invariaturam rem, non possunt

sunt

sunt, ab invicem discordare, nisi unum sit falsum; si enim discordent, non poterit utrumque cum re adæquari.

22. Neque dicas. Ex hoc ipso, quod eadem veritas objectiva modò speculativè, modò practicè attingatur, variari formaliter, etsi nō materialiter: quia ex hoc ipso practicum aliquid respicit in objecto, & veritate ipsa objectiva, quod non respicit speculativum, scilicet exercitium. Hoc enim nil valet. Nam estò exercitium variet objectum in ratione specificantis actum, vel habitum; in hoc enim potius modus attingentiæ, quàm res attacta consideratur; non tamen variat ipsum ullo modo in ratione mensuræ veritatis; nam hæc tota consistit in extremorū connexionem, quam habent in se, quæ omninò eadem est; sive objecta cōsiderentur signatè, sive exercitè. Quænam, quæso, variatio connexionis, & convenientiæ honestatis cū eleemosyna per hoc, quod modò præcisè, ut veritatem cognoscam, hoc profero iudicium, honestum, ac bonum est da-

re eleemosynam, & modò idem Iudicium profero, ut actu eleemosynam tribuam. At gratis admissio, quod etiam in hac ratione varietur objectum.

23. Arguitur ad hominem. Iudicium practicum omninò adæquari, & commensurari debet veritati objectivæ exercitæ; ergo adæquari debet iudicio speculativo. Antecedens negari nō potest, quodlibet enim iudicium adæquari debet cum proprio immediato, & formali objecto. Consequentia probatur. Veritas objectiva exercita commensurari, & adæquari debet veritati objectivæ signatæ, quæ iudicio speculativo respondet: ergò non potest iudicium veritati exercitæ adæquari, nisi adæquetur etiam veritati signatæ, ac per consequens iudicio speculativo, quod illi commensuratur. Antecedens probatur, immo cōstat ex eo, quod veritas exercita non est prima veritas: ergo habere debet suam regulam immediatā, cui adæquetur, hæc autem alia non videtur assignabilis, quàm veritas ipsa signa-

ta;

ra: Est enim res in actu signato exemplar, quoddam, forma, & idea, ad cuius instar ponitur ipsa res in actu exercito. Quid enim est homo in actu positus, nisi id, quod exprimit homo ipse in actu signato?

24. Ex his jam patet solutio ad argumentum, quod fieri posset; quod scilicet per rationem speculativi, & practici tollitur contradictio, quæ debet esse affirmatio, & negatio ejusdem de eodẽ; in iudicio autem speculativo, & practico non affirmatur, & negatur idem de eodem omninò; quia non eodem, sed diverso modo, quod enim in uno affirmatur speculative, negatur in alio practice. Ad hoc autem dicitur, quod ad tollendam contradictionem sufficit quidem, quod non eodem, sed diverso modo idem affirmetur, & negetur, diversitate modi se tenente ex parte ipsius objecti; non autem sufficit, si diversitas tantum sit ex parte attingentiæ. Sicut eadem conclusio potest demonstrari per diversa media, immo à diversis scientiis, impossibile tamen est,

quodd, ut deducta per unum medium, & principia unius scientiæ, vera sit, & deducta per alia, sit falsa. Ita ergo in casu nostro, quia diversitas practici, & speculativi est solum ex parte attingentiæ, supposito, quod utrumque iudicium sit de eodem invariato objecto; impossibile est; quod unum sit verum, & aliud falsum; ac per consequens, ut verum sit, utrumque, convenire, non discordare debet.

25. Objicies ergo secundò. Potest eadem conclusio speculative probabilis esse, & practice improbabilis: ergo potest practicum iudicium à specularivo discordare, ut quod speculativum affirmat, practicum neget. Probatur consequentia, nam, quod est probabile, sano iudicio affirmari potest, quod autem est improbabile, omninò debet negari.

Respondetur, posse quidem iudicium practicum à specularivo discordare per adventum alicujus circumstantiæ, quam non considerat speculativum: & hoc modo conclusio speculative probabilis practice impro-

probabilis esse potest: quia speculativè, & in abstracto aliquas habet probabiles rationes, quibus fulta quodammodo verisimilis apparet; practicè verò improbabilis judicatur, quia postmodum in ejus usu aliqua occurrit repugnantia, vel ratio urgens in contrarium. Cæterum, nulla superveniente ratione, vel circumstantia, conclusio, quæ speculativè probabilis est, etiam est probabilis practicè.

26. Consequenter ergo dicendum est ad præsens quæsitum, stare non posse cum dubio speculativo certitudinem practicam, omninò invariato manente objecto. Ista conclusio deducitur ex dictis usque nunc, & probatur. Non potest regulatum habere majorem certitudinem, quàm habeat regula; sed iudicium speculativum, ut ex dictis constat, est regula Judicii practici: ergò non potest iudicium practicum excedere in certitudine speculativum. Discursus est legitimus. Minor constat ex dictis, & major quoque certa videtur, regulati enim certitudo,

cum prima non sit, est certitudo participata ab alio, nec certè, quâ à sua regula, non ergò potest regulæ certitudinem excedere.

27. Confirmatur. Conclusio non potest in certitudine præmissas excedere, immo è contrâ ex præmissis certitudo refunditur in conclusionem; at quodlibet iudicium practicum, & singulare per modum conclusionis ab universali, & speculativo deducitur, consultatio enim, quæ ad prudens iudicium requiritur, fit per quendam discursum, quo veritas universalis, & speculativi iudicii applicatur ad particulare, & practicum; cum enim hoc nō sit prima regula, nec primam habeat certitudinem, ab alio regulari, & certitudinem participare debet; non autem ab alio, quàm à speculativo iudicio, sub quo immediatè, & adæquatè continetur, ut pariter ex dictis constat: non ergò potest illud in certitudine excedere.

28. Probat ur denique. Impossibile est, quòd iudicet quis utramque contradictionis partem posse verà esse;

esse; hoc autem sequeretur, si stante iudicio speculativo dubio, practicam certitudinem haberet, ergò impossibile est, cum dubio speculativo dari certitudinem practicam. Probatur sequela: Nam si quis certus est de iudicio practico, jam utique illud verum iudicat, & si est simul dubius de speculativo, & universali, sub quo tale practicum iudicium adæquatè continetur, jam pariter iudicat illud falsum esse posse, & ideò suspendit iudicium, sed speculativum negans actionem licitam, & practicum eandè affirmans licitam, vel è contrà; contradictoriè opponuntur, ut satis ostensum est, ergo &c.

29. Objicies. Magis distat verum à falso, quàm certum à dubio, sed stare potest iudicium practicum verum, stante iudicio speculativo falso: ergò pariter practicum certum cum speculativo dubio. Probatur minor hoc syllogismo; in habente ignorantiam invincibilem, ut fuit in Jacob, licitum est accedere ad propriam Uxorem; hæc est propria Uxor: ergo licitum est

ad illam accedere. Conclusio vera est, ut nos docuimus, & minor, à quà deducitur, est falsa; ergo &c.

Responderi potest in primis, neg. Consequentiam. Et ratio disparitatis est; nam falsitas principii; à quò deducitur conclusio vera, non apparet, immo ignoratur, & sic nullum est inconveniens, quòd intellectus errans utramque propositionem veram existimet, licet una falsa sit; at verò principium dubium, dubium apparet, undè non potest conclusio ex illo deducta certa esse, cùm in vi principii assentiatur illi intellectus. Deindè, quia veritas attenditur præcisè ex adæquatione intellectus cùm re, quare licet præmissæ de se non inferant in conclusionem veritatem, quam non habent, si tamen conclusio ipsa in se adæquetur cum objecto, vera erit: non veritate à præmissis derivata, sed aliundè per accidens in ipsa conclusionem resultante, quia scilicet objectum, ità invenit in re; undè habent Dialectici, quòd ex falso potest sequi verum. Cæterum quòd cer-

titudinem, cùm totaliter à præmissarum assensu causetur; à quo ipse conclusionis assensus causatur, non enim intellectus conclusioni assentitur, nisi in virtute præmissarum; hinc est, quòd non potest conclusioni assentiri, nisi prius assentiatur præmissis, aliàs conclusio non erit conclusio.

30. Respondetur secundo, stare non posse iudiciū practicum verum cum falsitate speculativi, sub quò adæquatè continetur. Itaque illa conclusio, licitum est, accedere ad istam; ideò vera est, quia continetur adæquatè sub principio speculativo vero, aliàs vera non est; puta sub hoc; licitum est accedere ad illam, quæ invincibiliter propria Uxor creditur, per invincibilem ergò errorē extrahitur quodammodò à subiectione illius principii falsi; hæc est propria Uxor, & ponitur sub alio vero, scilicet hæc propria Uxor creditur; nam verè talis conclusio non continetur sub illis præmissis, cum nec illa sit Uxor, neque ad illam accedere liceat, quia uxor, sed bene

continetur sub istis, licitum est accedere ad eam, quæ invincibiliter propria uxor creditur, & hæc invincibiliter creditur propria uxor, à quibus veritatem suam habet ipsa conclusio.

31. Vel demum responderi potest, distinguendo minorem, potest iudicium practicum esse verum, stante falsitate speculativi, si ipsi aliundè veritas adveniat, cōcedo, nisi aliundè ipsi adveniat veritas, nego: & eodem modo distinguitur cōsequens. Assignetur autem, undè iudicio practico adæquatè sub speculativo dubio contento adveniat certitudo, & libenter ipsam concedemus; quod tamen invenire poterit nemo, ut ex dictis patet.

32. Obijcies secundo. Si videam à longè hominē, & dubitem, an disputet, hæc est evidens consequentia. Iste disputat, ergo est ens: antecedens autē dubium est, & consequens certissimum.

Respondetur, quòd, si dubito, non affirmo: quomodo ergò infero, iste disputat, ergo est ens? Sed quid quid sit, admissa utcumque tali

tali consequentia, negatur ex vi præcisè illius consequens esse certissimū. Aliud est enim, quòd sit certum in re, aliud quod mihi certum sit: Si autem, & mihi quoq; sit certum, id non erit ex antecedenti, sed aliundè, puta, quia mihi certò constet, quòd est homo, vel movetur, aut quid tale.

33. Objicies tertio. Milites habere possunt dubium speculativum de Justitia belli, & nihilominus tenentur obedire præcepto Principis sui, usque dùm constet de Justitia, vel injustitia belli: nè igitur agant, conscientia dubia, debent practice judicare bellum justum.

Respondetur neg. Consequentiam, ut enim agant milites certa conscientia, nedùm practice, sed & speculative, non est necesse, quòd bellum determinatè judicent justū, sed sufficit, quod ejus injustitia non constet: non enim ideo tenentur Principi obedire, quia bellum justum est, sed ex alio capite, & certa regula, puta quia in dubiis melior est conditio possidentis; est autem Princeps in possessione

præcipiendi, quare propter dubium, an licet, ac justè præcipiat, non est à sua possessione turbandus; aut propter aliam rationem, quam expendere, non est presentis loci. Non itaque possunt dubitare de justitia, & practice bellum judicare, nisi aliqua adveniat circumstantia. Et sic facile respondetur ad omnia, quæ objici possent, ad quæ ex dicendis quoque constabit.

Sequitur Summarium.

34. *Aliqua certitudo necessaria est in conscientie judicio, nè periculo peccati nos exponamus.*

35. *Non est exigenda logica, vel metaphysica certitudo, sed sufficit moralis.*

36. *Moralis certitudo compatitur, nec necessario excludit omnem formidinem.*

37. *Et quidem formido hæc practica esse potest, non solum speculativa.*

38. *Erit nihilominus formido logica, non moralis.*

39. *Ad moralem certitudinē sufficit, & requiritur idem, ac ad prudentiale Judiciū.*

40. *Sufficit ad prudentiam, quòd singularia cognoscantur, secundum quod, ut*

268 LUCERNA MORALIS

in pluribus accidunt.

41. Debet prudentiæ judicium per modum conclusionis ex aliquo principio certo deduci per applicationem ipsius ad particularē operationem.
42. Velle, absque ullo certo principio judicare, esset, vagari extrā regulas, ubi regula adsunt.
43. Certitudo in moralibus cadere potest, vel suprà veritatem judicii, vel suprà bonitatem, & rectitudinem operationis.
44. Certitudo sufficiens ad prudentiale judicium, non debet necessariò tanta esse, quā major hic, & nunc haberi non possit, certitudine se tenente ex parte rectitudinis operationis.
45. Probatur, quia nemo tenetur ad id, quod melius, & tutius est.
46. Explicatur id ipsum.
47. De ratione regula est, modum præscribere, quem attingens operans, rectè agit, & à quò deficiens male operatur.
48. Ad prudentiale judicium requiritur necessariò, & sufficit certitudo, quā major hic, & nunc haberi non potest, certitudine se tenen-

te ex parte veritatis. Ex Divo Augustino.

49. Probatur, quia aliter operans, si contingat errare, errat errore vincibili.
50. Probatur item, quia aliàs prudentiæ judicium posset esse falsum, quod est inconveniens.
51. Idem summarie comprehenditur.
52. Ad prudentiam pertinet præferre majus bonum minori bono, & consequenter imprudentia est absque rationabili causa minùs boni eligere, relicto meliori.
53. Actus circa minùs bonum comparativè ad melius, quomodò indifferens dici potest?
54. Explicatur, quomodò stare possit, quòd eligens minus bonum vitiosè agat.
55. Ut plurimum non est, nisi veniale peccatum, nisi addatur alia circumstantia mortalis.
56. Certitudo, quam ad prudentiale judicium requirimus, est certitudo veritatis practicae in sua regula, & fundamento, veritate scilicet speculativa.
57. Tota veritas, & certitudo practica præcontinetur

in speculativa; id tamen, quod sufficit iudicio practico, ut absolutè verum, & certum dicatur, non sufficit speculativo ex natura ipsius speculationis.

58. Rectitudo inseparabilis est à veritate practica, proportionè servata; ità scilicet, ut certitudo necessaria correspondeat veritati practicae, quæ se habet per modum regulæ necessariæ; rectitudo verò superexcedens correspondeat veritati practicae, non per modum regulæ, sed potius cujusdam ipsius regulæ extensionis.
59. Certitudo, quam requirimus, est, quæ major haberi non potest inter membra contradictionis, non extrà.
60. Inter dubium, & certum, datur opinativum etiam in moralibus.
61. Dux imprudenter, absque morali certitudine victoriæ, hostes aggreditur, nisi aliàs ex necessitate compellatur.
62. Irridendus pariter mercator lucrum quærens, ubi ut plurimū damna sequuntur.
63. Medicus imprudenter, & infideliter medicinam da-

ret ambiguam, certiori postposita, quomodo id possit ad experiendum pharmacum.

64. Finis ludi non est lucrum, sed animi sublevatio, ludens autem ad lucrandum vitiosè agit; & adhuc magis imprudenter, si absque morali certitudine lucri.
65. Sortibus modicum exponens cum aliqua spe magni lucri, prudenter agit, secus è contra.
66. Citatus à iudice prudenter agit, si ex obedientia compareat, respectu etiam propriæ salutis ad vitandum pejus.
67. Quomodò intelligendum sit illud Proverbiorum 23. Prudentiæ tuæ pone modum?
68. Conclusio immediatè deducta ex certis principiis scientifica est; non tamen omnis, quæ mediatè solum deducitur.
34. **Q**Uæritur ergò tertio. Quænam certitudo requiratur in conscientia, ut certò ac prudenter operemur? Præmittendum fuit dubium hoc, ut ad aliud resolvendum procedamus, quomodò scilicet du-

dubia conscientia deponenda sit, & certa formanda, ne in operatione errare cōringat? Insuper ex hujus resolutione cætera quoque dependent, quæ de conscientia remanent consideranda. Patet autem ex dictis, quod aliqua certitudo exigitur in judicio conscientia, nè periculo erroris, & peccati nos exponamus: difficultas est ergò, quæ, qualis, & quantà ista certitudo esse debeat? Res planè difficilis, ac periculosa, utpotè fundamentum, ac basis totius moralis doctrinæ. Pro modulo tamen ingenij nostri, divina ope, ac Angelici Præceptoris implorato suffragio, tantam assumimus Provinciam, & quidem, ut spero tuto, evidenti, ac brevi regendam calamo.

35. Supponendum est autem in primis, ad rectitudinem operationis non requiri omnimodam certitudinem judicii, ad quam in moralibus, ut plurimum; pertingere, non valemus: cum circa singularia versemur, quæ defectibilia, & contingentia sunt: non ergo exigenda est certitudo logi-

ca, ut ait *Mercurius p.1.art.15*. Certum enim certitudine logica, seu metaphysica est, quod, implicat, esse falsum. Debet igitur moralis certitudo sufficere, quâ attentis circumstantiis, & communiter accidentibus, non potest res aliter se habere, quamvis absolute possit; puta; certum est moraliter, quod publici Notarii fide firmatur, licet absolute aliter esse possit, puta, ex malitia ipsius Notarii: Nec enim aliud rationabiliter exigi potest ab humana fragilitate.

36. Hinc evidenter deducitur, moralem certitudinem, & quæ sufficere debet ad prudentiale judicium, rectificans humanam operationem, compati posse, nec necessario omnem penitus formidinem excludere; Ex quo enim intellectus, vel non cōvincitur perfecta ratione evidenti, vel certa fide, seu Divina, seu humana non captivatur, naturaliter non nisi cum aliqua formidine assentitur. Cum autem in pluribus, nec omnino certam fidem, nec evidentiam habere possimus; necessario aliqua remanet for-

formido; quæ si destrueret
 moralem certitudinem, &
 prudentiale iudicium, vix
 aliquandò prudenter, ac tu-
 ti in cōscientia operari pos-
 semus. Et certè juxta do-
 cumentū Apostoli ad Phi-
 lip. 2. Quod cum metu, &
 tremore nostram operemur
 salutem; sæpè quidem timo-
 ratæ conscientiae viros, ac
 Sanctos formidinem expe-
 riri, negari non potest. Un-
 de magnus inquit Greg. 5.
Moral. cap. 4. Sancti viri,
cùm mala superant, sua etiam
benè gesta formidant; nè, cùm
bona agere appetunt, de actio-
nis imagine fallantur, nè pe-
stifera labe putredinis sub bo-
ni specie lateat coloris.

37. Neque dici potest,
 quòd hujusmodi formido
 solummodò speculativa sit,
 non practica, scilicet non
 descendens ad opus. Nam
 præterquàm quòd intelle-
 ctus trepidare non desinit,
 quousque per aliquam evi-
 dentem rationem certiore-
 tur; vel certè per aliquod
 motivum extrinsecum sal-
 tèm, puta, gravem authori-
 tatem, vel fidem, firmetur.
 Experientia docet, quòd
 multoties recta omninò in-

tentione, ac veritatis exacta
 disquisitione præmissa, non
 sinè formidine opus aggre-
 dimur, quam quidem ex-
 pellere, non valemus. Ni-
 mis autem esset durum, prò
 hujusmodi formidine opus
 damnare.

38. Melius ergò dicitur,
 meo videri, cùm citato
 Mercoro; quod hæc formi-
 do logica est, non moralis,
 & cùm ipsa morali certitu-
 dine compatibilis; Cùm
 enim certitudo moralis mi-
 nor sit certitudine logica,
 seù metaphysica, non est
 necesse, quòd omnem pror-
 sus formidinem excludat,
 sed sufficit, quòd moralem
 excludat formidinem, cùm
 quà pugnat.

39. Torum ergò diffi-
 cultatis robur est in assignā-
 do; Quid tandem requira-
 tur, & sufficiat ad moralem
 certitudinem. Et concors est
 DD. sententia, requiri, &
 sufficere id, quod requiri-
 tur, & sufficit ad forman-
 dum Prudentiale iudicium;
 ipsa namque Prudentia est
 recta Ratio agibilium. Sed
 valdè magnū est dissidium,
 & controversia quidnā exi-
 gatur ad prudens iudicium.

40. Pro

40 Pro quo notandum, quòd ideò incertæ sunt providentiæ nostræ, ut dicitur *Sap. 9.* quia, cùm Prudentia non dicat simplicem veritatis cognitionem, sed applicationem ejusdem ad opus; nec possit aliquis convenienter unum alteri applicare, nisi benè utrumque cognoscat; hinc est, quòd ad Prudentiam exigitur, nò sola consideratio veritatis in communi, sed & potissimum ipsius operis, cui applicanda est: Cùm autem singulares sint operationes, necesse utique est, quòd Prudentia ipsa singularia cognoscat, & consideret; Singularia verò quodammodò infinita sunt, nec semper eodem modo contingunt, ac proindè, nec possunt humana ratione comprehendì. Hinc fit insuper, quòd humana Prudentia non possit in suo judicio certitudinem habere omnimodam; ad hanc enim requireretur, quòd omnia singularia cognosceret. Sufficit ergò ad Prudentiã, quod Prudens cognoscat singularia secundùm quod, ut in pluribus accidunt, ut ex-

pressè docet S. Thom. 2.2. q. 47. art. 3. ad secundum.

41. Licèt ergò Prudentia, ut ait Philos. 6. *Ethicor.* cap. 6. Scientia nò sit, quia id, quod in actionem venit, esse aliter potest, nihilominus in scientia fundatur, sed in principiis omninò certis, & infallibilibus, à quibus perindè certitudinem aliquam participat, licèt non omnimodam. Debet ergo judicium Prudentiæ per modum conclusionis ex aliquo principio certo deduci per applicationem ipsius ad particularem operationem; Itaut syllogismus constet ex una saltèm præmissa certa, & alia certa saltèm certitudine experimentalì, quæ scilicet pensatis omnibus, quæ ut plurimum accidunt, vera putetur: Nisi enim una saltem præmissa certa esset, non haberet conclusio, undè certitudinem participaret.

42. Dices fortè, sufficere, quòd utraque præmissa certa sit certitudine experimentalì, & secundùm quod in pluribus accidit; cùm non major certitudo in conclusione requiratur. Cæterum

terum ; licet hoc absolute admitti posset , ubi certa principia deficerent . Cum tamen habeamus in moralibus principia omnino certa , quæ perinde regulæ sunt generales operationis ; velle absque ullo certo principio judicare ; idem esset , ac vagari extra regulas , ubi regulæ adfunt . Omisissis etiam aliis speculationibus , ac sophismatibus , ad resolutionem accedendo .

43. Insuper advertendum est ; Certitudinem in moralibus cadere posse , vel supra veritatem Judicii , vel supra bonitatem , & retributionem operationis . Primo modo dicitur aliquis habere moralem certitudinem , quando ; attentis omnibus circumstantiis , iudicium ipsius verum est , seu pro vero habetur . Secundo autem modo , quando operatio , quam ex tali iudicio eligere debet , attentis pariter omnibus , bona est . Puta , Dubium est , an sufficiat , quod Poenitens ad Confessionem accedat cum sola attritione , vel necessario contritio requiratur ? Consideratis omnibus considerandis , mo-

veor ad asserendum , sufficere solam attritionem ; jam sum certus moraliter de veritate mei iudicii ; Cum autem iudicium ipsum regula sit operationis ; ex quo iudicium certum est moraliter de veritate ; operatio illi conformis certitudinem habebit de Bonitate ; ac retributione . His positis .

44. Dicendum est primo . Ad moralem certitudinem sufficientem ad prudentiale iudicium , non exigitur necessario , quod tanta sit , quæ major haberi non possit hic , & nunc , attentis omnibus circumstantiis ; certitudine se tenente ex parte bonitatis , & retributionis operationis . Quod idem est , ac dicere ; Non tenetur Prudens , eligere semper , quod tutius est . Possidet , v. gr. Petrus agrum , supra quem jus præendit Paulus , & quidem rationabili fundamento , nihilominus prævalent aliquo modo pro Petro rationes : habet ergo Petrus certitudinem moralem de sua licita possessione , præcipue roboratus à regula , quod in dubiis melior est conditio possidentis : Si ta-

men cederet agrum, aut cōcorditer cum Paulo divideret, magis certus esset, quòd benè, ac tutò operaretur, omnimodam enim haberet certitudinem. Dicimus ergò, quòd, ut Petrus prudentialiter, ac licitè agat, sufficit illi certitudo moralis, quam habet de sua licita possessione, quamvis majorem certitudinem habere posset de sua bonitate, ac rectitudine, cedendo, aut concordando. Ista conclusio admittitur ab omnibus, nec certè rationabiliter in dubium revocari potest.

45. Et probatur manifestè. Nemo tenetur ad id, quod melius, & tutius est, melius enim, ac tutius comparativa sunt, undè supponunt aliud extremum boni, ac tutum: Si autem teneremur ad id, quod melius, ac tutius est; extremum comparationis non esset bonum, nec tutum, immo malum; quia malum est, omittere id, ad quod tenemur; esset ergò implicatitia in terminis: Atqui, si ad Prudentiale iudicium requireretur certitudo, quàm major haberi non posset, ex parte bonita-

tis, & rectitudinis, hoc certè sequeretur; nam data, quacumque certitudine in parte opposita, semper id, quod melius, ac tutius est, majorem habet certitudinē suæ rectitudinis, & bonitatis; non ergò exigitur necessariò ad prudentiale iudicium tanta certitudo ex parte bonitatis, quàm major haberi non possit.

46. Probatur secundò, & magis explicatur id ipsum. Iudicium, & opus undequaq; regulis conforme, & nulla ex parte dissonum, prudens, & rectum est: At potest esse iudicium, & opus undequaque conforme regulis, & nullà ex parte dissonum, absque tantà certitudine: Illa igitur necessariò non requiritur. Minor, in quà potest esse difficultas, probatur manifestè in allato exemplo. Si iudicium dictans Petrum licitè posse retinere agrum, illiusque retentio alicui regulæ non conformaretur; maximè regulæ dictanti melius esse cedere, vel concordare; non enim alia videtur assignabilis: Sed etiam huic regulæ conformatur illud judi-

judicium, & retentio; prædicta enim regula permittit, & approbat retentionem, quippè regula distans aliquid melius; jam supponit aliud bonum; melius enim non est, nisi comparativè ad bonum; licèt ipsi præponatur, scè illud excedat: ergò &c.

47. Declaratur ampliùs idem, ac roboratur. De Ratione regulæ est, modum præscribere, ac determinare, quem attingens operans, rectè agat, & à quo deficiēs, vel devians, malè operetur. Et quidem, si regulæ modus in indivisibili consistat, nedùm defectus, sed excessus quilibet vitiabit opus; ut præcipuè in mathematicis mensuris. Si autem non in indivisibili cōsistat, sed latitudinem quandam admit-
tat modus à regula præscri-
ptus; defectus quidem vitiabit opus, at excessus non
semper, sed tantummodò, quando cū in ipso modo incompatibilis est, ejusque destructivus, at verò, si ipsū perfectè contineat, & aliquid addat perfectius, non solum opus non vitiabitur, sed excellens erit: Cū hoc

amen, quòd tali excellen-
tia carens, modò cum regu-
la necessaria sit conformis,
bonum adhuc, & perfectum
erit. Si quis v. gr. in latino sermone regulas omnes à Grāmatica præscriptas ob-
servet, benè utique, ac rectè latinè loqui dicitur: Si autem præter exactam regularū observationem, elegantiarum cultu loquatur, non solum benè, sed optimè loquetur; Ita pariter in moralibus; ut quispiam rectè, ac prudenter judicet, ac operetur sufficit, quòd operetur juxta necessarias regulas; quòd autem ipsas excedit excessu non destruente, sed compatibili, immò per-
ficiente, melius quidem
aget; non autem ob hoc malè, qui ad hanc perfectionem non pertingit.

48. Dicendum est secundò. Ad Prudentiale judiciū requiritur necessariò, & sufficit certitudo, quā major, hic, & nunc haberi non possit; pensatis omnibus circumstantiis, certitudine se tenente ex parte veritatis. Quod idem est, ac dicere. Prudens judicium debet ferri secundum id,

M m 2 quod

quod verisimilius apparet, facta debita diligentia, & circumspeditione. Traditur hæc assertio expressè à S. P. August. libr. 1. *contra Acad.* cap. 4. ubi ait: *Quisquis minus instanter, quàm oportet, veritatem quarit, is ad finem hominis non pervenit. Quisquis autem tantum, quantum homo potest, ac debet, dat operam inveniendæ veritati, etiam si eam nō inveniat, beatus est,* (seū eximitur à peccato) *totum enim facit, quod ut faciat; ita natus est.* Ex quibus.

49. Probatur primò conclusio. Judicium Prudentiale tantam exigit certitudinem, quanta requiritur ad hoc, quòd operans juxtà illud benè operetur, & peccare nō possit; ex hoc enim, quòd actio prudens est, seū prudenter elicitæ, bona est, utpotè conformis rectè rationi, quæ in operabilibus est ipsa Prudentia; undè implicat omninò, quòd idem actus prudenter sit elicitus, & malus: Sed hæc certitudo haberi nequit, nisi feratur judicium secundum id, quod verosimilius apparet, ergò ad prudens ju-

dicium hoc requiritur?

Probatur minor. Judicium in operabilibus est fallibile, utpotè dependens à singularibus, quæ humanitùs comprehendi non possunt, ac perindè, quod prudentialiter judicatur licitum, in re potest, illicitum esse; ergò, ut peccare non possit sequens prudens judicium, hoc necessariò ferri debet secundum id, quod verosimilius apparet.

Probatur consequentia, aliàs enim judicans licitum actum, qui est illicitus in se, omninò peccat: quod manifestè probatur, nam talis errat errore vincibili, qui non excusat: error enim, qui commodè vinci, & superari potest vincibilis est. Proferens autem tale judicium, vel congruam adhibet diligentiam ad veritatem inveniendam; vel non; Si non adhibet, jam utique ipsi error invincibilis dici nō potest, ut clarè patet. Si verò cōgruam adhibeat diligentiam, aut ipsi verisimilius apparet id, quod judicat, vel minùs verisimile; Si primum, habemus intentum; Si secundum, omninò

vin-

vincibiliter errat, supposito, quòd in re aliter se habeat: quod probatur manifestè.

Fugiens, vel terga vertens veritati, non potest dici, veritatem invincibiliter ignorare: Sed iste in re fugeret à veritate, ipsiq; terga verteret. Cùm enim veritas una sit, non potest in duabus oppositis partibus inveniri. Si ergò veritas apparet ipsi in alia parte verisimilior, & ipse ad aliam declinat, utique fugit à veritate: Etenim quando aliquid est occultũ, quærendum est per ejus vestigia, & signa, qui verò signa, & vestigia relinquens, alio diverteret, non verè illud quæreret, immo ab illo se imprudenter elongaret. Ergò dùm veritas occulta est, quærenda erit, ubi aliquod ejus vestigium, impressio, aut similitudo apparet, quæ si quis deserat, & alio declinet, à veritate ipsa declinare, seseque ab ea elongare potius, quàm verè quærere, censendus est.

50. Probatur secundo, seù magis idem explicatur: Prudentiale judicium adedò certum esse debet, & verum, ut ipsi nullo modo possit

subesse falsum; at si judiciũ non feratur secundum id, quod verisimilius apparet, congrua facta diligentia, posset illi subesse falsum: ergò necessariò taliter ferri debet. Major probatur, & explicatur. Prudentia est virtus intellectualis perficiens ipsum Intellectum practicum, ut ex Philosoph. 6. *Ethicor.* docet S. Doct. p. 2. q. 57. *artic. 4.* & 5. de ratione autem virtutis est, quòd sit determinata ad bonum; est enim bona qualitas, quæ rectè vivitur, & quæ nullus malè utitur, ut ex August. tradit idem S. Doct. q. 55. *art. 4.* & ex Philosoph. 2. *Ethicor.* Virtus est, quæ bonum facit habentem, & opus ejus bonum reddit. Bonum autem Intellectus est verum; undè, & Prudentia ipsa dicitur recta ratio agibilium. Non potest ergò Prudentiæ Judicium esse falsũ: aliàs Virtus non redderet absolutè, & universaliter bonũ opus habentis ipsam, undè propter hoc excluditur opinio à ratione Virtutis, quia potest esse falsi; ut ait D. Thom. q. 52. *art. 2. ad tertium.*

Minor etiam probatur, & expli-

explicatur ex eodē S. Doct. *ari. 5. ad tertium*, & ex his, quæ suprà diximus. *Alièr* enim, ait S. Doct. *accipitur verum Intellectus præfici*, quàm *verum Intellectus speculativi*, ut dicitur in 6. *Ethicor. nam verum intellectus speculativi accipitur per conformitatem Intellectus ad rem, verum autem intellectus præfici accipitur per conformitatem ad appetitum rectū*. Hoc est, non secundum id, quod in re est, sed secundum id, quod conducit ad dirigendum ipsum appetitum ad rectum finem ab illo jam intentum. Prudentia enim, & ejus directio non est de fine, sed supponit jam appetitum rectificatum per intentionem boni finis, & ut ad ipsum pertingat, dirigitur, & ordinatur à prudentia; ut cū D. Thom. ibidem docent ejus Expositores. Cū igitur in moralibus finis intentus sit honestas; tunc judicium dicitur verum, quando appetitum ipsum honestum reddit circa ea, quæ sunt ad finem. Hoc supposito.

Sic probatur minor. Si

judicium non feratur, secundum id, quod verissimilius apparet, non esset sufficiens ad rectificandum appetitum, sed posset contingere, quod appetitus illud sequens malus esset: ergo judicio illi posset subesse falsum. Antecedens probatur. Voluntas appetens malum, mala est, nisi aliunde excusetur, sed excusari non potest, pro quantum facit ad præsens, nisi ex ignorantia, & errore invincibili: ergo, si judicium vincibiliter erret, voluntas mala erit; Atqui si judicium latum non sit secundum id, quod verissimilius apparet, vincibiliter errat, ut satis ostensum est; ergo voluntas mala esset, ac per consequens judicium nullam veritatem, neque practicam haberet, quod repugnat judicio Prudentiæ.

§ 1. Tota ergo vis, ratio, & fundamentum nostræ conclusionis est. Quod Prudentiæ Judicium aliquo modo verum esse debet, cū debeat esse recta ratio regulans, & honestam reddens operationē illi conformem: Cū autem cōtingere possit, quod judicium falsum sit,

fit, quoad veritatē speculativam, seu adæquationem ad rem in se; nisi verificetur per invincibilitatem, nullo modo verum erit. Si autem judicium non feratur secundum id, quod facta debita diligentia, verisimilius apparet, non poterit ex invincibilitate verificari, ac proinde, nec prudens esse.

52. Objicies primò contra primam conclusionem. Ex D. Thom. 2. 2. q. 53. artic. 5. sed contrà. Ad Prudentiam pertinet, præferre majus bonum, minùs bono: ergò desistere à meliori, pertinet ad imprudentiam, sed omninò melius est eligere, quod tutius est: ergò prudens tenetur, semper eligere tutius, & aliter eligens imprudens est.

Respondetur ex Medina p. 2. q. 88. art. 1. con. 4. cui etiam adhæret Montesinos. Quod actus contrà consiliū; ac per consequens minori bono, relicto meliori, adhærens, de se malus non est, sed indifferens ex objecto, in actu tamen exercito, seu in individuo elicitus, vel bonus, vel malus est, juxta ea, quæ supra tradidimus. Si

ergò relinquens majus, & perfectius bonum, ex aliquo bono, & honesto fine moveatur, puta, si quis Uxorē ducat ad providendum familiæ, cui aliàs nō ità commodè providere posset, bene agit; Si autem, ut libidinem expleat, malè, saltem venialiter. Ità ergò ad Prudentiam pertinet, majus bonum præferre minori, ac proinde minùs, præferre majori, imprudentiæ est; quando nullum adest rationabile, & honestum motivum; quando verò ex aliquo rationabili motivo minus bonum præeligitur, prudenter fit; majoris tamen prudentiæ esset, motivo non obstante, modò necessarium non sit, meliori adhærere. Quare hoc est excellentis Prudentiæ, illud Prudentiæ necessariæ.

53. Sed videtur hæc doctrina contradictionem involuere. Actus enim minori bono adhærens bonus est; cum actus ab objecto speciem desumat; quomodo ergò indifferens vocatur? Deinde, si melior est actus majori bono adhærens, ergò bonus adhærens minori; melius

lius enim est comparativum ad bonum. Et certè, Matrimonium contrahere, de se bonum est, non indifferens.

Ad hæc dici posset, quòd hujusmodi actus non dicuntur indifferentes absolute, & ex genere suo; ut sic enim boni sunt, utpotè ad bonum determinati, & non vitiantur, nisi per defectum aliqujus circumstantiæ. Dicuntur autem indifferentes per comparisonem ad melius bonum, ut sic enim benè, & malè possunt eligi: Si enim ex honesto motivo, benè, secùs malè: Sed quidquid sit; an verè, ut sic, indifferentes dici debeant.

54. Certum est, quòd si per ipsos postponatur melius bonum absque rationabili motivo, vitiantur, & mali sunt; eo modo, quo studium in se bonum est; si autem impeditivum sit aliqujus præcepti, malum redditur. Præceptum est autè Prudentiæ, melius eligere, ubi aliquod honestum, & rationale motivum ad minùs bonum non inclinat. Cùm autem dicitur, quòd actus circà minùs bonum,

bonus esse debet, quia melius non dicitur, nisi comparative ad bonum. Dicendum in primis, quòd melius dicitur comparative ad minùs bonum, ut eligibile ex honesta causa, & motivo, ut dictum est. Si autem velis, quòd melius dicatur comparative ad minùs bonum, etiam ut eligibile, utcumque; Dicatur, quòd comparatio fit inter extrema signatè, non exercitè, hoc est inter ipsa, quæ de se bona sunt absolute, non, quòd utrumq; bonum permaneat in actu exercito, si minùs bonum absque rationabili motivo meliori præferatur; tunc enim ex defectu honesti finis, qui debet in omni humana operatione inveniri, vitatur. Vel quòd in idem redit. Comparatio tenet in sensu diviso, hoc est inter melius, & id, quod aliàs bonum esset, licet minùs; non autem in sensu composito præelectionis minoris boni, absque rationabili causa.

55. Hic tamen advertite; Quòd eligens minùs bonum, relicto meliori, absque rationabili causa; siquidem

ex aliquo malo fine move-
tur, peccat malitia ipsius fi-
nis, quæ tanquam circun-
stantia, refunditur in ipsum
actum eligendi minus bonū,
juxta superius dicta de cir-
cunstantiis. Si verò ex ali-
quo fine de se indifferenti,
vano, ac inutili, peccabit per
otiositatem. Otiosum est
enim, quod caret iusta ne-
cessitate, vel pia utilitate.
Unde, ut plurimum, adhæ-
rere minori bono, relicto
meliori, non est plūs, quàm
veniale peccatum, nisi ad-
datur malitia finis mortalis.

56. Objicies secundo. Veritas practica, ut diceba-
mus ex D. Thom. sumitur
per conformitatem ad ap-
petitum rectum; ac per con-
sequens idem est, judicium
esse verum practicè, ac re-
ctam reddere operationem
illi conformem. Tum sic.
Per nos, ut habemus in se-
cunda conclusione, ad pru-
dentiale judicium requiri-
tur necessariò certitudo ex
parte veritatis, quæ major,
hic, & nunc haberi non pos-
sit: ergò requiritur eadem
certitudo ex parte rectitudi-
nis operationis. Probatur
consequentia. Certitudo,

quam exigimus ex parte ve-
ritatis, debet esse certitudo
practica; sed veritatis pra-
cticæ, hanc enim importat
judicium prudentiale, nam
quoad veritatem speculati-
vā, potest prudentiale ju-
diciū falsum esse, ut vidi-
mus; sed veritas practica
inseparabilis est à rectitudi-
ne operationis, & per neces-
sariam consequentiam una
infertur ex alia: ergò certi-
tudo rectitudinis non potest
excedere certitudinem veri-
tatis; immo, si aliquis dari
potest excessus potius ex
parte veritatis esse debet,
cū ista sit regula, & causa
rectitudinis, ac per conse-
quens, si necessaria est ex
parte veritatis tanta certitu-
do, quæ major haberi non
possit; eadem necessaria erit
ex parte rectitudinis, aliàs
posset rectitudo, quæ est re-
gulata, excedere in certitu-
ne suam regulam, quod vi-
detur absurdum. Certitudo
siquidem veritatis est tota in
rectitudine, cū veritas pra-
ctica in rectificanda operatio-
ne consistat; hæc autem per
nos majorem non potest ha-
bere certitudinē, & rectitudo
ipsa majorem posset habere.

Respondetur negando consequentiam: ad probationem distingo maiorem. Debet esse certitudo veritatis practicæ ultimæ, & formaliter, nego, fundamentaliter, & originativè concedo. Itaque, ut sæpè dictum est, Judicium practicum in speculativo fundatur, & ab illo regulatur; ac perinde veritas practica in veritate speculativa fundari, & ab illa regulari debet; intantum enim iudicium veritatem habet practicam, qua rectificat operationem, in quantum iudicatur, verè in re ita esse, sicut ipsum iudicat, quod est, esse verum, speculativè, & per conformitatem ad rem. Cujus evidens est signum, quòd omninò imprudenter iudicaret quispiam, actum esse licitum, si verè sentiret, in re licitum non esse: Ad hoc ergò, ut prudenter iudicet, & veritatè habeat practicam, præcedere in ipso debet cognitio veritatis speculativæ, seu conformitatis ad rem, ut in se est. Quia tamen ista veritas, & conformitas in moralibus omninò certò, & infallibiliter attingi non po-

test; sufficit, quòd attingatur, secundum quod in pluribus accidit, & quod magis ad ipsam veritatem videtur accedere. Quando ergò dicimus in conclusione, requiri certitudinem, quæ major haberi non possit ex parte veritatis: intelligi debet de veritate quidem practica, non in se, & formaliter considerata, sed in sua regula; fundamento, & origine, veritate scilicet speculativa. Hæc enim veritas est antonomasticè; cum veritas absolute dicatur conformitas intellectus ad rem, quæ speculativa veritas est.

57. Sed quomodo, inquit, Veritas practica maiorem certitudinem habere potest, quàm ejus regula, scilicet veritas speculativa? Immo quomodo stare potest veritas practica, & speculativa falsitas, si hæc regula illius est? Patet autem, quòd in habente invincibilem errorem datur circa eundem actum falsitas speculativa, & practica veritas, cum operatio recta sit.

Respondetur ad hoc. Quòd tota veritas practica præcontinetur in speculativa,

va,

va, ac proinde non maior est certitudo veritatis practica; quam speculativa: neque stat falsitas iudicii speculativi, inquantum regula est, cum ipsa veritate practica. Explicatur hoc totum. Veritas, ut mox dicebamus, consistit in conformitate ad rem, quam conformitatem non excludit practica veritas, aliàs nullo modo veritas dici posset: licet enim dicatur veritas per conformitatem ad appetitum rectum, non ad rem; id est, quia veritas hæc tota est ad rectificandum ipsum appetitum in ordine ad rectum, finem præintenti; ad quod non exigitur conformitas ad rem, secundum id, quod verè in re est; sed bene requiritur conformitas ad rem secundum id, quod esse deberet, attentis rationibus, & circumstantiis, ut plurimum occurrentibus, secundum quam conformitatem formatur iudicium speculativum, quod perinde non dicitur absolute certum, & verum; quia de ratione speculativi est conformitas absoluta cum re secundum quod est in se; præcontinet nihil

omnino ipsum iudicium speculativum practica veritatem, quia verè distat, & iudicat secundum id, quod, ut plurimum, esse deberet; ac per consequens secundum hoc habet conformitatem ad rem. Hæc tamen conformitas non sufficit ad reddendum ipsum iudicium absolute verum, & certum, sed tantum probabile, eo quia veritas absoluta, & speculativa importat adequatam conformitatem ad rem, ut est in se; & absoluta certitudo excludit omnem formidinem, ita ut nullo modo aliter possit se habere. Non est ergo, quod iudicium speculativum regulans dubium, vel falsum sit; & practicum, & regulatum verum, & certum, si iudicium speculativum, ut regula sumatur, ut sic enim habet totam veritatem, ac certitudinem, quam habet practicum, & regulatum, est enim conforme ad rem, secundum id, quod regulariter accidit, & vera est regula, & certa certitudine experimentalis; & ut in pluribus. Sola differentia est, quod hæc veritas, & certi-

N n 2 tudo

audō sufficit, ut absolute verum; & certum dicatur iudicium practicum, & rectā reddat operationem; non tamen sufficit, ut absolute verum, & certum dicatur speculativum, quod omnimodam certitudinem, & conformitatem exposcit ex natura ipsius speculationis. Hæc dicta sint, ut melius percipiatur ordo regulationis prudentialis, & concordia practici cum speculativo iudicio.

§ 8. Cæterum ad objectionem facilius responderi potest; negando consequentiam. Ad probationem, admissa majori, distingo minorem: Inseparabilis est, & una infertur ex alia, utcumque, nego; proportionem servata, concedo minorem; Et eodem modo distinguitur consequens. Itaque, sicut in operatione duplex dari potest rectitudo, ita illi duplex correspondet veritas practica. Dari enim potest in operatione rectitudo necessaria, quæ deficiente, operatio recta non esset, & rectitudo superexcedens, seu ad melius esse, non simpliciter operationem

rectificans, sed ipsam reddens perfectiorem. Ità datur in iudicio veritas practica per modum regulæ necessariæ, & veritas, non per modum regulæ, sed potius per modum extensionis cuiusdam ipsius regulæ. Rectitudo ergo necessaria inseparabilis est à veritate regulæ, & ex illa infertur; at rectitudo superexcedens, & perfectiva non infertur necessario ex regula, neque ab illa inseparabilis est: sed correspondet veritati extensiva, per quam infertur, & à quâ inseparabilis est. Sic exemplum. Nè Petrus injustè retineat agrum, de quo dubitatur, an verè sit illius; ex omnibus rationibus, & circumstantiis regula necessaria erenda est, quæ iustā ipsius agri possessionē reddat; omnibus ergo benè perpensis, iudicium profertur, licitum, & iustum est, agrum possidere. Hæc est regula necessaria, quæ non extante, possessio recta esse non potest. Vult nihilominus Petrus majorem suæ licitæ possessionis certitudinē habere; conveniensq; Paulum prætensozem, offert illi aliquid

quid , ut libenter cedat , si quod Jus haberet in agrum; formatque iudicium . Bonum est, dare aliquid Paulo, ut cedat juri suo . Hoc iudicium non est regula , quia non imponit obligationem, neque modum præscribit , quem præterire , nefas sit: de ratione autem regulæ est, obligare ad modum ab ipsa præscriptum, ità , ut, ab eo deficere , sit obliquum , & malum . Habet nihilominus rationem extensionis, & perfectionis ipsius regulæ , quia modum à regulâ præscriptum perfectè continet , & aliquid insuper addit, nō ipsius destructivum , sed perfectivum . Modus enim, quem ponit regula, est iusta possessio, quam includit secundum iudicium, & æquicrem reddit . Primum ergò dicat sufficiens , secundum superabundans . Nec unum destruit aliud, nam primum iudicium absolute dicat iustam possessionem absque alio addito, vel requisito; non tamen illud excludit, sed permittit . Secundum pariter nō destruit primum , quia non dicat , hoc superadditū esse necessarium ad

iustam possessionem , sed tantum , esse quid melius . Quando igitur in conclusione dicimus , requiri certitudinem , quā major esse non possit, ex parte veritatis, intelligi debet de veritate regulæ , non supra regulam, quæ veritas necessaria non est , ut ampliùs ex dicendis constabit .

59. Objicies ergò primò contrà secundam Conclusionem . Stat recta , & prudens operatio cū certitudine iudicii , quā major haberi potest, ut patet in casu posito; nam Petrus rectè , ac prudenter possidet agrū ex certitudine iudicii, quod ex majori probabilitate dicat licitam possessionem, majorem tamen certitudinem habet hoc aliud iudicium . Bonum est , convenire cū Paulo, ergò &c.

Respondetur ex dictis, distinguendo antecedens, quā major haberi potest, certitudine regulæ, nego, supra regulam, concedo . Vel etiā claritatis gratia , & ad ubertatem doctrinæ dici potest . Certitudinē veritatis, quam exigimus, esse certitudinem, quā major haberi non possit

in-

inter membra contradictionis, non extrà. Certitudo autem talis iudicii est major quidem, sed illud iudicium non est membrum contradictionis oppositum ad iudicium, quod habet Petrus pro regula; non enim quid illi contrarium dicitur, vel repugnans, sed cum illo bene compatibile. Hic ergo est sensus conclusionis, quod ad prudentiale iudicium ferendum, querenda est inter membra contradictionis veritas, scilicet inter hoc, quod est, actum esse licitum, vel non; & pro qua parte major est certitudo veritatis, pro illa iudicium ferendum est, & in hoc nulla exceptio admittenda.

60. Objicies secundò. Intellectus iudicans probabiliter, quamvis non habeat tantam certitudinem, quam nos requirimus, non est moraliter dubius; ergo est moraliter certus; ac per consequens iudicium ejus est prudens; cum sufficiat ad Prudentiam certitudo moralis.

Respondetur, negando consequentiam, nam inter dubium, & certum datur mediū, scilicet opinativum,

nedum in speculativis, sed etiam in practicis, & moralibus.

61. Objicies tertio, & potest esse instantia præced. Sola probabilitas ad prudenter operandum sufficit: ergo probabile, est certum moraliter, ac per consequens &c. Probatur antecedens pluribus experiētiis. Primò enim Dux belli cum sola probabilitate, & spe Victoriæ aggrediens hostem, prudenter operatur. Sed ad hoc dicitur. Imprudenter omninò ducem agere, si absque necessitate hostem aggrediarur, dum non habet, unde ex circumstantiis, & accidentibus, ut plurimum solitis, certitudinem hauriat victoriæ; In casu tamen necessitatis, vel ad majus vitandum damnum id licet; quia melius est, aggredi, quam aggressionem pati, vel minori subiacere damno voluntariè, quam vi majori.

62. Item Mercator prudenter agit, cum sola spe, & probabilitate lucri, emendo merces, in quibus damnum ferre potest.

Et ad hoc dicitur. Irridendum est; qui lucrum, quæ-

quereret, ubi, ut plurimum damnum reperitur, quod tamen limita, ut infra de sortibus, vel etiam, si forte aliquis ex nova quadam industria, vel aliter certam spem lucri conciperet.

63. Tertiò: Medicus portionem dat ægroto cum sola probabilitate profectus: immo sæpè ad experendum pharmacum.

At certè Medicus, nedùm imprudenter, sed injustè, ac infideliter ageret, si certiori postposita, medicinam daret ambiguam. Nec etiam cohonestaretur ex fine pharmacum experiendo. Hoc tamen liceret, quandò medicina non esset aliàs noxia infirmo, sed tantùm dubitaretur; an esset profutura; id, inquam, liceret, absque tamen infirmi damno, quia id cederet in commune Reipublicæ bonum, de quo infra §. 5.

64. Qui ludunt, prudenter agunt, cum Virtutis actum exerceant, si moderatè, & tamen vix probabilitatem habent vincendi.

Ad hoc dicitur, finem Eutrapeliæ, ad quam pertinet moderatus ludus, non

esse lucrum, sed animi sublevationem, ac jucunditatem; idèò prudenter quis ludere potest absque ulla certitudine lucri, quia certus est de fine, quem intendit: Si quis autem primariò ad lucrandum ludat, vitiosè in primis agit, quia ludo abutitur; & insuper adhuc imprudenter in ordine ad ipsū lucrum, si de eo certitudinem non habeat moralem.

65. Quintò. Prudenter agunt, qui sortibus pecuniam exponunt, cum tamen sciant, ut plurimum, pecuniam perdi, & rarò lucrum accidere.

Dicitur ad hoc; quòd sortibus exponētes pecuniam; idemque dici potest de mercatore periculosum aggrediente negotium; imprudenter omninò agunt, si magni se periculo damni exponunt; prudenter tamen, agere possunt, si cum periculo parvi damni, puta modicum quid exponendo, magni lucri spem habeant, spectata conditione Personarum, & facultatum. Eò quia parum pro nihilo reputatur; maximè in comparatione magni lucri, de quo

quo aliqua spes est, licet incerta, tunc autem certitudo Prudentiæ non desumitur ex lucrispe, quæ incerta est omnino, sed ex modicitate jacturæ, quæ prudenter contemnitur ex quacunque magni lucrispe, quamvis incerta.

66. Deniquè. Citatus à Judice in causa criminali prudenter agit, se constituendo, etiam si certus non sit, se absque gravi damno evasurum.

Sed iste moveri potest ad comparandū ex duplici capite. Primò titulo obedientiæ, quam debet Superiori legitime præcipienti; an autem teneatur, & benè faciat; non est hic locus disputandi; videri de hoc potest S. Doct. & Cajet. 2.2. q. 69 art. 4. Secundò, in quo currit argumentum, ad salvandum se, & sic etiam prudenter agit; non quia sit certus evadendi omnino, sed ut majus vitet damnum, ac malum: exponit ergò se periculo alicujus damni ad gravius vitandum.

67. Objicies quartò. Prudens errare potest, saltè quantum ad modum, juxta

illud Prov. 23. *Prudentia tua pone modum*, sed si ad prudens judicium tanta requireretur veritatis certitudo, quæ major haberi non posset, nullatenus posset errare, ut explicuimus in probatione conclusionis ergo &c.

Respondetur ly; *Prudentia*, intelligendum esse in casu genitivo, & non dativo; ita ut sit sensus; operationibus tuis pone modum Prudentiæ, quæ modum omnibus præbet Virtutibus. Hanc expositionem tradit Mercorus p. 1. art. 8. ex D. Thom. p. 2. sed legendum est 2.2. q. 47. art. 4. *ad tertium*.

68. Objicies quintò. Ad prudens judicium non requiritur certitudo logica, omnimoda, & scientifica, ut nos admittimus, atqui, hoc esset, si requireretur tanta certitudo, ergo &c. Probatur minor. Principia universalis synderesis omnino certa sunt, & infallibilia; sed nulla datur actio; quæ regulari non possit per iudicium ab ipsis universalibus principiis deductū per modum conclusionis; ut enim supra dicebamus, quodlibet

bet particulare iudicium, ut sit regula, reduci debet ad primam, ad quam non reducitur, nisi mediis principiis universalibus, ergò sequeretur ex nostra conclusione, requiri ad prudens iudicium scientificā certitudinem. Probatur consequentia, nam conclusio per bonam cōsequentiam ex principiis omnino certis deducta scientificam habet certitudinem.

Respondetur, negando minorem, ad cuius probationem, distingo minorem. Per iudicium deductum ex universalibus principiis, si vè mediatè, si vè immediatè, concedo, semper immediatè, nego. Licet enim conclusio immediatè à principiis certis deducta scientifica sit; non tamen omnis, quæ mediatè solum ex principiis quantumcunque certis deducitur: eò quia semper certitudo decrescit, quo magis à principio elongatur; sicut puritas aquæ per elongationem à fonte, quia per istam elongationem aliquid extraneum admiscetur: quod potissimè currit in moralibus, in quibus certi-

tudo principii nō immediatè iudicio particulari cōmunicatur, sed media applicatione, quæ à singularibus circumstantiis, & experimentalis cognitione dependet, quæ omnia fallibilia sunt, & contingentia. Sit exemplū, ut formē prudentialiter hoc iudicium, nunc mihi est comedendum, ad universale principium recurro; puta, comedendum est, quando necessitas vitæ sustentandæ postulat: quod quidem certissimum est; sed ab illo nō immediatè, ac evidenter deducitur; Ergò modò est mihi edendum; necesse igitur est, ut illam universalem, ac certam veritatem applicem ad particulare Iudiciū; puta nunc vitæ sustentandæ necessitas, comedendum postulat, quæ propositio valdè contingens est, utpotè à multis dependens singularibus circumstantiis, & ideo conclusio, quæ semper debiliorem sequitur partem, nō potest omnimodam certitudinem habere. Dicimus ergò, quòd, ut prudenter inferatur, ergò mihi modò comedendum est: necessaria est tanta diligentia, quæ

moraliter fieri potest, ut de veritate illius minoris certitudinem habeam, quam possum habere, ut per illam etiam conclusio certitudinē participet. Alia multa, quæ obijci possent, remittimus ad sequentia, ad quæ magis pertinent, quæque divisim elucidanda subijcimus, ut clariùs procedamus, & rem hanc gravissimam discutiamus accuratiùs.

Sequitur Summarium.

69. *Non sufficit ad formandam rectam Conscientiam, quòd aliquàlitter inclinemur potius ad unam, quàm ad aliam partem.*
70. *Per congruam diligentiam inquirendi veritatem; Conscientià dubia deponenda est.*
71. *Quandò verò id fieri non potest; Prima regula est. In dubiis melior est conditio possidentis.*
72. *Dicta regula extendi potest ad alias quoque materias, prater justitiam.*
73. *Possessio non juvat eligentem, sed partem eligendam.*
74. *Libertas, quam voluntas justo titulo possidet, est se-*

cundum rationis dictamen.

75. *Explicatur secunda Regula. In dubiis tutior pars est eligenda, quæ universalis, & præceptiva est in verè dubiis.*
76. *Ly. Tutior, in dicta regula intelligendum est ad versativè, non comparativè.*
77. *Tertia Regula explicatur. Ex duobus malis minus est eligendum, quæ non valet, nisi urgente operandi necessitate.*
78. *Si urgeat necessitas, nec appareat, prò quâ pars esset possessio, nec quæ tutior, nec quòd minus malum, dividatur equaliter, si res est divisibilis.*
79. *Si res divisibilis non est, potero, me determinare adhuc ex levi motivo, aut etiam liberè.*
80. *Ad hæc principia reducuntur alia.*
81. *Quæ dicta sunt de Conscientià dubia, intellige pariter de suspicante.*
82. *Maturè considerandum est, an aliquis dubio, vel scrupulo laboret.*
83. *Unicum est remedium, scrupulosus, ut promptè spiritali Patri, ac Magistro in*

in omnibus obediant .

84. *Cogendi sunt , ut contra scrupulum agant .*

85. *Causæ item removendæ .*

69. **Q**Uæritur quartò . Quomodo Conscientia dubia deponenda sit ; seù quid agendû , quando Conscientia est formaliter dubia : ità scilicet , ut ex neutra parte habeatur sufficiens motivum ad formandum iudicium determinatum , & moraliter certum ?

Quamvis enim aliququaliter inclinemur in unam potiùs , quàm in alteram partem , modò id non fiat ex aliquo motivo , ac ratione alicujus momenti , spectatis circumstantiis hic , & nunc occurrentibus , non sufficit ad formandam rectam Conscientiam , quæ regula possit esse humanæ operationis , ut satis ex dictis constat ; id enim per se non sufficit in casu erroris , ut invincibilis error censeatur ,

70. Certum est igitur in primis ; quòd ad Conscientiam dubiam deponendam vera est via , congruam adhibere diligentiam , ut meritis causæ pensatis , eam eli-

gamus partem , pro quâ solidiores sunt rationes , & graviores autoritates , ut in sequentibus videbimus . At vero , si cùm tota diligentia moraliter possibili ratio sufficiens , & motivum non occurrat , quo moraliter certum simus de opinionis , quam eligimus , veritate , aut certè urgens operandi necessitas consulendi commoditatem non permittat ; quid agendum sit , breviter in hoc dubio elucidabimus .

71. Prima igitur sit regula generalis . In dubiis melior est conditio possidentis . Hoc est , quando aliter de veritate certificari non possumus ; prudenter judicare licet pro illa parte , pro quâ stat possessio , & secundùm illam formare conscientiam . Pro cujus regulæ intelligentia notandum , quòd possessio dicitur propriè , rei corporalis detentio juris adminiculo suffulta ; Ut enim Sylv. notat . V. *Possessio* , sinè jure non est Possessio , sed iniqua detentio . Et de Reg. juris in 6. reg. 36. dicitur . Quòd pro Possessore habetur , qui dolo desit possidere . Ut igitur sit

Possessio, debet Jure; hoc est aliquo justo titulo possideri. Pura, si Petrus emit equum, de quo postea dubitatur an sit Francisci, quousque dubium liquidetur, Petrus justè possidet, & melior est ejus conditio, quia possidet, non utcunque, sed justo titulo emptionis. Si autem nullum titulum haberet, per hoc, quod equus apud illum sit; non diceretur possidere, nec melioris esset conditionis.

72. Quamvis autem plures velint, regulam istam non habere locum, nisi in materia justitiæ, eò quia jus, & titulus faciens possessionem in sola Justitiæ materia locum habeat: Nihilominus commodè satis, licèt non ità propriè, & in rigoroso sensu, extendi potest ad quamcunque materiam ceterarum Virtutum; ut cum aliis pluribus docet Jo. à S. Thom. *p. 2. disp. 12. art. 4.* Ratio autem est, quia in materia quoque aliarum Virtutum dari potest quodammodo Jus, Possessio, & titulus justæ possessionis, licet non ità stricte, & in sensu rigoroso. Hic autem ti-

tulus, & quasi Jus, vel quasi possessio facit omninò præponderare partem, pro quà stat; ac proindè, ubi clariùs apparere non potest veritas, motivum sufficiens habetur ferendi pro illa parte judicium.

Rem exemplis illustremus. Vim habet consuetudo legitimè introducta derogandi; immò totaliter abrogandi legem, rectissimè namque illud receptum est, ut leges per consuetudinē abrogentur. *Legge de quibus ff. de legibus. Et D. Thom. p. 2. q. 97. artic. 3.* docet, quòd consuetudo, & habet vim legis, & legem abolet, & est legum interpretatrix. Si ergò aliqua vigeat consuetudo contra legem, vel Præceptum, & dubium sit, an legitimè fuerit introducta, licitè possumus, illam sequi, & si meliùs esset, legem, ac præceptum implere; quia consuetudo est quodammodo in possessione. Item, si dubium sit, an Prælatus aliquid justè præcipiat, obediendum est, quia ipse est in possessione præcipiendi. Itè si dubium sit, an aliquis fue-

rit

rit legitimè professus, judicandum est, legitimè, quia professio est in possessione. Item, si post emissum Votum dubitet aliquis, an emisserit animo se obligandi, obligatus censeretur debet; quia possessio stat pro Voto; & sic in similibus.

73. Dices autem. Sequeretur ex hoc, quòd in quocunque dubio posset quis liberè, quod sibi magis libuerit, eligere; quia est in possessione suæ libertatis, quæ ob dubium spoliari non debet. Propter hoc argumentum Gonet, & alii negant prædictam regulam extrà materiam Justitiæ; sequeretur enim, quòd in concursu duarum opinionum posset quilibet, eligere, quam maluerit. Idemque sentit. Fagnanus, & pluribus exemplis, ac regulis Juris probat in cap. Nè innitaris. De quo Nos in sequenti §. Pro nunc ad argumentum negatur sequela. Possessio enim non juvat eligentem, sed partem eligendam; tunc ergò melior est conditio possidendis, quando ex una stat parte contrà aliam, inter quos est dissensio.

74. Neque dicas, dissensionem adhuc esse inter legem, & præceptum ex una parte, & voluntatè ex alia: cum ergo voluntas naturaliter suam libertatem possideat; possessio pro illa stat, & pro illa judicandum est. Etenim cum voluntas appetitus rationalis sit, libertas, quam Jure, ac justo titulo possidet, est secundum rationis regulam, & dictamen, ubicunq; igitur justum rationis dictamen non est; voluntas non justè, sed iniquè possidet; ac per consequens illi non suffragatur possessio. Cum ergò in dubiis nullum sit rationis dictamen, quod per modum regulæ sequi possit, jus non habet, nec titulum possessionis. Quærenda igitur est ratio, & justus titulus: Pro quo sit.

75. Secunda regula generalis. In dubiis tutior pars est eligenda. Hanc non admittunt aliqui, ac potissimum probabilistæ, tanquàm præceptivam; sed solum esse consultivam: eò quia, inquiunt ipsi, præceptum est, ut eligamus tutum; ad tutius autem eligendum non

tene-

tenemur, licet melius esset. Alii ipsam limitant, ut locum habeat solum in casibus à jure specialiter expressis. Verius tamen est, illam universalem, & præceptivam esse, ac omnino sequendam in dubiis, ubi alia non est ratio in alteram partem inflectens prudentialiter. Quare illa regula frustranea esset omnino, & malè restringeretur ad dubia. Traditur ergo tanquam remedium pro dubiis conscientiae sedandis; ac proinde universaliter intelligenda est. Sic enim traditur cap. Juvenis de sponsalibus, & indicatur cap. si quis autem dist. 7. de Pœnis, ut refert Jo. à S. Thom. Et colligitur ex dictis à nobis in præcedentibus. Etenim, si ubi sufficiens non est motivum ad judicandum pro altera parte, non eligeretur, quod tutius est, non haberet operans moralem certitudinem de rectitudine suæ operationis, ac perinde periculo peccandi se exponeret.

76. Pro explicatione tamen hujus regulæ, & solutione contrariæ rationis ad-

vertendum. Illud tutum dici, quod sine periculo peccati sequi, possumus, illud verò tutius, quod sequendo magis à peccato elongamur. V. G. tutum est jam, & absque ullo dubio, & periculo peccati, modicam refectiunculam serò accipere in die Jejunii; tutius autem esset, omnino abstinere. Licet ergo melius facerem, nihil sumendo penitus, attamen licet mihi, absque ullo scrupulo, modicum quid accipere. Ly ergo, tutius, in dicta regula intelligi non debet comparative ad aliā partem quoque tutam; id enim certè consilium est, non præceptum; sed intelligi debet adversative ad aliā scilicet partem, de quā non constat, quod tutò eligi possit, sed sub dubio est. Hic igitur sensus est regulæ. In re dubia si constat, quod, unam partem sequendo, peccare non possumus, de alia verò minimè; certam sequi debemus, & dimittere incertam; Hoc autem ideò, quia moralem certitudinem aliter habere non possumus.

77. Quid autem agendum

dum, quando ex utraque parte periculum imminet, puta, quia utrobique præceptum est: v. gr. tenetur Sacerdos, die festo celebrare, quod omittere nō potest absque gravi scandalo, & ex alia parte conscientiam habet peccati mortalis, nec habet copiam confessarii; si non celebrat, peccat ex scandalo; si celebrat, peccat accedendo, absque prævia Confessione. Pro his igitur est tertia regula. Quod ex duobus malis minus est eligendum. Quæ regula pariter non sic intelligenda est, quod liceat, malum, ut malum, eligere, hoc est malum permanens: Sed sensus est, dūm aliqua duo occurrunt, quæ in se mala sunt, & omninō alterum faciendum est; illud, quod secundūm se spectatum malum esset, sed minū, est eligendum, quod tunc excusabitur à sua malitia, & bonum erit, illud agere. Sic ergō in casu posito posset, ac deberet Sacerdos, absque prævia confessione celebrare, dummodō esset contritus, quia minus malum est, celebrare cū sola contritione, quā

grave dare scandalum; sique in casu cessat præceptum præmittendæ confessionis, & benè ageret Sacerdos, ut habetur ex Trid. sess. 13. cap. 7. Dixi, modō esset contritus, quia aliàs gravius peccatum esset, indignè celebrare, quā Populum scandalizare. Cum autē conteri possit Sacerdos, si vult; si non pœniteret, ita, ut sibi probabiliter videretur contritus, non excusaretur, sed peccaret, tam celebrando, quā omittendo. Et nota benè, quod ista regula non valet, nisi dūm urget necessitas operandi; aliàs desistendū est ab operatione, quoadusque moralis certitudo possit haberi.

78. Alia est difficultas. Quid agendum, si urgeat necessitas, nec appareat, pro quā parte stet possessio, nec quæ tutior, nec quod minū malum. Dico, quod tunc, si iudicium sit de re divisibili, dividatur æqualiter ex utraque parte, ut scilicet, nec totaliter contrā unum præceptum, nec totaliter contrā aliud agatur; hoc enim esset minus malū, quā totaliter unum transgredi

gredi præceptum : v.g. Cras habere debeo concionem, & lectionem, & neutram absque gravi scandalo, vel honoris, aut famæ detrimento, possum omittere; nec sufficiens pro utraque studium facere, possum. Dividam studium æqualiter, ut ad sufficientiam, si non adæquatè, satisficiam utrique parti.

79. Si aut res divisibilis non sit; puta in casu; quia studium, nec ad sufficientiam, pro utraque habere, possum. Potero ex aliquo, etiam levi motivo, mè ad unam determinare: Si verò nec leve motivum habeam pro altera parte, licitum erit, liberè quamcunque eligere. Hoc enim sufficiens erit ad mè certificandum, quòd rectè agam: fundatur enim electio in certissimo principio; Quòd nemo citrà suam culpā debet esse perplexus, & ex necessitate peccare, cùm igitur ex una parte stāte dubio, non liceat operari, & ex alia non possum, aliter dubium deponere; licitum utique mihi erit ad quamlibet mè determinare.

80. Ad hæc principia

reducuntur, & alia, quæ habentur in Jure præcipuè tit. *de Reg. Jur.* in 6. Puta, in obscuris Reo potius, quā actori, est sayendum. In obscuris minimum est sequendum. In obscuris inspicimus, quod verisimilius est, sed plerumque fieri cōsuevit, & si quæ sunt alia, quæ facile ex dictis intelligi possunt.

81. Quæ autem de conscientia dubia dicta sunt, eadem prorsus de suspicante intelliguntur, hæc enim in re à dubia non differt.

82. Quòd ad scrupulosam pariter ferè nihil occurrit dicendum. Hoc tamen ad-verti debet, ut matura consideratione inspicatur, an verè scrupulus, an potius dubium sit, quod ex allatis definitionibus, ac differentiis conscientiarum satis patere potest.

83. Ubi ergò scrupulus deprehenditur, unicum est remedium, ut scrupulosus promptè in omnibus spiritali Patri, ac Magistro obediāt, quod certè nimis est difficile, hujusmodi malè affectis persuadere, cùm fortiter levia illa fundamenta

appre-

apprehendat, & gravia ipsius videantur.

84. Consultò autem cogendi sunt, ut contrà scrupulum agant, ut tandem ipsū Deo Adiutore propellant, illudque firmiter credant, quòd spiritualis Patris consilia sectando, tuti omninò incedunt, quamvis fortè, illum errare, contingat. Sed tali super omnia se committant, de cujus scientia, prudentia, charitate, ac zelo fidere, benè possint.

85. Causæ item removendæ sunt, ex quibus, ut plurimùm, oriri solent, tum ex consuetudine similium Personarum, tum ex librorum lectione, tum ex tristitia, Dissidentia Divinæ Misericordiæ, occulta superbia, & prava quoque humorum dispositione, de quibus non est hic nobis longiùs discurrendum; videri autem possunt, qui expressè de his tractant, ac præcipuè Mag. Medina in sua brevi Instructione Sacerdotum.

§. IV. De Conscientia Opinativa, seu probabili.

SUMMARIUM.

1. *Quid sit propriè Conscientia Opinativa.*
2. *Voluntarius purè assensus ad alteram contradictionis partem, formare non potest rectam conscientiam.*
3. *Assensus adeò moraliter firmus ex vi rationabilis motivi, ut ferè credatur, aliter esse non posse, format Conscientiam rectā, ac certam, non tamen siortum, habeat ex pravo affectu.*
4. *Assensus ex rationabili motivo cum formidine practica, & morali, non format rectam Conscientiam, benè verò, si formido sit tantùm speculativa, vel logica.*
5. *Ut opinio sit probabilis, debet rationabili, & gravi motivo fulciri.*
6. *Duplex probabilitas, intrinseca, & extrinseca.*
7. *Cæteris paribus, antiquiores modernis DD. præferendi sunt.*
8. *Non ex multitudine Authorum præcisè judicanda*

est sententia communis ; sed quando à pluribus docetur , re maturè discussa .

9. *Temperanda est Juris , ac Theologiae ratio , ut una alteram juvet ; sed ceteris paribus Theologica praesferenda .*
 10. *Patrum Authoritas praesferenda , moderatus tamen eorum rigor , dum aliqua per exaggerationem dixerunt , ut in Sermionibus .*
 11. *Authoritates ponderandae sunt juxta subjectam materiam , in qua unus D. praeceteris excelluit .*
 12. *Prius ad rationes , deinde ad auctoritates attendendum , ex utroque colligitur Jure .*
 13. *Communis sententia relinquenda non est , nisi verè magni momenti ratio ad contrariam impellat .*
 14. *Probabiliorem opinionem reddit gravitas Authorum , quamvis in rationibus a contraria adequetur .*
 15. *Illam probabilior , immo certa est , quae fidei definitione fulciri videtur .*
 16. *Illam probabilior , quae Juris sensui magis innititur , nisi aliàs aequitas postulet , fallitque regulam*
- in odium Judaeorum .*
17. *Item probabilior , quae laudabili , & approbata consuetudine firmatur .*
 18. *Canonica lex praesferenda Civili ; Recentior antiquiori , & ubi nil certum , communior .*
 19. *Item quae magis Religioni favet , Pietati , Juramento , Testamento , Libertati , Matrimonio , & Sacramento .*
 20. *Odia restringi , & favores convenit ampliari .*
 21. *Aliud est , Opinionem esse tutiorem , aliud probabilior .*
 22. *Immo in rigore tutior dici non debet opinio minus probabilis , nec illa pro regula est habenda .*
 23. *Uusus tamen invaluit vocandi tutiores hujusmodi sententias , à quo recedendum non est .*
1. **Q**uidquid autem sit ; an Cōscientia opinativa , Judicium scilicet determinatum de re operabili , cūm formidine tamen alterius partis , formidine iniquitatis , practica , & morali ; conscientia dici debeat , necnè ? Sicut etiam , an conscientia pro-

probabilis, quæ formidinem tantum retinet speculativā, vel logicam, ut supra explicuimus, distinguī debeat à conscientia certa? Hæc enim parum, vel nihil conferunt. Potissima difficultas est hac in re, quam probabilitatem habere debeat opinio, vel sententia, ut possimus, juxta illam formare conscientiam, quæ nos moraliter certos reddat de rectitudine nostræ operationis, ac per consequens, illam sequendo, tuti simus à periculo peccati. Dubium autem hoc præmittendum est, ut majori cum distinctione, & claritate ad reliqua procedamus. Opinio ergo, vel sententia probabilis est Judicium, seu assensus determinatus ad unam contradictionis partem ex rationabili motivo, cum formidine alterius partis.

2. Tripliciter enim, potest quis, alteri contradictionis parti assentiri. Primò quidem voluntariè, hoc est, non rationabilis motivi ductu, sed quia sibi magis talis pars placet. Hic autem assensus non potest certè, formare conscientiam, quæ ad minus recta possit esse regula opera-

tionis. Hæc enim debet esse dictamen rectæ rationis, quæ ut diximus est lex, & proxima regula morum; tali verò sic assentienti est prò lege, & ratione voluntas.

3. Secundò potest quis, alteri parti assentiri firmo, ac omninò certo assensu, si non formali, ac scientifica certitudine, adeò tamen moraliter firma, ut ferè credat, aliter esse non posse, quia scilicet vi rationis, ac motivi fortiter adeò trahitur, ut quasi immobiliter sententiæ adhæreat. Et hic assensus propriissimè format conscientiā rectam, & certam, nisi fortè immobilitas hæc ortum habeat à pravo voluntatis affectu, qui perindè vincibilem, seu culpabilem reddat errorē.

4. Tertiò demùm assentiri quis potest alteri parti ex motivo quidem rationabili, non tamen adeò forti, quin relinquat formidinem aliquā partis oppositæ, quæ formido si practica sit, & moralis modò suprà explicato, impedit rectā conscientie formationem, ità ut non possit esse regula tuta; secùs verò, si formido tantum sit speculativa, seu logica.

5. Datur ergò latitudo in opinionibus, ut una sit alia probabilior. Et quidem, ut absolutè probabilis opinio censeatur, debet sufficienti, rationabili, & gravi motivo prudentum judicio fulciri: Si enim quis ex levi quadam, & frivola ratione, seu motivo feratur ad aliquid afferendum, non tam probabilem opinionem, quam improbabilem, & omninò voluntariam assumet sententiam. Quo fortior autem ac majoris ponderis fuerit ratio, & motivum ducens ad assentiendum, eo probabilior erit opinio.

6. Duplicis autem generis possunt esse motiva probabilem assensum regulantia; & proindè duplex quoque est probabilitas ipsa. Intrinseca videlicet, quæ ex intrinsecis principiis, & meritis ipsius causæ desumitur, puta benè fundata ratione, lege, consuetudine, possessione, effectibus, necessitate imminente, et si, quæ sunt alia, quæ ex ipsa rei, & causæ natura derivantur. Altera extrinseca, quæ desumitur ex autoritate DD. Cum enim, ut benè

advertit Cajet. in *Prologo p. 2.* Acribologia Mathematica. in moralibus expetenda nò sit, nec ità subtiliter Metaphysicæ rationis rigor; immo in pluribus Epykeia, discretio, ac in primis Prudentia sectanda; Hinc est, quòd graviorum DD. auctoritas non parùm addit opinionibus probabilitatis. Juxtà quod Spiritus Sanctus admonet Eccles. 8. *Nè despicias narrationem Presbyterorum Sapientium, & in Proverbiis eorum conversare: ab ipsis enim discas Sapientiam. Intellectus, & servire Magnatis sine quarela. Non tē prætereat narratio seniorum, ipsi enim didicerunt à Patribus suis, quoniam ab ipsis discas intellectum, & in tempore necessitatis dare responsum.*

7. Graviorū porrò DD. voto, quorum doctrina frequenter utimur, eorumque sententiis Viri aliàs Docti, ac prudentes, ut plurimum adherent. Ex ipsis autem, ceteris paribus, Antiquiores modernis præferri debent, & quidem, non solum in rebus fidei; sed etiam in agilibus, in quibus licet aliquādò recentiores magis
æsti-

æstimandi sint; eo quia pensanda plurimum sunt ex circumstantiis temporum, morum, & hujusmodi, ut benè advertit Reginaldus initio suæ Praxis in Epist. ad Lectorem. Id tamen locum non habet, nisi in particulare controversiis de rebus, quæ pro varietate temporum, & locorum variari solent. Cæterum, quoad methodicam, & fundamentalem doctrinam, omninò antiquiores præferendi sunt, sed, ut dixi, cæteris paribus: Contingere namque potest, ut aliquis Junior fortio-rem adinveniat rationem antiquis ignotam, quæ tamen cautè, ac maturè consideranda erit, antequàm ejus vi ab antiquorum sententia retrahamur.

8. Sed insuper notat, & benè Sanchez. in Decal. lib. 1. cap. 9. num. 9. non præcisè ex Authorum multitudine communem sententiã, & majoris ponderis esse judicandam; accidit namque pluries, multos, instar acriũ sequentes priores, unam sententiam asserere absque ulla, vel non magna discussione. Tunc ergò verè com-

munis, & majoris ponderis habenda erit sententia ex autoritate; cùm à pluribus DD. utriusque partis meritis benè perpensis, docetur; quamvis fortè multò plures, absque tamen matura discussione, contrarium teneant.

9. Adde, quòd licet in casibus ad legem positivam spectantibus plurimi sit faci-enda Jurisconsultorum autoritas; non tamen adeò Theologorum præferenda est authoritati; etiam in dictis casibus, ut sententia communis inter Juristas absolute censeri debeat probabili-ior communi inter Theologos; nam plura lege seculari permittuntur, quæ tamen in conscientia non licent. Plura quoque in Sac. Can. statuuntur ad tollendas lites, fundanturque in præsumptione, cùm aliàs in foro fori veritas probari non potest, quæ si pateret, aliter judicaretur. Et ideò prædicti canones locum non habent, ubi aliàs veritas patere potest, ac præcipuè in foro conscientiæ. Item Juristæ, etiam Canonum DD. errant faciliter, ni Theologis

gicis fulciantur fundamentis. Pensanda igitur est, & simul temperanda Juris, ac Theologiæ ratio, ut una alteram juvet, non destruat; sed cæteris paribus, Theologica præferenda est in foro conscientiæ.

10. Nota insuper quòd PP. plura dixerunt per excessum, seu exaggerationē, & ex affectu ad Virtutem, Christianamque perfectionem; undè licet eorum auctoritas cæterorum præferenda sit authoritati; in multis nihilominus eorū rigor probabilius mitigatur, præcipuè; cūm non ex professo disputantes, sed ut dixi per exaggerationem, puta in sermonibus, protulerūt sententias; quas tamen, dūm possumus, exemplo Angel. Præcept. explicare; non rejicere omaninò debemus.

11. Denique, tūm ex PP. tūm ex reliquis DD. alii aliis excellentiores fuerunt in aliquo genere, ac certa materia, ut Hieronym. in exponendis Sacris Scripturis, quem Deus, Doct. maximum Ecclesiæ suæ providere dignatus est; August. verò in Doctrinalibus, quem

de servitute Babylonis propugnatorē strenuum redemit idem Summus Rex noster, ut canit Ecclesiā: Quare & eorū auctoritates ponderandæ sunt juxtā subjectā materiam.

12. Illa igitur probabilior judicanda est opinio, quæ solidioribus rationibus, graviorumque DD. auctoritati innititur. Itā tamen, ut prius ad rationes, deindè ad auctoritatē attendatur. Sic enim in cap. Capellanus de feriis; cūm duæ essent propositæ opiniones, posterior electa est, quia, inquit Pont. meliori, & subtiliori ratione nitebatur. Et Justin. Inst. lib. 2. cap. de hæredibus instituendis, relicta plurium DD. auctoritate, unius Attilicini sententiam est secutus, quia id *æquius erat*, ut idem fatetur.

Ubi notavit, & benè Al-dobrandinus, *quòd opinio unius D. quando est fulcita, melioribus rationibus, attenditur contra opinionem plurium*. Et clariùs: l. Deo Authore cap. de veteri jure enunciando, hæc habentur. Sed neque ex multitudine Authorum, quod melius, & *æquius est*,

est judicatote; cum possit unius forsan, & deterioris sententia, multos, & majores aliqua in parte superare.

13. Quibus nihilominus non obstantibus, cavendum nè de facili communẽ DD. sententiam relinquamus, nisi verè magni momenti ratio ad contrariam impellat: facilius namque unus falli potest, quàm plures, & ex alia parte, ut optimè adnotavit Glofs. lib. 2. instit. *de Testamen. ordinandis §. Sed cum aliquis. Communis opinio quandoque prævalet veritati, & communis error facit Jus;* sed ut ibidem subditur, quando veritas patens non est, sed occulta.

14. Itaque ex duabus opinionibus æqualis ponderis rationes habentibus illa probabilior estimabitur, pro quâ stant graviores DD. cum hac distinctione, quòd si una est communis inter antiquos, alia inter modernos, illa præferatur; nisi fortè aliqua superveniente circumstantia, meritò à modernis antiquorum sententia relicta sit. Quod si una sit plurius quidem antiquorum, non verò ita communis, &

alia communis modernorũ, poterit hæc probabilior judicari, semper cæteris paribus, attentà maximè DD. gravitate, ac materia, & modo tradendi sententiam.

15. Aliquæ demùm sunt regulæ generales ad cognoscendum, quænam inter opiniones probabilior haberi debeat. Et prima sit. Ubi manifesta est sententia, vel definitio fidei, quidquid gravissimi etiam DD. asserant, illa probabilior; immo recta est censenda sententia, quæ fidei definitione fulciri videtur, & ad illam propius accedit.

16. Secunda. Illa item sententia est præferenda, ut probabilior, quæ legis, ac juris sensui magis innititur: Quod intellige, quãdo æquitas aliter judicandum non postulat; non enim semper cum Acribodicæis est legis rigor sectandus; immo sæpè consulenda æquitas; quæ lex quædam superior est nullo descripta codice, sed ipsius naturalis rationis dictamine firmata, quæ leges ipsas interpretari, ac moderari perfectæ rationis iudicio debemus. Hoc tamen
fal-

fallit in odium Judæorum, contrà quos rigor præfertur æquitati, ut habetur ex cap. 2. de *Judeis, & Sarracenis*.

17. Cùm autem consuetudo legitima vim legis obtineat, idem prorsus dicendum erit, illam videlicet esse probabiliorē sententiam, quæ laudabili, & approbata consuetudine, ac usu firmatur, & intellige semper, cæteris paribus, puta, dùm pro altera parte, nec lex est clara, nec potissima ratio.

28. Quod si pro utrâque parte sit lex, concordari debent, si fieri potest, si verò leges concordari nō possint, & una Civilis, altera sit Canonica, hæc præferri debet, si verò utrâque sit Civilis, vel Canonica, recentior, ut plurimum est sequenda, quia per novas leges, & constitutiones antiquis derogatur. Si demùm omninò incertum sit, quænam ex legibus in sua vi perseveret, communior sententia erit amplectenda, ni contrà obftet fortis, & certior ratio; certior quidem, non enim de facili à communi est opinione recedendum.

19. Tertia regula. Item

cæteris paribus illa, ut æquior & probabilior, sententia est eligenda, quæ magis religioni favet, ac pietati, Juramento, Testamento, Libertati, Matrimonio, & Sacramento.

20. Quarta demùm juxta regulam Juris, Odia restringi, & favores convenit ampliari, probabilior est sententia judicanda, cæteris paribus, quæ omnia potissimum ex Sylv. V. *Opinio*, & Azor p. 1. lib. 2. cap. 9. & seq. prælibavimus.

21. Pro complemento notandum est: Aliud esse opinionem esse tutiorem, aliud probabiliorē, ex diverso namque capite probabilitas desumitur, ac tutela. Probabilis enim dicitur opinio ex hoc, quod rationabilis, hoc est bona ratione, fundamento, ac motivo suffulta. Dicitur autem tutela ex hoc, quod nos à peccato tueretur, & ab eo elongat. Quare poterit una opinio, melioribus, ac solidioribus niti fundamentis, & rationibus; ac proindē probabilior dici, & nihilominus cōtraria nos magis à peccato elongare, ac indē tutior haberi.

22. Vc

22. Verum tamen est, quòd in rigore loquendo, neque propriè tutior dici debet opinio minùs probabilis, laqueos enim potiùs parat, ubi non sunt, & scrupulos ingerit. Magis ergò propriè dicendù esset, quòd tutius est, agere, quod illa dictat; non autem, quòd tutior sit illa sententia; quæ certè, si minùs sit probabilis; pro regula non est habenda, licet bonum sit, & consilium agere, quod illa dictat, non tamen ex vi ejus dictaminis, quod pro falso potiùs habendum est. Sed quia in re illud bonum est, & ab alio vero dictamine habetur, non per modum præcepti, sed consilii; ut benè advertit Mag. Soto 4. *distinct.* 18. q. 1. art. 3. *con.* 4. v. gr. Probabilior omninò, & vera sententia est, quòd peccata venialia nò sunt necessariò confitenda, ut remittantur, sed absque illorum cōfessione remitti possunt per actum Charitatis, aut quid aliud; nihilominùs tutius omninò est, illa confiteri, & ità consulendum. Opinio ergò asserens, necessariam esse venialium con-

fessionem, tutior dici nò debet, immo falsa penitùs; at benè, quòd tutius est, venialia confiteri.

23. Caterum, quia usus jam invaluit vocandi hujusmodi minùs probabiles opiniones tutiores, à communi modo loquendi non est nobis recedendum. Verè namque tutiores aliquo modo dici possunt materialiter saltem, & ratione materiae, licet non formaliter, & ratione dictaminis, ac regulæ. Sicut in Dialecticis ratione materiæ necessariæ valet cōsequentia, v. gr. ab indefinita ad singularem, puta Homo est animal: ergò Petrus est animal; quod non valet absolute, & in vi consequentiæ, quia scilicet in materia necessaria propositio indefinita æquivalet universali. Et teneat exemplum, quantum potest. His præmissis.

Sequitur Summarium.

24. *Licet omninò, sequi tutiorem, etsi minùs probabilem, opinionem, sed cavendum, nè juxta illam formetur Conscientia.*

25. *Item licet, sequi probabiliorem, etsi contraria sit magis tuta.*

Qq 26. *Licet*

26. *Licet, sequi minùs tutam, & minus probabilem, si post sufficientem diligentiam probabilior appareat.*
27. *Peccat omninò scienter docens minùs probabilem, licet magis tutam.*
28. *Excusantur Cathedratici, qui ex munere, Magistri sui sententias docere, tenentur.*
29. *Extra fidei, & morum materiam non est mortale, nisi aliundè gravitas augeatur.*
30. *In rebus fidei, & morum non faciliè à mortali sunt excusandi minùs probabilia docentes.*
31. *In praxi nullatenùs licet, scienter juxtà minùs probabilem, minusque tutam opinionem operari.*
32. *Probatur, quia apud nullum SS. PP. invenitur fundamentum, cui moderniores Probabilistae nituntur, ut ipsimet fatentur.*
33. *Probatur Auth. August. & Bernard.*
34. *Conf. ex Petro Damiano.*
35. *Fundamentum Probabilistarum est serè damnatum ab Innoc. XI.*
36. *Non obstat, quòd in damnata sententia dicatur.*
- Quantùm vis tenui, probabilitate, quia subditur, modo à probabilitatis finibus non exeat.
37. *Ad minùs illud Principium limitandum est, nec universaliter verum est.*
38. *Probabilistae DD. omnes ferè moderni, ipsis quoque testibus, ipsisque numerus non potest suffragari.*
39. *Antiqui unò ferè ore nostram fatentur sententiam.*
40. *Probabilistae in varias, veluti sectas, divisi sunt.*
41. *Ostenditur, ex Apostolica traditione à majoribus ad posteros nostram descendisse sententiam.*
42. *Authoritas D. subtilis.*
43. *Authoritate Angel. Praecept. idem comprobatur.*
44. *Probatur ratione. Quia non possumus, aliter prudenter operari.*
45. *Non potest quis, prudenter operari, nisi determinatam habeat regulam, quam non voluntas, sed ratio, determinare debet.*
46. *Implicat omninò, quòd quis certitudinem habeat de veritate duarum contradictoriarum.*

24. **Q**Uæstio celeberrima est, nec minus ejus resolutio necessaria. Utrum semper teneamur, operari juxta probabiliorem, ac tutiorem sententiam. Et nè omnia frustra in dubium revocemus. Tanquam certum supponendum est, licere, immo omnino melius esse, operari juxta minus probabilem opinionem, quæ tamen tutior est. Sed cavendum, nè juxta illam formetur conscientia, nè, ut dixi nobis ipsis laqueos paremus.

25. Item certum est, licite posse quemquam, probabiliore sequi sententiam, quam talem ipse operans verè putat, licet alia sit magis tuta; Sed hoc limitandum in materiâ Sacramentorum, de qua distinctè infra §. 5. num. 58. & sequentibus.

26. Item licite sequi, potest minus tutam, & in re minus probabilem, quæ tamen facta sufficienti diligentia, sibi probabilior apparet. Hæc omnia patent ex dictis. Taliter enim operans de facto moraliter certus est de veritate opinionis, quam

sequitur, illique prudenter assentitur; immo imprudens esset, si judicans illam probabiliorem, contrariæ assentiretur.

27. Tota ergo difficultas est. An judicans probabiliorem sententiam, quæ tutior est: possit licite illa relicta, sequi contrariam probabilem? Et loquimur in practicis, & in ordine ad operationem. Etenim quò ad speculationem, & doctrinam universaliter dico, quòd peccat, qui scienter minus probabilem sequitur opinionem, relicta probabiliore, etiam si minus probabilis tutior sit. Id enim est directè contrà dictamen rectæ rationis, & ipsius naturam speculationis, quæ veritatem indagamus, ac per consequens id sequi, debemus in quo major veritatis lux effulget. Dixi scienter, quia si ex errore minus probabilem in se probabiliorem putaret, nullatenus peccaret, sicut nec in operabilibus, ipsam practicè sequendo, ut prænotavimus.

28. Quod autem ait Magist. Sorò lib. 3. *just. q. 6. artic. 5. ad 4.* in speculativis, &

Qq 2 in

in Gymnasio licere aliquādo, sequi opinionem probabilem, relicta probabiliori; debet intelligi per modum disputationis, & ad ingenia exercenda, non verò absolute, docendo ipsique adhaerendo. Quia hoc esset, omnino à speculationis fine, & ipsa veritate recedere. Hinc excusantur Cathedraci, qui ex munere proprii magistri, cujus Cathedram sustinet, Doctrinam debent defendere; quamvis enim judicent probabiliorē sententiam, oppositam, licite magistri sui opinionem in Cathedra tuerentur, quia hoc onus eorum est, ac prudenter in Universitatibus institutum, ut per oppositas disputationū concertationes clarius veritas elucescat.

29. Extrā tamen materiam fidei, ac morum in purē speculabilibus, non video mortale peccatum, ex quadam jactantia, vel ad ingenii ostentationem sequi, ac defendere minùs probabilē opinionem; nisi aliundē gravitas augeatur, puta si nimio affectu circa hujusmodi opiniones ad veritatis odiū inducatur, vel jactantia in-

damnabilem superbiam elevetur, aut in aliorum cedat perniciem, vel contemptum de quibus vide Summistas, & præcipuè Cajet. V. Magistri, & alibi.

30. In rebus autem fidei, & morum non facile à mortali excusarem sequentem, & multò minùs docentem sententiam minùs probabilem, relicta probabiliori, vel impugnata: si tamen id voluntariè, & ad libitum fiat: Nam si aliàs probabilior sibi videatur sententia, quam sequitur, excusabitur modò tamen in veritate inquirendā debitam adhibuerit diligentiam, ac studium. Ad praxim ergò descendendo.

31. Dicendum est. Nullatenùs licere, probabiliori, & tutiori simul relicta sententia, juxtā minùs probabilem, minusq; tutam operari scienter, ut jam explicatum est. Hanc Conclusionē præ ceteris fusè probant, solidioribusque fundamentis confirmant, ac pluribus illustrent Metonus in sua basi Theolog. moral. Gonet in speciali dissertatione de *Opinionū probabilitate*. Vincen-

cen-

centius pariter Baronius in libro de probabilitate opinionum, & Contenson. to. 2. Theolog. mentis, & cordis dissert. 6. ex quibus aliqua, vel breviter hic afferemus, plura videnda relinquentes apud eosdem; nec non apud Illustrissimum Fagnanum in cap. Ne innitaris, & Reverendissimum Thyrsium Gonzalez Inclitæ Soc. Jesu Præpositum Generalem in Opere Novissimo, hac de re edito Romæ 1694.

32. In primis ab auctoritate Antiquorum PP. & DD. probatur ista Conclusio. Etenim, ut recentiores ipsi fatentur Probabilistæ, Axioma illud, quod pro fundamento, ac regula generali statuunt, videlicet prudenter agere, nec peccare, quicumque agit secundum id, quod ei probabile videtur; quia si contingat errare, ignorantia excusabitur; apud nullum SS. PP. invenitur, nec de illo unquam meminerunt, immo ipsis fuit ignotum; Mirum autem sane, annos ferè mille sexcentos tam necessariam Doctrinam, ac suavem regulam, tam facillimum iter planan-

tem ad Cœlum in Ecclesia Dei tenebris fuisse involutâ ignorantia. Quæ certè si vera esset, meritò cum Guidone Carmelitanum Generali non ironicè quidem exclamare, liceret apud Gonet man. tract. de actib. hum. cap. 16. *O Apostolorum tempora infelicissima? O Viros illos ignorantia tenebris involutos, & omni miseratione dignissimos. Qui, ut ad vitam pertingerent, propter verba labiorum Dei, tam duras vias custodiebant, & hæc nostra compendia nesciebant.* Planè gaudendum ex alia parte, nostrorumque temporum felicitati plaudendū. Ut enim agebat Caramuel disp. 6. Theolog. regul. Gonet Clyp. dissert. de opin. prob. art. 2. q. 52. hisce temporibus Ecclesia Catholica felicior debet dici, quod exuberet Sanctissimis, & Doctissimis Viris, qui introduxerunt benignas opiniones; quia damnarentur plurimi, quos sententiæ probabilitas salvat: Nec indè Ecclesia infelix est, quod DD. opinentur passim; sed & indè felicior, quod benignius, & facilius suos, possit ad Lauream Empyream promovere.

Cer-

Certè vix mortaliter unquã peccarent hodie fideles, si quamlibet sequendo opinionem, tuti incederent:

33. Audiant autem, quomodò summus Ecclesiæ D. August. nimis aliter sentiat, ac doceat; Epist. 154. ità scribit, *Si quis bonum putaverit esse, quod malum est, & fecerit, hoc putando utiquè peccat, Et ea sunt omnia peccata ignorantie, quando quisque benè fieri, putat, quod malè fit.* Et certè, si quælibet probabilitas excusaret, vix quispiam ex ignorantia peccaret, nisi crassa nimis, aut affectata. Sed clariùs lib. 3. con. Acad. cap. 16. ipsissimum Probabilistaru axioma, refert sic. *Cùm agit quisquam, quod ei videtur probabile, nec peccat, nec errat; Illudque plurimis confutat, quæ longum esset, hic referre.* Item lib. 1. de Bapt. con. Donatistas cap. 3. & 5. ait, *Graviter peccaret, vel eo solo, quòd certis incerta preponeret; Et ut cætera omitтам brevitatìs gratia; Bernard. lib. de Præcepto, & dispensatio: post plura concludit. Sive itaque malum putes, quod forte agis, sive bonum, malum,*

quod operaris, utrumque peccatum est. Quæ omnia, & similia intelligenda sunt, dùm quis de veritate sui iudicii moralem non habet certitudinem, quam habere, non potest, qui secundùm id, quod verisimilius apparet, iudicium non profert, ut jam satis in superioribus probatum est.

34. Quare S. Petrus Dam. optimè scripsit Epistol. 18. apud Contens. disp. 6. de prob. com. cap. 1. spe 2. in refl. *Quoniam ab Apostolis fidem, ab Apostolicis autem viris conversandi in Eccl. percipimus ordinem, ità propè modum non mutamus disciplina modum à majoribus traditum, sicut illibatum tenemus ipsum quoque fidei fundamentum.* Et in Apol. pro Greg. 7. *Non minus resistendum est auth. institutionum impugnatoribus, quàm sac. fidei violatoribus; Cùm & Damonibus assimilentur, quicunque institutionem SS. PP. in fide tantum, & non etiam in conversatione pro viribus affectantur.*

Quid ergò iactanter asserit Caramuel apud Gonet, ubi suprà §. 6. *Tota moralis Theologia nova est; Quis enim nega-*

negare audebit, esse hodie in Diana centenas opiniones probabiles, quæ August. & Antiquis Ecclesia PP. ignota fuerunt. Verū quidem, & negare non possumus; At nè bene? Ipse viderit cū cæteris cōmilitonibus. Nos autē scimus, ut Lorin. in Aët. Apost. c. 34. com. scripsit apud Gentem. ubi suprà spec. 3. Catholicorum hoc ferè proprium est, deposita SS. PP. & Commissa servare, damnare prophanas novitates, & sicut dixit, & iterū dixit Apost. Si quis annuntiaverit, præterquā quod acceptum est, anathema sit. Sed, obsecro, dicamus cū August. Nō sit honestior Philosophia Gentium, quā nostra Christiana. Ipsi enim Gentiles naturali rationis lumine ducti, satis optimè cognoverunt, nefas esse, id agere, de cuius honestate non patet: Ait enim Tul. i. de off. Quo circa bene præcipiunt; Qui vetant, quidquā agere, quod dubites, æquum sit, an iniquum; Æquitas enim lucet ipsa per se; dubitatio autem cogitationē significat injuriā.

35. Adde insuper illud Probabilistarū axioma jam

ferè damnatū videri ab Innoc. XI. 2. Martii 1679. sequentem damnante propositionem. *Generatim, dūm probabilitate sive intrinseca, sive extrinseca, quantumvis tenui, modò à probabilitatis finibus non exeat confisi aliquid agimus, semper prudenter agimus.* Falsum est ergò, quòd prudenter, & licite agat, quicumque sequitur opinionem, etiam minùs probabilem. Falso ergò, & quasi damnato, nituntur fundamento Probabilistæ.

36. Scio quidem, hoc irridere præcipuè novissimū quendam recentiorē, de quo infrà. Neque enim, ut inquit ipse, in pilo tacta fuit benigna sententia per tale Decretum. Ibi enim in primis damnatur solūm, prudenter agere, qui tenui probabilitate confisus operatur; tenuis autem probabilitas vix sufficit ad merendum titulum probabilitatis: immo, si verè tenuis sit, nec verè probabilitas erit: nec enim vim habebit trahendi ad ullum assensum intellectum. Cū tamen in dicta sententia damnata expressè dicatur, *modò à probabilitatis fini-*

finibus non exeat; manifestum est; quòd ibi est sermo de opinione verè probabili, quæ alicujus momenti rationibus innitatur, qualis omninò esse debet opinio probabilis, ut omnes, fateri, tenentur; nam, quæ levibus, & frivolis innititur, exit jam probabilitatis fines. Damnat ergò Pont. sententiam asserentem, universaliter nos prudèter agere, dùm juxta verè probabilem agimus opinionem, cui perinde tenuis tribuitur probabilitas, non quia rationibus alicujus momenti careat; sed quia majoris ponderis rationes habet contraria probabilior sententia.

37. Sed benè, subdit idè Author, damnatur, id *generatim* licitum esse, quia verè non semper licet, probabiliori sententia relicta, minùs probabili adhærere. Quando enim probabilior sententia nimis in probabilitate aliam excedit, non licet, minùs probabilem sequi; nam hæc in comparatione tanti luminis ferè à probabilitate cadit; adveniente enim lumine majori, cessat minus. Quod certè

verū est, sed nos infrà ostendemus, id planè contingere in quocunque probabilitatis excessu. Pro nunc sufficiat nobis. Illud axioma, non esse universaliter verū, sed ad minùs limitandum.

38. Quia tamen contraria sententia numerosa DD. turba, nè dicam, innumabili, freta est: Id præ oculis habendum, eos ferè omnes modernos hoc nostro laxiori seculo prodiisse in lucem, dùm facilis adeò librorum evulgationi aditus patet, quòd non ità faciliè retroactis temporibus continebat. Ut enim refert citatus Reverendiss. Thyrsus initio introductionis sui operis. Gravissimus Theolog. Antonius de Cordula in suo *Quæstionario Theolog.* in lucem edito 1781. libro 2. q. 3. in tertia assertione, cum asservisset: *Partem tutiorem tenendam esse, quando oppositæ sententiæ sunt, aut creduntur æquè probabiles*; etiam in prima assertione: *Partem tutiorem esse tenendā, quando illa est probabilior opposita*, statim addit; *Et in hoc omnes Theolog. cōveniunt.* Et P. Franciscus Amicus benignè

nignæ sententiæ Patronus rom. 3. Cursus Theolog. primùm excuso 1640. disp. 15. num. 75. expressè fatetur, *omnes ferè antiquos Theolog. negare licitum esse, operari secundum sententiam minùs tutam, & simul minùs probabilem; semperque ad licitè operandum ex sententia minùs tuta, exigere, ut illa sit probabilior*. Innumeri autem, ut ait Tabiena in Proëmio, & diffusi extabant suo tempore de re morali tractatus. Et Possevinus in sua Bibliot. lib. 3. cap. 22. plusquàm sexaginta ex antiquis enumerat, qui summas casuum cōscientiæ ediderunt. Quòd ergo ex impressis, & vulgaris Modernorum numerus antiquorum numerum superet, nihil penitùs benignæ sententiæ suffragari debet.

39. Adde, quòd Antiqui, quorum, ut prænotavimus, cæteris paribus, præferenda est autoritas; Quasi uno ore nostram fatentur sententiam; Nullum verè pro se citare possunt contrarii; quí tamen velint, nolint ipsos totius Doctrinæ, ac Sapientiæ Corypheos venerari tenentur, & quod mirum,

in hac sententia tam Angelica, quàm subtilis, convenit Schola, & fusè demonstrat Thyrs. diss. 9. & 13. Et quid certè recentiorù turba cōtrà August. Chrysoft. Thomā, Antoninum, Scotū, Adrianum, Cordubam, Gerfonem, Henricum, Majorem, Sotum, Sylvestrum, & sexcentos alios, tùm ex SS. PP. tùm ex gravissimis DD. etiā ex Modernis, quos apud ipsum Thyrsium videre licet?

40. At verò Moderniores Probabilistæ in varias, veluti sectas, divisi sunt. Cùm enim effugere nō possint, rationum vim, nec sustinere contrariæ autoritatis pondus, conantur, per quasdam limitationes, ac subterfugia se tueri, & quidem alius sic, alius sic, quod manifestum indicium est falsitatis, veritas enim una, solida, & firma est.

41. Ex quibus certè validum omninò sumere, licet argumentum. Cùm enim præceperit Dominus Apostolis Matt. 28. docere omnes Gentes, servare omnia, quæcunque mandaverat eis; Neque credibile sit, Apostolorum tempore inter cō-

R r scien-

scientiæ Magistros, ac Directores plures non exortas quæstiones; an hoc, vel illud agere, vel omittere peccatum esset, præcipuè cum tunc Gentilium mores primò reformarētur: Satis utiq; muneri Apostolico defuissent, si regulam non tradidissent, ac modum, quo fideles, in hujusmodi ambiguitatibus tuti, possent incedere. Fuit ergò in Ecclesia regula ista ab Apostolis tradita, quâ in opinionum contrarietate, quid sequendū esset, fidelibus innotesceret. Ni dicere velimus, per tot secula Deum Ecclesiam suam tam necessario præsidio voluisse destitutam, solumq; recentioribus nostris revelare. At porrò si Apostolicas traditiones, ac præcepta venari, velimus, ubi expressè in sacris literis non habentur, alia non apparet via, quàm communis PP. sensus, & Ecclesiæ consensus; Atqui nullum ex antiquis PP. & DD. nullum invenimus Ecclesiæ monumētum, quo illud Probabilitatum dogma doceamur. Ex alia parte, quotquot extant hac de re, vel Canonum

PP. vel DD. testimonia, tutiorem, & probabiliorem partem amplectendam, admonent. Hoc ergò proculdubio Apostolicum est præceptum, & regula Ecclesiæ. Et certè si tot DD. sententia nova in Ecclesia fuisset, ut minùs plausibilem, contrà ipsam mille non defuissent impugnatores. Cum igitur DD. ipsi, aliàs alter alterius opiniones impugnare soliti, unanimi adeò consensu in hac parte conveniant, signū evidens est, jam omninò certam, communem, & indubiam fuisse.

42. Nè autem in longiùs protrahamur Angel. & Subtil. Doct. audire, sufficiat. Subtilis quidem 3. dist. 25. quæst. 1. sic habet. *Si enim ita esset, quòd unus Doctòr diceret, aliquem peccare mortaliter, nisi sic faceret; Et alius, quòd peccaret, si sic faceret; tunc Rusticus foret perplexus. Ideò benè videndū est in moralibus, antequam aliquid asseratur.* Et 4. dist. 11. q. 6. *Cum negativa multis sit probabilior, non sine peccato aliquis se exponit tali dubio.* Et q. 2. prol. *Si objicias, multa in actibus humanis sunt dubia, utrum*

utrum sint peccata mortalia, etiam suppositis omnibus doctrinis DD. & Expositorum. Resp. non est dubia via salutis simpliciter, quia à talibus, tanquam à periculosis, debet homo, sibi cavere, & custodire se nè homo, dum se exponit periculo, incidat in peccatum. Quibus nil clarius.

43. Angel. Doct. quodlibeto 8. art. 3. sic ait. *Illud, quod agitur contra legem, semper est malum, nec excusatur per hoc, quod est secundum conscientiam. Quæ assertio vera esse non potest absolute sumpta; conscientia enim errans invincibiliter excusat, ut idem S. Doct. habet expressè p. 1. q. 19. art. 6. Debet ergò intelligi juxta subjectam materiam, de qua quærebatur; An scilicet, quando sunt diversæ opiniones de aliquo facto, ille, qui sequitur minùs tutam, peccet. Ergò sentit D. Th. quòd non licet, in concursu opinionum sequi minùs probabilem, & minùs tutam; Aliàs excusaretur à peccato, si contingeret, illam esse falsam, cum tamen ipse oppositum asserat. Quod confirmat, resolvendo quasi-*

tum. Dicendum, quòd quando dua sunt opiniones contrarie de eodem, oportet, esse alteram veram, & alteram falsam; Aut ergò ille, qui facit contra opinionem Magistrorum, utpotè habendo plures præbendas, facit contra veram opinionem, & sic, cum faciat contra legem Dei, non excusatur à peccato, quamvis non faciat contra conscientiam; sic enim contra legem Dei facit. Aut illa opinio non est vera, sed magis contraria, quam iste sequitur, ita quòd verè licet, habere plures præbendas, & tunc distinguendum est; Quia aut talis, habet conscientiam de contrario, & sic iterum peccat contra conscientiam faciens, quamvis non contra legem; Aut non habet conscientiam de contrario, sed certitudinem, sed tamen in quadam dubietate inducitur ex contrarietate opinionum; Et sic si manente tali dubitatione, plures præbendas habet, periculo se committit, & sic proculdubio peccat, utpotè magis amans beneficium temporale, quam propriam salutem: Aut ex contrariis opinionibus in nullam dubitationem inducitur, & sic non se committit dis-

crimini , & non peccat .

Ex quâ S. Th. Doctrina clarè patet, quòd in concursu opinionũ licitè quis potest sequi minùs tutã, quàm tamen verã existimat , itaut in nullam dubietatem inducatur ex contrariæ sententię probabilitatè . Si autem aliquam dubietatem habeat, periculo se exponit , & peccat sequens minùs tutam, licèt veram illam existimet : Quanto ergò magis peccabit, si illam minùs probabilem iudicet ?

Item S.D. quodlib. 9. a. 15. sic habet. *Omnis questio, in quâ de mortali peccato quaritur, nisi expressa veritas habeatur, periculosè determinatur . Quia error, quo nõ credidure esse mortale, quod est peccatum mortale, conscientiam non excusat à toto, licèt fortè à tãto. Præcipuè autè periculosus est, ubi veritas ambigua est .* Ex quibus idẽ formatur argumentũ: Si non excusat error ex opinione probabili quomodò licet illã sequi? Quare non dicit S. Doct. Ex quò probabilem invenit opinionem, tutò illam sequi potest , & excusabitur , si contingat esse falsam .

Demum quodlibeto 3. a. 10. ait : *Dicendum quòd diversæ opiniones DD. Sacræ Scripturæ, siquidem non pertineant ad fidem, & bonos mores, absque periculo, Auditores, utrãque opinionem sequi possunt ; Tunc enim habet locum, quod Apost. dicit ad Rom. 14. Unusquisque in suo sensu abundet . In his verò, quæ pertinent ad fidem, & bonos mores, nullus excusatur, si sequatur erroneam opinionem alicujus Magistri . In talibus enim ignorantia non excusat .* In quibus omninò S. Doct. fideliter S. Patris August. mentem secutus est . Sic enim ille ait hom. 11. *Ecce dat tibi securitatem procurator; Quid tibi prodest, si Paterfamilias non acceptet? Procurator sum, servus sum: vis dicam tibi; Vive quomodò vis, Dominus te non perdet? Securitatem tibi Procurator dedit; Nihil valet securitas Procuratoris: utinam tibi Dominus securitatem daret, & ego te sollicitum facerem . Domini enim securitas valet, etiam si nolim. Mea verò nihil valet, si ille noluerit .* Non ità Probabilitatẽ, sed quemcunque sua probabilitate firmam dare posse

posse securitatem, asserunt. Ipsi viderint. Hæc sint satis quodam authoritates.

44. Quodam rationes, plures apud citatos Author. videndas relinquendo; hac unicâ firmatur nostra conclusio. Nemo licitè operatur, nisi prudens habeat iudicium de rectitudine suæ operationis: at in concursu opinionum, quarum una tutior, & probabilior apparet, non potest quis, prudens habere iudicium secundum minus probabilem, & minus tutam: ergò non potest licitè secundum illam operari. Consequentia est evidens. Major certissima: licita enim operatio ex prudenti iudicio debet procedere; cum Prudentia sit ipsa recta ratio agibilium.

Minor autem prob. Prudens iudicium de rectitudine operationis importat determinatū assensum ad partem contradictionis dictantem licitam operationem; atqui stante probabiliori, altera parte dictante operationem illicitam, non potest quis, prudenter assentiri parti dictanti licitam; ergò habere non potest, secundum

illam prudens iudicium de rectitudine suæ operationis. Consequentia tenet. Major videtur certa. Prudens enim Iudicium habere debet certitudinem, & dubietatem excludere, aliàs non posset esse regula tuta, debet ergò habere determinatum assensum ad partem, cui conformari debet operatio.

Minor quoque probatur evidenter. Non potest quis prudenter assentiri alicui propositioni, nisi illam veram existimet. Prudentia enim est Virtus intellectualis; ac perindè verū habet pro objecto: Sed existimans probabiliores partem oppositam, non potest, veram existimare alteram partem: ergò non potest illi prudenter assentiri. Major videtur certa. Cum enim objectum intellectus adequatum, sit verum, in tantum potius uni quam alteri parti assentitur, in quantum ibi veritas illi apparet; aliàs contrā naturalem suam inclinationem, & omnino imprudenter assentiretur. Minor quoque constat. Aliquam enim propositionem esse probabilio-

rem altera, nihil aliud est, quàm majorem speciem, & similitudinem veritatis habere: Si ergò existimat quis hanc propositionem probabiliorem, illam veram, seu verisimiliorem putat: ergò non potest existimare veram oppositam. Cum enim veritas una sit, & non possit, in utraque contradictoria existere, impossibile est, quæpiam judicare utramque veram: ergò si veram existimat probabiliorem, non potest, veram existimare oppositam,

45. Dices. Existimans unam partem probabiliorem, & aliam probabilem, neutram absolutè veram judicat, sed utramque verisimilem, licet aliam verisimiliorem, & hoc sufficit, ut secundum utramque, possit ferre judicium: Ubi enim veritas non patet; sufficere debet, quòd judicium feratur secundum id, quod verisimile apparet,

Sed contrà in primis est, quòd, ut aliquis prudenter operetur, necessariò determinatam habere debet regulam suæ operationis; cum hæc determinata sit, ac de-

terminatam habere debeat mensuram, & rectitudinem, ac per consequens determinatam utique regulam exposcit, quàm mensuretur, illique conformetur: non ergò sufficit, quòd utramque verisimilem judicet, sed ex his alteri determinatè adhærere debet, illamque pro certa regula assumere. Tum sic. Vel ergò ad hanc partem se determinat ex mera voluntate, vel ex ratione. Si ex mera voluntate, omninò imprudenter; Prudentia enim dicitur, ut in formando judicio, non propriam voluntatem, sed rationes, & merita causæ attendamus: Ex ratione autem non potest, ad minus probabilem se determinare. Cum enim intellectus ex natura sua sit determinatus ad verum, naturaliter ad eam partem inclinatur, ubi major veritatis lux, & splendor effulget: Vim ergò, esset inferre intellectui contrà ejus inclinationem, judicium ferre secundum partem minus probabilem, minusque verisimilem,

46. Deindè judicium Prudens debet esse ad eò certum

tum de veritate, certitudine saltem morali, ut ipsi falsū subesse non possit, ut suprà satis explicatum est. Atqui iudicium secundū opinionem minū probabilē hanc certitudinē habere nequit: ergò nec prudensesse potest. Probatur minor. Si aliquam veritatis certitudinem haberet, maximè, quia fundamentum in rationibus, & motivis alicujus momenti: sed opposita sententia majoris ponderis habet fundamēta: ergò & ipsa certa erit de veritate. At implicat omninò, quòd certitudinem quis habeat de veritate duarum contradictoriarum: ergò si iudicans probabiliorē sententiam asserentem operationem illicitam habet certitudinem de ejus veritate, nullam penitūs certitudinē habere potest de ejus cōtradictoria, licitam asserentem operationem eandem: ac per consequens non potest, absque imprudentiæ nota, secundū illam iudicium proferre. Recolenda sunt hic dicta §. præced.

Sequitur Summarium.

47. *Sententia minū probabilis, etsi fundetur in bona ratione, secundū se, & signatè, non tamen exercitè, & in concursu probabilitioris.*
48. *Vel certè non sufficit ad certificandum operantem.*
49. *Ad judicandam opinionē absolutè probabilem, sufficit, quòd tali nitatur fundamento, quòd Prudentum iudicio sit alicujus momenti, sed hoc non sufficit ad moraliter certificandum.*
50. *Judicans utramque partem probabilem, si non speculative; practice absolutè veram judicat probabiliorem, si determinatum ferat iudicium.*
51. *Aliud est, quòd iudicium opinativum fundetur in apparentia, & probabilitate, aliud est, quòd per illud res judicetur tantū apparens, & probabilis.*
52. *Habens iudicium de quacunque probabilitate opinionis, nisi determinatè judicet illam veram, non habet certam regulam suæ operationis.*
53. *Moraliter impossibile videtur, quòd ex puro veritate*

ritatis amore omnibus ferè
perpensis, probabiliorem
judicet quis opinionem Pro-
babilistarum.

54. Immo gratis admissio ca-
su, talis non excusaretur hic
& nunc sequendo sententiã,
quam judicat minùs proba-
bilem.
55. Reflexio, quã Probabili-
stæ, defendere, conantur,
usum licitum opinionis mi-
nùs probabilis, quia scilicet
judicat quis probabilius, in
Concursu duarum opinionũ
licitum esse, quamlibet se-
qui, est potiùs implicatoria,
quàm potens moraliter cer-
tificare.
56. Conclusio, quam pro re-
gula Probabilistæ volunt,
ex nullo certo principio de-
ducitur, benè verò ejus con-
tradictoria.
57. Ad moralem certitudinẽ
ferri debet judicium secun-
dum probabiliorem senten-
tiam, sub quã proximè, im-
mediatè, ac directè judiciũ
practicum continetur.
58. Expenditur quedam re-
sponsio Urbani VIII. ad
Paraguane Missionarios.
59. Credendum est omninò;
Summas Pontif. in dispen-
sationibus, aliisque decretis

probabiliorem existimasse
sententiam, quam secuti
sunt.

60. Quomodò sententia nostra,
nec suavitatem Fugì Chri-
stiani exasperat, nec onus
aggravat.

47. **O**BJICIES primò.
Prudenter ope-
ratur, qui bonæ rationis du-
ctu operatur, atqui taliter
operatur, qui minùs adhuc
probabili sententiæ adhæret
ergò &c. Probatur minor,
nam sententia minùs proba-
bilis bona ratione fulcitur,
aliàs probabilis non esset.

Respondetur negando
minorem. Ad probationem
distinguo antecedens: fulci-
tur bonà ratione, secundum
se, & signatè, concedo: bo-
nà exercitè, & in concursu
probabilioris, nego; licet
enim ratio, quã probabilis
opinio fulcitur, posset ab-
solutè bona judicari, & se-
cundum illam quis pruden-
ter agere, adveniente tamen
efficaciori, evanescit ejus
vis, ac frivola remanet; Si-
cut, luce Solis adveniente,
Stellarum lux occultatur.
Ut ex Philosophia docet S.
Thom. p. 1. q. 50. art. 1. ad
pri-

primam, medium comparatum ad unicū extremum, videtur alterum extremum; sicut tepidum comparatum calido videtur frigidum; Sic ergò licet probabilis ratio comparata frivola, bona videatur; comparata verò probabiliori, à bonitate cadit, & frivola videtur.

48. Vel secundò responderi potest, distinguendo majorem. Prudenter operatur, qui operatur ductu bonæ rationis illum certificantis moraliter, concedo; non præbentis illi moralem certitudinem, nego. In cōcursu autem probabilioris non potest minùs probabilis certum reddere, ut satis ex dictis constat.

49. Contrà. Probabiliori adhærens opinioni adhuc ipse probabilem judicat oppositam, aliàs falsò judicaret; cū in re sit probabilis: ergò verè judicat illam bona ratione fultam, & potentem certificare moraliter.

Responderetur negando absolutè ultimam partem consequentis, & distinguendo primam: judicat bona ratione fultam, signatè, ac meliori non occurrente, con-

cedo, in conspectu melioris, nego consequentiam. Ad hoc enim, ut absolutè opinio probabilis censeatur, nō est necesse, quòd judicetur absolutè, & simpliciter tuta, seū veritati conformis; id enim nō præstat, nisi opinio, quæ omnibus benè perpendis, vera putatur. Sufficit autem sententiæ probabilis, si tali rationi sit innixa, quæ Prudentum judicio alieujus roboris, & momenti existimetur, & non sit omninò frivola, quam Prudentes flocci faciant, & irrideant. Talis ergò debet esse ratio probabilis opinionis, quæ meliori non occurrente, firmare illam possit pro regula vera. Cū verò fortiori victus ratione, omninò prudenter judicet verā contrariam, possibile non est, quòd habeat etiam pro vera regula minùs probabilem; Veritas enim una est.

50. Instabis. Judicans unam sententiam probabiliozem, & aliam minùs probabilem, neutram absolutè veram judicat; sed utramque verisimilem, ac dignā, quæ pro vera regula habeatur. Quid enim est probabile,

scilicet probabile,

bile, nisi dignum approbatione? Sicut credibile dignū fide? ergo liberè, licitè, ac prudenter utramque approbare, ac pro vera regula potest assumere.

Responderetur distinguendo totum, & retorquendo argumentum, & paritatem. Sicut enim credibile dicitur, quod secundum se dignum fide judicatur; cum quo tamen stat, quod propositum alicui jam de falsitate ipsius certificato dignum amplius non sit, ut ab eodem illi fides præstetur; Ita probabile secundum se dignum non est, quod approbetur ab eo, qui jam certus est moraliter de contraria veritate, ac per consequens de illius falsitate; Et sicut certus de falsitate credibilis, non ideo judicat illud absolute incredibile, quia bene videt, quod tantam habet veritatis apparentiam, ut possit illi fides adhiberi à non habente certitudinē de opposito. Ita certus de contraria veritate, non statim oppositum judicat improbabile, quia videt, quod tantā habet veritatis apparentiam, & similitudinem, ut pro vero possit approbari à non ha-

bente majorem certitudinē de opposito. Judicans ergo utramque sententiam probabilem, neutram absolute veram judicat, speculative, concedo; quia de neutra certitudinem speculativam habet, ac evidentiam, quod requireretur ad judicium speculativum absolute certum. Practicè nihilominus absolute veram judicat probabiliorē; quia de illa, ejusque veritate certitudinem habet moralem; unde non potest, simul practicè veram judicare oppositam.

Vel etiam aliter distinguere potest: Neutram absolute veram judicat, si determinatum judicium per determinatum assensum proferat nego; Si judicium, & assensum suspendat, concedo: Quid enim est, ferre judicium, nisi proferre sententiam, quod res ita se habet? Quid assentiri, nisi pro vero, ac rato habere, quod proponitur? Cum autē ad operandum necesse sit, determinatum, immò certum moraliter habere judiciū, quod certa sit regula operationis; ac omnino imprudenter hoc judicium contra sententiam, quæ

quæ probabilior apparet , ferretur , ut ex dictis planè constat : necesse utique est ; quòd operans veram , ac certam judicet probabiliorē sententiam , & consequenter veram , non potest oppositam judicare .

§ 1. Insurges adhuc : estò probabiliorē judicans opinionem , illique assensum præbens æstimet illam verā , non tamen certo , ac firmo judicio , sed tantum probabiliter : ergò stat , quòd simul judicio pariter probabili veram æstimet oppositam . Probatur consequentia . Judicium probabile , ac opinativum non judicat absolute , aliquid esse verum , & quòd esse , vel non esse in se ; sed solum quòd apparentiam , probabilitatem , sed verisimilitudinem ; sed stat benè omnino , quòd quis prudenter judicet , utramque contradictionis partem habere veritatis apparentiam , probabilitatem , & similitudinem : ergò &c.

Respondetur admissio utcumque antecedenti , judicium enim adhærens probabiliori est certum moraliter , si non metaphysicè ; negan-

do consequentiā . Ad probationem negatur major . Aliud est enim , quòd judicium opinativum fundetur in apparentia , probabilitate , ac verisimilitudine ; aliud est , quòd judicet rem apparentem , probabilem , & verisimilem ; per hoc enim nullo modo præbatur assensus ; sed tantum fertur sententia de probabilitate opinionis , quæ quidem esse potest adhuc certa , & evidens , nedum opinativa ; & nihilominus intellectus neutri parti assentiri , sed omnino judiciū de re suspendere . Puta dū quis , benè consideratis , ac maturè perpensis utriusque partis rationibus , & motivis , æqualis omnino ponderis , & gravitatis utriusque fundamenta judicat , ac proinde certò , & absque ulla formidine probabilem , immo probabilissimam judicat utramque sententiam ; nulli tamen præbet assensū ; quàm potius ex hoc ipso , quòd sano judicio æquè probabilem putat utrumque ; assensum , & judicium suspendit : Dū ergò ex aliqua majori probabilitate uni parti adhæret , illam non

præcisè probabilem, & apparentem, seu verisimilem, sed veram in re iudicat, quamvis non certò; quia de illius veritate nō habet evidentiā, sed cū aliqua formidine partis oppositæ; quā doctrinam autoritate S.D. confirmat Reverend. Thyrusus diff. I. §. 1. n. 7. & seq.

52. Adde, quòd gratis admissò, posse quempiam huiusmodi probabile iudicium habere de utraq; contradictionis parte, non sufficeret ad hoc, ut certam haberet regulam suæ operationis. Ad hoc enim, ut ex dictis pater; requiritur, quòd moralem habeat certitudinem de veritate, ac per consequens determinatum iudicium, quòd actio licita sit. Impossibile autem est, quòd certum, ac determinatū iudiciū habeat de utraq; parte.

53. Objicies secundò: Sententia; quam nos tuemur, quòd Scilicet in concursu opinionum probabilior, & tutior sequenda sit: non excedit limites probabilitatis: ergò estò nos, qui illam probabiliorē iudicamus teneamus, ita operari: qui tamen contrariam sen-

tentiam probabiliorē putat; quòd scilicet liceat, etiā secundum minùs probabile operari; licitè quoque operabitur. Prob. consequentia; nam secundum nos, & omnes licitè potest quis, operari juxtà sententiam; quæ sibi probabilior apparet.

Responderi posset in primis; negando consequentiam: ad probat. distinguo antecedens: licitè &c. quæ sibi probabilior apparet, facta debita diligentia, nec posito aliàs obstaculo ad veritatis lucem, concedo; aliter nego. In tantum ergò sequens opinionem, quæ sibi videtur probabilior, licitè operatur, in quantum, si errare contingat, ex invincibili errore, ac ignorantia excusabitur. Qui autem, vel debitam omittit diligentiam in veritatis inquisitione, vel certè passione, propriæque voluntatis placito præoccupatus, veritatis lucem non satis, valet aspicere; propriâ culpâ errat, ac perindè nō excusatur. Moraliter autem impossibile videtur, quòd hisce præcipue temporibus, & rationum, & DD. pravitate pensata, puro

puro mentis oculo , ac ex veritatis amore, probabiliorē quis judicet Probabilistārū sententiā. De quo Thyrsus diff. 13. c. 2. §. 14. & seq.

54. At gratis admissio , quod possint Adversarii omnibus benè , ac ritè perpen- sis, probabiliorē suā ju- dicare sententiā; Dico quod etsi tali sententiæ adhæren- do, nō peccent, à peccato ni- hilominus non excusabun- tur, si hic, & nunc juxtā mi- nus probabilē opinionē ope- rentur. Quod ut pateat, ali- ter ad propositū argumentū

Respond. negando con- sequentiam, ad probat. di- stinguo antecedens. Licitè potest quis, operari juxtā sententiā, quæ sibi proba- bilior apparet, practicè, & in actu exercito; concedo, tantūm speculativè, & si- gnatè; nego antecedēs cūm consequentia. Judicium enim, quod regulare debet operationem, est judicium practicum, & immediatè operationem ipsam respi- ciens: formare namque de- bet conscientiæ dictamen. Hoc nunc est sic agendum, vel non agendum. Cūm autem de aliqua particulari

actione duæ concurrunt opi- niones, una probabilior di- ctans ipsam illicitam, alia- minus probabilis dictans li- citam. Quantumcunque putet quis probabilius, lice- re, sequi minus probabilem, non potest, hic, & nunc pru- denter judicare probabilius, licitam esse talem actionem; quia supponimus, quod probabilius judicet, esse illi- citam: agendo ergo talem actionem;aget utique secū- dū opinionem, quā mi- nus probabilem existimat; non enim potest, simul, & semel utramq; judicare pro- babiliorem. Verè igitur aget juxtā sententiā, quam ju- dicat minus probabilem.

55. Instabis, retorquen- do responsionem. Ad lici- tē operandum sufficit, quod formetur judicium practicū ultimum, & immediatè re- gulans operationem juxtā probabiliorē sententiā; atqui estō quis judicet unā partem contradictionis pro- babiliorem; potest ferre pra- cticum, ultimum, & imme- diatum judicium pro parte opposita per reflexionem, quod licitum sit sequi par- tem, etiam minus probabi- lem

lem, quæ quidem sententia est apud ipsum probabilior; ergo defacto talis licite operabitur; quia ultimum judicium habebit juxta probabiliorē sententiam: v. g. dubitat quis, an iste contractus sit licitus; & omnibus bene perpensis, movetur ad asserendum, non esse licitū, non tamen improbabilem, immo verē probabilem judicat sententiam asserentē, esse licitum. Judicium hoc, quod profert, contractus iste non est licitus; non est illi practicum, ultimum, & immediatum; Quia post hoc reflectit adhuc, supra sententiam suam, quam omnino probabiliorē putat; scilicet quod liceat, sequi sententiam minus probabilem: Ex quo format ultimum, & practicum judiciū, quod sibi liceat contractus ille. Certē judicium hoc practicum est formatū juxta sententiam apud ipsum probabiliorē, & consequenter potest illi esse pro certa regula suæ operationis.

Respond. tamen primò, admissio gratis, quod possit ferri tale judicium; distinguendo minorem. Potest,

ferre judicium pro parte opposita, judicium prudens, ac moraliter certum, nego, utcunque, concedo. Tale siquidē judicium nullo modo prudens esse potest, eò quia per illud asseritur licitum, quod omnino prudenter judicatur illicitum. Quomodo enim potest homo prudens judicare, hoc licitum esse, de quo certitudinem habet moralem, quod non sit licitum? Nec enim illa reflexio facit, quod sententia dictans actum illicitum, ipsi probabilior non appareat. Si ergo ipsi probabilior, certa moraliter est: quomodo ergo eidem certū potest esse moraliter oppositum? Quare ista reflexio implicatoria potius est, quā potens moraliter operantem certificare,

56. Deindē; ut certum sit moraliter judicium practicum, ut supra tetigimus; debet per modum conclusionis, & per bonam consequentiā deduci ex uno saltem principio absolute, & secundum se certo; præcipue quando commodè haberi potest; & quidem principio universali, sub quo
adæ-

adæquatè contineri possit
 judicium illud practicum, &
 particulare. Quodnam au-
 tem est hoc universale prin-
 cipium, ex quo per talem
 reflexionem deducatur ju-
 dicium particulare dictans
 licitam operationem? An
 fortè sententia dictans, lici-
 tum esse, minùs probabilem
 sequi opinionem? Aliud
 certè non video. Hic enim
 est syllogismus ille reflexus.
 Licitum est, sequi opinionè
 probabilem, etiam minùs
 turam, & minùs probabilem
 quàm opposita: sed senten-
 tia dictans licitum istum cō-
 tractum est verè, probabilis,
 quamvis minùs, quàm op-
 posita: ergò licitum est, il-
 lam sequi, ac per cōsequens
 licet mihi, hunc celebrare
 contractum. At porrò ma-
 jor illa universalis, non so-
 lùm non est absolutè certa,
 immo vix probabilis, quam-
 vis illam probabiliorè pu-
 tent contrarii, quomodò er-
 gò certitudinem dare potest
 conclusioni? præcipuè cum
 ex principio absolutè certò
 concludi possit optimè con-
 tractum nō esse licitum; pu-
 ta per hunc syllogismum.
 Licitum non est agere, quòd

quis, omnibus benè perpen-
 sis, illicitū judicat, atqui om-
 nibus benè perpensis, judicās
 probabiliorè sententiam as-
 ferentem contractum illicitū
 verè judicat illum illicitum,
 ergò illi non est licitum, talē
 celebrare cōtractum. Major
 universalis adeò certa est, ut
 & ipsi cōtrarii fateri tenean-
 tur. Minor autè quamvis Pro-
 babilistæ per suam reflexio-
 nem conentur, illā ab eo uni-
 versali principio extrahere;
 adminùs certè probabilis re-
 manet. Cōclusio ergò, quòd
 contractus non sit licitus, de-
 ducitur ex majori certa, &
 minori saltèm probabilij, un-
 dè benè potest ad moralem
 certitudinem pertingere. At
 verò conclusio, quā per syl-
 logismum reflexū deducunt
 Probabilistæ, cū neutram
 habeat præmissam certam,
 sed ad summum utramque,
 probabilem; nullam omni-
 nò, nec moralem, potest,
 habere certitudinem. Hæc
 enim, ut sæpè dictum est,
 talis esse debet, quā major
 hic, & nunc haberi non pos-
 sit; loco enim absolutæ cer-
 titudinis debet substitui, quā
 in moralibus habere nō pos-
 sumus. Quomodò ergò pro-

cer-

certa moraliter haberi potest conclusio, cujus oppositum, & directè, & reflexè certius, ac evidentius concluditur.

57. Responderi potest secundò, distinguendo majorem, sufficit, quòd formetur judicium practicum juxtà probabiliorē sententiam, sub quā proximè, immediatè, ac directè ipsum judicium practicum continetur; concedo: sub quā cōtinetur tantum remotè, & per quādam reflexionem; nego. Ut enim suprà diximus: judicium ultimum, practicum, & immediatè regulans operationem, regulari, & commensurari debet judicio speculativo, sub quo adæquatè, & immediatè cōtinetur, nisi aliqua particularis circumstantia illud extrahat quodammodò ab ejus subjectione: Ac proinde, cū reflexio ista Probabilistarum nullā afferat circumstantiā, ratione cujus veritas objectiva varietur; ac per consequens neque formalis veritas ipsius judicii, quod cum tota reflexione remanet in sua majori probabilitate; non potest, ullo modo prudenter formari

aliud practicum judicium, quo ab illo discordet.

Ex quibus insuper clarè patet; quā difficile sit; quòd Viro prudenti extrapassionem, & ex puro veritatis amore, utriusque partis merita ponderanti, apparere possit probabilior sententia benigna Probabilistarū; Cū nullo stabili, ac certo fundamento fulciatur, sed per sophysticas ambages illam tueri, contentur Probabilistæ; cōtraria verò solidissimis, ac omnino certis nitatur principiis.

58. Objicies tertio. Urbanus Octavus consultus à Missionariis Provinciæ, & Regni Paraquariæ, ut refert P. Nicolaus del Tacho Soc. Jesu Missionarius in eadem Provincia; sic exponentibus, & supplicantibus. SS. Pater. *In Provincia, & Regno Paraquaria in India Occidentali maxima difficultas suboritur in conversione infidelium ad fidem nostram, quādo aliqui ex Ministris volunt illos cogere ad recipiendum, & retinendum primum conjugem, quæ in infidelitate habuerunt. Gens quippe, ex innata barbarie passim conjuges, & verè*

verè conjuges dicendi sunt, dimittunt, non aliter, quàm nostri famulas, & famulos. Itaque plerique putant, non esse, saltèm communiter, apud illos verum matrimonium, sed concubinatum; atque adeò permittunt, quòd conjugem Baptizatum accipiant, quandò ad fidem convertuntur. Alii tamen scrupulum habent, & cogunt eos ad repetendam primam conjugem; Ex quo magna incòmoda sequuntur &c. Undè attenta eorum praxi, & consuetudine, multi pii, & docti Viri putant, communiter non fieri apud ipsos verum contractum matrimonii. Cæterum ad tollendos scrupulos, & dubia &c. à Sanctitate vestra humiliter petitur, ut quādoquidè juxtà Virorum Doctorum doctrinam Sedes Apostol. ex gravi causa potest, aliquando matrimonium Infidelium dissolvere, prout Sanctitas Vestra declaravit in Brevis suo expedito die vigesima Octobris anno 1626. & rursus in alio simili die 17. Septembris anno 1627. his verbis. Nos attendentes, hujusmodi infidelium matrimonia non ità censerì, quin necessitate suadente, dissolvi possint &c.

Et quidem in hoc gravissimæ causæ sunt, immo necessitas ad conversionem illorum infidelium, dignetur Sanctitas Vestra, ex benignitate Apost. concedere Provinciali Soc. Jesu facultatè, ut ipse, & ji ex Societate, quibus ipse conversionem gentis demandaverit, possint, occurrente casu, & factò examine, & manènte dubio de valore prioris matrimonii in infidelitate facti; vel magna difficultate inveniendi veritatem, vel magna difficultate repetendi primum conjugem jam dimissum: possint, inquam, ad conversionem faciliorem reddendam, vel ad converforum maintenancem in fide, & obedientia legum Ecclesiasticarū, dispensare cùm ejusmodi convertis, ut possint post Baptismum contrahere verum matrimonium in facie Ecclesiæ &c. Ad hæc Pont. resp. Non videri sibi speciali sua dispensatione opus esse, ubi DD. sententiæ utrimque probabiles intercederent; sequerentur opinioniones pro cōditione locorū, ac hominum, Barbaris favorabiliores; Salva interim utriusque partis autoritate, sine-rent doctis hominibus sentiendi libertatem &c. Hæc autè

T t Pont.

Pont. responsio prorsus docet, licitum illis esse, quamcunque sectari opinionem certò probabilem Barbaris favorabiliorē, quamvis illa minùs probabilis fuerit; Totam rem per extensum refert Reverendissimus Thyrus dissert. 14. capit. 7. §. 1. & expendit quàm accuratè §. seq. ex quo vel breviter aliqua referemus.

Respondetur ergò in primis, allatam Pont. responsionem authenticam non esse, nec historicum formalia verba Pont. referre, ut necessarium esset ad aliquā saltem auctoritatem, & fidem. Quidquid autem sit de hoc, admissò utcumque Pont. responso, nihil ex eo contrà nos colligitur. Tota enim supplicatio Missionariorum consistebat in hoc; quòd apud Viros doctos, ac pios illorum infidelium matrimonia pro nullis habebantur; & quidem satis rationalibus, immo evidentibus fundamentis, ac motivis, quibus tamen non obstantibus, aliqui scrupulosiores de hoc dubitabant; ad tollendos igitur scrupulos, ac dubietates Pont. facultatem

dispensandi postulabant. Ad quod Pont. responderet. *Non videri sibi speciali sua dispensatione hic opus esse.* Sed attenta locorum, ac hominum conditione, sequerentur tutò opiniones Barbaris favorabiliores, hoc est, dato, & stante, quòd crederent, verè matrimonia in infidelitate contracta nulla fuisse, permetterent, liberè converlis, nova contrahere matrimonia. Quod manifestè deducitur ex eodem Historico ità concludente. *Constans igitur Sociorum, pleborumque in his Terris degentium opinio praxi confirmata fuit, horum Barbarorum matrimonia ob rationes suprà relatas nulla esse; & posse Barbaros ad fidem conversos, quamcunque Baptizant, reiectis aliis, in conjugem sumere: quanquam eam semper adhibere cautelam, quam rei gravitas postulabat.* Monet nihilominùs Pont. nè contrarium sentientes disturberentur, sed ipsis sentiendi libertas concederetur; quia, fortè in aliquo casu contingere potuit, ut inter aliquos infideles per legitimū consensum verum fuerit matrimo-

mo-

monium. Nunquam tamen Pont. libertatem permisit, ut sententiam, & opinionē sequerentur, quæ sibi minùs tuta, minùsque probabilis videretur: præcipuè in tam gravi materia validitatis matrimonii; Aliàs enim Pont. responsū dedisset juxta sententiam, quæ jam inter cæteras scandalosas, ut minimùm, & in praxi perniciosas, eadem Apost. Sedes damnavit. In decreto enim Innocent. XI. 2. Martii 1679. sequens damnatur propositio. *Non est illicitum, in Sacramentis conferendis sequi opinionem probabilem de valore Sacramenti, relicta tutiori &c.* Verè namque nullum fuisset matrimonii contractum à conversis post Baptismum; si contractum in infidelitate validum erat. Igitur concedendo Pontif. quòd stante majori probabilitate de valore primi, possent adhuc, novum contrahere matrimonium, concessisset, quòd, stante minori probabilitate de valore Sacramenti matrimonij, possent, celebrari, quod absit de tanto Pont. suspicari.

59. Solent adhuc objici

quædam Summorum Pont. gesta, præcipuè dispensationes, in quibus videntur manifestè minùs probabiles opiniones secuti: Ad hæc tamen, cæteris omisissis, dicitur, quòd omninò tenendū est, Summos Pontifices, si talia egerunt; probabiliorem tenuisse sententiam, quam secuti sunt.

60. Objicies denique, Jugum Domini suave est, & onus leve, ut ait Christus Jesus Matth. 11. hoc autem non esset, si nos ad tutiores, probabilioresque sententias necessariò sequēdas adstringeret, cum hæ, ut plurimùm, sint severiores, ac perdifficiles. Quinimò id esset, scrupulis, & anxietatibus conscientias exponere, gravique nimis pondere onerare, intolerabili jugo præmere, crudeliterque cruciari; ergo &c.

Respondetur in primis, levitatem, suavitatemque oneris Divinæ legis, nō ex opinionum laxitate, ac probabilitatis abusu; verùm, ut optimè docet S. Thom. p. 2. q. 98. art. 1. *ad tertium*, ex dono Gratiæ, & Charitatis oritur, onus ipsum allevian-

T t 2 te,

te, ac jugum emolliente: Dùm libenter ex Jesu amore illi caput inclinamus, & collum submittimus, eò vel maxime; si laborantes, onerati ad ipsius Cœlestis Gratiæ dulcissimam refectionē properemus: eodem Salvatore nos invitante. *Venite ad me omnes, qui laboratis, & onerati estis, & ego reficiam vos.* Ad quam tamen suavissimam refectionem, non nisi per arctam viam, quæ ducit ad vitam, relicta spatiosa, & lata, quæ iter ad perditionem pandit, ipsa docente supremâ Veritate, pervenire possumus.

Nec demùm scrupulis, & anxietatibus nostra sententia fomitem præbet, vel aditum aperit. Nam tutior sententia de se facile, cuique innotescit, ac ut in plurimū, probabilior communior est. Magnum autem videri non debet, communiores quærere opinionem, præcipuè inter antiquos, graviorefque DD. Adde, quòd nō imponimus majorem necessitatē, ac pondus ad probabiliores inquirendas opiniones, quàm certè adhuc adversariū, concedere, ac require-

re, debent, ad investigandū, an opinio verè sit probabilis. Aliàs quippè omninò esset, salutis viam, dilatare non modò, sed verius pervertere, si quacunque occurrente opinione, ipsam absque ulla discussione quempiam sequi, posse, doceremus.

Quid ergo nimis grave, anxium, difficile, vel scrupulosum? Si quærenti mihi; an liceat aliquid agere, duplex occurrat sententia, quarum una probabilior, tutiorque appareat, quid clarius? quid, facilius, quàm ipsam amplecti? Nonne potius, minùs probabilem sequendo, statim irreperet scrupulus? Neque ad hoc intolerabilem exigimus diligentiam, sed illam sufficere, fatemur, quæ comòdè fieri potest, attentis circumstantiis Personarum, locorum, gravitatis materiæ, necessitatis urgentis, & similibus. Dùm ergò, congrua facta diligentia, inquirendo, an actio aliqua sic licita, una tantùm occurrat sententia, quæ verè probabilibus fulciatur fundamentis, jam illam poterit quis

quis liberè sequi. Si verò tantùm frivolæ, ac debiles appareant rationes, & ex alia parte tutius sit, ab actione desistere; tenebitur utique, magis inquirere, vel actionem suspendere; si verò probabilem inveniat sententiam, & alia quoque occurrat contraria &c. Tenebitur, hujus rationes æquali diligentia discutere; ut quænam probabilior sit, adinveniat. Quod non debet onerosum nimis videri pro animæ salute; cùm pro corpore, immo rebus ipsis caducis, fallacibusque bonis ultrò majores quascunque diligentias, ac studia subire, non pigeat.

Adde, quòd, ut benè advertit Sayrus Cla. Reg. lib. i. cap. 6. num. 2. Ut opinio

conferatur probabilis, debent diligenter expendi rationes utriusque partis, & tunc probabilis censenda est, quandò DD. auctoritate, & rationum pondere fulcitur, & facilè argumenta in contrarium diluuntur. Quare omninò eadem ferè diligentia est, & inquisitio; an opinio sit verè probabilis, & an probabilior. Pro rudibus autem sufficiet, si bona fide credant consilio alicujus, quem doctum, ac timoratæ conscientie putant. Non enim possunt ipsi, rationes benè discutere. Sed nota, quòd bona fide consiliū quærant, Consiliarium eligant, consilium suscipiāt, de quibus jam supra suo loco satis dictum est.

A P P E N D I X

Pro quodam novissimo Tractatu in favorem Benignæ Sententiæ.

SUMMARIUM.

1. *Intentum hujus Digressonis,*
2. *Præmium sententiæ nostræ intentum est, veram, ac certam firmare regulam, quâ tuti incedamus, quamvis ex consequenti opinandi licentia coarctetur;*
3. *Aliundè probabilitas, aliundè rigor, vel benignitas, aut latitudo sententiæ desumitur.*
4. *Laxa, temeraria, aut scandalosa, non præcisè, quia lata, sed quia ultra rectæ rationis dictamen sunt, has merentur notas.*
5. *Non prohibetur usus, at abusus probabilium sententiarum, ad quarum licitum usum requiritur, quòd operans prudenter sententiæ ipsi præbeat determinatum assensum.*
6. *Sicut amabile secundum se non est mihi amabile, si ejus amor melioris boni sit*
impeditivus, ita probabile &c.
7. *Absoluta probabilitas non sumitur ex præcisâ relatione ad operantis intellectum, sed, ut ipsi regula sit opinio, hæc relatio imprescindibilis est.*
8. *Ex Probabilistarum principio satis incuriosi reddebantur Doctores in veritatis inquisitione, & ex nostra sententia valdè ad illam excitantur.*
9. *Sententia nostra, nec ad desperationem inducit, nec ad melius cogit, sed ad absolutè necessarium.*
10. *Sufficit in nostra sententia, quòd operaturus ex puro veritatis amore, ac salutis zelo congruam adhibeat diligentiam pro conditione personæ, & aliarum circumstantiarum.*
11. *Sententia nostra indubitata fuit apud Doctores, si modernos excipias, & sufficienter promulgata.*
12. *In-*

12. *Inconueniens, quòd sequeretur, si verum esset, legem nullam esse, dum probabile est, an aliquid sit praeceptum, vel prohibitum; necne.*
13. *Ex hoc ipso, quòd probabilior apparet sententia, satis lex promulgata est.*
14. *Aliud gravissimum inconueniens ex contraria doctrina.*
15. *Contradictio in eadem, & grave scandalum in moralibus.*
16. *Leges naturales per rationis dictamen satis promulgantur, & positivæ, ubi obscuritas occurrit per eandem rationem declarantur.*
17. *Leuitas Christianæ legis est libertas Filiorum Dei, non laxitudo morum.*
18. *Expenditur, quàm benè Author asserat, suam sententiam antiquorum fuisse regulam, præcipuè Divi Antonini, & Nidei.*
19. *Quàm extortè Divi Augustini sententiam idè explicet.*
20. *Benè discurrit Author circa veram probabilitatè, sed quæstio de nomine est, an verisimile, & probabile idem sint.*
21. *Classicorum DD. approbatio, ut plurimum requiritur ad firmandam probabilem sententiam; sed in casu probabilissima esse potest opinio absque tali approbatione.*
22. *Per se loquendo, quòd probabile est speculativè, ità etiam practicè, nè aliqua in contrarium superveniat circumstantia.*
23. *Opinio, circa quam extat lex, decretum, vel decisio, neque speculativè censenda est ampliùs probabilis.*
24. *Graviorum DD. auctoritas in moralibus magni facienda, nè gravissima ratio ad contrarium impellat.*
25. *Nulla reflexio juvare potest, dum quis rationis, & auctoritatis vi ex utraque parte perpensa; probabiliorum unam judicat, ut in contrariam possit prudenter deflectere.*
26. *Satis est, exceptionem utilem esse ad maiorem regulæ declarationem.*
27. *Unica naturalis juris interpretatrix est ipsa legislatrix ratio, quam sequi, tenemur.*

28. Quo-

336 LUCERNA MORALIS

28. *Quomodo leges benignè interpretranda sint?*
29. *Expenditur quodnam præjudicium benignæ sententiæ attulerit Innoc. XI. Decretum.*
30. *Quàm benè urgeat contra nos Author iste; decretum Alexandr. VIII.*
31. *Regula; In dubiis tutior pars est eligenda, quomodo præceptiva, & consultiva est.*
32. *Illusiones potius, quàm argumenta, quæ contrà nos affert Author iste.*
33. *Tenemur, sequi probabiliorē sententiā, ut à periculo peccandi formaliter liberemur, non solum materialiter.*
34. *Ex doctrina dicti Authoris liberaremur etiam à periculo peccandi materialiter, undè nimis probat.*
35. *Quòd in nostra sententiā liberemur à periculo formaliter peccandi, clarè ostenditur; non autem probare poterunt in sua Probabilistæ.*
36. *Certitudo, quam exigimus, est moralis, ad quā non sufficit minor probabilitas.*
37. *Exempla in favorem nostrum adducta iustissimè, non nimis probant.*
38. *Exempla, quæ pro se adducit Author, in ipsum retorquentur.*
1. **D**UM ista meditaremur, pervenit ad manus cuiusdam Recentioris Tractatus manuscriptus per modum Epistolæ, seu potius Epistola per modum Tractatus ad quendam Romanæ Curiae Prælatum directæ italico idiomatè anno 1694. quo tandem Romæ pariter in lucem prodiiit opus Reverendiss. Patris Thyrsi, quem licet Author fileat, potiusque Mercorum nomet jam ab annis multis vulgatum, satis apertè licet colligere, ab hoc novissimo Thyrsi opercimpulsum habuisse dictum Authorē ad acuendum calami in benignæ sententiæ favorem; cuius Tractatus multa verborum apparen-
ti vi, ac eloquenti energia suffulti, quia plura, quamvis clanculum, à benignæ sententiæ patronis dif-
feminantur exemplaria, nè penitus destituta periclitetur; opere pretium duximus, hic, è tenebris ad lucem ipsum tractatum deducere

cere

cere, ut clarè cunctis appareant jam omnia detecta sophismata, contractæ vires, dissipata consilia. Displicet autem, quòd ea brevitate, quâ cuperemus, & jam in consiliis erat, non licet percurrere; Cùm enim potius, quàm in rationum pondere, in verborum, & eloquentiæ vi manifestè cõfidat Author; Et nos ipsum de numero ad numerum, nè dicam de verbo ad verbum prosequi, necesse fuit. Non tamen per extensum, & Italico, ut scripta sunt, idiomate, sed summatim latinè, omni tamen fidelitate, & cum omni sententiarum pondere, asserre, satius visum fuit; illud enim, & longius, & inutilius omninò arbitrati sumus.

2. Fatetur ergò in primis iste Author à numero primo usque ad secundū inclusivè, tanquam indubitatum, dignum quidè esse Casuistarū jactantiam, & libertatè reprimere, quâ satagunt laxas effundere doctrinas; at verò ad ipsorū licentiam cõprimendā calumniari, damnare, ac veluti à literatorum republica in exiliū expellere

sententiam asserentē, quandoque licere, ex duabus opinionibus certò probabilibus sequi, etiam operanti non adeò probabilem; inquit ipse non intelligo, immo enormissimam veritati, puto, injuriam irrogari. Ad quod probandum, hos veluti duos firmissimos figit cardines: primum scilicet, hoc remedium esse incongruum, & improporcionatum; secundum verò, esse pejus malo, quod curari intenditur. Sed ut verum fatear, Probabilitæ, ut sophystici, nunquam directè, sed per obliquos, ac distortos calles incedunt; sic planè Author iste per varios circuitus veritatem obtegere conatur, licèt veritatis defensore se jactet. En ecce in primo limite à recto deviat; primarium enim intentum nostrum non est, laxitatibus modum imponere, sed veram, ac certam firmare regulam, quâ tuti possimus incedere; quanquam ex consequenti, hac posita, non parùm opinandi licentia coarctetur, ut videbimus. Audiamus igitur ipsum.

3. Sic à num. 3. usque ad 6. probat primum punctum.

ctum. Quia doctrinæ, vel sententiæ latæ, vulgò, largæ, non sunt probabiles: ad tollēdas igitur latas opiniones, quomodò congruū est remedium, prohibere, usum probabilium, & quòd latæ sententiæ non sint probabiles, conatur ostendere; tum quia opinio probabilis contrà se nequit habere aliquod certum principium, vel decisionem, dogma, vel reprobationem, quod totum admittunt latæ, & sæpè meritò damnantur: tum quia probabilis opinio talis debet esse, ut antecedenter ad omnem passionem à Viro prudenti mereatur assensum, quare validas pro se rationes exigit, ac fundamenta; latæ verò sententiæ debilibus, ac frivolis nituntur fundamentis: tūc etiam quia probabilis opinio approbari debet à DD. omni exceptione maioribus: latæ verò, ut plurimū, pro se non habent, nisi Doctorem aliquem nō magnæ auctoritatis; quæ igitur convenientia latarum opinionum cum probabilibus?

Quis non videat, hunc Doctorem per obliqua ten-

dere, latebras quærere? quid jactat, latas doctrinas probabiles non esse? Quid latum, vel strictum ad probabilitatem? Aliundè siquidē probabilitas, aliundè rigor, vel benignitas, seū, dicamus, latitudo sententiæ desumitur; hæc enim à comodo, vel incommodo mensatur operantium; illa verò ab adæquatione cum re, seū verisimilitudine, tota pendet: undè optimè sententia benignior, & latior probabilior, ac certa esse potest; rigorosior, & strictior minus, immo totaliter improbabilis. Et cerè sententia minus probabilis, quam tuta conscientia quemlibet sequi posse, contendunt Probabilistæ, semper latior, ac benignior est magis probabilis magisque tuta; Si enim tutior sit, non controvertitur, an liceat, agere, quod illa dicat.

4. Verum quidem est, multoties opinandi libertatem nimis laxas immo temerarias, & scandalosas introducere sententias; has tamen notas, ac censuras nō merentur, quia latæ sunt præcisè; verū quia ultrà rectæ

rectæ rationis dictamen. Nos autem nec latas, nec probabiles damnare intendimus opiniones, ad hoc enim, singularem in particulari merita discutere, necesse est; benè autem supposito, quòd in se verè sint absolute probabiles, modum ac regulam tradere, quæ earum sit licitus usus, nec aliâ certè, quàm à sacris Canonibus, PP. gravibusque DD. acceptam.

5. Subdit Author à n. 7, usque ad 10. Ex hoc ipso, quòd probabilis est opinio, utique licitus ejus usus; probabilitas enim de se tota gaudet honestate; sicut enim amabile non est, nisi dignum amore, appetibile, dignum quòd in pretio habeatur; ita probabile, dignum est approbatione, & consequenter licita executione; quare manifestam involuit contradictionem, asserere opinionem probabilem, & negare licitum ejus usum. Nec aliquid obstat, quòd opinio sit minus probabilis, aut enim verè probalis est, aut non; si non, non sumus in casu; si autem verè probabilis, quare ad prohibendas latas,

prohibentur etiam probabiles.

Ad hæc, ut ab ultimo incipiamus, jam dictum est nos non prohibere usum, sed abusum probabilium sententiarum; neque in hoc quidquam curamus, an sententia lata sit, vel stricta, quod tam sapè, & ardentè Author hic jactat, dilatans phylacteria, sed carens extrachorum. Ad usum autem licitum sententiæ quantumcunque probabilis, ut ex dictis planè constat, non sufficit, quòd sententia sit in se, & absolute probabilis, sed requiritur, quòd operans per determinatum assensum prudenter ipsi adhæreat, formans conscientiam, licitum esse, quod illa dictat; hoc autem esse non potest, dum prudenter judicat probabilior sententiam oppositam: quare ipsi, licet signatè, ac speculativè sit probabilis sententia dictans licitam operationem, exercitè nihilominus, & practice verè ipsi non est probabilis, nec digna, ut ab ipsa approbetur, cum verisimiliorem existimet oppositam, cui perinde prudenter assen-

sum præstare debet.

6. Sicut ergò, quamvis amabile sit in se aliquod obiectum, quod aliquam præfert bonitatem, indignum tamen est, ut ametur à mè, si ejus amor impeditivus mihi sit melioris boni, quia non ampliùs est mihi bonũ, sed perniciosum, & pariter secundum se appetibile vilescit, & contemptu, non pretio dignum est, si possessionem, vel affecutionem pretiosioris impediat; ita quod secundum se probabile judicatur, in conspectu probabilioris cõtrarii à probabilitate cadit, nec dignũ est, ut vir prudens illi præstet assensum, quia prudenter omninò debet contrario assentiri, cum quo stare non potest assensus minùs probabilis.

7. Per quæ patet ad id, quod subdit Author n. 11. usque ad 18. & pro solido firmat principio. Videlicet opiniones per hoc, quòd sint minùs probabiles, non amittere probabilitatem, sed solum fit indè, quòd non sint adeò fortes ad trahendum intellectum, sicut probabiles: vera enim probabili-

tas non consistit in relatione ad judicium operantis, qui probabilem judicet sententiam, ex quo certè multi nascuntur errores; sed vera probabilitas, est probabilitas objectiva, de quà Philos. ait primo Topic. *Probabilia sunt, quæ videntur omnibus, vel plerisque, vel sapientibus, atque his, vel omnibus, vel plerisque, vel maxime notis.* Quare igitur minùs probabiles doctrinæ longiùs expelli debent, ac si magis, & minùs variarent speciem? Sicut ergò minùs doctus, vel pius, verè pius, & doctus est; ita minùs probabile, verè est probabile. Hic error, inquit, causa, & origo est mali totius in hac materia; Credunt enim aliqui, idem prorsus esse, dicere, minùs probabile, ac improbabile; pluraque subdit eleganter quidem, & in summa concludit ejiciendas non esse, nec damnandas minùs probabiles opiniones.

At, quæso, quis damnat? Quis ejicit? quis à literaria expellit Republica minùs probabiles opiniones? Dà-natur abusus, non opinio, cujus quidem probabilitas abso-

absolutè sumenda non est ex præcisa relatione ad intellectum operantis, sed ut ipsi regula sit propriæ operationis, impreſcindibilis est relatio ista, immo potissimū attendenda. Quicquid enim juvat operantem probabilitas, immo certitudo sententiæ in se, si operans ipse juxta illam nō habeat conscientię dictamē, (quod quidem, ut satis ostensum est, formare non potest juxta sententiam, quæ sibi minùs verisimilis apparet,) sicut enim ut utar exemplo, & similitudine Authoris ejusdem; quamvis nudus magnes vim habeat in se trahendi ferrū, si tamen ex adverso magnes armatus fortiùs trahat, non poterit nudus ad se trahere ferrum, ità licet opinio de se probabilis vim habeat trahendi ad assensum intellectum, nunquam poterit illum trahere, si probabilior opinio ad contrarium fortiùs impellat; ni fortè perversa Voluntas contrà ipsius intellectus naturam ad minùs probabilem inclinet: remanet igitur hæc opinio probabilis speculativè, ac signatè, non autem practi-

cè; ac exercitè, quia per majorem vim contrarię sententiæ impeditur, nè trahere possit ad sui assensum operantis intellectum.

8. Prosequitur Author num. 19. usque ad 29: ad probandum prohibitionem sequendi sententiam minùs probabilē in conspectu probabilioris; nihil valere penitus ad reprimendas laxitates. Eò quia nullus Doctor sententiam docet, dicendo, illam esse minùs probabilē, immo quilibet propriam opinionem, tanquam probabiliorem, jactat. Addit insuper, plures Doctores, qui sustinent, licere quandoque juxta minus probabilem sententiam operari, nullam docere laxam opinionem; è contrà verò gravissimos Doctores prohibētes minùs probabilis usum in conspectu probabilioris, multas valdè laxas tradere opiniones, quarū nonnullas affert. Vera igitur regula moderandi laxitates, est discernere inter verè probabiles, & improbabiles; ceterū adstringere ad probabiles inutile, ac improporcionatū est omninò remediū.

Jam

Jam verò dictum est, non esse primum finem nostrum, laxitatem opinionum coercere, sed regulam statuere certam, quā probabilibus tutò possimus uti, Quod autem, & ad secundarium finem reprimendi nimiam opinandi laxitatem aptissimè; nec parùm quidem conferat sententia nostra, ex duplici capite fit evidens. Primò, namque ex illo Probabilistarum principio adeò reddebantur incuriosi DD. ad veritatis investigationem, ut nihil de sententiæ veritate curarent, sed ferè uniçè quærerent an sententia probabilis esset; quo habitò, illam & docere, & consulere tutò, non dubitabant, Sapiens id testatur Eminentissimus de Aguir, qui olim, & ipse Probabilista, re maturius inspecta, sana mentè probabilissimum deseruit, cujus plura per extensum affert Reverendissimus Thyrsus differt. 13. cap. 2. §. 11. num. 78. & seq. Aliqua nos tantùm Cardinalis verba referemus ex ipsius præfatione ad Tomos Conciliorum Hispaniæ pagina 6. num. 31. Sic enim

de se inquit: *Eousquè communi ferè sensu, aut præjudicio abductus in probabilismo, veluti in pulvino, molliter quiescebam, & plerumque studium meum (itā ingenuè fateor) situm erat in examinando potiùs, an aliquid esset probabile, quàm in investigando, an esset verum; detecta enim probabilitate, nullatenus dubitabam, mē posse illud in praxi sequi, aut aliis consulere.* Et post pauca, subdit; *De hoc enim nemo tunc Salmantice dubitabat, usq; adeò inva-luerat probabilismus ibidem, quamvis paulò antea Magister Joannes Martinez de Prado, & Vincentius Baro-nius, ambo Dominicani, scrip-tis editis, impugnassent longè, ac latè Caramuelem, & reje-cissent usum opinionis minùs probabilis faventis libertati in concursu probabilioris stantis pro præcepto; nulla enim ferè ratio utriusque laudati Scrip-toris, habebatur in ea parte ob multitudinem innumerabilium aliorum liberiùs scribentium, ut possent ji dicere cum Poëta; Obruimur numero.*

Vide igitur in primis, quàm aptum sit remedium ad moderandam DD. liber-tatem

tatē sententia nostra? Quā̀m perniciosē ipsam laxaverat probabilissimus? Nec min⁹s utile quidem ad praxim coērcendam. Sicut enim ex probabilismo veritatem ferē contemnentes de sola probabilitate solliciti erant Doctores, itā cāteri Fideles nō curabant, an verē actio liceret, sed an sententia ipsam licitam dictans probabilis esset, nostra verō sententia utrosque ad veritatis indaginem stimulat, si veritatis amatores sint, ac de propria salute solliciti. Si verō perditæ conscientię Doctores adhuc velint probabiliores jactare sententias, quas verē min⁹s probabiles aspi-ciunt, aliique ipsorum ductū pertinaciter sequi; quid ad nos? Ipsi viderint: Veritas enim, non probabilissimus judicabit.

Ad hoc enim nullum suppetit remedium; sicut enim ad extirpandas hæreses habet quidem Ecclesia divinas paginas, sacros Canones, Apostolicas traditiones, sanctosque PP. quibus nititur, falsum, ac diabolicum expurgare fermentum; at nihilominus passim

novæ pullulant hæreses, insurgunt errores, aut veteres novis adinventionibus obtecti renascuntur; itā regulas quidem habemus ad probabiles, probabilioresq; opiniones ab improbabilibus, vel temerariis discernendas, quibus Apostolica Sedes DD. ac Sapientum consilio sententias perniciosas convellere nititur; quis autem cohibere poterit luxuriantium ingeniorum audaciam, nē passim novæ diffeminentur. Habeamus ergo ad minimum tutam, ac certam regulam, quā Fideles in praxi ab hujusmodi laqueis liberentur.

Omitto hic, discutere, an verum sit, quod ait Author, benignæ sententiæ Patronos, & præcipuē ab eo nominatos, nunquam tradere doctrinas latas, cum fortē, nedūm latas, verūm etiam damnatas docuerint; sicut etiam, an sententiæ omnes, quas latas, ac proinde improbabiles apud ipsam, refert, verē tales sint, admin⁹s in legitimo sensu, quo eas tradiderunt Doctores nostræ sententiæ faventes; nihil enim hoc ad nos.

Quis-

Quisquis sit Doctor, si verè debita ponderatione adhibita, probabilior sibi videtur sententia, tutò illam docet, quamvis fortè fallatur; si verò congruam diligentiam omittat in disquisitione veritatis, vel certè minùs iudicet probabilem, peccat utique, & graviter, illam docendo, præcipuè in rebus fidei, ac morum, nec ullam excusationem habebit de peccato suo.

9. Ad secundum principale punctum eruditè progreditur Author n. 30. usque ad 33. Si enim, inquit, ad laxitates corrigendas hoc remedio, prohibendi usum probabilium sententiarum, uti velimus, potiùs, quàm ad rectam, ac tutam viam reducerentur, ad horam certè gentes in deteriora præcipientes ruerent; ut enim optimè docet S. Thomas; majus proculdubio peccatum est desperatio, quàm præsumptio; quamvis autem ex benignâ sententiâ possimus; quandòque ad præsumptionem declinare, certè rigida in desperatione projiceret; si non solùm ex consilio, sed ex necessitate

ad amplectendum id, quod melius est, cogeremur; multi namque modicæ virtutis non valentes ad melius pertingere, bonum quoque absolute relinquerent.

En magna quidem vorago desperationis totam illicò absorptura Christianitatè! Undè, quæso, hæc desperatio? Quomodò ad melius cogimus, & simplici bono contenti non sumus? Necessarium præcipimus, quod utique secundum rationem est; Et homo rationalis non difficilè nimis, non proprias vires excedens judicare debet, quod propria dictat ratio. Cogimus ergò homines, ut humanitùs, non brutaliter vivant, sequendo videlicet rationis, non appetitus, vel passionis ductum. Quomodo autem rationis ductum sequitur, qui benè persentians rationis ipsius dictamen, quòd actio honesta non sit; quod certè sentit, dùm illud verisimilius judicat, & nihilominùs vult, illam, tanquam honestam, elicere? Non Voluntas, sed ratio sequenda est homini, qui hominis vult ducere vitam.

10. Heù me ! subdit Author num. 34. usque ad 38. Undique me tenent angustiae, nescio planè, quomodo salvari, si mihi ad salutem necessarium est, probabiliorē semper sequi opinionem. Quæro siquidem, an tenear, sequi probabiliorē in se, vel probabiliorē mihi. Si primum, jam perii; Quomodo enim in omnibus, quænam sit probabilior sententia, invenire, ac judicare potero? Si secundum, amplius augetur angustia. Ad hoc enim non sufficit, quod ego sciam, talem sententiam à gravioribus doceri DD. sed requiritur insuper, quod judicem ipsos verum docuisse. At quomodo, si ego ignarus sum? Vel si doctus, non doctior ipsis? quorum tamen sententia mihi apparet multoties minùs vera? Quid faciam? studere quoad usq; pertingā ad veritatem, quæ inter homines latet, quasi fera sylvestris, & quā rārò invenitur? Quid, si necessitas urgeat, nec spatium suppetat, vel commoditas consulendi, aut studendi.

Mirum planè, quod Au-

thor iste aliàs prudens, ac sapiens, trepidare velit, immo in desperationem inducere homines, ubi nullus est timor. Quænam angustiae? Quæ montium prærupta, transilienda? sufficit nobis omninò, quod operaturus mente sincerà, & puro veritatis amore, ac propriæ salutis zelo eam adhibeat diligentiam prò conditione Personæ, loci, temporis, aliarumque circumstantiarum, quam potest humanitùs, quæque humanæ congrua sit fragilitati; ut sciat, an actio licita sit, nec nè. Et si vel rationum, vel auctoritatis pondere, bona fide judicet, licitam esse, ita planè sentiat, formet conscientiam; tutò, & absque formidine, vel timore ullo operetur; ipsique securitatem promittimus, cùm enim fecerit, quod in se est, quamvis errare contingat, penitus excusabitur, immo benè aget, ut satis in superioribus ostensum est. Hæc firma securitas est, quam Ratio, Scripturæ, Jura, Auctoritas, Natura ipsa testatur. Quam verò securitatē promittunt Probabilistæ, qui

volunt, quemquam tutò agere posse, quod ipse operans, omnibus benè perpensis, illicitum judicat, si prudenter, & secundùm rationem judicare velit, dum sibi verisimiliùs apparet, illicitum esse.

II. Auget angustias Author num. 38. usque ad 39. exaggeratq; incommoda, ex eo, quòd jugum hoc intollerabile præter rationē imponimus: Obligari namque ex certa lege, non valdè juvat bonas Animas; at verò intimè ferit obligatio dubiæ legis, qualis est nostra: Lex enim, lex non est, nisi fuerit sufficienter promulgata: Quomodò autè sufficienter promulgata cēseri potest lex nostra, de quā per tot sæcula inter DD. controversitur, an ipsa detur? Alii quidem affirmant, alii negant. Non igitur lex est, sed opinio, quòd si opinio, quam vult unusquisque teneat, nam, quantumcunq; probabilis, lex non erit.

Quis non miretur Virum hunc absque dubio mirabile? Quā libertate jactat, per tot sæcula inter DD. con-

troversam sententiam, quæ per tot sæcula unanimi consensu apud PP. indubitata, usque adedò fuit, ut ipsi fateri tenentur Probabilistæ, solumque à modernioribus in dubium revocata, immo jam ferè vi oppressa, cooperantibus certè invisibilibus sæculi hujus Principibus: Cùm enim pro contraria Benigna ex antiquis nullus inveniatur Patronus, quem zelantissimi Defensores in subsidium advocare nullatenus prætermisissent, brevissimo tempore tam latè subdola potius, quàm Benigna sententia ista diffusa est; ut cùm anno 1571. adhuc omnes in nostram convenirent Theologi, ut supra notavimus ex Corduba, anno postea 1592. fateatur Michael Salenius ex S. R. August. familia de Just. & Jure ad quest. 63. art. 4. 2.2. D. Th. contr. 2. Conc. 4. jam Benignā tenuisse multos, & gravissimos Theologos; Et successivè anno 1593. Gregorius de Valentia tom. 3. disp. 5. quest. 7. pun. 4. eandem Benignam sententiam, tanquam communem citet: Ac demum anno

anno 1597. Petrus de Navarra in Opere *de Restitutio-
ne* lib 3. cap. 1. n. 237. asse-
rat juxta communio-
sententiam Theol. sufficere
ad securitatem conscientie
probabili opinioni se con-
formare, etiam si sit minùs
probabilis: refert sic Thyrsus
in Introd.

Ad nostrum igitur fuit,
nè per tot Sæcula sufficien-
ter, legitimè per tot Sanctis-
simos PP. sapientissimos
DD. immo, ut suprà innui-
mus, per Apostolicas tradi-
tiones, sacrosque Canones,
qui satis illi favent, promul-
gata sententia nostra, &
unanimitas totius Christiani
Orbis consensu acceptata.
Fuit nè vera, & legitima lex
per tot sæcula? Quis ergò
illam novissimis hisce tem-
poribus abrogavit? Porro,
si unquam lex ea naturalis,
ac Divina fuit, naturali di-
ctata ratione, per Apostoli-
cas traditiones ad posteros
transmissa. Quis naturalis,
aut Divinæ legis abrogator?
An moderni Scriptores, qui
viam Domini arctam, &
angustam, se latam, ac spa-
tiosam reddere posse, ausi
sunt, buccis concrepanti-

bus proclamare. Beatos cer-
tè, si à veritate non aber-
rent: Qui æternos Codi-
ces altiùs, ac profundius,
quàm tot Sanctissimi, & Sa-
pientissimi Viri, immo, &
ipsi à Deo afflati sacrorum
Antistites, ac Petrus supre-
ma, & antiquissima Theo-
logorum summitas, scruta-
ti sunt.

12. Addamus cum Re-
verendissimo Thyrso diss.
6. §. 8. num. 36. & seq. Si,
ut asserit Author iste, ex
hoc ipso, quòd inter DD.
controvertatur, an actio ali-
qua licita sit, necnè; cense-
ri debet legem de ea dictan-
tem sufficienter promulga-
tam non esse; ridiculum om-
ninò foret, quærere, an ta-
lem actionem elicere, sit
peccatum? Indubitatum est
enim apud Authorem n. 42.
legem non esse usque dum
probabile est, non esse. Cum
igitur constet ex DD. con-
troversia, esse probabile,
nullam extare legem talem
prohibentem actionem; ad
quid quærere, an licita sit,
necnè? Damnandi sunt me-
ritò quicumque hoc in du-
bium ampliùs vertunt. Id
enim esset planè, semina-

peccati spargere. Ubi siquidem certò non est lex, neque pravaricatio. Si ergò certum est, non esse legem, cur illam quærunt, ut scrupulos, & laqueos parent fidelibus, dùm tuti omninò possunt incedere? Doceant omnes absque ulla dubitatione, licitum esse, nam certi sumus, legem non esse prohibentem. At verò ipsi cæcorum oculi non videant, quæ morum laxitudo, quæ injuria veritatis inquirendę fecutura indè sit. In perniciosiorem valdè Author iste incidit scopulum, quàm suis cavillis in nostra fingere conatur sententia. Non intolerabile quidem, sed rationabile omninò ratione utentibus, vel uti volentibus, nos jugum imponimus.

13. Sed benigniùs adhuc prædictū obstruamus effugium. Concedatur modò gratis, quòd possint Probabilistę, omnibus benè perpensis, ex puro veritatis amore suam probabiliorē nostrā prudenter judicare sententiam. Quod quàm difficile, superius ostensum est. Probabilitas hæc tota salvare illos non poterit, dū

hic, & nunc determinatum elicient opus, quod meritis causę ponderatis, illicitum esse, probabilius apparebit. Ex hoc enim ipso lex prohibens satis, superque illis promulgata est. Promulgatio siquidem legis naturalis, & Divinę; non positivę, non scriptę, alio non intimatur Præcone, quàm rationis dictamine. Quomodò igitur ibi tora, & sufficienter promulgata non est lex prohibens actum, quem ratio sibi dictat prohibitum?

14. Ampliùs autem, aperi oculos, quærò, & vide, in quæ præcipitia detruat effugium istud; sequeretur enim indè, quòd non modò minùs probabilem, sed absolurè falsam judicans opinionem asserentem licitum actum, adhuc licitè posset, illum elicere; quia nec dùm illi sufficienter lex prohibens intimata esset: quia videt adhuc, quòd controversia est inter DD. & probabile inter ipsos; non esse talem actum à lege prohibitum; quod enim falsam judicet horum DD. sententiam, non facit, ut nesciat, illam

illam esse absolute probabilem. Et ut plura brevitatis gratia omittamus.

15. Respondeat Author iste cum suis Probabilistis. Possit ne dari casus, quod actio aliqua, de qua inter DD. est controversia, utrum sit prohibita, vere prohibita sit Divina lege? Dent securitatem, si possunt, quod ista lex non detur, & eos libenter sequemur omnes. Securitatem istam dare quidem non audebunt, ne manifeste nota temeritatis incurrant, dum & ipsi rationibus victi concedunt, probabiliorum esse opinionem asserentem, dari legem talem actionem prohibentem, ut supponimus, alias non essemus in casu. Quare igitur docent, posse nihilominus tuto quæpiam, sequi contrariam minus probabilem; quia si re ipsa detur lex, excusabitur à peccato, nec formaliter, sed materialiter solum contra legem ibit, quia illa sufficienter promulgata non est? Bone Deus! Quomodo ut fugiant lucem, palpabiles ingrediuntur tenebras? ac seipsos evidentissimis contradictionibus involuunt? Si

promulgata sufficienter non est, jam utique, tanquam indubium apud ipsos, lex non est; quomodo igitur nec materialiter agere possumus contra legem, quæ non est? Quid opus excusatione, ubi nulla potest esse prævaricatio? Immo quomodo hic, & nunc possibile est, dari legem, de qua hic, & nunc certum, evidens, ac indubitatum est, non dari? Certum est, inquam, apud ipsos, non dari, quia sufficienter promulgata non est, ac per consequens lex non est? Expungantur itaque à Codicibus omnes regulæ Juris, quibus, quid in dubiis, vel obscuris agendum, præscribitur; & una pro cunctis authenticè stabilietur. Ubi veritas evidens non est, sed sub dubio, ac probabilitate latet, agat quisque prout vult, & bene faciet. Taceant DD. de re morali disputantes; ac sola de se patentia tradant præcepta; Et inter ipsa unicum hoc Axioma. Ubi evidens non extat præceptum, omnia liceant; De cætero, cum tot immensis, innumeris voluminibus projiciantur in-

pro-

profundum maris omnia peccata nostra.

16. Subdit Author n. 40. usque ad 46. Si Dominus vellet, exemplum ponit, omnes Fideles teneri ad cōfitendum omnes circumstā-tias aggravantes, adhuc speciem non mutant; modum fortè hucusque non invenisset, id clarè præci-piendi? Si ergò pro legibus habendę sunt omnes proba-biliores opiniones, quarum non est numerus, Christianus Populus tot legum onere gravaretur, quot certè non habuerunt Hebræi, à quorum dura servitute per Gratiam libertatis Filiorum Dei liberati sumus. Ex hoc fieret procul dubio, ut minùs probabiles sententię brevi omninò probiliores evaderent. Ut enim ab hac rigida lege DD. ac Populi simul alleviarentur, nemo jam doctrinam suam intra eos limites contineret, ostēdendi sentētiā suam benè fundatam, sed omninò stabiliiori fundamento, quàm opposita, fulcitam: Ac proinde, ubi modò pii, ac timorati Fideles nolunt, in praxi minùs probabiles se-

qui opiniones hoc solo titulo, quòd minùs probabiles audiant; tunc absque ullo timore, illas amplectentur audiendo, tanquàm probabiliore, à DD. evulgari: Quod certè magnum esset lucrum.

Sed & insuper audi vi nō semel, multos quidem sustinentes, non licere juxta minùs probabilem opinionem operari, postmodum in praxi minùs probabiles tutò sequi. Absit autem, illis parūm timorata conscientia notā impingere: Verūm, quia homines, ubi gravem sentiunt in executione difficultatem, facile sibi suadere possunt, quòd agunt, esse rectissimum. Unusquisque enim facile credit, quòd appetit, ait Angel. Doct. 2. 2. q. 60. art. 3. Ubi ergò hinc, indè rationes ponderant, magnum non est, ad eam partem deflectere, ad quam genius, & voluntas inclinat; Etenim amor meus pondus meum. In summa, quod nunc in paucis accidit, si verum est, quòd dicitur, jam ferè in omnibus contingeret; facillimum esset quippe suadere hominibus, quæ

verè

verè probabilia sunt, probabiliora esse. At, heu! quàm lata pateret via relaxationibus? Morbo itaque deterius valdè remedium est, quod applicatur. Vera itaque, ac tuta regula esse debet, quam Divina tradit Scriptura Prov. 22. *Ne transgrediaris terminos antiquos, quos posuerunt Patres tui.*

Optimè satis, ac sapientissimè concludit; At quare Probabilistæ contineri nolunt, immo contemnunt, ac liberè transgrediuntur antiquos terminos, quos posuerunt PP. nostri? Sed quid miri? Si Author iste, Summo ipsi legislatori in legibus promulgandis, vult modum imponere? Scit quidem Æterna Sapientia modum utique optimum, suas hominibus manifestandi leges: Quia verò attingit à fine usque ad finem fortiter, & disponit omnia suaviter; se naturis accommodans rerum, leges quidem naturales, quemadmodum irrationalibus naturali dictat instinctu, ita rationalibus naturalis rationis dictamine, intimat. Positivas autem, si-ve Divinas in sacris paginis,

sive Humanas in Codicibus exaratas, per ipsam rationem interpretatur, explicat, & declarat, ubi obscuritas, dubietas, vel difficultas enascitur; est quippe recta ipsa ratio legum optima interpretres; Et ideò, ubi rationis lumen, quid agendum, quid omittendum, ostendit; sufficienter unicuique lex omnis promulgata est; quia, ex hoc ipso benè potuit, si voluit, intelligere, ut benè ageret: Quòd si noluit, veniam non habet, inquit Augustinus.

Quid ampliùs vellet Author iste? An fortè, quod Deus Angelos, Principes Præcones perpetuò in capite omnium platearum, immò, & Vicorum deputarent, qui buccinis clangentibus proclamarent continuò. Hæc Dei, hæc Principis lex; Hæc legis intelligentia; Vel certè scribas institueret, Prophetas mitteret Deus, qui omnia in Codicibus adamussim exararent. Id fateor, necessarium foret, dùm passim difficultates de lege, tùm naturali, tùm positiva suboriantur. At verò Sylvæ calamorum, maria

maria non sufficerent attrahenti, mundus totus, qui scribendi essent, capere non posset libros. Quid amplius velit, nescio; Benè scio, quod vult, non rationem, sed voluntatem habeamus prò lege, ut statim apertè demonstrat.

17. Interim ruinam magnam, quam certam Ecclesiæ promittit; si nostra firmeretur sententia, nullatenus planè motivum ab ipso adductum timere sinit? Quid enim gravius, aut durius Christi fidelibus, quàm Hebræis imponitur, si probabilior sententia omninò sequenda proponatur, ut ejus gravamine, ac duritie DD. perverti, necesse sit legibus quippè naturalibus, nedùm Hebræi, sed universæ subduntur Gentes; leges autem positivæ scriptæ jam extant; nec illas igitur, nec istas innovat, minusque multiplicat sententia nostra; sed utrarumque veriorè, ac genuinam tradit intelligentiam.

Levitas porrò, ac suavitas Christianæ legis, libertas Filiorum Dei, non laxitudo Morum, sed jucundif-

sima Gratia Charitatisque dulcedo, quà libenter, & asperrima quæque animali homini, sed spiritali facilima, ultrà non dubitamus, aggredi; sed læti cervicem flectimus, jugo colla submittimus. Sibimet onus aggravat, qui durà cervice consistere; stimulis recalcitrare, conatur.

Hinc fit, ut veri Christiani DD. non modò ex nostra, ut velint, rigidiori sententia ad falsas, quas minùs probabiles norunt, pro certis diffeminandas opiniones non inducantur; quin verò maturiori, ac saniori consilio incuriam, ac libertatem ex benigna contractam corrigentes, ad exactioris veritatis studium inardescant. Cùmque, prima teste ipsa Veritate, in ore duorum, vel trium stet omne verbù; duplici hoc, sufficiat, irrefragabili, ac omni exceptione majori Eminentissimo cōprobare testimonio: Sfortia videlicet. Card. Pallavicino, & adhuc superstitute Card. Aguirre. Qui ambo jam benignæ fuerunt assecle sententiæ; at dùm zelus veritatis non minùs, quàm

Ani-

Animarum calamos acuit sapientum DD. ad reprimendas Probabilistarum laxitates; uterque, re maturius discussa, retractare sententiam, dedignatus non est. De quibus per extensum videri potest Thyrsus diss. 13. cap. 2. §. 11. Quòd si demum aliqui, proprii amoris pondere, vel appetitus ductu præcipientes, velint, spontè ruere; secum certè, de propria salute sollicitos trahere, non valebunt.

18. Sed jam Author n. 47. limites, quos posuerunt Patres sui Probabilistarum Antesignani manifestè transgreditur. Cum enim ipsi, velint, nolint, apertè fateantur, omnes antiquos Theol. in nostra convenire sententia, ut jam suprà monstravimus, nullumque pro sua citare, vel audeant, vel queant: hic satis ultrà progreditur, asserendo: Quidquid asserant aliqui Scriptores absq; probatione ulla, nec per totam æternitatem probaturi: Antiqui hac sunt usi regula; Ut ubi certa lex esset, illam sequerentur; ubi dubia, dubietatem deponerent, à Doctoribus consilia querendo,

aut rationes discutiendo, si & ipsi de se, ut potè docti, sufficerent. In quo & nos libenter convenimus. At quod subdit: Ubi ex utraque parte bonæ rationis fundamenta adessent, quod cuique magis placeret, amplecti cum omnimoda non errandi fiducia, liceret. Heu nefas! quòd placitum, & voluntas legem determinet, ac stabiliat?

Audiamus verò, quinam sint antiqui DD. qui regulam istam tradidere. Citat Author n. 48. usque ad 52. S. Antoninum; Vltricum, Humbertum, & Nider; qui tanquam acceptam a Magno Alberto hanc tradunt regulam. *Frater simplex, vel quilibet homo cum salute potest sequi in consiliis quamcunque opinionem voluerit, dummodò alicujus Magni D. opinionem sequatur.*

Hujusmodi regulam non videtur S. Doct. à Magistro suo Alberto accepisse; sub cuius tamen disciplina fuit per multos annos; nobis enim non tribuit; immo contrarium nimis docuit, ut satis ex dictis in superioribus manifestum est. Quidquid

autem sit, an apud citatos DD. extet hæc regula, & fideliter, necnè, fuerit ab Authore desumpta; cum enim determinatū, ex quo sumpsit, non citet locum, ut debuisset, utpotè robur suum totum, ac fundamentum in illa constituens; ad fontes pro veritate recurrere non volumus, nec ad ipsam perquirendam temporis angustia, codicumque penuria DD. eorundem opera omnia percurrere non permittit.

Videamus certè, quomodo in primis regulam ipsam intelligat Archiepiscopus Antoninus: hic siquidem p. 1. tit. 3. cap. 10. §. 10. Regula 6. sic habet explicans quid agendum in dubio, & post cætera concludens: *Sic agendo contrà tale dubium, non peccatur, dum adheret opinioni alicujus Doctoris, & habet rationes probabiles pro ipsa magis, quàm pro opposita opinione.* Et insuper addit infra, quòd necesse est, ut licitè, ac tutò quis operetur, quòd bonam conscientiam, & credulitatem formet de eò, *quod credit, tanquam de probabiliore parte.*

Audiamus & Nider, què videre non possum propter Codicis defectum; sed apud Thyrsum differt. 13. cap. 2. §. 9. ità refertur ex consolatorio timoratę conscientię 3. p. cap. 11. *Dico cum Altis siodorensi, quòd regula Magistralis, videlicet; dubitans de aliquo, an sit illicitum, & stante dubio, illud agens, peccat; quia discrimini se committit; intelligenda sit de dubio tali, quod est vehemens, & magis, aut æquè inducit mentem, credere illicitum, sicut quod est licitum.* Secus enim est, ubi mens plùs inclinatur, & judicat, quod est licitum, quàm illicitum, quamvis non habeat usquequaque certitudinem evidentem; aut fixam, quia nec hoc ipsum requiritur. Dum igitur idem cap. 12. ut refert Author, asserit; Ex quo opiniones sunt inter Magnos, & Ecclesia non determinavit alteram, teneat quis, quam voluerit, dummodò judicium in hoc resideat propter dicta eorum saltèm, quos reputat peritos, ut consequenter loquatur, ità planè intendit; quòd bona fide peritorum dictis credat; ut tãta sit eorum autoritas; ut me-

me-

merito mentē ejus inclinet ad credendum, verè ità esse, ut ipsi consulunt. Hoc modo pariter intelligenda est regula, quam Author adducit, quòd simplex cū salute sequi potest Magni Doctoris opinionem, dūm ejus consilium bona fide suscipit, ac juxta illud prudenter conscientiam format.

Libertas ergò voluntatis, quam dicta regula, & Nider in hujusmodi casibus concedere videntur, non est ad hoc, quòd Voluntas inclinet ad credendum licitum, quod illicitum probabilius apparet; verū ad eligendum, si vè tutiorem partem, si vè minùs tutam, quæ tamen probabilior ex rationum, aut autoritatis pondere prudenter judicatur. En ubi desinit apud Authorem istum antiquitatis totius autoritas.

19. Usque ad num. 53. nil ferè dicendum occurrit, aliquid fortè inferiùs referemus; ibi autem usque ad num. 55. sententiam affert S. P. August. Epist. 19. ad Hier. sic agentis de Authoribus non Canonicis: *alios au-*

tem, ità lego, ut quantalibet sanctitate, doctrinaque polleant, non idèò verumputem, quia isti senserunt, sed quia mihi, vel per illos Autores Canonicos, vel probabili ratione, quòd à vero non abhorreat, persuadere potuerunt. Ex quibus duo infert Author noster. Primò quanti S. Doctor faciat rationem, non probabilissimam, sed purè probabilem, ut illam unicè postponat scripturarū canonicarum, ac infallibilium dictis; & quia talis propria non erat, humiliter fatetur se rationibus probabilibus persuasum. Secundò infert, cū S. Doctor acquiesceret non rationibus tantum, quæ ipsum necessariò ad assensum, tanquam ad certò, & absolutè verum, compellerent, sed jis etiam, quæ à vero non abhorrerent, consequens est omninò, ut cuilibet possimus acquiescere sententiæ probabilis; nulla enim verè probabilis, à vero abhorret, dici prudenter potest.

Ædificii magni concepti ideam; at quis non videat? Dum in constructione fortis Columnæ, validæ trabes

defunt, ad structuram, festucas, debilesque paleas nititur compaginare. Et quibus contendit suadere, potuisse unquam Augustini mentem rationi acquiescere, quæ minùs probabilis, ac verisimilis appareret? Mirum si vel simpliciores ipsum audiant homunciones. Probabilem ergò vocat S. Doctor rationem, quia verè talis, dùm non evidens, non de fide; adeò tamen fortis, quàm validum ejus ingenium, ut ipsum persuadere potuerit; ipsique omninò verisimilior, aliàs à vero tantùm abhorrens, ut falsam judicet, qui contradictoriæ prudenter assentitur, de quo satis in superioribus; undè ista hic sufficiant. Afferant, si habent, Probabilistæ, non emendicata, non ficta, sed vera, & dilucida majorum nostrorù testimonia, ut illorum nos obruant pondere, sicut frustra verbosis cavillis, obvolutis sophismatibus, ac moderniorum turba conantur opprimere.

20. Prosequitur hinc Author à num. 56. usque ad 66. Quomodò reme-

dium adhiberi possit multorum laxæ nimis licentiæ, ac libertati opinandi. Prò quo statuit in primis ex mala probabilitatis interpretatione contrà benignam sententiam plures ad arma, & oppugnationes excitatos; putant enim aliqui probabile idem esse, ac verisimile, at quænam allucinatio est ista? Omne quidem probabile est verisimile, nò autem è contrà; malum enim, quod temerarius de proximo suspicatur, est verisimile, & tamen peccat, quia non tantùm verisimile, sed & probabile vult illud judicare. Probabile itaque est verisimile benè fundatù, verisimile autem præcisè multoties meram habet apparentiam.

Primum ergo probabilis constitutivum est, quòd solidis adeò fulciatur fundamentis, ut meritò classici etiam DD. dignum æstiment, quod in suis operibus inferatur. Hinc fit rursus, non omne, quod in quocùque reperitur Authore, statim probabile censendum esse; ut enim Doctor tantam habeat auctoritatè, ut probabi-

babilitatis gradum suis tribuat opinionibus, non ita passim contingit. Requiritur enim in primis, quod bene sit, non solum in naturali, sed & in positivo jure versatus; potest enim aliquid absolute intellectui verisimile apparere, cui tamen obstat Canon, constitutio, aut lex: deinde, quod non fallacibus, aut sophisticis, & non concludentibus DD. judicio rationibus uratur. Item, ne sit potius novitatis, quam rationis; & rectitudinis consecrator: ac demum ne potius recitator, quam examinatus sit alienae doctrinae; hujusmodi enim potius compilatores, quam Authores, dicendi sunt. Manifesta igitur est calumnia, asserere, quod idem sit, docere, licitum esse, minus probabilem sequi opinionem, ac docere, licitum, sequi opinionem quamcunque apud quemlibet Authorem probabilitatis ornatam amictu. secundum igitur constitutum probabilis opinionis est, quod, ut talis, à Classicis approbetur Doctoribus.

Satis optime in his dis-

currit Author, & ferè in omnibus convenimus libenter; quavis enim videatur questio de nomine, an probabile, & verisimile idem sint, necne; siquidem verisimilia, quae dicit, levibus fundata, & merè apparentibus, umbram potius veri, quam verisimilitudinem praesferre dicenda sunt. Quidquid sit de hoc, maturè nos quoque asserimus, ad veram probabilitatem magni ponderis, & momenti requiri, nec levia sufficere fundamenta.

21. Unicè displicet, ne aliqua limitatione moderetur parumper, quod ultimo loco dictum est; ad probabilitatem scilicet opinionis requiri classicorum DD. approbationem. Hoc enim, ut plurimum, verum est; immo & absolute, ut communiter, tanquam probabilis, recipiatur, necesse ad minus est, quod magnae nimis auctoritatis D. illam doceat, vel à similibus approbetur, omnibus bene perpensis. Ceterum, quamquam non ita facile à graviorum sententia sit recedendum, cum ratio, si verè omnino valida sit, ac fortis:

Au-

Authoritati præponderet; quis dubitet, posse quandoque non adeo excellentem D. fundatissimam, gravioribusque occultam rationē adinvenire, quæ sufficiens benè sit ad probabilitatem firmandam? Id §. 4. immediatè præced. cap. ex utroque comprobavimus Jure; Sicut & ipse Author n. 68. de sententia quadam non dubitat affirmare, acutiores, quàm antiqui, habuisse oculos moderniores in ejus investiganda practica veritate, quam, nè in longius debito protrahamur, omitimus consultò referre.

22. Non placet item, quod num. 66. usque ad 85. inquit Author; non omne scilicet, quod est probabile speculativè, ad praxim esse deducibile: Quamvis enim admittamus citato cap. §. 3. contingere posse, quòd speculativè opinio aliqua sit probabilis; & practicè improbabilis; id tamen, ut ibi docuimus, esse non potest, nisi ratione alicujus circumstantiæ, quæ à speculativo judicio non consideretur; Cæterum, omnibus ritè perceptis, & nulla in contra-

rium superveniente circumstantia, practicum judicium à speculativo discordare nō potest. Undè quod speculativè est probabilius, absolute practicabile esse debet

23. Cùm enim in moralibus ratio speculativi, & practici vix ullatenus differat; undè & ab aliquibus hujusmodi rejicitur distinctio, quamvis à nobis dicto loco admittatur in legitimo sensu; ipsum speculativum judicium præscindere non debet à lege, immo potissimè ipsam considerare. Opinio igitur, contrà quam extat lex, decretum, vel decisio, nedùm practicè, sed nec speculativè ampliùs cēsenda est probabilis. Quidquid autem sit de hoc, parum ad nostrum. Nec aliquid notatu dignum occurrit usque ad n. 76.

24. Ubi usque ad n. 78. fatetur quidem, si dum inter DD. controvertitur, aliquem contractum, v.g. esse usurarium, pluresque affirmant, pauciores negant, ipseque pro indubitato habeat, hos pauciores falli, quamvis aliàs tot esset Bartoli, ac lucernæ legis, non habe-

haberet operaturus fundamentum sufficiens ad eorū sequendam opinionem, si autem probabiliores quidē iudicet rationes dictantes contractum usurarium, non tamen adeò claras, & convincentes, poterit, iudicium suspendere illius rectissimi principii ductu, quòd interdum falsa sunt probabiliora veris, poteritque contractū celebrare, non conscientia dubia, sed certà, quia cognitione reflexa scit, in huiusmodi casibus stare posse. Personæ gravis auctoritatis consilio; si enim aliquod remaneat dubium, illud speculativum erit, non practicum; Aliàs certè impossibile esset, Pacem unquam habere: timoratæ conscientia fidelibus, ni semper, quod tutius est, sequerentur; quod in altam ipsos deiceret desperationem.

Hic nota in primis, quòd fatetur Author, in casu dari posse probabilem, immo probabiliorē, immo indubitatam sententiam nullius gravioris D. auctoritate approbatam, immo relictam. In casu enim supponit contrarios DD. tot Bartolos,

quibus autē consentit operans, Parva lumina vix lucentia, & Doctorculos, ut ait num. præced. Et optimè, ut jam diximus, quandò verè solidis rationibus nititur opinio. Benè item cætera subdit, cū enim in moralibus magni facienda sit in omnibus DD. auctoritas, dū rationes adeò validæ non sunt, quamvis ex mei debilitate ingenii plenè solvere non possim, tutò, ac prudenter juxta graviorum consilia formare possum conscientiam: At quid inde? Potero nè, dū & rationum vi, & auctoritatis pondere benè perpensis, adhuc probabilior, & verisimilior apparet hæc sententia, prudenter ad contrariā flectere? Et quonam fundamento? quo rationabili motivo? genio, appetitu, ac voluntatis placito, ac perinde imprudenter, immò brutaliter, non humanitè.

25. Per quæ patet ad ea, quæ num. 79. usque ad 81. subdit Author, ut secundam expellat calumniā, dicit ipse, hoc est operari contrà conscientiam, qui iuxta id, quod minùs probabile iudicat, opera-

operatur; licet enim talis iudicio directo æstimet illicitum id, quod agit; iudicio tamen reflexo licitum omnino putat, & hoc sufficit. Sicut infirmus directo iudicio credit se obligatum die solemni ad audiendum sacrum; iudicio tamen reflexo credit, se non teneri, quia in huiusmodi licet omnino, Medici consilio acquiescere. Sed quæro: Dùm inter DD. est controversia, licitum sit hoc, aut illicitum? Vel ponderasti rationes, & DD. auctoritates pro utraque parte, vel non? si non, pondera, quantum ingenii, loci, temporis, aliarumque circumstantiarum possibilitas admittit. Si ponderasti; Vel rationum, & auctoritatis pondus flectit ad asserendum licitum actum, & sic liberè, ac tuto ages. Vel potiùs ad iudicandum illicitum urgent; Et sic quænam reflexio ad licitum iudicandum inducere potest? Responder Author; quia & ista opinio asserens licitum, est benè fundata; & ego tantam fidem præsto Authoribus illà docentibus, quantam infirmus Medico; At porro, si jam

librast rationes, librast DD. auctoritates, nec te ad hanc partem flectere poruerunt; immo potiùs præponderans ratio, & auctoritas ad oppositum urgebat; Quod pondus auget reflexio tua, quo nunc ad fidem huic magis D. quàm alteri præstandam inclineris? Ingenuè fatearis; Voluntatis pondus. Reflexio ista contradictionem aliàs involuit; Dum absque ullo addito auctoritatem eandem sufficientem, & insufficientem vellet ad captivandum assensum.

26. Usque ad num. 95. Notatu dignum nihil repèri omnino; Cuncta siquidè, quæ verbis multis jactat, ex dictis liquidò satis constant. Ab eo igitur usque ad 101. prosequitur ad ostendendam falsitatem alterius calumniæ; quòd scilicet asserentes, licitum esse, minùs probabilem sequi opinionem, ex consequenti asserant, id omnibus licere. Non enim licet Judici in sententiis ferendis, non licet Principi in bellis, aut gravaminibus imponendis; Non licet Episcopo in distributione Beneficiorum Curatorum; Non licet

licet Medico in infirmorum curatione; Et hoc ideò, quia his omnibus indubitata, & specialis lex juxte limitat universalem. Cùm igitur, indè concludit n. 101. Casus exceptus firmet regulam in contrarium cap. quoniam *de Conjug. Lepros.* his exceptis, omnibus aliis licitum est; aliàs inutiles forent hujusmodi limitationes.

Quàm validum sit argumentum istud, ex consimili colligamus. In decalogo sola Mulieris, aut rei alienę prohibetur concupiscentia, ergò in ipso permittitur concupiscentia liberę, vel concupiscentia homicidii, vel cujuscumque alterius in ipso prohibiti. Aliàs enim frustra prohiberetur specialiter concupiscentia rei, & mulieris alienę; si jam omnis mali concupiscentia prohibita est: legitima itaque Can. illius, ac similis regulę interpretatio est, quam habemus ex l. Quę dubitationis ff. de seq. juris, ubi dicitur; *Quę dubitationis tollendę causę inferuntur, jux commune non ledunt*; ex quibus colligitur, quòd satis est, exceptionem utilem ef-

se ad majorem ipsius regulę declarationem, & expressionem. Quà ratione utilia, non frustranea sunt duo ultima Decalogi Pręcepta, ut explicat S. Doct. p. 2. q. 100. art. 5. ad quintum, & 2. 2. q. 122. art. 6. ad quartum, quia propter eorum, quę prohibentur, appetibilitatē facilis est valdè concupiscētia hominibus, digna perindè, quę specialius prohibeatur.

Ità, & in casibus adductis propter graviora pericula, & incommoda consultissimum fuit, Judicibus, Principibus, Episcopis, ac Medicis eorum obligationem, prę oculis ponere, quamvis aliàs communiter omnibus quoque tradita sit regula se indubiis, & obscuris moderandi; ut satis patet ex sacris Canonibus, regulisque Juris, partim suprà à nobis adductis, & ab aliis Doctoribus fusiùs expensis, præcipuè Fagnano super caput, nē innitaris. Thyrsus item diff. 4. §. 5. Manifestè probat, absurdum esse, Judicem in judicando, Medicum in applicandis medicinis obligari ad sequendam senten-

tiam probabiliozem, & non obligari hominem, quando controversia est, an res licita sit, necnè, ad operandum secundùm sententiam tutiorem, & probabiliozem. Quidquid autem sit de hoc, nè diutiùs immoremur.

27. Possem, inquit Author num. 103. & 104. Et ego plures afferre Canones, & Jura in contrarium, sed quia ex neutra parte claræ sunt leges, nec in propriis terminis; eorum, qui tota laude jura interpretati sunt, consultò standum est judicio. At porrò famosissimus Jurisconsultus à D. Thoma p. 2. q. 96. art. 6. Meritò laudatus, ità pro benigna sententia determinat. L. nulla ff. de legibus. Nulla juris ratio, aut æquitatis benignitas patitur, ut quæ salubriter pro hominum utilitate introducuntur, ea nos duriorè interpretatione contrà ipsorum commodum perducamus ad severitatem.

Sed iste in primis loquitur de legibus tantùm positivis, quæ ab hominibus per auctoritatem introducuntur: Admittamus autem, utcumque Jurisconsultum

ad omnes leges. Omnis certè lex, non nisi rationis ordinatio est; undè & ipsius interpretatio rationabilis, non voluntaria, esse debet: Aliàs lex non rationis, sed voluntatis esset ordinatio. Si ratio igitur ad benignam trahere possit sententiam; sequamur eam; si autem ad nostrum invitet, ut satis, superque in superioribus probatum est; non resistent, sed libenter veniant Probabilitatè nobiscum.

28. Adde, quòd benigna legis etiam positivæ interpretatio exigitur, ut optimè loco citato explicat S. Doct. quia in singularibus casibus plures occurrunt circumstantiæ, quas omnes inferenda lege, nec advertere potuit, nec exprimere debuit legislator, nè confusionem potiùs multitudine, quàm directionem pareret; in quibus tamen legis rigor, non utilis, sed perniciosus foret. In casu autem nostro jam supponimus, quòd ratio ipsa legifer, omnibus benè perpensis, intimet, legem juxta id, quod probabilius judicat, nec enim aliter potest; quanam igitur beni-

benigna erit ejus interpretatrix / Voluntas / Absit hoc à Viro prudenti: benignitas à prudentis rationis dictamine debet procedere, aliàs non benigna interpretatio, sed legis esset perversio: Et quidem etiam in positivo Jure; quod quidem, non ad severitatem, sed rationabilè perducimus æquitatem.

29. A num. 105. usque ad 112. Acriter invehitur contrà quosdam asserentes ab Innoc. XI. hanc damnante propositionem. *Generatim, dùm probabilitate, sive intrinseca, sive extrinseca, quantumvis tenui, modo à probabilitatis finibus nõ exca-
tur, consisti aliquid agimus, semper prudenter agimus: nimis benignæ sententiæ derogatum, sed talis, inquit, non est sententia 60. quos refert nominatim DD. sed ista. In conflictu opinionũ licet non nunquam, adhæ-
rere minùs probabili faventi libertati, relicta probabiliiori favente præcepto. Quænam hujus sententiæ cùm damnata convenientia est? Damnata omnem admittit probabilitatẽ,*

quamvis tenuem, hæc autem, exclusa tenui, solùm admittit minùs probabilem in comparatione, quæ fortè multoties est maxima. Præterea damnata sententia, ut jacet, haud facilè invenietur apud Authorem aliquẽ, nec antiquum, nec modernum; Tamburinus enim, cui præcipuè adscribitur, non ponit illum terminum, *Generatim*, in quo tota ferè sententiæ malignitas residet; ut enim supra dictum est, id Judici, Principi, Episcopo, Medico non licet. Neque item semper aliis, in multis namque casibus, puta in Sacramentorum administratione, tenemur omnino, non solùm probabiliore, sed tutiorem sequi. Quis insuper non videat, probabilitatem, dùm est tenuis, neque ampliùs probabilitatem esse? Quare damnata sententia, si benè consideretur, se ipsam destruit: Nec igitur in pilo per tale decretum attracta fuit benigna sententia.

Fatetur ad hæc Thyrsus diff. 8. §. 3. non esse quidem per talem decisionem tactã sententiam eorum Probabi-

listarum, qui sententiam suam satis moderaverunt, ut benè dicit Author; Nihilominus, nedùm in pilo, sed in intimis visceribus penetrata fuit; ut potè cuius præcipuum, inimo unicum fundamentum à priori valdè per talem damnationem infirmatur, si non totaliter evertitur; In hoc enim potissimè fundantur etià strictiores Probabilistæ: Quòd si verè probabilis est opinio, fundata scilicet, valida, & magni momenti ratione, & auctoritate; quamvis opposita validior sit; Sufficiens est ad prudens iudicium, ac perindè licitè operandum. Est nè iste fortis corû Achilles? Alium ego non video, si habent, advocent ad pugnandum. Quarè igitur nō liceat Generatim, & semper sequi ductum prudentis Iudicii? Siquidem Prudens est, recta regula est; Prudentia enim est, ipsissima recta regula agibilium. Quà ergo iustitia damnandus, qui rectæ regulæ se conformat.

Non meminit fortè Author, quòd ipse pro stabili fundamēto suæ regulæ n. 49.

indubitāter hoc statuit. Audiamus illius præcisa Italica verba. *La ragione fondamentale si è, perche ad operar bene in tutta le cose, è di sufficienza, operare prudentemente; E tanto è quello, che fa, che nell' operare si regola dà dottrine veramente probabili ancora in pratica. Et n. 52. repetit. Qualunque opinione veramente probabile è sempre tuta, altramente ella non sarebbe probabile, mà improbabile.* Magnum ergò ipsius calamus effudit venenum, & malignitatem; si tota malignitas in *ly Generatim*, & *semper*, ipso Teste, residet; ac non veretur scribere; In omnibus, ac per consequens, *Generatim*, & *semper* tutam esse probabilem sententiam.

Nec aliquid obstat, quòd in damnata sententia ponit *ly Tenui*, cum enim subdatur; *modò à probabilitatis finibus non exeatur*; manifestè declaratur, quòd non est sermo de probabilitate adeò tenui, vel in se, vel in conspectu nimium superexcedentis, ut meritò sententia cadat à sua probabilitate, tanquam per oppositā oborta; sed tenuis dicitur in-

com-

comparatione validioris ; modò tamen ità sit fortis, ut probabilem servet sententiam, quam tuetur. Quod totum optimè Tamburinus ipse novit; dum inquit lib. 1. Dec. cap. 3. §. 3. n. 11. Modò major probabilitas dictæ partis non sit tanta, ut deiciat à probabilitatè aliam oppositam. Hoc ipsum refert Author num. 111. quare nescio, quomodò cogitare potuerit, nedùm asserere, Virum hunc acuti aliàs ingenii, sese in contradictionem apertam involuisse, quam optimè norat.

30. Multum quidè, sequitur Author n. 113. usq; ad 116 severæ sententiæ derogavit Alexand. VIII. hanc damando propositionem: *Non licet, sequi opinionem, vel inter probabiles probabilissimā*. Id enim apertè probant rationes omnes, quibus Probabilioristæ Probabilistas impugnare intendunt. Eorum primum argumentum est, quòd *in dubiis tutior pars est eligenda*. Si enim legem istam, velut sanum consilium acceptent; nihil indè concluditur; Si verò tanquã præceptum, promulgant,

jam fateri tenentur per bonam consequentiam; quòd *non licet, sequi opinionem, vel inter probabiles probabilissimam*. Tutior enim semper est illa, quæ stat pro lege; ergò, quamvis probabilissima sit opinio favens libertati, non licet, illam sequi, si tutiorem ex præcepto sequi tenemur.

Heu me! In medio cordis intus jam pereor! Ingenuè fatear; magis ridere, quàm differere, aut disputare cōpellor; Dùm Author iste potius, quàm rationum vi, & armis pugnare; verborum, vult, energia, Oratoriis coloribus, ac vix apparentibus fallaciis, & sophismatibus ludere.

31. Ludamus ergò cùm ipso, dicendo; Regulam, illam, & consultivam esse, & præceptivam; Præceptivam quidè in rigorosè dubiis, dùm scilicet ad alteram partem nos determinandi prudenter sufficiens non habemus motivum. Id enim est, verè in dubio versari, ut ipse Author optimè ait numer. 127. Probet ipse modò, rationes, ac fundamenta sententiæ minùs probabilis, posse

posse ad ejus assensum nos prudenter flectere; Sicut nos de probabiliori certi sumus, nemine contradicente Viro prudentia, & sapientia prædito, nec ipsis exceptis Probabilistis: Sicut oppositum de minùs probabili satis, superque ostendimus; & victi cedemus. Dùm igitur ad alteram partē possumus nos determinare prudenter; cōsultiva est regula sequendi tutiorem, quia nec propriè in dubio sumus, sed certi, quamvis aliqua remanere possit formido, vel trepidatio, ut suo loco explicuimus.

32. Eodem prosequitur suas Author illusiones n. 117 ad 132. Secundum, inquit, ex illo trahunt Ecel. 3. *Qui amat periculum, in illo peribit;* Vel enim loquitur de periculo peccandi formaliter; & ab hoc liberatur utiq; sciens per attestationem centenorum DD, fide omni dignifimorum, se posse turò, sequi opinionem adhuc minùs probabilem. Vel de periculo peccandi materialiter, & ab hoc liberari non possumus; nisi tutiorem, & præcepto faventem sequamur

sententiam, favens enim libertati, quantumcunq; probabilissima, nisi omninò certa sit, & evidens, intrā probabilitatis terminos cōtingere potest, quòd falsa sit; ac per consequens illam sequens poterit materialiter peccare. Si ergò aliquid ex hoc deducitur, consequens etiam est, ut *non liceat sequi opinionem, vel inter probabiles probabilissimam.*

Ex certis argumento deducto ex August. authoritate cap. si quis de Pœnit. distinct. 7. *Tene certum, dimitte incertum.* Idem planè convincitur. Si enim dicta verba in puro sensu, in quo ab August. prolata sunt, de pœnitentia non differenda, sumantur; nihil ad rem: Si autem ad alium ampliorem extendantur, pro ut extenduntur à severis DD, en jam optimè concluditur: *Non licet, sequi opinionem, vel inter probabiles probabilissimā.* Nulla etenim probabilissima intrā limites probabilitatis certa est. Debet ergò sufficere, quòd practicè opinio certa sit, qualis est etiā minùs probabilis; nam speculative, nec probabilior certa

certa est . Vide igitur, quòd fulmen , Apostolicum , si non statuat ipsam , basem certè fortiter percussit severæ sententiæ , falsò applicata principia evertendo , in quibus fundata est .

Et quod probant , subdit, rationes, idè probant exempla theatralia potius; quàm magistralia , contrà Probabilistas à severioribus adducta . Sic , inquit Fagnanus num. 291. *de opinione probabili* : Quænam prudentia esset ejus , qui probabilius credens, adhuc esse latrones in Sylva , eam ingredi vellet pecuniis oneratus ? Quænam prudentia , velle in puteum descendere per funè , quem probabilius frangendum citò æstimat ? Quænam prudentia, velle plagam curare unguento , quod probabilius putat venenosiorè putredinè illaturum ? Quænam prudentia , flumen velle trajicere, quo probabilius judicat , se fore mergendū ? At hic non agitur , nisi de corporali periculo ; Quid ergo ubi agitur de spiritali, ac tremendo nimis ? Justissimæ subdit Author , admirationes : at verò , quia ni-

mis probant , nihil probant, probarent enim , si probarent , quòd *non licet , sequi opinionem , vel inter probabiles probabilissimā* ; Quis enim cum auri pondere sylvam unquam ingrederetur, etiam cum probabilissima opinione , ampliùs non esse latrones ? Nunquam porrò transibit , ni certus omninò sit , exemplo Noè usque terriò exploratores mittens, ut columbam ille , ut certioraretur , an cessassent aquæ super terram : Idem prorsus de reliquis exemplis est dicendum . Hoc autem idèd , quia omnes isti dubitant ; quare stulti essent valdè ; si usque dū perfectè dubium non deponant ; alia regula ducerentur, quàm tutissimo illo principio . *In dubiis tutior pars est eligenda .*

Non sic est in casu nostro nisi fortè apud illos , qui probabilem à dubia conscientia non distinguunt . Si quis enim , libratis ex utraque parte rationibus, vider utraque benè fundatam , jam dubius non est , sed certus , posse licitè se operari juxta quamlibet illarum . Cùm enim à DD. asseratur , suffice-

ficere ad non peccandum, quòd operans juxta probilem opinionem, suam former conscientiam; si adhuc dubium aliquod in eo remaneat, dubium erit speculativum; hoc est de opere nudè sumpto; non autem dubium practicum, de opere scilicet omnibus circumstantiis vestito; puta auctoritate, reflexionibus, regulis, & motivis ultimum practicum judicium constituentibus.

Denique, nè ab initio proposita argumenta insoluta remaneant; primum solvitur juxta jam dicta. Ad secundum dicitur peccata materialia communia esse quoque Sanctis propter invincibilem ignorantiam, undè oriuntur. Ad tertium denique, ad rectè operandum, non physicam requiri, sed moralem sufficere certitudinem, quam utique habet, qui bonæ rationis ductu opinionem sequitur etiam libertati faventem; *Qui enim certus est, non debet amplius certiorari*. l. si res. §. & generaliter ff. de act. empt. & vend. cap. eum, qui de Reg. Jur. in 6.

33. Lepidè quidem ludit, ac illudit Author, aërem verberans, verbis pugnans, impugnans non oppugnantes, aggressoribus terga vertens. At verò, dùm nos adeò suaviter calumniatur, absque calumniæ censum, eadem quàm nos ab onere longius proposita, & opposita sibi declarandi eximit, permittere dignetur, ut vel summis labiis ipsius eludamus illusiones. Ut igitur à periculo formaliter peccandi liberemur, probabiliori volumus conformari sententiæ; ad nos itaque non dirigitur, nec ullatenus ferit, vel tangit fulmen Apostolicæ damnationis: non nimis igitur probat hæc ratio.

34. Nimis valdè, ac perindè nihil pœnitens probat ratio, & effugium, quo ipse cùm suis Probabilistis utitur, ut se à jugo exoneret præcepti, ut jam suprà tetigimus, quòd scilicet *lex non est, dùm sufficienter promulgata non est; nec sufficienter est promulgata, dùm adhuc inter DD. controvertitur, an verè detur*; ergò in hujusmodi controversiis, quam-

cun-

cunque sequamur opinionem, tuti omninò sumus à periculo, nedùm formaliter, sed nec materialiter quidem peccandi. Quomodò enim periculum, vel materialiter peccandi, aut legem transgrediendi esse potest, ubi certò lex non est? indubitanter autem apud ipsum num. 42. & alibi; *Lex non est, quousque probabile est, non esse, quia sufficienter adhuc promulgata non est.* At nos jam suprà ostendimus, utique sufficiētissimè promulgatam unicuique, dùm rationis dictamine, quo naturalia intimantur, & positiva congruè declarantur, videt verisimilius esse, non licere, quod agit. Probet, si potest, legem non esse, & nimium valdè probabit.

35. Hoc autem omisso, probet ad minùs, quomodò per minùs probabilem liberari quis possit à periculo peccandi formaliter, quod satis optimè in sententia nostra probamus, quia totum fecit, quod in se est, ad veritatē investigandam; Undè si ad ipsam pervenire non potuit, invincibiliter ignorat, ac per consequens à for-

mali culpâ excusatur, & est immunis, si fortè errare contingat; Probet ipse, quomodò invincibiliter ignorare sit dicendus veritatem, quam ratio solidior, gravior autoritas ipsi antè oculos porrigit? Claudat oculos, & voluntariè non videbit illam; Et de hoc item jam suprà dictum est, neque hic ampliùs inutiliter immorandum.

36. Certitudo pariter, quam exigimus ad rectè operandum, non logica, non metaphysica, vel speculativa, sed moralis est; quare neque ex hac parte ad nos Apostolicum fulmen ingreditur. Probet ipse, quòd minùs probabilis opinio moralem certitudinem dare sufficiat: Nos quidem latè insufficientiam ipsius demonstravimus §. 3. hujus cap. Hæc solida, & inconcussa statux nostræ fundamenta, & bases evertar Author, & habebit intentum; super has, non super jocosa stabiliat suam, & non corruet.

37. Accedamus ad exemplà. Justissimæ, inquit, admirationes, sed quia nimis

probant, nihil probant; At porro quis non obstupeat? Quis non irideat? Immo fanius defleat Viri aliàs prudentissimi obcæcationem; Justitissime admiramur, quod velint Probabilistæ anxiores, & sollicitiores homines in vitandis corporalibus, quàm spiritualibus periculis; Illud igitur admirabile, portentosum est; immo valde monstruosum, utpotè, quòd rationalem naturam in brutalem ferè convertat. Omni planè commiseratione dignissimi, qui seculi voluptatibus involuti; propriisque passionibus excæcati monstra hujusmodi, ac probra factis utrique venerantur. Quòd verò Filii hujus seculi prudentiores Filiis lucis in generatione sua sint? Proh Deus! Et non veretur Author iste alioquin Religiosissimus, asserere; non debere Viatorem, v. gr. ut aurum, vel corporis vitam servet, acquiescere probabilis, nec probabiliori, neque archiprobabilissimæ, ut ipse ait, credulitati; sed omnimodam exigere certitudinem, ut autem Dei Gratiâ super aurum, & lapidem

pretiosum multum longè pretiosissimam, ut Animæ Vitam à periculo tutâ reddamus, sufficere, ut minùs etiam probabili adhæreamus opinioni.

Sed fateor, ut in cæteris, ità in his allucinatur. Quis enim Viatori, vulnerato, vel in puteum descendenti omnimodam præbeat certitudinem? An non omnis, quam habere potest, vel humanæ fidei, vel experimento nixa est? ergò fallibilis utrique absolutè, solumque certa moraliter: Eandem igitur ad conscientiæ tutamen exigere nos justissimè adducta exempla convincent. Non ergò nimis, sed justè probant. Remanet solum ipsi probandum; hanc moralem certitudinem dare posse minùs probabile opinionem. Quod, heu! quàm difficile! Nihil lux vertatur in tenebras, & Dies in noctem.

38. Relinquamus verò theatralia, in scenam prodeant Magistralia, quæ adducit ipse. De Magnete nudo, & armato, jam supra vidimus, quod contra ipsum pugnat. Exemplum

plum de Vino debili, ac generoso planè ipsum irridet. DeBILE Vinum est minùs probabilis, generosum probabilius sententia ipse fateatur, dùm Vini affert exemplum. Quisnam autem ità demens, ac tardus; ut fœculento velit inebriari, dùm optimi, ac purissimi copiam habet? Dignum non est, ait ipse, ut vulgare Vinum in mensa Principis apponatur, non tamen ejici debet, utile siquidem est popularibus. Ità planè verè probabilis opinio ejicienda non est, nec damnanda; quia utilis est non haberi meliorem. Indigna tamen penitus, ut in conspectu Principis; Intellectus videlicet generosiori solidioris rationis Vino jam inebriati, cōpareat, nisi, ut veluti fœculentum Vinum reproberetur.

Quid dicam de aureo nummo Italico, vel Hispanico? De Virgillii carminibus pulchrioribus, & minùs pulchris? Omnia quidem æstimabilia sunt. Ità nè igitur minùs probabilis opinio in conspectu probabilius? Absit, absit; Elegantiùs etenim carmen inferioris

pulchritudinem nullatenus deturpat, nec Valor Hispanici minuit Italici nummi valorem; nec enim ad invicem pugnat, immo juvantur. At probabilius absorbet, enervat, comminuit, ac ferè ad nihilum redigit efficiam minùs probabilis opinionis, cui contrariatur, trahit siquidem ad se intellectum adeò, ut non possit ampliùs à probabili trahi, nisi vis naturæ inferatur, ut in superioribus demonstravimus. Demus autem ipsi optionem. En Italicus, En Hispanicus nummus, eligas, quem vis; ast verò unum habens, alterum perdas. An nè prudenter Italicum eligeres? Hispanicus est nummus probabilis sententia, Italicus minùs probabilis, quò negotiaturus es thesaurum non deficientè in Cœlis. Nos quidem Hispanicum, tibi sumas Italicum, & quàm prudenter feceris, ipse videris.

Hæc dixisse, sufficiat, ut tot verborum ornatu, artificum ingeniosæ fucata coloribus, nuda veritas, ut decet, appareat: Quæ enim pauca subnectit Author, vel

nihil reflexione dignum asferunt, vel ex dictis liquidò constant; Cæterum injustè satis concludit, nos arguendo, quòd more Judæorum, qui Prophetas exaltabant veteres, còxtaneos lapidabant. Nos itidem antiquos veneremur Doctores, Modernos contemnimus: Ipse quidem neminem, præter socios Probabilistas, in pretio habet; Antiquos nos veneramur; Modernos honoramus; in quibus tamen à veritate conspiciamus aberrantes, ut possumus, ad rectam semitam reducere cogimur: At si fortè nos fallimur; en libenter correctioni subijcimur: Afferant ipsi melius, & statim acquiescimus; etenim ratione duci cupimus, non placito, & Voluntate.

9. 1. De formanda conscientia in particulari juxta diversitatem Statuum.

SUMMARIUM. De Principe, vel Superiore.

1. Quinque in Principe attendenda sunt.

2. Inferenda lege, aut præcepto, debet Princeps moralem certitudinem habere de ejus Justitia.

3. Bellum specialissimà exigit justificationem, nec nisi pro ultimo remedio, adhibendum est.

4. Ad bellum offensivum debet omninò Princeps probabilioribus duci rationibus.

5. Non excusatur per hoc quòd utatur jure suo.

6. Per se loquendo, non potest dari bellum justum ex utraque parte.

7. Ubi non apparet ex una parte saltèm probabilius justitia, committi debet causa Judicibus Arbitris.

8. Ad bellum defensivum sufficit etiam probabilis ratio, modò aggressionem patiens in causa non sit belli, nec ipsi constet de probabiliori contraria partis Jure.

9. Ad tributa imponenda sola, certa, & evidenti necessitate moveri debet Princeps; & curare, nè subditi plus justo graventur.

10. Sufficit gravis, nec exigitur extrema necessitas.

11. Cessante necessitate, cessare

sare debet Tributum.

12. *Consideranda est necessitas, in sufficientia Aerarii, & ipsa tributorum exactio, & effectus inde sequentes.*

13. *Tenentur subditi,olvere, dum non constat de injustitia, & admonere Principem, ubi fraudem adverterint.*

14. *Potest Princeps, mutare pecuniam ex justa causa; tutiusque in hoc erit, audire Populum.*

15. *Nec licet ad libitum, sed solum ex gravi boni communis necessitate.*

16. *Debet esse causa moraliter certa, quaeque, ut plurimum esse possit.*

17. *Debet fieri cum minori subditorum damno, quo fieri potest.*

18. *Si legitimus adest superior, ad ipsum pertinet sententia determinans, quinam Jure debeat in Regno succedere.*

19. *Etiam si superior ipse sit ex una parte pratenfor, potest enim, ad hoc Judices delegare.*

20. *Si Regnum legitimum non habeat superiorem, decedens absque certo successore debet, ante obitum*

Judices designare.

21. *Alias designandi sunt in Regno ipso secundum statuta, & consuetudines illius.*

22. *Pratenfor certum habens Jus, timensque injustitiam, non tenetur, expectare sententiam; potestque armis etiam possessionem invadere.*

23. *Potest rationabiliter Pratenfor, Judices allegare suspectos, ac petere, ut alii deputentur, vel etiam ad Judices Arbitros causa remittatur.*

24. *Judices non possunt, Regnum adjudicare, nisi parti ad ipsum Jus practice probabile habenti.*

25. *Ad bonum commune titulo Justitiae legalis favere possunt parti minus etiam in se probabili cum debita limitatione.*

26. *Diligentia Principis inquirendi Consiliarios, non solum doctos, ac peritos, verum timentes Deum.*

27. *Non debet, ipsis propria voluntatem, seu inclinationem detegere, sed consulendum cum omni indifferentia proponere.*

28. *Non solum Vota Consultorum, sed rationes audiat*

audiat , & motiva .

29. *Dùm congruos habet in propria Ditione; potest illos in Consiliarios assumere , aliàs aduocare debet aliundè .*

1. **A**D maiorem dictorum explicationē, & doctrinæ complementū, aliqua hic breviter addenda sunt speciali digna consideratione, ut juxtā diversitatem statuum, & conditionum, possit quis, rectē suam formare conscientiam. Et primò à capite, Principe scilicet, Prælato, vel Superiore incipiendum. Quinque autem in Principe sunt potissimùm attendenda; scilicet institutio legum, indictio belli, impositio tributi, mutatio monetæ, Jus, & successio ad Regnum.

2. Quoad primum; & si certum sit, quàm dici non constat de injustitia legis, & præcepti, subditos omninò teneri ad obediendum; quia Princeps, & Superior est in possessione legitimā præcipiendi; atramen ipse Princeps, & Superior in ferenda lege, aut præcepto certus debet esse moraliter, quòd

lex justa sit, suamque jurisdictionem, ac potestatem non excedat; Quæ certitudo pensanda erit juxtā regulas generales, jam superius traditas, habita materiæ proportionē.

3. Quoad secundum notandum ex Jo. à S. Thom. p. 2. q. 18. *disput. 12. art. 5.* Quòd bellum est actus Justitiæ vindicativæ, quo Princeps, vel Respublica vindicat suum Jus, & satisfacit læsioni, sive in rebus, sive in injuriis. Quia tamen Justitiæ hujus executio difficilis est valdè, plurimorumque Innocentium damnificativa, specialissimam exigit justificationem, ac ultimum esse debet remedium, & medium, quod eligatur pro Jure tuendo, vel acquirendo, scilicet quando aliter fieri non potest. Undè nō videntur excusandi Principes, dùm ex levi motivo, aut certè alia faciliore, ac tutiori via satisfactionem procurare negligentes Bellum indicunt.

4. Deindè notandum ex eodem, Bellum duplex esse, offensivum scilicet, & Defensivum, quamvis enim

defensio proprii Juris finis esse debeat universalis cuiuscumq; belli iusti: dicitur nihilominus Bellum offensivum, dùm quis ad proprium Jus, aut satisfactionem petendam, ipsum indicit; Defensivum autem cum ab alio indictum sustinet, vel repellit.

Ad Bellum igitur offensivum, seu ad Bellum intinendum alteri, omninò requiritur in Principe, quòd habeat pro se probabiliores rationes, ac solidiora fundamenta, nec sufficiunt probabilia, sive minùs, sive æqualiter. Hoc autem præterquàm quòd ex dictis in superioribus deducitur, probatur speciali ratione. Quia nullus, tueri, potest, suum Jus incertum cum certo damno Innocentis. In casu autem Princeps non habet certum Jus, neque morali certitudine, ut ex dictis constat; damna verò Innocentium, sine quibus Bella non dantur, certa sunt; ac per consequens Innocentes ipsi sunt in legitima possessione, à quà turbati non debent adruendum, vel acquirendum Jus incertum.

5. Nec poterit excusari Princeps ex hoc, quòd utatur Jure suo, undè per accidens est, quòd damna indè sequantur. Uti enim Jure suo certo, & securo, licitum est, at si damna sequantur, per accidens sunt, nec imputantur jure suo utenti; Secus autem, quandò Jus incertum, ac dubium est; non enim spoliari debet Proximus Jure suo certo ad vindicandum, tuendum, seu acquirendum Jus proprium incertum.

6. Undè subdit, & bene Jo. à S. Thom. quòd per se loquendo, non potest dari Bellum ex utraque parte justum, sed tantum per accidens, ex ignorantia scilicet injustitiæ; Cum autem ignorantia, ut ex dictis constat, invincibilis, & inculpabilis esse non possit, nisi ferendo judiciù secundum id, quod probabilius, & verisimilius apparet; hinc est, quòd Bellum indicens cum probabili tantum opinione, periculo se exponit injustè bellandi, nec ignorantia excusari potest.

7. In casu igitur, quo probabilius adeò non appareat

reat *Justitia* ex una parte; *Causa* *Judicibus* *Arbitris* committenda est, qui sine medio ita damno pro una parte judicent, aut dividant, attentis ex utraque parte meritis.

8. Quoad Bellum verò defensivum, dum scilicet quis ab alio patitur aggressionem; modò ipsi non constet, aggredientem probabilius fultum ratione bellū indicere; nec ipse in causa sit, ut per bellum ad litis decisionem deveniatur; sed quantum est in se, absque bello, sit paratus, causam *Judicibus* decidendam committere; justè quidem probabili tantum ratione fultus per defensivum bellū tueri poterit, suum Jus, etsi non ita certum; ac damna belli, non ipsi, sed aggredienti erunt imputanda; Et ratio est; quia in casu iste verè patitur injuriam ab aggressore, qui contra *Justitiæ* ordinem absque suâ culpâ illum à prætenso Jure, vult, repellere; Undè jure quoque se defendere potest, & belli damna, non ab ejus defensione justà, sed ab alterius injustà dimanant aggressionem,

9. Pariter quoad *Tributorum* impositionem, non nisi certa, & evidenti necessitate moveri debet Princeps; ita ut ordinarii non suppetant redditus. Ratio est, quia per hujusmodi impositiones re sua subditi spoliuntur, quam justè possident, quare non debent ex dubiâ tantum, vel probabili necessitate gravari. Non est enim Princeps Dominus facultatum subditorum, sed pro bono tantum communi, cujus est administrator, & conservator, jus habet in subditorum bona. Maxima item cura Principi habenda est, ut in *tributorum* exactione subditi plus justo non graventur, quod sæpè contingit, dum potius exactores, indè impinguntur, quam commune bonum juveretur.

10. Ad justam nihilominus *Tributi*, seu *Gabellæ* impositionem extrema necessitas expetenda non est, sed gravis omnino sufficit; modò consuetæ contributiones, aliæque Principis facultates non suppetant; ut colligitur ex D. Thom. 2.2. q. 32. art. 6. ubi gravem
Rei-

Reipublicæ necessitatem æquiparat extremæ necessitati proximi. Idque consonum satis rationi videtur; dùm enim Respublica extremè laborat, vix, aut nulloatenus à subditis posset sublevari, qui certè nō possunt, commune damnum nō sentire, utpotè membra illius.

11. Justa igitur urgente necessitate, poterit, congruum, Princeps, imponere tributum secundum necessitatis exigentiam, quā cessante, cessare quoque debet gravamen; immo addit, & benè Jo. à S. Thom. quod si aliàs Principis facultates ad omnia suppetent, & ex ejus incuria, vel à Ministris dilapidentur, vel ab aliis usurpentur, curare debet, pro viribus earundem recuperationem, & conservationem, nè subditos gravare, cogatur, aliàs mortaliter peccat alieni usurpatione.

12. Tria igitur in hujusmodi impositione considerata sunt. Primò. Necessitas Reipublicæ, cui proportionari debet gravamen subditorum, & non excedere. Secundò, quod verè

propria bona Principis non suppetant, neque id eveniat ex Ministrorum dilapidatione. Tertiò consideranda est ipsa Tributorum exactio, & effectus inde secuti; quod scilicet fiat sine violentia, & oppressione pauperum, quod revera hujusmodi tributa pro necessitate applicentur, nec aliò distrahantur, & rectè, ac fideliter administrentur. Quibus omnibus maturè debet Princeps invigilare, aliàs graviter peccabit, injustè populum gravans, & opprimens.

13. Undè, quamvis teneantur subditi obedire, ac tributa solvere, dùm non constat de injusta impositione, ubi tamen advertent, vel Principem sinistrè fuisse informatum, vel male facultates ejus, vel hujusmodi tributa exigì, seù administrari, aut quid simile, debent Principi cùm debita reverentia exponere, isque tenetur, audire, & pro viribus consulere, ut colligitur ex cap. Si quando de re-scriptis, & cap. Cùm teneamur de præbendis; tolerat enim ipse Pontifex, dùm

pro veritate informāda ejus mandatum prætermittitur.

14. Quoad monetæ mutationem, supponimus, tanquam certum, posse quidem supremos Principes, mutare monetam, sive propriâ autoritate, populi nullo requisito consensu, ut communior fert sententia, vel etiam audito populo, ut aliqui malunt, quod certè omninò tutius est, non quòd populi consensus ad hoc per se requiratur, verùm, quia, cùm ipsa moneta sit regula, & mensura omnium commutationum in his, quæ pretio æstimantur, ut ait ex Philosopho S. Doct. lib. 2. *de Regimine Principū* cap. 13 Ex ejus mutatione plurima sequi solent damna, incommoda, & populi turbationes.

15. Non licet ergò Principi, ad libitum variare monetam, sed solùm ex gravi, ac urgente necessitate pro communi bono; hoc enim jus Principi non competit, nisi ex dominativâ, & gubernativâ potestate, quâ legitimam statuere, potest, ac debet, mensuram in commutationibus, & proinde

legitimâ, & justâ semel statuta mensurâ, non potest, illam absque urgentissima causa mutare cùm gravi populi damno, quod ex hujusmodi sequitur mutationibus.

16. Non est autem hujus loci, singulas examinare causas, quibus licet, monetæ valorem augere, vel minuere, sufficiat advertisse; non sufficere ad id probabilem solùm, & dubiam, sed moraliter certam, & urgentissimam causam requiri. Puto nihilominus, quòd ut plurimum causa minutionis sit, dùm legitimus valor à lege constitutus excedit intrinsicum ipsius monetæ valorem; idque accidere potest, vel ex vitio materiæ, quia non pura, sed admixta, vel ex minori pondere; & hoc quidem, vel in seipsa, vel quia moneta iniquitate utentium attonsa, seu limata fuerit. Alia causa esse potest minuendi valorem extræ monetæ, dùm scilicet ipsi extranei, ut bonam à regno extrahant, propriam introducunt minoris æstimationis, ut si deferant æreas, ut argenteas asportent.

Idem

Idem proportionabiliter dicendum erit de augmento, si enim ab exteris mone-
ta optima excederet aspor-
tetur à Regno, ad hujusmo-
di occurrendum incommo-
do; poterit ejus pretium au-
geri, præcipuè, si valor in-
trinsecus ipsius id justè pa-
tiatur. Alia quoque potest
esse justa augmenti ratio,
inopia scilicet, seu defectus
monetæ, ut indè facilius ad
Regnum confluat.

17. Illud præ oculis ha-
bendum est, ut non solum
urgens adsit Causa, sed mi-
nore, quò potest, subdito-
rum damno, & incommo-
do fiant hujusmodi muta-
tiones: & quidem si regium
suppetat ærarium, provide-
re, debet Princeps, ut ex
ipso eorundem subditorum
damna reparentur, puta,
recipiendo ab ipsis limatas,
attonfas, aut aliter vitiatas,
& bonas totidem reddendo,
præcipuè, si vitium ex ejus,
vel Ministrorum irrepserit
incuriâ, vel malitiâ: Quæ
omnia secundam acciden-
tes circumstantias pensanda
sunt.

18. Quodad Regni succes-
sionem difficultas esse po-

test, dùm Rex, vel Prin-
ceps absque certo legitimo
successore decedit. Viden-
dum est autem, an Regnum
seu Principatus absolutum,
& supremum habeat domi-
nium, vel potius alteri de
Jure subdatur, ut feudata-
ria. Si adsit legitimus supe-
rior, ad ipsum omninò per-
tinebit judicium, & senten-
tia determinans, quisnam,
jure succedere, debeat, cum
ipse sit legitimus Judex;
quod præstare, poterit, si-
vè per se immediatè, sivè
per deputatos Judices, ut
videbitur expedire.

19. Et hoc quidem ve-
rum est, etiam si prætenfor
ex una parte sit ipse Rex,
vel Princeps supremus, qui
poterit optimè, judices de-
legare ad judicandum inter
se, aliumque prætenforem,
ut passim contingit in aliis
causis civilibus, tales enim
Judices potius Regni sunt
Judices, quàm Regis, qui
in hac parte non propriè,
ut Rex, sed ut privata per-
sona se gerit, licet in deli-
gendo Judices ipse quoque
vices Regni gerat, quod li-
mitâ, ut infra num. 22. &
seq.

20. Si autem Regnum legitimum non habeat Superiorem, Rex absque certo legitimo successore decedens, poterit, immo ad vitandas lites debet, ante mortem designare Judices, qui post ejus obitum causam rite discutiant, ac de legitimo successore determinent; dum enim vivit, legitimam habet potestatem decernendi, quidquid ad commune bonum fuerit expediens.

21. Quod si absque Judicum designatione Rex decedat, eorum designatio ad Regnum pertinebit, & quidem juxta Regni statuta, seu approbatas consuetudines; hoc est, vel ab Optimatibus facienda, vel Generalibus Comitibus, aut Supremo Consilio, & ut plurimum ab iis, ad quos spectat, nomine totius Regni Regem eligere, seu illi obedientiam juramento præstare.

22. Quæ autem hucusque dicta sunt; absolute, ac per se loquendo, valent omnino; Cæterum per accidens duplici limitatione indigent. Ac primò, si quis Prætor certum, & evi-

dens habeat Jus, timeatque probabiliter injuriam, seu injustam à supremo Principe, vel Judicibus sententiam. Ex hoc ipso non tenetur, sententiam expectare, sed statim possessionem Regni accipere; ac si fortè impediatur, armis quoque invadere; id enim est justissima sui Juris defensio, nec expectare tenetur, ut alius contra proprium Jus in possessionem mittatur: Dum enim Jus certum est, jam quasi quodammodo possidet, neque est, aggressorem prævenire, immo injustè se impediens, vel aggredientem repellere. Ubi tamen adverte, quod hoc non licet, nisi dum verè Jus certum est, nec sufficit, quod sit probabile tantum, vel etià probabilius; aliàs enim tenetur, expectare sententiam, & alio congruenti occurrere sequente remedio.

23. Limitatur ergò secundò tradita doctrina: Si Judices à Principe Supremo vel Regno designati suspecti fuerint, debet Prætor, ipsos tanquam suspectos, allegare, ac petere; ut alii non suspecti designentur, vel

vel etiam, ut ad Judices Arbitros causa remittatur; & Princeps, vel Regnum tenebitur, satisfacere; aliàs Prætenfor Jus habebit, se armorum vi defendendi; Cùm jam ex hoc ipso injuriam patiatur, ei que justa denegetur petitio; nec alia remaneat via proprii Juris defensionis.

24. Quæres modo. An Judices, Ordinarii sint, vel Arbitri, parti favere, teneantur, probabiliori suffultæ ratione? Pro quo in primis certum est, non posse Regnum adjudicare, nisi parti verè ad Regnum practicè probabile Jus habenti; hæc enim tota est eorum sphaera potestatis, ut inter justè prætendentes promulgent sententiam; quare, si ex prætenforibus leves quasdã, & frivolas in sui favorem, aliquis haberet rationes, nullatenus pro illo determinare justè, possent; quia nec propriè Jus ullum haberet.

25. Supposita ergò verâ, & fundata probabilitate, quamvis attento præcisè commutativæ Justitiæ rigore, parti probabiliori per de-

cisivam sententiam favere, teneantur. Nihilominus, gravi quodam boni communis ex altera parte, adhuc in se minùs probabili, commodo præponderante; poterunt, immo debebunt, huic potiùs, quàm probabiliori, ex legalis Justitiæ titulo favere. Ut enim optimè notat Jo. à S. Thoma: Non sunt hujusmodi Judices præcisè Judices, verùm quasi Regni Electores. Ubi tamen adverterem, ut verè magni momenti sit publicum Bonum, & quòd insuper major probabilitas unius partis aliam non adeò excedat, ut ferè ad certam accedat, & à probabilitate altera cadat.

26. Deniquè non modici est momenti ad Principis, vel Superioris formandam conscientiam, Prudentum Consilia diligenter exquirere, quibus in gravioribus pertractandis, & resolvendis negotiis utatur. Prava quippè consilia, nedum Principes, ac Superiores ad tartara miserabiliter deducunt; sed & Regna, Communitates lachrymabili factis devastant ruinâ. Ocu-

latâ

latâ igitur nimis, debet Superior, diligentia Consiliarios perquirere; qui & scientiæ, ac peritiæ Theologicæ, vel Jurisprudentiæ nomine tantum non gaudeant; sed qui Dei timorē præferētes, non ad quærendas excusationes in peccatis, & laxiora dictamina, at sinceram proponendam veritatē intenti sint; nec hominibus placere, quærant, vel humanam captare Gloriam, sed magis Dei dilectionem, & animarum, communisq; Boni salutem, & incolumitatem.

27. Pro quibus duo potissima tradit optimè Jo. à S. Thom. Principibus documenta. Primum, supposito, ut prænotatum est, quod Consiliarios eligat sapientes, ac timoratę cōscientiæ, non sibi magis notos, familiares, aut beneficiatos; Quantum fieri potest, nec per se, nec per alios propriam ipsis Voluntatem innuat, neque propensionem, sed cū omnimoda proponat indifferentia, sequens omninò puram cū tota libertate proponi veritatem, desiderare, declaret.

28. Secundum; Ut non solum Consultorum audiat Vota, sed motiva, & rationes, quibus propriam confirmant sententiam. Non enim sola ipsorum Autoritate duci, sed pro viribus ponderare, debet rationes. Ex his enim facilè veritas innotescit; vel adminùs, ubi ejus major lux effulgeat.

29. Tandem ultimò addendum est; Quòd, si in proprio Regno, vel jurisdictione Sapientes Viros habeat, Probos, ac timoratos; Ex ipsis tutò, poterit Princeps, vel Prælatus, sibi Consultores deligere; præcipuè, cū varia passim occurrant decernenda, quæ à propriis Regni, vel Curix statutis dependent, & consuetudinibus, sine quarum notitia rectum dari, non potest Judicium. Aliàs tenebitur, ab extrà quærere, & advocare. Immo, & cū aliquod gravissimum resolvendum occurrer negotium, nec priorum contentus consiliis famosos aliquot extrà consulere, debet. Ut multoties timoratę conscientiæ Principes, in arduis ipsarum Universitatū consilia quærere

recre

rere, non erubescunt. Et hæc de Principe, Prælato, vel Superiore quolibet proportionabiliter.

*Sequitur Summarium
de Subditis.*

30. *Si dubium sit de legitima potestate Superioris, post sufficientem diligentiam, non tenetur Subditus, obedire, nisi aliter scandalum, vel gravis turbatio suadeat, vel nisi Prælatus possideat.*
31. *In dubio purè negativo, an materia præcepta licita sit, obedire tenetur Subditus.*
32. *In dubio autem positivo monere, debet, Superiorem, qui si persistat in præcepto, Subditus, obedire, tenetur.*
33. *Tenetur etiam, obedire, quamvis ipse probabilius judicet, rem præceptam esse peccatum, modò Superior probabilius judicet oppositum.*
34. *Non liceret, obedire, si constaret, Superiorem spontè, relicta probabiliori sententia dictante illicitum, aliquid præciperet ex minus probabili.*

30. **Q**UOD ad Subditos duo præcipue consideranda sunt; Primum quid agendū, quando Subditus dubitat, an Prælatus licitè, ac validè præcipiat? Secundum; quando Superior juxta probabilem sententiam præcipit, relicta probabiliori.

Et quoad primum, licet Adrianus quodlib. 2. punct. 2. apud Jo. à S. Thom. loco suprà citato art. 6. existimet, in tali casu non teneri Subditum, obedire; Alii verò è contrà putent, absolute Subditum obligari ad obediendum: Cùm eodem Jo. à S. Thom. fanius distinguendum est. Vel enim est dubium circà Superioris jurisdictionem, vel circà materiam præceptam.

Et quidem, si dubium sit de legitima potestate Prælati, debet Subditus, adhibere sibi possibilem diligentiam, ut de illius legitima jurisdictione certioretur; quod si adhuc dubium remaneat, per se loquendo, non tenetur, obedire, nisi Prælatus possideat. Quia possessio stat pro Subditi libertate; quâ in dubiis juvatur;

tur; ut ex dictis constat; Dixi, per se loquendo; nam si, ex inobedientia scandalum, vel gravis turbatio Communitatis oriretur, deberet obedire; in similibus enim tenetur quilibet, etiam proprio juri cedere, ut docet S. Doctor. *pri. 2. q. 96. art. 4.*

Quare, nec facile admitterem limitationem, quam in hac parte concedit Jo. à S. Thom. scilicet non teneri Subditum, nec etiam ad vitandum scandalum, obedire, dum ex tali obedientia ipsi, aut aliis damnum immineret; quia tunc scandalum esset passivum: In primis enim scandalum activum est, non solum ex actione de se mala, sed etiam, dum aliquam habet mali speciem, licet in se mala non sit, ut docet ipse D. Th. *2. 2. q. 43. art. 1. ad quartum*, & alibi. Non obedire autem Prælato, de se mali speciem refert, nisi forte de injustitia præcepti, vel præcipientis constaret. Deinde quia tenemur, proprio juri cedere, vel temporale damnum pati ad vitandum scandalum quoque passivum, si

ex infirmitate procedat, non ex malitia scandalum patientis, ut docet idem S. Doctor ibi *art. 8.* Ac demum tenemur proprio juri cedere ad commune bonum, quando particulari præponderat. Si ergo ex inobedientia magna esset communis boni turbatio, teneretur Subditus, obedire, juri suo cedendo.

31. Si autem dubium sit de materia præcepti; An scilicet id, quod Superior præcepit, licitum sit, nec nò? Distinguendum est adhuc. Si enim dubium purè sit negativum, quia nempe non constat, quare præceptum licitum sit, ac justum; v. gr. Bellum quomodo justum sit, vel Tributum / In hoc nò debet Subditus, examinare causam, sed obedire, teneretur; præsertim dum constat aliàs, Principem in timore Domini gubernare.

32. Si verò dubium sit positivum, quia scilicet rationes dubitandi se offerunt, an licitum sit, quod præcipitur; tunc debet Subditus, per se, vel per DD. consilia dubium examinare; ac si facta sufficienti diligentia, dubium

bium examinare; at si facta sufficienti diligentia, dubium adhuc perseveret, deponendum erit, & Superiori obediendum; quia possessio stat pro ipso, qui certum jus possidet præcipiendi, quò propter dubium spoliari non debet. Nec indè Subditus, obediendo, exponitur periculo peccandi; quia si contingat, peccatum esse, quod præcipitur, ab ipsa obedientia excusabitur; ut colligitur ex cap. Quid culpat 23. q. 1.

Et hoc præcipuè verum est, quando Princeps, aut Superior cum dubii cognitione præcipit, debet enim subditus, etiam si aliàs sit Vir doctus, supponere, quod à superiore dubium benè fuerit examinatum, & resolutum, aliàs enim cum damno gravissimo Communitatis in multis regimè suspenderetur.

Si autem dubium, non facile Superiori, potuit innotescere, tenebitur Subditus, illum admonere, ac interim obedientiam suspendere, animo tamen ad obediendum parato; quia tunc per Epykejam censetur, nol-

le in casu Superiorem, præcepto subditum adstringi; Quòd si admonitus adhuc superior in præcepto persistat, obedire tenebitur Subditus, propter allatam rationem.

33. Quoad secundum. Si Prælati, tanquam probabiliùs licitum aliquid præcipiat, quamvis probabiliùs appareat Subdito, id illicitum esse, tenebitur, conscientiam deponere ex autoritate ipsius Prælati, ac obedire: Et ratio est, quia in casu Prælati jure, ac legitime omninò præcipit ex prudenti còsilio secundum id, quod omnibus ritè perpensis, probabiliùs judicat; ergò tenetur Subditus obedire; sunt enim correlativa, jure præcipere, & Subditum ad obedientiam obligari: ad hoc enim ordinatur præceptum, & frustra Superior præciperet, si non teneretur Subditus obedire: Quamvis ergò Subdito probabiliùs appareat absolute illicitum, quod præcipitur; huic tamen majori probabilitati derogatur per adveniens præceptum, quò prudenter conscientiam deponere,

potest, ac debet, & juxta præceptum formare.

34. Non debet autem Subditus, aliter suspicari de Superiore, nisi certò constet ipsum spontè, relicta probabiliori, minùs probabili adherere opinioni. In quo casu non liceret Subdito obedire; quia & injustè Superior præciperet; nec ejus injustitia, Subdito, posset suffragari ad illum à peccato excusandum, immo formaliter contrà Dei legem faceret, obediendo; cùm tamen sit magis Deo, quàm hominibus obediendum; Deberet ergò tunc Subditus quantum caute posset, se à præcepto subducere, vel ad Superiorem, si adsit, recurrere, vel in extremo casu poenam potiùs injustam sustinere patienter, quàm evidenti periculo peccandi se committere, obediendo.

Sequitur Summarium

De Judice, Advocato, & Medico.

35. *Judex tenetur ad maximam diligentiam pro veritatis investigatione.*

36. *Tam inferior, quàm*

supremus tenetur sequi probabiliorē sententiam.

37. *Et hoc, si vè dubium sit de jure, si vè de facto.*

38. *Quid agendum, quando ex utraq; parte sunt equalis ponderis fundamenta.*

39. *In causa sanguinis exigere debet, sole clariores probationes.*

40. *Non debet procedere ex scientia, quam habet, ut privata Persona, eà tamen bene uti ad districtius inquirendum.*

41. *Quid facere, debeat, cùm scit aliquem innocentem, qui falsis Testibus reus convincitur?*

41. *Quò Judicis Arbitrium se extendat.*

43. *Advocatus, patrocinari, non potest, causam, quam scit injustam, aliàs tenetur ad damna.*

44. *Neque, si pro contraria videt probabiliora fundamenta.*

45. *Potest autem, si major probabilitas non adeò clarè pateat.*

46. *Si appareat inter actionem partis adversæ major probabilitas, desistere, tenetur.*

47. *Quomodo communiter plu-*

plura petantur, quæ, jussu peti, non possunt.

48. *Nec Duci, nec Advocato licet uti falsitate, bene verò occultare veritatem.*

49. *Moderatam, potest, exigere mercedem, nec semper tenetur causas pauperum gratis patrocinari.*

50. *Medicus ex charitate, & justitia tenetur ad congruam diligentiam in cura infirmorum.*

51. *Non potest, relicto tutiori, uti medicamento dubio, an possit nocere, immò nec deficiente meliori.*

52. *Bene tamen posset, ubi certius non esset, ac infirmi salus jam desperata; sed Infirmum, ac hæredes monere, deberet.*

53. *Non tenemur, extraordinarias, pretiosissimas, vel nimis difficiles adhibere medicinas.*

54. *Quomodo liceat, uti medicamento, de quo solùm dubitatur, an juvare possit.*

55. *Potest Medicus, singulare remedium apud se tenere, nec aliis communicare.*

56. *Teneretur tamen efficere, nè simul cum ipso re-*

medium interiret.

57. *Gratis curare tenetur, Pauperes, & admonere infirmos de Sacramentali Confessione.*

35. **C**IRCA Judicem certum est in primis, teneri ad maximam diligentiam in veritatis investigatione juxta viam juridicam, & servato juris ordine; hoc enim proprium ejus est officium, & ad hoc Judices instituuntur. Difficultas est, quando cum tota diligentia Veritas adhuc non plenè innotescit.

36. Et quidem optimè à Jo. à S. Thom. rejicitur sententia Vasquez p. 2. disput. 64. cap. 2. quòd scilicet inferior Judex possit absolutè, in ferenda sententia minùs probabilem sequi opinionem, relicta probabiliori; Supremus verò teneatur, sequi tutiùs, ac probabilius, eò quia sententia inferioris Judicis per Superiorem corrigi potest, hujus autem sententia inemendabilis est. Vel enim sententia ista inferioris justa est, vel injusta; si justa, quare à Superiori quoq; approbari

non potest? Si verò injusta quomodo citrà injustitiam ferri potest ab Inferiori, qui Minister utique Justitię est, ac secundum justitiam judicare tenetur?

37. Non item placet distinctio, quam cum aliis adhibet idem Jo. à S. Thom. quòd si dubium sit facti, omninò tenetur Judex, ferre sententiã secundum probabiliorem partem; pro quã scilicet probationes, & fundamenta sunt majoris momenti, ac ponderis: Si autem dubium sit de jure, poterit, etiam juxtã minùs probabilem sententiam ferre judicium. Sed ex dictis omninò clarè constat, quòd non potest quisquam, prudenter judicare legem, v.g. præcipere aliquid, vel prohibere, quando urgentiora motiva, solidioresque habet rationes, quibus ipsi apparet, legem contrarium dictare; imprudenter igitur, ac per consequens injustè sententiam ferret Judex secundum partem minùs probabilem, relicta probabiliori; Cùm prudentia ipsa sit recta ratio agibilium, omnibusque Virtutibus modũ

imponens: Undè S. Doct. 2. 2. q. 60. art. 2. ait vitiosum, & illicitum omne Judicium, nisi præter alia proferatur secundum rectam rationem prudentiæ. Quare indubitanter tenendum est, debere Judicem, sequi semper probabiliorẽ sententiam, quodcunque dubium sit, sive facti, sive juris; præcipuè cum Innoc. XI. in Dec. 2. Martii 1679. indistinctè sequentem damnaverit propositionem. *Probabiliter existimo, Judicem posse judicare juxtã opinionẽ etiam minùs probabilem.*

38. Quòd si pro utraq; parte sint æqualis ponderis fundamenta, & sit lis de re divisibili, dividenda est in partes æquales; Si verò divisibilis non sit, uni adjudicari, & alteri in pretio, aut alio æqualis æstimationis compensari; poteritque ad concordiam partes cogere. Immo, etiam si partes æqualia omninò fundamenta nõ habeant, sed altera præponderet aliquàlter, non autem notabiliter; Æquitas ipsa exposcit, ut res dividatur, nec totaliter alteri adjudicetur; non quidem æquali divi-

divisione , sed proportionē servata juxta probabilitatis excessum . Recolenda est insuper generalis Regula , quod in dubiis favendum est reo ; Quæ non ita intelligenda est , ut in Rei favorem absolutè promulgetur sententia ; sed quod hæc favorabilis ratio habeatur , dum plenè contrà illum nō constat . Ex hoc enim ipso , quod Reus est , non Actor , dum ex utraque parte rationes ponderant , in ejus favorem debet Judex aliquatiter inclinare .

39. Nota demùm , quod in Criminalibus , præcipuè in causa sanguinis , exigere debet judex Sole ipso clariiores probationes , aliàs pœna moderanda est , attentâ qualitate delicti , ac probationum pondere , semper enim Reo favendum est .

40. Addendum insuper est , ut Judex non procedat ex scientia , quam habet , ut privata Persona , sed secundum id , quod sibi , aut publicæ Personæ , innotescit ; per leges videlicet , contrà quas nullas admittere debet probationes , vel per instrumenta , testes , & alia legiti-

ma documenta : Poterit tamēn privata scientiā uti ad probationes inductas districtiùs discutiendas , quas nihilominus , tenetur , sequi inferenda sententia , non privatam scientiam , ut S. Doct. docet 2. 2. q. 67. art. 2. Quare idem S. Doct. præced. q. 64. art. 6. ad tertium fatetur :

41. *Quod si Judex scit aliquem Innocentem , qui falsis Testibus convincitur , debet diligentius examinare Testes , ut inveniat occasionem liberandi innoxium , sicut Daniel fecit : Si autem hoc non potest , debet eum superiori relinquare judicandum . Si autem hoc non potest , non peccat , secundum allegata , sententiam ferens ; Et idem dic de quocunque alio judicio , etiam in Civilibus . Debet enim quantum legitimè potest , Innocentes ab injuria tueri .*

42. Præ oculis denique Judex habere debet , quod S. Ambros. admonet in Psal. 118. & August. lib. de vera Rel. cap. 31. apud D. Thom. 2. 2. quest. 67. art. 2. *Bonus Judex nihil ex arbitrio suo facit , sed secundum leges , & jura pronunciat .*

Qua-

Quare cavendum est ipsi, nè in pluribus iniquè arbitrium usurpet. Ut enim docet S. Thom. *p. 2. q. 96. art. 1. ad tertium*. Solùm arbitrio Judicis cōmittuntur quædam singularia, quæ non possunt lege comprehendī, in quibus tamē æquitate, ac recta ratione, non libito, arbitrari debet. Judex enim ponitur, ut, quod æquius est, determinet.

43. De Advocato certum est pariter, nullo modo posse ad patrocinandū assumere causam, quam certò scit injustam, solūmque frivolis, apparentibus, aut dolosis nixam fundamentis; nec etiam ad ipsius causæ prolongationem: facit enim injuriam parti, ac tenetur ad restitutionem, & recompensationē omnium damnorum inde secutorum. Sola difficultas est: An possit, causam patrocinari, dū pars, quam tuendam assumit, minori fundamento, ac ratione fulcitur, quàm adversa.

44. Et in hoc distinguendum puro. Si enim Advocato clarè pateat ex una parte major probabilitas

notabilis, non poterit, justè contrariam patrocinandam assumere; quòd si fecerit, ad omnia damna tenebitur. Patet hoc, nam ex hoc ipso videt injustitiæ causæ, petitque, quod jure petere, non potest, ac per consequens injuriam facit parti contrariæ; immo, & parti, quam tuetur, illam expensis gravando, vel absque spe, vel, si cū aliqua spe, injustæ tamen acquisitionis. Idque ex dictis factis, superque constat. Nec enim potest Judex, pro ista parte justè sententiam ferre, si debitæ rationes exponantur, ac per consequens, nec pars justè petere.

45. Si autem non ità clarè appareat major probabilitas partis adversæ, habeatque spem, ut per studium, & meritorum causæ discussionē possint ex parte quam tuetur, probabiliora, vel saltē æquè probabilia fundamenta apparere; poterit, omninò licitè, ac justè causam patrocinari: ad hoc enim Tribunalia, & iudicia instituta sunt; ut obscura, per causarum discussionem liquidentur, &

Veritas clarè pateat .

46. Verum tamen est, quòd, si inter actionem de majori probabilitate partis adversæ certioretur moraliter, desistere debebit; ac monere partem, ut spontè cedat actis, nec ulteriùs litè prosequatur; Jam enim ampliùs dubium formale non remanet; sed certitudo moralis ex altera parte. Ità ex D. Thom. 2. 2. q. 71. artic. 3. ad secundum.

47. Nec aliquid obstat, quòd communiter Advocati petere soleant plura, quæ justè prætere non possunt: Id enim, ex quò jam consuetudo invaluit: permittitur quidè per modum exaggerationis, ut scilicet Judex ad justa concedenda moveatur; & hoc animo, & intentione possunt excedentia peti. Cæterum, si petantur ex animo, ut ad concedendum Judex inducatur, pænitus injusta esset petitio. Unico verbo. Non potest Advocatus, justè petere, ac patrocinari, nisi, quod Judex potest, justè parti adjudicare; aliàs cooperaretur manifestè injustitiæ, & ad restitutionem

teneretur, ut docet S. Th. 2. 2. q. 71. artic. 3. in Corpore.

48. Nota insuper ex eodem S. Doct. *ibidem ad tertium*, quòd sicut *Militi, vel Duci exercitus licet, in bello justo, ex insidiis agere ea, quæ facere debet, prudenter occultando, non autem falsitatem fraudulenter faciendo, quia etiam hosti fidem servare oportet*; Sicut Tullius dicit in *pri. de Off.* Ità & *Advocato defendenti causam justam licet, prudenter occultare ea, quibus impediri posset processus ejus, non autem licet ei, aliqua falsitate uti.* Quod certè notandum, ut abstineant à fraudibus, mendaciis, falsisque juramentis in Judiciis.

49. Demùm ex eodem S. Doct. 2. 2. q. 71. artic. 1. & *quarto*; Quòd licet Advocatus possit, justam sui patrocinii mercedem exposcere, id tamen moderatè, considerata conditione Personarum, negotiorum, laboris, & consuetudine Patriæ. Non enim semper tenetur ex necessitate, omnium pauperum causas patrocinandas suscipere gratis,

tis, alioquin oporteret, eum omnia alia negotia prætermittere, & solis causis pauperum juvandis intendere. Tunc ergò solùm ex præcepto tenetur, cùm non apparet in promptu, quomodo possit aliter pauperi subveniri. Cæterum, subdit optimè S. Doct. *Si per improbitatem aliquid immoderate extorqueant, peccant contra Justitiam*; Undè August. dicit ad Maced. *quod ab his extorta per immoderatam improbitatem repeti solent; data per tolerabilem consuetudinem non solent*.

50. De Medico aliquid obiter suprà dictum est capit. 7. §. 3. num. 63. Pauca hic breviter, ac summam diluenda sunt. Et primò supponendum, si Medicus non ex charitate, & gratis, infirmum suscipiat curandum, sed cùm debita mercede; nedùm ex charitate, sed ex justitia teneri ad congruam diligentiam adhibendam pro salute Infirmi; ità ut, si ex ejus incuria damnum aliquod sequatur, præter peccatum, ad restitutionem sit adstrictus. Ad hoc enim stipendio condu-

citur, sicut Advocatus ad patrocinium causæ. Hoc supposito.

51. Si dubium sit de medicamento, an possit esse noxium Infirmo, non potest, relicto tutiori, adhibere cùm periculo vitæ, vel salutis infirmi; etiam si gratis curam ejus agat; etsi aliquod infirmo, vel hæredibus damnum inde sequatur ad restitutionem tenebitur, quia ex hoc ipso, non solùm contrà charitatem, sed contrà justitiam agit, gravemque infert injuriam. Ità Jo. à S. Thom. loco suprà citato cùm aliis apud ipsum. Undè tenetur Medicus, in dubiis aliorum quoque Peritorum consilia querere, ubi proprium non sufficit studium. Immo etiam alio deficiente remedio, adhibere dubium non licet, de quo scilicet prudenter dubitatur, quòd nocere possit potius quàm juvare; non enim licet, vitam, vel salutem proximi periculo exponere, sed magis in tali casu totum ipsi naturæ dimittendum est.

52. Excipitur, & benè contrà Montefinū casus, in quo

quo jam infirmi desperata esset salus, nec aliud certiùs adesset remediũ; tunc enim remediũ dubium nõ esset propriè in damnum, sed potiùs in utilitatem infirmi; quia dari posset casus, quòd illi prodesset; ac ex alia parte spes nulla salutis esset moraliter, ac humano modo. Ad summum enim, vel dolorem augere, vel mortẽ aliquantò accelerare posset remediũ illud, & hoc non per se, sed per accidens; per se namque daretur cùm spe salutis, quamvis dubia, quæ in casu debet sufficere, cùm certior haberi non possit. Puto nihilominus, quòd tunc Medicus monere deberet infirmum, ac hæredes præcipuè si remediũ valdè posset augere dolorem, vel notabilis esset dispendii.

53. Ut enim cùm pluribus docet Layman lib. 3. tract. 3. p. 3. cap. 1. quibus addi potest Soto de Just. lib. 5. q. 1. art. 6. ad primum, non tenemur, ad vitam conservandam, extraordinarias, pretiosissimas, vel nimis difficiles adhibere medicinas; Multò ergò minùs te-

nemur, uti quandò dubium est, quòd possint potiùs obesse. Undè Medicus, injuriam, potest inferre, & infirmo, & hæredibus absque illorum consensu hujusmodi adhibendo remedia.

54. Si verò certum sit, remediũ nocere nõ posse, at solũ dubium, an possit juvare, tunc præcipuè ad illud experiendum pro publica utilitate, adhibere liceret; salva tamen Infirmi; vel hæredum indemnitate, puta expensis, aut quid tale nisi parvitas materiæ pro nihilo meritò habenda esset, maximè cùm ordine ad cõmune bonum, cavendum, idcirco ab hujusmodi experimentis cùm pauperibus, qui proprio labore necessarium victum comparare debent: his namque sola infirmitatis prolongatio, in maximum cedere solet, damnum. Quarè consulerem, hujusmodi experimenta nõ sumenda, nisi ex consensu ipsius infirmi, & aliorum, qui damnificari possunt. Ac potissimum sumi poterunt circa infirmos publici Xenodochii, qui cùm ex communibus curentur bo-

D d d nis,

nis, gravari censendi non sunt; si ad ipsum commune bonū per aliquos dies absq; alio periculo, vel damno prolongetur infirmitas.

55. Alia est difficultas. An Medicus aliquod sciens singulare pharmacum, vel remedium, teneatur ad cōmune bonum alios docere? S. Doct. quodlibeto 12. art. 21. docet, quod, si talis alteri communicaret secretū sub juramento nō communicandi, hic malè faceret, jurando; & simpliciter loquendo, non teneretur, servare juramentum; quia *juramentum contrā omne id, quod est de genere bonorum, est illicitum, & non servandum; tamen in casu servare tenetur; puta si ille, vel alius sufficiens Medicus præsens esset, & paratus esset, curare, & uti illo experimento in salutem corporalem aliorum.* Ex quibus, ni fallor, deduci potest, quod tenere quidem apud se, potest Medicus secretum suum, nè illius communicatione lucri detrimentum patiatur, modò tamen sit paratus, illud quotiescunque occurrerit, adhibere; vel etiam alteri

committere, dùm ipse, curare, non potest; Sic enim proximorum saluti satis cōsultum videtur, nec tenetur ipse, proprio juri, ac licitæ utilitati cedere.

56. Nihilominus, puto, quod teneretur, efficere, & curare, nè simul cū ipso remedium interiret, vel alteri scilicet communicando, vel scriptis relinquendo; Et hoc quidem ex charitate non solum, sed ex legali justitia, quā bono communi cooperari, tenemur, dùm commodè possumus: Sicut enim ex S. Doct. dùm iste, vel alius, curare potest; qui juravit, secretum non communicare, servare, debet juramentum. Ità dùm ipse curare potest, non tenetur, alteri communicare; quia per hoc neque charitas, neque commune bonum læditur in necessariis. Cæterum sicut omni alio deficiente, juramentum non communicandi non teneret: Ità per oppositū videtur, quod contrā Proximi charitatem, & commune bonum ageret si, deficiente ipso, remedium valdè utile, sineret, interire.

57. Meminerit denique Medicus obligationis curâ di gratis pauperes, quando ipsis aliter subveniri, non potest; & admonendi infirmos de Sacramentali Confessione juxta Bullam B. Pii V.

Sequitur Summarium.

De Ministro Sacramentorum.

58. Nullatenus licet in Sacramentorum administratione præscriptum ab Ecclesia modum præterire.
59. Non esse illicitum in Sacramentis conferendis sequi opinionem probabilem de Valore Sacramenti, relicta tutiori, damnatur ab Innoc. XI.
60. Si tantum sit speculativa probabilitas, neque probabilissimâ sequi licet; nisi secundum Ecclesie consuetudines, & leges.
61. Licet bene, sequi probabilior probabilitate practica, quamvis fortè sit minus tuta.
62. Ubi moralis est certitudo de valore Sacramenti, non debet sub conditione administrari.
63. Licetè, etiam extrâ ca-

sum necessitatis, quis ministrat Sacramentum, si probabilior sententia sit, illum habere ministrandi auctoritatem.

64. Confessarius, etiam ex commissione, injustè negaret absolutionem absque legitimâ causâ.
65. Dùm pœnitens bona fide propriam opinionem probabiliorē putat, Confessarius tenetur, etiam contrâ suam propriam illum absolvere; Secus autem, si in bona fide non esset.
66. Tenetur Confessarius, de verè probabiliori sententia instruere pœnitentem; si profutura speretur instructio, aliàs non debet; si pœnitens bona fide propriâ sequitur opinionem.
67. Non tenetur, quando prudenter judicat, pœnitentem doctum aliàs benè omnia discussisse.
68. Neque tenetur, si pœnitens etiam indoctus bona fide probabiliorē putat opinionem; nec facilè speratur, quòd consiliis acquiescet.
69. Item, si pœnitens in errore sit invincibili; Secus vincibili.

D d d 2 70. De-

70. *Debet Confessarius, vel Doctor, veritatem aperire consulenti de verè dubio.*

71. *Etiam absque spe moneri debet, si ex monitione communis boni damnum posset vitari.*

72. *Graves Doctores in prædictis contraria senserunt, quia procedebant in sententia, quòd liceat, sequi opinionem minùs probabilem.*

58. **R** Estant aliqua specialiter de Sacerdotibus, præcipuè quòd ad Sacramentorù administrationem. Et in primis; cùm jam in Ecclesia approbata sit consuetudo, & lex, cerò, ac determinato modo Sacramenta omnia administrandi, ut satis constat ex Missalis, ac Ritualis rubricis; nullatenùs licet, aliter administrare; & quidem non solùm circa essentialia, sed etiam reliqua ad decen-
tiam apposita, præscriptum omittere modum, vel mutare, culpa non caret; gravi certè, si sit in materia gravi, & notabili, gravissima verò circa essentialia.

59. Undè meritò à Sanctissimo D. N. Innoc. XI. die

2. Martii 1679. damnata fuit sequens propositio. *Non est illicitum, in Sacramentis conferendis sequi opinionem probabilem de Valore Sacramenti, relicta tutiore, nisi id vetet lex, conventio, vel periculum gravis damni incurrendi &c.* Hoc autem ideò, quia Sacramentorum Sanctitas ex natura sua exigit, ut persanòte administrantur; Ac per consequens cùm omni meliori modo, ac reverentia.

60. Ex hujus tamen propositionis damnatione oritur dubium. An ità in Sacramentis administrandis tutiorem semper sequi, teneamur sententiam, ut nec probabiliorē quidem sequi, licitum sit? Pro quo videndum est; An sententiæ probabilitas tantùm sit speculativa, hoc est præcisè de re, Sacramento, ejusque valore secundùm se, & præsciindendo ab usu; vel sit probabilitas practica ipsum usum respiciens; puta, quòd liceat, sic, vel sic administrare.

Si tantùm sit speculativa probabilitas, nedùm probabiliorē, sed nec probabili-

bilissimam, immo certam, sequi, licet, nisi ea sit secundum Ecclesiæ consuetudinem, ac leges; quas utique in materia tam gravi, quam est concernens Sacramenti essentiam, & valorem; absque mortali culpa transgredi posse, nescio, quis asserat. Unde quamvis probabilissima, & certa sententia sit: Panem v. gr. ex Siligine sufficientem esse materiam Sacramenti Eucharistiæ, ipso tamen uti, non licet, in consecratione; Nisi fortè in aliquo casu necessitatis, ut notat Jo. à S. Thom. loco sæpè citato, & novissimè Thyrsus diss. 10. cap. 1. §. 1. n. 19.

61. Si verò probabilitas, nedum speculativa sit, ac præcisè de Sacramenti valore, sed practica de licitate ejus administratione; tunc licitè omninò probabiliorè sequi possumus, quamvis fortè tutior non sit. Hæc enim probabilior esse non potest, immo nec probabilis, nisi juxta Ecclesiæ consuetudinem, & statuta, vel ad minimùm permissionē; Quare probabilior sententia non solum tuta censenda

est, sed contraria neque tutior unquam propriè dicenda est formaliter, sed scrupulosa magis, & laqueos parans timoratis conscientis; ac proinde cavendum omninò, nè juxta illam cōscientia formetur, ut in superioribus generaliter dictū est. V. G. Tutius est ad Pœnitentiæ Sacramentum accedere cū contritione, quàm attritione, pro tali cognita. Quis autem dicet, peccare Sacerdotem, absolvendo pœnitentem cū tali attritione confessum? Itē tutius est omninò, actua-lem intentionem habere in Sacramentorum consecutione, illamque, ut possumus curare, debemus; Quis autem damnabit Sacerdotem, si cū sola virtuali conficiat, nisi propria culpa, & negligentia fuerit ad alia distractus? Denique tutius est, & sanum consilium, circumstantias etiam notabiliter non aggravantes explicare in Sacramentali Confessione: at quis mē damnabit, si pœnitentem absolvam hujusmodi circumstantias omittentem; Dū certus sum moraliter, ad illas de-

declarandas non teneri ?

62. Ex quibus collige in primis: Quòd, quandò est moralis certitudo de valore Sacramenti, neque debet, sub conditione administrari, sed absolutè; Puta, si certus est moraliter Confessarius de contritione, vel sufficienti attritione poenitentis, in quò Ecclesia ipsi credit, ut ait Cajet. V. Absolutio: Nisi fortè alicui fides præstanda non esset ex prudenti conjectura; quòd non sincero animo ad Sacramentum accederet, quod tamen cum grano salis pensandum est: Debet, inquam, Confessarius, absolutè impendere absolutionem, & non sub conditione: V. G. Si es contritus, vel capax, ego absolvo te. Hujusmodi enim conditionibus, tantum inrationabili, ac prudenti dubio utendum est; aliàs magis, quàm cautelæ, superstitiones sunt, ut ibi ait Cajet. Et tamen absque dubio tutius esset, conditionem apponere; tunc enim certum esset omnino, quòd Sacramentum non frustraretur; Cum non verificata conditione, illud conficere, non

intenderet; Et ex alia parte contingere possit, frustraneam fore absolutionem absque conditione prolatam; quod utinam, sæpè non accideret. Ratio autem est; quia hujusmodi conditionibus fit potius injuria Sacramento, quod sub certa, & non dubia forma, Christus, ministrari, mandavit; Cum aliàs indemnitati ejus morali certitudine satis provisum sit. Non enim exigit à nobis Deus plus quàm humana conditio patiatur.

63. Collige secundò. Quòd, si de valore Sacramenti dubitetur, non ratione congruæ materiæ, vel formæ, sed ratione jurisdictionis Ministri, puta, auctalis Sacerdos auctoritatem habeat super hunc, vel illum casum; Et probabilior sit sententia, illum auctoritatem habere; tunc licitè, etiam extrà casum necessitatis absolvere potest, quia tunc præsupponitur, illi Ecclesiam tribuere jurisdictionem, ut communiter docent DD. ex leg. Barbarus ff. de Officio Prætoris; Quia nempe tenent facta per Judicem, etiam non legitimum, ubi hæc

hæc duo simul concurrunt, scilicet communis error facti, & titulus.

64. Alia est gravis difficultas; An teneatur Confessarius, conformare se, ac stare probabili opinioni poenitentis contrâ suam probabiliorē? A quâ tamen breviter nos expediemus, relinquendo plura, quæ circa hoc dicunt Authores. Sive ergo Confessarius proprius sit Parochus, qui tenetur, confessionem audire; sive solum audiat ex commissione: licet enim, audire, non teneatur, supposito, quod audierit, injuste absolutionem denegaret absque legitima causa.

65. Dico, quod resolutio difficultatis tota pendet ex hoc: An poenitens licite talem suam opinionem sequatur? Si non licite, certum est, quod incapax est absolutionis, nisi opinionem deponat: si verò licite, certum pariter esse debet, quod tenetur, juxta illam; confessarius, absolvere. Non enim potest, ab illo exigere id, ad quod non tenetur: non tenetur autem poenitens deponere sententiam, quam

sequi licite, potest. Quando autem licite opinionem sequi possit, ex dictis constat: quando scilicet illam bona fide probabiliorē judicat, & in se verè probabilis est, licet minùs. Ex quo patet, quod tunc non ageret Confessarius contrâ propriam opinionem, & multò minùs contrâ conscientiam. Hæc enim, si recta sit, dicitur, posse quemlibet sequi licite opinionem, quam probabiliorē judicat. Debet igitur Confessarius, inquire; An verè poenitens, facta sufficienti diligentia, secundum qualitatem, & conditionem Personæ, illam sententiam bona fide probabiliorē putet.

66. Sed hic alia insurgit difficultas; An teneatur Confessarius, illum de probabiliori sententia instruere, & ad illam trahere? Ad quam videtur dicendum, quod sic, cum aliquibus tamen limitationibus. Confessarius namque spiritualis Medicus est, ac proinde tenetur, omni meliori modo, quo potest, Animarum salutem consulere. Si ergo ex instructione istâ fructus ali-

quis

quis non speraretur; tunc non deberet, & multò minùs, dùm potiùs pœnitens rueret in pejora; sed relinquendus esset in sua bona fide.

67. Itaque non tenetur in primis, quandò pœnitens est Vir doctus; & in moralibus satis instructus, ità ut prudenter judicare posset, illum optimè discussisse utriusque partis rationes, & Confessario constat, quòd ipsi pœnitenti probabilius apparet sententia, quàm sequitur; aliàs enim de hoc saltèm interrogare debet, quia non esset aliter in bona fide, juxtà dicta.

68. Secundò non tenetur, nec debet, quandò pœnitens, licèt indoctus, verè bona fide probabiliorem putat opinionem, quam sequitur, vel dicamus, veriorē, seù absolutè veram, quia scilicet, vel rationis, vel gravis Doctoris auctoritate ad taliter judicandū inducitur; prudenterque judicat Confessarius, quòd non de facili suis acquiescet consiliis. Id enim esset, illum in dubietatem, & peccandi periculum inducere,

cùm antea bona fide securus incederet. Quarè hac in re cauti nimis debent esse Confessarii, nè potiùs illaqueare, quàm solvere, contingat, pœnitentes. Porerit nihilominùs, probabiliorem sententiam proponere, sed protestando, seipsum ad opinionem sequendam non adstringere, at solùm, tanquam tutiorem, consulere; cùm omni tamen benignitate, & cautela, consideratis circumstantiis negotii, temporis, ac Personæ, aliisque occurrentibus. Quam regulam omninò, puto, sequendam etiam in consiliis extrà Sacramentum.

69. Idem prorsus dicendum est, quandò pœnitens est in errore invincibili, nec spes adest, ut per admonitionem, ac doctrinam fructus aliquis habeatur, Secùs autem si error vincibilis esset, nam tunc admonere, teneretur Confessarius, quavis profutura non speraretur monitio: posset enim forte, aliquandò resipiscere. Sed nota duo.

70. Primùm. Quòd, si pœnitens dubius de re Confessa-

feffarium , vel Doctorem confuleret, deberet uterque veritatem aperire; quamvis id profuturum non credatur; Quia jam tunc poenitentis conscientia læsa est tali dubio; ac per cōsequens non bona fide incederet, nec error invincibilis redderetur. Quod intelligendum est de vero dubio, licet enim aliquam haberet levem dubietatem, vel formidinem, re tamen in bona esset fide, monendus non esset absque spe; Ut enim ex dictis constet, levis trepidatio, formido, vel scrupulus bonam fidem non aufert, nec ignorantiam vincibilem reddit, cū sit compatibilis cū certa conscientia.

71. Secundū. Quòd, licet non speretur fructus poenitentis ex admonitione, si tamen aliquod notabile damnum communis boni time-

retur; quod per monitionem vitari posset, fieri omninò deberet; præferendum est namque commune bonum bono privato, præsertim quando malum privatum ex ipsius propria malitia eveniret. De quibus optimè discurret Sanchez lib. 2. de Matrim. disput. 38. apud quem cætera fusiùs videnda relinquimus.

72. Advertite solūm, quòd licet passim apud ipsum Sanchez Sayrum, Jo. à S. Thom. aliosque graviores DD. circā prædicta contrariæ valdè reperiantur resolutiones, id est, quia ipsi in ea fuere sententia, quòd liceat, minùs probabilem sequi opinionem, relicta probabiliori, ac tutiori, quæ stante, optimè discurrunt, sed ea corrumente, omnia ruere, necesse est, quæ ipse nitebantur.

CAPUT VIII.

De Legibus.

§. I. *Quid, & Quotuplex sit lex.*

SUMMARIUM.

1. *Differentia inter Jus, & legem.*
2. *Non est idem Lex, & Ars boni, & æqui.*
3. *Legis definitio, ac Etymologia.*
4. *Omnis lex ad commune Bonum ultimatè ordinatur.*
5. *Præceptum, non habet veram legis rationem in purâ vi præcepti.*
6. *Neque Sententia.*
7. *Neque Privilegium.*
8. *Lex debet esse à potestatem habente.*
9. *Hæc potestas per se primò est in Deo, deindè in quacunque Republica, & cui ab illa committitur.*
10. *In Christiana Republica Potestas immediatè à Christo collata est Roman. Pont. Conciliisq; legitimè congregatis.*
11. *Lex humanorum actuum debet esse directiva.*
12. *Promulgatio, licèt non sit de essentiâ, necessaria est, ut lex in actu secundo obliget.*
13. *Legis Divinae determinatus nõ est modus promulgandæ.*
14. *Lex humana non promulgatur absque solemnitate aliquâ.*
15. *Congruum est, licèt non necessarium, quòd leges scribantur.*
16. *Legis officium, effectus, & Actus.*
17. *Lex generaliter dividitur in Divinam, & Humanam.*
18. *Divina in Æternam, Naturalem, & Positivâ. Æterna quid sit?*
19. *Naturalis propriè in rationalibus tantum est.*
20. *Legis naturalis definitio.*
21. *Lex Divina Positiva dividitur in Veterem, & Novam.*
22. *Lex Divina, & Humana contrariari non possunt naturali.*

23. *Lex*

23. *Lex vetus, bona, sed imperfecta fuit comparativè ad novam.*
24. *Triplicis generis Vetus lex continebat præcepta.*
25. *Cæremonialia ita sunt abrogata, ut non liceat Christianis eorum usus.*
26. *Moralia sunt in suo robore, non tamen, quia Veteri lege præcepta.*
27. *Judicialia nullam habent vim in Ecclesia; observanda tamen, si legitimè præcipiantur à Superiore.*
28. *Lex nova continet præcepta moralia, Fidei, & Sacramentorum.*
29. *Lex humana dividitur in jus scriptum, & solo usu firmatum, hocque in Jus Gentium, & Consuetudinem.*
30. *Jus Gentium explicatur.*
31. *Consuetudo propriè dicta explicatur.*
32. *Lex humana scripta dividitur in Ecclesiasticam, & Civilem: Quid Ecclesiastica contineat?*
33. *Declarationes Eminentiſſimorum Card. Sac. Cong. An vim legis obtineant cū quibusdam conditionibus?*
34. *Ordinaria facultate potius, quàm leges, legum sunt interpretationes; ex speciali tamen facultate veræ leges esse possunt.*
35. *Non licet, ab eis convincenter arguere in simili casu.*
36. *Plurimi omninò faciendæ sunt.*
37. *Aliqui aſſerunt, abſolutè doctrinales eſſe, non deciſivas.*
38. *Lex Civilis per Excellentiam Jus Romanū, quid contineat?*
39. *In rigore tantum in Dominio Imperatoris obligat; Quomodo ultra extendatur?*
1. **Q**uamvis pro eodē communiter, ac permixtè ſumantur lex, & jus: in re tamen aliquàliter differunt; Jus enim propriè dicitur Juſtum; Lex verò eſt ipſa regula dictans, quod juſtum eſt. Similiter Jus aliquando ſumitur pro legitima facultate aliquid faciendi, acquirendi, utendi, & ſimilium, ſecundum quod Juſtitia dicitur Virtus unicuique tribuens Jus ſuum, quod pariter legi propriè non convenit, licet hujus directiva ſit. Item Jus ge-

neraliter sumitur, lex verò strictè pro Jure scripto.

2. Nota insuper, non esse idem Legem, & Artem boni, & æqui; hoc enim est potius scientia ad investigandum, quid æquum sit, lege sancire. Lex verò est ipsa Regula jam constituta dictans, quod æquum est; ut advertit Soto de Just. lib. 3. q. 1. art. 1. Quidquid autem sit, hæc parùm conferunt ad nostrum. Pro eodem communiter, ac indifferenter sumamus Legem, & Jus.

3. Omisissis autem reliquis definitionibus, vel descriptionibus. *Lex est quedam rationis ordinatio ad commune bonum ab eo, qui Communitatis curam habet, promulgata.* Cui definitioni, quæ est D. Thom. p. 2. q. 90. art. 4. addit Mag. Soto de Just. lib. 1. q. 1. art. 1. aliam particulam scilicet Præceptio; undè ait. *Lex nihil aliud est, quàm quedam rationis ordinatio, & præceptio in Commune bonum ab eo, qui curam Reip. gerit, promulgata.* Et hoc ideo, quia lex à legendò dicitur, ut ait Tullius p. de legibus, apud Soto ibi;

Est enim eligendi regula. Vel etiam, ut cum D. Th. communiter Theologi à ligando, habet enim vim obligandi; quare lex non simpliciter ordinat, sed ordinando præcipit.

4. Hic solum notandum est, dictam definitionem communem esse omni legi, tam humanæ, quàm Divinæ, sive naturali, sive positivæ, ut faciliè constet. Essi enim aliquæ videantur leges non respicere commune bonum, sed particulare; puta lex naturalis de tuenda Vita, ultimatè nihilominus ad commune bonum ordinantur, cum quælibet pars ordinetur per se ad totum, tanquam imperfectum ad perfectum. Undè ipse naturæ Author, & Conservator justè præcipit, ut quilibet propriam conservet vitam, ut bonum totius naturæ servetur, quod, nisi in individuis, subsistere, non potest.

5. Hæc igitur est prima legis conditio, quod sit ad Commune bonum ordinata, illique utilis: Undè Isid. 5. Etym. cap. 21. ait, quod lex est, nullo privato commo-

do,

do, sed pro communi Civium utilitate conscripta. Ex quò infert Gonet: man. tract. *de legibus* cap. 1. §. 1. Præceptum, Sententiam, & Privilegium non habere veram rationem legis; Præceptum quidem, quia licet imponi possit toti Communitati, non tamen id exigit præcisa natura præcepti; sed uni particulari Personæ potest imponi. Deindè quia Præceptum expirat de se per mortem, vel amotionem imponentis; at verò lex de se, ac ex natura sua perpetua est, ut notavit Abbas cap. Irrefragabili §. Cæterum de Offic. Jud. ord. Leges namque debent esse firmæ, ac stabiles; ut enim ait S. Doct. p. 2. q. 97. art. 2. *Habet ipsa legis mutatio, quantum in se est, detrimentum quoddam communis salutis; quia ad observantiam legum plurimum valet consuetudo &c.* Undè dicitur à Jurisperito, quòd in rebus novis constitutendis evidens debet esse utilitas, ut rectè recedatur ab eo Jure, quod dici æquum visum est. Ac demùm, quia præceptum imponi potest à quocunque Superiore, lex verò non,

nisi ab eo, qui à Deo, vel Repub. potestatem habet legislativam.

6. Sententia item non est propriè lex, quæ ordinatio ipsa est Superioris, at verò sententia est potiùs applicatio, & executio ipsius legis, & ordinationis circa particularem Personam, vel Causam.

7. Privilegium deniquè potest respicere particulare Personam, ejusque privatum bonum; Undè ab Isid. lib. 5. Etym. cap. 18. dicitur, quasi privata lex; scù lex privatorum; Lex autem semper Communitatem, & bonum commune respicit; ad quod nihilominùs ipsum quoquè Privilegium ultimatè ordinatur, quamvis proximè, & immediatè privatum respiciat bonum. Cedit enim in bonum commune, expeditque Reipub. quòd aliqui propter strenuè gesta Privilegiati sint, ut indè cæteri accendantur ad commune bonum promovendum.

8. Secunda conditio legis est; quòd à potestatem habente instituat; Quæ quidem Potestas, ut S. Doctor ait. p. 2. q. 90. art. 3.

vel

vel pertinet ad totam multitudinem, vel ad Personam publicam, quæ totius multitudinis curam habet; quia in omnibus, ordinare in finem, est ejus, cujus est proprius ille finis; bonum autem commune finis est totius multitudinis, vel ejus, qui totius multitudinis vices, & curam gerit.

9. Hinc est, quod primo, & per se, leges condere, pertinet ad ipsum Deum Summum, & absolutum. Universi Rectorem, & Conservatorem; deinde ad quancunque Rempub. cujus est, proprio comuni bono providere, ex ipso naturæ Jure. Quia verò non ita commodè id præstari potest à multitudine, ab ipsa Communitate hoc jus in Regem, vel Principem Supremum, & morale Caput Reip. transferri solet.

10. Quod tamen fallit in Christiana Repub. Potestas namque condendi Canones, & Ecclesiasticas leges, non ab Ecclesia, sed ab ipso Capite Summo Christo Domino: Vicariis suis Rom. Pontif. Conciliisque legitimè congregatis colla-

ta est. Undè cap. Novit. de Judiciis, dicitur de Pontificia Potestate: *Cum non humana constitutioni, sed Divina potius innitatur, quia Potestas nostra non est ex homine, sed ex Deo.*

11. Tertia conditio legis est, quòd humanorum actuum sit directiva; per hos enim rationales homines, quibus lex imponitur, ad commune bonum ordinantur, qui proprius finis est legis. Hæc tria sunt legis essentialia.

12. Cæterum, ut lex in actu secundo obliget, suumque præstet effectum, dirigendi, necessaria omninò est ipsius promulgatio; nisi enim innotescat, illi conformari, non possunt homines. Non est tamen promulgatio de essentia, quia, ut ait D. Thom. p. 2. q. 90. art. 4. Promulgatio est quædam applicatio legis ad illos, qui per eam obligantur; Applicatio autem rei supponit ipsam jam in se constitutam.

13. Promulgatio autem ista; si sit legis Divinæ, determinatum non habet modum, sed fieri potest, quocunque ipsi beneplacito;

Cum

Cùm enim sit supremus, ac omnibus modis omnium Dominus, potest eò, quò voluerit modò, suam intimare legem, & ad eam obligare; sive per naturalem instinctum, vel rationis dictamen, sive per Angelorum, vel hominum ministerium, sive per internas revelationes, ut contigit multis Prophetis.

14. Lex verò humana exigit quandam solemnitatem; Cùm legislator duplicem gerat Personam, publicam scilicet, & Privatam, legemque non condatur, nisi, ut Persona publica, necesse est, ut innotescat, legem ferre, ut publica Persona est; quòd certè non fit, nisi per aliquam solemnitatem.

15. An autem leges ex necessitate scriptis mandari debeant? Dicendum, id omninò congruum esse, cùm enim de natura sua firma, stabilis, & quodammodò perpetua lex debeat esse, cōnaturaliter modum petit, quo ejus perpetuitas, vel stabilitas conservetur, qui modus, ipsa scriptura est, ut patet: Undè S. Doct. loco supra citato ad tertium ait,

quòd Promulgatio præfens in futurum extenditur per firmitatem scriptura.

Non est autem de legis essentia; quòd scripta sit; quia ut ait Philos. 10. *Ethicor.* cap. ultimo, *scripta sint, an non scripta leges, interesse nihil videtur.* Gonet Clyp. de leg. disp. 4. art. 1. Et inf. de Jure naturali, Gentium, & civili §. sed, & quod Principi, sic dicitur. *Quodcunque Imperator per epistolam constituit, vel cognoscens decrevit, vel Edicto præcepit, legem esse, constat;* ubi dividitur Decretum à scriptura; & ex ipsa legis ratione satis patet.

16. Ex his colligitur in primis; quòd legis Officium est, dirigere homines, tanquam humanorum actuum mensuram, & regulam ostendens quid agere, quid omittere debeant; & insuper habet, obligare, cùm à superiore, & potestatem habente dimanet. Effectus ipsius præcipuus est, homines reddere bonos, vel simpliciter, ut facit lex Divina, præsertim Evangelica; vel saltèm secundum quid. Lex enim

na-

naturalis ordinatur, ut homo fiat bonus per virtutes morales, quæ naturæ commensurate sunt. Lex Civilis, ut fiat bonus civis secundum ea, quæ ad Reipub. pacem necessaria sunt. Et lex Ecclesiastica, ut fiat bonus Clericus juxta munus suum. Denique actus legis quatuor sunt, Cum enim actus humani, quorum est regula; quidam boni sint, quidam mali, quidam indifferentes. Primos, habet Lex, præcipere; secundos prohibere; Tertios permittere. Cum autem efficaciter malos actus prohibere, non possit, nisi metu poenarum coercendo, hinc quartum habet actum, scilicet Punire.

17. Variæ quoque hinc legis divisiones eruuntur. Generaliter siquidem Lex dividi potest in Divinam, & Humanam. Divina est, quæ immediatè ab ipso Deo vim habet, licet ejus promulgatio non immediatè à Deo fiat, sed Angeli, vel Hominis ministerio. Humana verò è contrà, quæ fertur immediatè auctoritate humana, licet hæc à Deo ipso accepta sit, ac derivata.

18. Lex Divina subdividitur in Æternam Naturalem, & Positivam. Lex æterna est ipsa *ratio Divina Sapientia*, secundum quod est *directiva omnium actuum, & motionum*, ut docet S. Doct. p. 2. q. 93. art. 1. cum autem subdit Angel. art. 2. Nullus possit legem æternam cognoscere, secundum quod in seipsa est; nisi solus Deus, & Beati, qui Deum per essentiam vident, sed omnis Creatura rationalis ipsam cognoscit, secundum aliquam eius irradiationem, quæ quidem irradiatio primò effulget in ipsa lege naturali juxta illud Psalm. 4. Multi dicunt, quis ostendit nobis bona? Signatum est super nos lumen vultus tui Domine. Quasi lumen rationis naturalis, quo discernimus, quid sit bonum, & quid malum, ut notat idem Angel. q. 91. art. 2. Quod lumen item ex lege naturali ad legem diffunditur humanam; & perfectiori modo in legem Divinam positivam, ab ipso Deo. Hinc est, quòd de ipsa æterna lege aliud notandum non occurrit. Hoc unum breviter advertamus, quòd

quòd cùm omnes cæteræ leges ab Æterna deriventur, illiusque dimanationes quædam sint, ex hoc ipso, quòd quamlibet particularem legem transgrediamur, contrà ipsam æternam legem, operamur. Est enim ipsa generalis quædam regula, & mensura, omnes eminentiori modo comprehendens. Undè optimè August. Peccatum universaliter definiuit per oppositionem ad legem æternam.

19. Lex Naturalis, inquit S. Doct. citata quæst. 91. art. 2. *Nihil aliud est, quàm participatio legis æternæ in rationali Creatura.* Nam licet omnia creata legem æternam aliquàlter participent, quatenus ex ejus impressione habent inclinationes in proprios actus, & fines. Rationalis tamen creatura specialiter, & magis propriè dicitur ipsam participare; quia particeps est Divinæ rationis, quâ dirigimur propriè, & in finem ordinamur activè. Undè benè ait Gonet loco supracitato, cap. 3. §. 1. In irrationabilibus, non propriè lex, sed naturalis instinctus,

appellari debet hujusmodi participatio; quia solum, per modum cujusdam impressionis est in illis, & non per modum directionis, & præcepti, quod est de ratione legis; Sicut est in rationabilibus; Undè in ipsis propriè dicitur lex naturalis.

20. Quam consequenter ad dicta, & S. Thomæ doctrinam ipse Gonet: sic definit cap. 3. §. 1. Lex naturalis est dictamen quoddam rationis naturalis, à natura, vel ab Authore naturæ nobis inditum, non solum ostensivum boni, & mali, sed etiam præceptivum. Vel brevius, & fortè formalius conformiter ad allatam definitionem legis in communi, definiri potest, quòd sit naturalis rationis ordinatio, & præceptio in commune bonum ab ipso Authore naturæ impressa rationali Creaturæ.

21. Positiva denique, lex, ita dicta, quasi in tempore posita, non innata est, quæ publicâ promulgatione manifestata est. Eaque in legem Veterem, & Novam subdividitur. Verus

Fff est,

est, quam Deus Moyſi dedit in Monte Sinai per Angelorū ministerium, & per Moyſen Israëlitico Populo. Nova verò, quam tulit Christus novi Testamenti Author, & partim per seipsum, partim per Apostolos promulgavit.

22. Ubi advertite, quòd nihil prohibet, aliquid lege positiva, ne dùm Divinā, sed etiam Humanā, præcipi, vel prohiberi, quod jam sit lege ipsa naturali præceptum, vel prohibitum; tunc enim ex utroque Jure vim habebit. Licet enim positiva lex contraria esse non possit naturali, benè tamen etiam ipsa præcipere, vel prohibere potest, quæ naturali præcepta, vel prohibita sunt. Neque id frustrā, sed ad majorem explicationem, vel excitationem populi ad observantiam, aut quid tale.

23. Quamvis autem lex Vetus in se bona fuerit, ut potè à Deo Summo bonorum omnium largitore; imperfecta nihilominus fuit comparativè ad Novam, & Evangelicam, cujus extitit Umbra, & figura; Sic optimè disponente suprema

Providentiā, quæ attingit à fine usque ad finem fortiter, & disponit omnia suaviter. Undè per novæ promulgationem abrogata fuit: *Quia veritate apparente, figura pertransiit*, inquit Bernard. hom. 1. super missus est; & Hieronym. in 4. ad Galat. *Postquam majus Evangelicæ Gratia lumen effulsit, & sol Justitiæ toti Mundo se prodidit, Stellarum lumen absconditum est, & earum radii caligaverunt.*

24. Ubi tamen advertendum, quòd, cùm triplicis generis præcepta lex Vetus contineret; Moralia scilicet, quæ ad ordinandum Populum secundum naturalem rectitudinem statuta erant; Cæremonialia circa Divinum Cultum, & Judicialia pro justæ Politicæ gubernatione.

25. Cæremonialia itā quidem abrogata sunt, ut nullatenus eorū usus Christianis liceat; fuerunt enim instituta ad ipsum Christum, & Christianæ Religionis mysteria figuranda; Undè gravis esset error in Divino Cultu, & fide, hujusmodi cæremonias exercere,

cere, Christum enim futurum præsignabant, quem jam Redemptorem adoramus in Coelis.

26. Moralia verò in suo robore permanent, quia, ut discurret S. D. *quæst.* 100. *art.* 11. naturalia præcepta sunt, licet quædam non omnibus adeò manifesta, sed solum sapientibus. Non tamen, ideò servanda sunt, quia per veterem legem tradita; ut sic enim perniciofa esset illorū observantia; totus enim status Judaici Populi figuralis erat: secundum illud 1. Corint. 10. *Omnia in figura contingebant illis* ait S. Thom. *q.* 104. *art.* 2. Sed quia sunt rectæ rationi conformia.

27. Ità pariter Judicialia, quamvis nullā ampliùs habeant vim obligatoriam, cum lex præcipiens cessaverit, ac mortua sit. Adhuc tamen, quia non sunt primò, & per se figuralia, instituta scilicet ad Christi mysteria, ut futura, præfiguranda, sed tantum ex consequenti, ratione status illius Populi; ideò, si Princeps ista præciperet, secundum æquitatem, observan-

da essent; modò tamen eorum observantia, non præciperetur, quasi ab ipsa veteri lege vim haberent; id enim veritati fidei præjudicaret, quia per hoc haberetur, quòd status prioris Populi, adhuc duraret, & quòd Christus nondum venisset; inquit S. D. *art.* 3. *ejusdem* *q.* 104.

28. Triplicis generis lex nova pariter continet præcepta, Moralia, quæ potiùs, quam instituta, explicata fuerunt à Christo Domino, & ab erroribus vindicata, quibus ex hominum malitia fuerant involuta. Fidei verò præcepta in lucē edita, cum priùs in Veteri lege obscurè, figuraliter, & implicitè solum continerentur, præcipuè quæ Trinitatis, Nativitatis, Passionis, Mortis, & Resurrectionis Christi Domini continent mysteria. Sacramentalia demum, quæ verè; & simpliciter ab ipso Christo instituta sunt; De quibus, Deo dante, post excursum Decalogum in tractatu de Sacramentis fu-
siùs agere, in votis est.

29. Lex humana est rationis ordinatio, & præscrip-

tio in commune bonum immediatè humanâ autoritate lata, quamvis à Deo accepta, & derivata. Dividitur autè primò in Jus scriptum, & solo usu, vel consuetudine firmatum: Hæcque subdividitur in Jus Gētium, & consuetudinem propriè dictam.

30. Jus Gentium est, quòd communi consensu omnium Gentium receptū est absque legis determinatione. Est autem ferè quid medium inter legem naturalem, & propriè humanā. Ea enim sunt de Jure Gentium, quæ ratio naturalis omnes Gentes docet, & ut ait S.D.p.2.q.95.art.4.ad primū. *Jus Gentium est quiddā aliquo modo naturale homini, secundum quod est rationalis, in quantum derivatur à lege naturali per modum Conclusionis, quæ non est multum remota à principiis, undè defacili in hujusmodi homines cōsenserunt. Distinguitur tamen à lege naturali, maximè ab eo, quod est omnibus Animalibus commune.* Quarè Azor. p. 1. lib. 5. cap. 1. benè ait, quòd lex naturalis est id, quod ratio hominis naturaliter

præscribit, cujus tamen, quasi vestigium, est etiam in cæteris Animalibus, ut seipsum tueri, vim vi repellere, prolem generare, educere &c. Jus autem Gentium, quod ratio omnes Gentes docet, cujus tamen in Brutis nullum est vestigium, ut Dei cultus, leges depositi, fidelitatis, & hujusmodi.

31. Consuetudo propriè dicta est Jus quoddam moribus institutum, quod pro lege suscipitur, cum deficit lex, quam definitionē tradit Gonet man.tract. *de legibus* cap. 5. §. 2. & infra nos explicabimus. Pro nunc advertere sufficiat, quòd consuetudo à Jure Gentium differt per hoc, quòd Jus Gentium, ut diximus, est de naturali lumine notis, admodum per modum Conclusionis evidenter ex principiis naturalibus deductæ; Undè, & apud omnes Gentes idem est. Consuetudo verò propriè dicta, ut in plurimum, non est eadem apud omnes, nec de per se notis, at de his, quæ alias determinatione legis egerent, cujus vices consuetudo supplet. Quæ

pe-

perindè à lege non solum differt, quia lex plerumque in scripto consistit, & consuetudo per se non est Jus scriptum, ut notat Azor. Verum, & essentialiter, meo ^{viciis} consuetudo solum usu firmatur factisque promulgatur: Lex verò consilio, ac decreto statuitur, promulgaturque scripto, vel saltè Verbo; Quidquid sit an de substantia legis sit, quòd scripto mandetur; licet non de Essentia, ut suprà diximus, de quo vide, si vis, Azor. loco citato, & alibi; Cæterùm scripta dicitur ad minus, quòd ut plurimùm, scribi soleat.

32. Lex ergò humana scripta, subdividitur in Ecclesiasticam, seu Canonicam, & Civilem. Canonica legis, & Juris corpus continet decretum à Gratiano Monacho ex Sum. Pont. decretis, Conciliorum Canonibus, dictisque, ac sententiis SS. PP. collectum, & Gregor. XIII. autoritate correctum, & editum. Item decretales Greg. IX. autoritate, à S. Raymundo Præd. Ord. in quinque libris ordinatæ, quibus à Bonif. VIII.

additus est sextus in quinque pariter libros partitus, quem item sextum nuncupari voluit. Adduntur præterea Clementinæ constitutiones à Clem. V. ^{in anno} publicatæ, quæ pariter in quinque libros divisæ sunt; Ipsis etiam subnectuntur viginti constitutiones ejusdem Joan. quæ Extravagantes appellantur. Ac demùm aliæ diversorū Pontif. constitutiones in quinque libros digestæ, quæ Extravagantes communiter appellantur. Sunt adhuc præter ista, multa quoque Sum. Pont. decreta, & constitutiones, sive pro tota Ecclesia, sive pro aliqua speciali Communitate editæ; quæ Magno Bullario potissimùm comprehenduntur. Sunt, & particularia statuta Ecclesiarum in Provincialibus, vel Diocesanis Conciliis, & Synodis edita: sunt, & propriæ cujusq; Religionis constitutiones, & Regulæ. Quæ omnia vim legis obtinere, nemini dubium sit.

33. Dubitari solet. An declarationes, & Decreta Sac. Congr. Eminentissimorum Card. vim legis obtineant

neant? Quà in re, cæteris omiſſis, placet ſatis reſolutio Cabrini p. p. Eluc. Caſuum Reſerv. Reſol. 113. Illas videlicet vim legis obſtinere, — in quatuor habeant conditiones, quarum prima eſt, ut certum, & indubitatum ſit, eſſe verè Eminentiffimorum Declarationes, quod conſtabit, ſi in authentica ſint forma, ſolito ſigillo, & ſubſcriptione Eminentiffimi Præſecti, & Secret. ejuſdem S. Cong. munitæ. Secunda, ut in ipſa declaratione exprimatur, eam conſultò à Sum. Pont. conditam, & pronunciatam fuiſſe, quam conditionem, teſte Joſephò de Januario apud eundem Cabrin. appoſuit Sixtus V. cùm S. Cong. facultatem conceſſit interpretandi Concilium. Tertia, ut Eminentiffimi declarant ſolùm, non autem diſpenſent, vel ampliènt ultrà Juris regulas, quam formã præſcripſit Greg. XIII. teſte Diana apud eundem. Quarta, ut hæ declarationes conſtent publicâ notitiâ, quod ſit, ſi tranſmittantur ad Epiſcopos, ipſiſque mandetur, ut eas juridicè in Diœceſi

promulgare, in uſumque ducere curent; Quod limitata, ut infrà §. 3. n. 16.

34. Hæc, inquam reſolutio inter omnes, quas viderim, placet magis. Alii ſcilicet homines adducunt, putò: Ac primò, quòd cùm ex hac doctrina conſtet, Sac. Cong. aliam non habere authoritatem, quàm declarandi, non autem legem condendi, & hoc quidem non, niſi conſulto Sum. Pont. abſolutè dicendum videtur, nullatenùs ejus declarationes ad vim legis pertinere, niſi à Pont. ſpecialiter ipſi facultas conferatur decreta ſtatuendi, conſtitutioneſq; condendi, ut de factò in multis ejuſdem Sac. Cong. decretis apparet. Quà facultate habita, non ſolùm declarandi, ſed & diſpenſandi, vel ampliandi, etiam ultrà Juris regulas, authoritatem habebit. Stando autem in ordinaria facultate, potiùs, quàm propriè leges, legum interpretationes, vel ſententiæ ſunt, ſeù legum executiones, & applicationes ad Perſonas, & caſus particulares; Undè nec purè doctrinales, ut quidam

volunt, sed verè decisivæ sunt; quamvis non per modum legis, sed sententiæ, aut interpretationis, nec ab ipsis ullatenus recedendum.

35. Secundò etiam addo, quòd, si hujusmodi declarationes, aut sententiæ particulares sint, non generales; non licet, ab ipsis convincenter arguere, nec in simili casu. Et hoc ideò, quia casus particulares qualibet circumstantiâ variantur. Undè, & ipsi Eminētissimi non semel in similibus casibus contraria senserunt; non quidem ex instantia, ut quidam audacter asserunt; sed quia prudenter judicarunt, in uno casu ex Personarum circumstantia, vel alio urgente motivo, sic dicendum, & aliter in alio ex diversis motivis, & circumstantiis.

36. Si autem casus omninò similis, & cùm eisdem circumstantiis occurreret, quod non ità facilè, judicare. Standum omninò esset ejusdem S. Cong. declarationi, modò de illa constaret. Non dixi autem absolute, quòd non liceat, arguere, sed convincenter;

nam aliàs in universum hujusmodi sententiæ; ac declarationes plurimi sunt faciendæ; ità ut probabilior semper censenda sit opinio, pro quâ stare videntur, nisi alia magno, ac firmissimo nitatur fundamēto, & ratione; Quod multò magis erit, si declarationes fuerint generales, ut solent Eminētissimi, dùm similes multi casus ad eorum perveniunt aures.

37. Hæc mihi, salvo meliori judicio, probabiliora sunt. Alii siquidem, ut videre est apud Bonac. de leg. disp. 1. quæst. 1. pun. 8. & Dian. p.p. tract. de leg. res. sol. 29. volunt generaliter hujusmodi declarationes doctrinales esse, non decisivas; licet enim Eminētissimi jus habeant à Pont. interpretandi Concilium, & respondendi in dubiis, non inde colligi videtur, per tale Jus aliud ipsis concedi, quàm simplicis interpretationis facultatem, quam cæteris quibuscunque Pius IV. interdixit. Hoc igitur in eorum sententiâ est Jus, quod habent Eminētissimi, ordinaria scilicet facultas interpretan-

randi, ac declarandi Concilium, quæ cæteris interdicitur, non autem, quòd eorum declarationibus taliter standum sit, ut ab ipsis recedere, nemini liceat.

38. Lex deniquè civilis per excellentiam vocatur Jus Romanum continens Digestum, leges videlicet, ac statuta Romanorum, & antiquorum Juriscons. doct. rinam; Codicem Justiniani, quò comprehenduntur statuta, sanctiones, & diversa Imperatorum præcepta; Addidit quoque ipse Justin. librum authenticorum, sed novellarum, quæ sunt speciales constitutiones ab ipso promulgatæ. Et demùm librum, qui instituta, seu institutiones inscribitur, ejusdem Justiniani autoritate compositum, & evulgatum. Hoc est corpus communi Juris Civilis, præter alias Constitutiones diversorum Imperat. extrà Corpus. Sunt autem, & aliæ leges, ac statuta particularia cujuscunque Regni, Principatus, & Reipub. immo, & speciales Civitatum, aliarumque Communitatū constitutiones, quæ leges

Municipales vocari solent.

39. Hic tantùm advertite, quòd licet lex vim suam extendere non possit ultrà legislatoris auctoritatem, ac per consequens in rigore prædictum Jus commune, utpotè Imperatoriū, intrà ipsius Imperatoris jurisdictionem restringi debeat, nec obligare possit in Regnis, & Dominiis omnino ab ipso Imperatore independentibus, illique nullo modo subjectis. Attamen, vel quia Imperium ipsum Romanum jam per totum ferè Orbem extendebatur; Vel ex ipsius Juris excellentiâ, & æquitate, ubique, ut plurimum, usu receptum est, ac secundum illud judicandum, ubi propriæ Regni, vel Reipub. leges aliter non disponunt.

§. II. De Lege Naturali specialiter.

SUMMARIUM.

1. Non est idem lex naturalis, & synderefsis, & conscientia.
2. Legis naturalis præcepta triplicis generis.

3. Lex

3. *Lex naturalis improprie mutationem, vel dispensationem recipit ex mutatione materiae.*
4. *Variatio materiae ex alia naturali lege oritur; unde videndum, quodnam praeceptum urgeat magis?*
5. *Neque proprie de lege naturali est Epykeja.*
6. *In iurè naturali non est proprie dispensatio, sed potius variatio materiae.*
7. *Dispensatio fieri debet, dum observantia legis intentioni legislatoris contrarietur.*
8. *Etiam in manifestis petenda est Superioris dispensatio, vel declaratio, ubi iure, vel consuetudine id statutum est.*
9. *In dubiis omninò consulendus est Superior, aliàs servanda lex.*
10. *Periculosum esset, ut hoc iudicio cujuslibet committeretur,*
11. *In quibus lex naturalis, utcumque, dispensationem admittat, in quibus non?*
12. *Ad quem pertineat dispensatio, vel declaratio Juris Naturalis?*
13. *Explicantur aliqui casus, in quibus Divinà, vel humana auctoritate derogatum, vel dispensatum videtur in Jure naturali.*
14. *Pariformiter discurrendum est de Jure Divino Positivo, cujus tamen declaratio Ecclesiastica tantum convenit Potestati.*
15. *Peccat dispensans absque justa causa in Divino, vel naturali Jure, & invalida est dispensatio.*
16. *Excusat autem dispensantem, & dispensatum bona fides.*
17. *De praeceptis naturalibus primi, & secundi generis non datur ignorantia invincibilis.*
18. *Tripliciter dici possunt prima praecepta, de quibus nō datur invincibilis ignorantia.*
19. *De praeceptis tertii generis ignorantia invincibilis dari potest.*

6. **P**LURA sunt hic breviter de hac lege notanda, quæ dilucidè satis tradit Gonet citato tract. de legibus cap. 3. Cùm quo notandum in primis, non esse idem legem naturalem, syn- derefim, & Conscientiā. Lex enim est ipsa ordinatio ra-
G g g tio-

tionis à Deo nobis impressa, synderesis verò naturale lumen, quò hanc ordinationem cognoscimus, Cõscientia demùm actus ipsius synderesis, quò practicè iudicamus in particulari, quid bonum sit, quidvè malum.

2. Secundò notandum, quòd legis naturalis præcepta sunt triplicis generis. Prima universalissima, quæ potiùs præceptorum omnium principia, quàm præcepta, vocanda sunt. Puta bonum est sequendum, malum fugiendum; Deus colendus. Quod tibi non vis fieri, alteri nè feceris, & si quæ sunt alia. Secunda, quæ per facilem discursum ex his deducuntur; ut non esse furandum, non fornicandum, non mentiendum, & similia. Tertia, quæ à primis derivari, non ità facile cognoscitur; puta, non accipiendum ex mutuo usurâ, non autoritate propria de injuriis ulciscendû &c. Ubi nota, quòd absolute omnium virtutum moralium actus ad legem naturæ pertinent; *Dicitur enim naturalis unicuique propria ratio, ut virtuosè agat*, ait S. Doct.

p. 2. q. 94. a. 3. Sed ut ibidem subdit, *Multa secundum Virtutem fiunt, ad qua natura non primò inclinât, sed per rationis inquisitionem ea homines adinvenerunt*, quare ad legem naturæ pertinent actus Virtutum secundum rationem genericam tantùm, nõ autem specialem; V. G. præcipit lex naturæ temperantiam, non autem jejunium, seù abstinentiam à carnibus benè quippè, temperatè vivere, possum, absque jejunio, & abstinentia à carnibus.

3. Tertiò notandum, quòd, licet lex naturæ per participationem legis Æternæ, cujus est veluti quædam pars, ait Gonet. §. 1. nedum firmitatem, ac stabilitatem, quæ omnibus legibus communis est; sed specialius perpetuitatem, & immutabilitatem habeat; Unde propriè, & in rigore mutationi, ac dispensationi subjecta non est: Quia tamen *variabilis est materia, circa quam lex ipsa naturalis versatur, ad materiæ variationem lex ipsa quoque mutari quodammodò potest, ac dispensationem recipere*

cipere, licet improprie. V.G. depositum reddere, de Jure naturæ est, attamen reddi non debet, si quis depositum petat, ut eo ad Patriam perendam utatur. Hic non proprie lex depositi reddendi mutatur, sed ipsa materia depositi, quæ prius naturali subdebatur legi, per talis circumstantiæ variationem amplius legi non subditur: quia ipsa naturæ lex dicitur, in tali casu depositum non esse reddendum.

4. Ubi notare in super, quod in hujusmodi casibus variatio materiæ non aliunde, quam ex altera item naturali lege, ortum habet. In casu enim posito, ideo depositum à lege ipsum reddendi extrahitur; quia lex alia naturæ præcipit Patriæ tutelam, ac defensionem ab insidiis, & proditiionibus. Videndum igitur est, quod nam ex duobus naturalibus præceptis magis urgeat, ut secundum alterius præponderationem ipsius naturæ dictamine, unum servandum sit, omittendum aliud: puta in casu commune bonum Patriæ magis obligat, quam Jus particularis depositi.

5. Unde bene docet Gonet §. 3. licet in multis declaratione, & interpretatione lex naturalis indigeat, cum plura non adeo liquido constent, in ipsa tamen proprie locum non habet Epykeja; cum ipsa legislatrix ratio dicter legis interpretationem, ut patet: Epykeja verò est proprie interpretatio legis, seu mentis legislatoris, quando ab eo expressè haberi non potest.

6. Quodam dispensationem aliqua major est difficultas. Etenim Voti, & Jurisjurandi observantia est de Jure naturæ, & in ipsa Ecclesiâ dispensat; immo, & Princeps in ultimis Voluntatibus, quæ sunt pariter juris naturalis, vel Gentium, adminis. At verò S. Doct. 2. 2. q. 88. art. 10. ad secundum: ait, quod Voti dispensatio; & idem intellige de reliquis; In hoc stat, quod *authoritate Superioris dispensantis fit, ut hoc, quod continebatur sub Voto, non contineatur, in quantum determinatur in hoc casu, hoc non esse congruam materiam Voti.* Unde absolutè asserit Gonet, nullo modo in Jure naturæ

Cgg 2 non

non solum ab Ecclesia, vel Principe, sed neque ab ipso Deo propriè dispensari posse; benè tamen variari materiam, ut quæ subjecta priùs erat legi naturæ, nunc subjecta non sit. Quidquid autè sit, ut à speculabilibus ad practica descendamus.

7. Advertendum ex D. Thom. p. 2. q. 100. art. 8. Quòd dispensatio fieri debet, *quando occurrit aliquis casus particularis, in quo, si verbum legis observaretur, cōtrariaretur intentioni legislatoris*, quæ quidè est principaliter ordo ad bonum commune, deindè ordo Justitiæ, & Virtutis. Quotiescunque igitur in his, quæ sunt de Jure naturæ, manifestè apparet defectus à bono communi, vel ab ordine Justitiæ, & Virtutis, jam lex in tali casu cessat, quia congruam non habet materiam. Cessat v. gr. lex depositi, si redditum in damnum vergeret Reipub. Cessat Votum, si materia ex aliqua circumstantia effecta sit mala, inutilis, vel impeditiva majoris boni, quod est contrà Voti rationem, & ordinem Virtutis.

8. Nec in hujusmodi casibus, regulariter loquendò aliqua superioris dispensatione, seu declaratione opus est, ut enim ex D. Thom. notat Cajet. p. 2. q. 96. art. 6. *in manifestis opus nō est interpretatione*. Dixi regulariter, quia potest ex consuetudine, vel etiam Jure, in aliquibus requiri Superioris dispensatio, vel declaratio, adhuc in casibus manifestis, & tunc petenda erit; aliàs peccabit quis contrà obedientiam, & legem illam, quæ talem Superioris declarationem, aut licentiam exigit, licèt non contrà legem, suprà quam cadit dispensatio. V. G. si quis novit jejunium, & ex infirmitate jejunare non possit, lege autem, vel consuetudine approbatà cautum sit, ut nihilominùs pro talis voti relaxatione Superioris licentia petatur; talis non jejunans absque licentia reus non esset fracti voti, sed inobedientiæ; Si tamen potuit, licentiam petere; aliàs necessitas ipsa dispensationem habet annexam, *quia necessitas non subditur legi*, ait S. Doct. ibidem,

9. Si verò incertus, & ambiguus sit defectus à bono communi, vel ordine Virtutis, omninò consulendus est Superior, quòd si casus moræ sit impatiens, erit servanda lex juxtà regulas juris; *In dubiis tutior pars est eligenda, & melior est conditio possidentis*; Cùm in casu possessio stat pro lege.

10. In his autem, & similibus, in quibus adhuc viget lex, & ligat, ni Superior dispenset, nequè propriè dispensatio est, sed mutatio materiæ, quam Superior potest, vigore authoritatis, quam habet ex hoc ipso, quòd curam habet boni communis, & directionis ipsius Communitatis; ad quem proindè Jure ipso naturæ spectat, providere in his, quæ ad commune bonum, & Communitatis regimè sunt necessaria; non ad particulares Personas; ac per consequens, declarare, interpretari, & suo modo in lege quoque naturæ dispensare, ubi necessitas exigit. *Periculosum enim esset, ait S. Doctor p. 2. q. 97. art. 4. ut hoc judicio cujuslibet committeretur.*

11. Advertendum verò ex eodem S. Doct. ibidem ad tertium. *Quòd lex naturalis, inquantum continet præcepta communia, quæ nunquam fallunt, dispensationem recipere, non potest; in aliis verò præceptis, quæ sunt, quasi conclusiones præceptorum communium, quandoquè per hominem dispensatur; puta, quòd mutuum non reddatur Proditori Patriæ, vel aliquid hujusmodi. Et quæst. 100. art. 8. & alibi. Quòd, si quæ præcepta dentur, quæ contineant ipsam conservationem boni communis, vel ipsum ordinem Justitiæ, & Virtutis, hujusmodi præcepta continent intentionem legislatoris, & ideò indispensabilia sunt; puta, si poneretur hoc præceptum in aliqua Communitate, quòd nullus destrueret Rempub. neque proderet Civitatem hostibus; sive quòd nullus faceret aliquid injustè, vel malè; hujusmodi præcepta essent indispensabilia. Sed si aliqua alia præcepta traderentur ordinata ad ista præcepta, quibus determinantur aliqui speciales modi; in talibus præceptis dispensatio posset fieri, inquantum per omissionem hujusmodi præ-*

praeceptorum in aliquibus casibus non fieret praejudicium primis praeceptis, quae continent intentionem legislatoris; puta si ad conservationem Reipub. statueretur in aliqua Civitate, quod de singulis vicis aliqui vigilarent ad custodiam Civitatis obesse, posset cum aliquibus dispensari propter aliquam majorem utilitatem. Praecepta autem Decalogi continent ipsam intentionem legislatoris, scilicet Dei, nam praecepta primae tabulae, quae ordinant ad Deum, continent ipsi ordinem ad bonum commune, & finale, quod Deus est; Praecepta autem secundae tabulae continent ordinem Justitiae inter homines observanda, ut scilicet nulli fiat indebitum, & cuilibet reddatur debitum; secundum hanc enim rationem sunt intelligenda praecepta Decalogi, & ideo praecepta Decalogi sunt omnino indispensabilia.

Ex his colligitur, quod, si lex naturalis proprie, & strictè sumatur, ut contradistinguitur à Jure gentium, nullam admittit dispensationem, immò, nec declarationem, vel interpretationem; de se namque satis est

clara, & manifesta. Nec etiam prout continet generalia praecepta, quae facillimè ex universalissimis innotescunt, si accipiantur in sua generalitate, prout accipienda sunt Decalogi praecepta, ut ibi notat Cajet. Benè tamen, suo modo, potest, dispensationem, declarationem, & interpretationem admittere, quodam reliqua, quae nec ita immediate ex primis inferuntur, & in quibus non expressa continetur ratio ordinis boni communis, Justitiae, & Virtutis, sed sunt potius particulares quaedam applicationes, & determinationes ipsorum generalium principiorum, in quibus potest aliquandò contingere defectus.

12. Ad quem autem pertineat, in his dispensare, vel declarare? Dicendum videtur, pertinere quidem primariò ad Sum. Pont. & ab eò in quibusdam etiam Episcopis, aliisque Praelatis secundum eorum auctoritatem, & privilegia; Sed etiam ad saeculares Potestates; in iis verò tantum, quae praecise humanae conviven-
tia

tia Pacem, bonumque concernunt, quod ipsis commissum est : Secus autem in his, quæ ad Sacramenta, vel Religionem pertinent, ut de Voto, ac Juramento notat Azor. p. 1. lib. 6. cap. 1. in his enim Principes ipsi, Reges, & Monarchæ subditi sunt Ecclesiasticæ Potestati; non Superiores. Idque, & comprobatur Usus in multis jam ab Ecclesia ipsa, nedum permissis, verum, & approbatis; ut natim videbimus, Cùm autem Jus naturæ tanti sit momenti, non videtur facultas ista inferioribus concedenda, sed sublimioribus tantum potestatibus reservanda; ipsis videlicet supremis Principibus; alios non habentibus Superiores; nisi fortè in quibusdam ex speciali concessione, aut privilegio ipsis quoque inferioribus committatur.

13. Ex his ergò intelliges plures casus, in quibus Divina, vel humana auctoritate legi videtur naturali derogatum. Puta, dùm jussu Dei, Abraham, innocentem, voluit interficere Filium; Deus enim ipse, qui supremus est Vitæ, ac mor-

tis Dominus, dedit Abrahamus in vita Filii; aut eo, tanquam Ministro, & Executore, uti voluit; Non autem prohibet lex naturalis innocentis etiam necem ex imperio Supremi Domini Dei.

Similiter, dùm Israëlitis permisit, ac jussit, ut spoliarent Ægyptios, non dispensavit in lege furti, sed ut supremus Dominus ex Ægyptiis ad Hebræos transfunderet dominium illarum rerum; Vel ipsis reddere voluit mercedem laborum suorum, quæ fuerant ab Ægyptiis fraudari.

In casu de Osèa ad Mulierem fornicariam accedente, aliqui non improbabili-ter asserunt, antè accessum fuisse inter ipsos verum consensum legitimi conjugii; Undè fornicaria mulier appellatur ex antecedentibus fornicationibus, non quòd tunc fornicaria esset; quod insolitum non est in Scripturis. Vel etiam admissò, quòd verum non intercesserit matrimonium. Deus ipse, ut Supremus Corporum Dominus, dedit hanc Meretricem Osèæ in Uxorem antè

antè ejus accessum, efficiendo per se, quod per propriū consensum faciunt mas, & foemina; idque propter mysticam significationem, quā designabatur Deus ipse in Sponsam assumpturus humanam naturam tot peccatorum fornicationibus deturpatam.

Deniquè de Polygamia, & libello repudii Hebræis quoque concessio dicitur pariter, Deum naturæ Authorem optimè potuisse, ad commune bonum, ac naturæ ipsius propagationem, Dominiū Corporis ab una in plures dividere Uxores in primo casu Polygamie; In secundo verò de repudio irritare prioris matrimonii vinculum. Hoc autem non est, propriè in lege dispensare, sed mutare materiam, ut non sit legi subjecta. Nec enim lex naturalis prohibet uxorum pluralitatem, dùm aliter Deus ipse disponit, sed ordinario cursu, & naturali servato, quem ipsa natura non excedit. Prohibet similiter uxoris repudium, insoluto Matrimonio, quod quidem secundum se fieri, non potest; soluto autem vincu-

lo, non prohibet secundas nuptias.

Jura item humana legem naturalem neque propriè dispensant, nec mutant; variant benè materiam, ubi commune bonum exigit. V. G. leges Usucapionis, vel Præscriptionis, quibus à vero Domino in alium rei dominium transfertur, nullatenus derogant legi naturæ præcipienti, neminem propriis bonis spoliandum. Hoc enim lex naturæ prohibet, vero Domino rationabiliter invito, non autem rationabiliter est invitus Dominus, quandò commune bonum aliter exigit. Et sic de similibus.

14. Quæ dicta sunt de Jure naturali, ferè de Jure quoque divino positivo dicenda videntur, cùm hac tamen limitatione, quòd, ut ait S. Doct. p. 2. q. 97. art. 4. *ad tertium. In præceptis Juris Divini, quæ sunt à Deo, nullus potest, dispensare, nisi Deus, vel his, cui ipse specialiter committeret, Cùm autem Divina Autoritas non, nisi Ecclesiasticis potestatibus à Deo collata sit, plenaria quidem supremo totius Chri-*

Chri-

Christianæ Reipub. Moderatori Romano Pont. aliis verò pro modo propriæ cuiuscunque jurisdictionis: Hinc est, quòd in iis, quæ Divini sunt Juris, nulla secularis potestas dispensandi, vel interpretandi habet facultatem. De quibus omnibus videri possunt Canonistæ, & Summistæ, præcipuè Sylv. V. Casus, Dispensatio, & aliis titulis. Nos, Deo dante, ubi materiæ necessitas exigit, accuratius discurre, non prætermitemus. Hæc sufficiant, pro nunc generaliter prælibasse.

15. Hoc unum specialiter addo, quòd Superior, quicumque ille sit, Ecclesiasticus, vel Secularis, dispensans in Jure naturali, vel Divino, absque iusta, vel legitima causa, peccat omnino, quia, ut ait S. Doctor p. 2. q. 97. art. 4. *Infidelis est, si non habet intentionem ad bonum commune, cuius curam gerit, vel imprudens, si rationem dispensandi ignoret*: Undè Cajet. ibi: *Pro sola voluntate non fit dispensatio, sed dissipatio*. Quamvis autem in jure humano positivo, etiam illicita dispensa-

tio, & sine causa valida sit, & dispensatum in conscientia solvat à lege, ut §. 5. In lege tamen Divina, vel naturali, valida non est illegitima dispensatio; Undè nec dispensatus; illa uti licite, potest. Et ratio est, quia, sicut solus Deus Conditor est Divinæ, ac naturalis legis, ita solus ipse dominium super illas habet; hominibus autem commissæ tantum est facultas declarandi potius, vel interpretandi, quam in rigore dispensandi, ubi casus occurrit; in quo ad commune bonum, quod est finis utriusque legis, aliter judicatur expedire; leges autem humanæ, sicut ab homine ponuntur, ita possunt per hominem abrogari, nedum propriè dispensari; Undè, quamvis malè faciat Superior, dispensando sine causâ, dispensatio tamen valet, quia potest absolute, non solum particularem Personam, sed totam Communitatem solvere à jure legis; ita Sylv. V. Dispensatio: quæst. 3. Bonac. de legibus disp. 1. q. 2. punct. 3. & plures apud ipsum.

16. Potest nihilominus;

H h h &

& Dispensator excusari, si bona fide dispensavit, putans rationabilē habere causam; & dispensatus item licitē uti si bona fide putat, superiorē legitimē dispensasse. Et quidem usque dum in bona fide manet; Si enim successu temporis de invalida cognosceret dispensatione, amplius uti ea, non posset.

17. Circa ignorantiam Juris naturalis aliquid jam tetigimus suprà cap. 2. §. 6. in fine. Constans autem est DD. sententia, de præceptis primi, & secundi generis dari nō, posse invincibilem, & inculpabilem ignorantiam. Et de primis quidem non videtur difficultas; De secundis verò ex eo patet, quod cum evidenter, ac facili discursu ex primis deducantur, & quilibet sufficiens lumen à natura sortiatur, ut discurrere possit, ac judicare: Quod aliquis licitum judicet id, quod apertè illicitum convincitur ex primis principiis, non nisi ex propria culpa oriri posse videtur, prava scilicet consuetudine, aut pessimis inclinationibus, quibus mens, & ratio obtenebratur, ne

videat, quod manifestè cōspiceret, ni pravorum affectuum tenebris Divinæ illuminationi, & naturalibus radiis obstaculum poneret.

18. Adde insuper ex Cajet. p. 2. *quest.* 94. Quod prima præcepta dupliciter dici possunt; uno modo absolute, prout stant pro communissimis, ut bonum est faciendum, malum fugiendum. Alio modo in tali ordine; Qui ordo triplex est in homine; primus ad esse, & vivere; secundus ad generationem: Tertius ad rationabiliter se habendum, ad se, & ad alios. Primum ergò præceptum absolute est, quod immediate ordinatur ad ultimum, & communem finem, qui est bonum perfectum, pura. Bonum est prosequendum, malum fugiendum. Primum verò in tali ordine erit, quod immediate ordinatur ad primarium finem talis ordinis. V. G. ad Vitam, est comedendum. Præceptum verò, quod ordinatur ad secundarium finem ejusdem ordinis, vel ad benè esse talis finis, erit absolute secundum; v. g. tali cibo utendū.

Cum

Cùm ergò dicitur, quòd ignorantia invincibilis dari nò potest, de primis præceptis, non solùm intelligitur de primis absolute, sed etiam de primis in tali ordine; & pariter de præceptis, quæ facili discursu ex istis deducuntur.

19. Quòd præcepta demùm tertii generis dari posse ignorantiam invincibilem, non est minùs certum apud Authores; modò tamen ignorantia sit verè antecedens juxta dicta incitato §. 6. ad quem remittimus cætera, & videri potest de his fusè Gonet tract. *de legibus* cap. 3. §. 4. & Thyrsus differt. 11.

§. III. De Lege humana scripta.

SUMMARIUM.

1. *Humana Lex à recta ratione recedens, iniqua est.*
2. *Conditiones ad justam legem requisitæ, ut obligent in conscientia injustæ violentiæ magis, quàm leges sunt.*
3. *Triplex lex injusta esse potest.*
4. *Lex justa, etiam civilis, per se loquendo, pro sui observatione ad mortem obligat, licèt ex legum benigni-*

tate in casu non obliget.

5. *Regula ad cognoscendum, quando lex obliget cum vi-
tæ dispendio?*
6. *Quomodò humana lex præcipere possit, actus internos?*
7. *Quòd vim coactivam soli subditi legislatoris legi subduntur, quòd directivam verò etiam ipse Princeps, & legislator.*
8. *Etiam Clerici, quòd vim directivam ex naturali aequitate secularibus subduntur legibus.*
9. *Non tenetur quis legibus proprii Territorii extrà illud, sed tenentur Advene, & peregrini legibus Territorii, per quod transeunt.*
10. *Quid requiratur, ut lex promulgata sufficienter censeatur?*
11. *Privata scientia legis, antè ipsius legitimam promulgationem nò sufficit ad obligandum scientem.*
12. *Licèt in promulgatione legis ponatur, quòd statim ubique obliget, requiritur, quòd ad sufficientem subditorum perveniat notitiam.*
13. *Quæ notitia publica esse debet, nec sufficit privata.*
14. *Promulgatio in Curia quid operetur? & quomodò*

omnes afficiat subditos ?

15. *Quanam esse debeat hæc publica notitia ?*

16. *Æquitati consonum est, ut Pontificiæ Constit. ad Episcopos, vel Gubernatores, per ipsos promulganda transmittantur.*

1. **J**A M suprà generaliter dictum est, ad legem tria essentialiter pertinere, videlicet, quòd sit ad bonum commune, ab habente potestatem, & quòd humanorum actuum sit directiva. Hæc autem primò, & originativè sunt in ipsa Æterna lege, à quâ in legem naturalem derivantur; & ab hac in legem humanam; Undè humana lex, in quantum à recta ratione recedit, iniqua est, ut ait S. Doctor *p. 2. q. 93. art. 3. ad secundum.*

2. Ut igitur æqua sit humana lex, aliquæ speciales assignantur conditiones ex D. Isid. lib. 4. *Etym. c. 3. & 21. apud D. Thom. p. 2. q. 95. art. 3.* quòd scilicet sit *Honestæ, Justæ, Possibilis, Secundum naturam. Secundum consuetudinem Patriæ, Loco, Temporique conveniens, Necessaria, Utilis, Manifesta quoque, nè aliquid per obscu-*

ritatem in captione contineat; Nullo privato commodo, sed pro communi utilitate Civium scripta. Debet enim lex, inquit S. Doct. Religioni congruere; undè honesta esse debet; Item disciplinæ conveniens esse; ut sit directiva, & ideo Justa, Possibilis, secundum naturam, secundum consuetudinè Patriæ, loco, temporique conveniens. Ac demùm ad commune bonum, quod est finis ipsius legis; undè addit, *Necessaria, Utilis, Manifesta &c.*

Quotiescunque igitur humana lex; sive Canonica, sive Civilis, justa fuerit, servans prædictas conditiones, vim habet obligandi etiam in foro cōscientiæ; ita ut proculdubio illius transgressores peccent; Si autem justæ non fuerint, inquit S. Doct. *p. 2. q. 96. art. 4.* magis sunt violentiæ, quàm leges, undè nō obligant in foro cōscientiæ; nisi forte propter vitandum scandalū, vel turbationem, propter quod etiam homo, juri suo, debet cedere.

3. Tripliciter autem potissimū leges injustæ possunt esse, ut ait ibi S. Thom. Vel

ex fine, sicut cùm aliquis præsidēs leges imponit onerosas subditis, non pertinentes ad utilitatem communē, sed magis ad propriam cupiditatem, vel gloriam. Vel etiam ex Actore, sicut cùm aliquis legem fert ultrà sibi commissam potestatem. Vel etiam ex forma, putà cùm inæqualiter onera multitudini dispensantur: etiam si ordinentur ad bonum commune. Quando verò dubium est, an lex iusta sit, recole, quæ diximus cap. præceden: §. 5. n. 3. & seq.

4. Tanta porrò est vis obligatoria humanæ legis, etiam Civilis, ut per se loquendo, ad mortem quoque obliget pro sui observatione, ut notavimus ex Cajet. cap. 2. §. 4. n. 14. licet ex benignitate legum in casu non obligent.

5. In quo tamen regulam dat optimam Gonet man. *de legibus* cap. 4. §. 2. Quotiescunque id, quod præcipitur, ita conducit ad bonum commune, ut majus commune bonum sit, legem observare, quàm propriam servare vitam, tunc lex obligat etiam cùm Vitæ dispen-

dio: Si autem sit majus bonum commune, propriam vitam conservare, quàm legem observare, tunc lex humana cùm dispendio Vitæ non obligat. Ratio igitur boni cōmunis præ oculis habenda est, ut discernere possimus, quando nam leges humanæ cùm tantò incommodò obligent, vel non? Multæ siquidem ex benignitate non obligant, non solum cùm vitæ periculo, sed nec etiam cùm alio gravi incommodo.

6. Observandum quoque cùm eodem Gonet ibi: Quòd licet humana lex, præcipere non possit, actus purè internos, nec etiam illos, qui tantum per accidens cùm externis connectuntur: Undè communiter dicitur, quòd Ecclesia non judicat de internis: Actus verò internos, qui per se ad integritatem exteriorum in genere moris requiruntur; bene utique lex humana, præcipere potest: quidquid aliqui contrà sentiant. Habens enim potestatem præcipiendi aliquid, ex consequenti potestatem habet præcipiendi, quod cùm illo

ne-

necessariam habet connectionem, aliàs frustranea esset potestas. Puta cùm oratio vocalis, vera non sit oratio, nisi ex aliqua interiori attentione procedat; præcipiens orationem vocalem, puta Horas Canonicas, ex consequenti præcipit attentionem, sinè quâ Oratio vocalis nō consistit. Undè fusè idem Gonet in Clypeo diss. de probabilitate art. 3. §. 1. impugnat Caramelis sententiam docentis. *In audiendo Missam de præcepto, vel recitandis horis ex obligatione, satis est attentio externa; Undè potest quilibet, voluntariè distrahi.*

7. Notandum insuper ex D. Thom. p. 2. quæst. 96. art. 5. ad tertium. Quòd licet Princeps, quòad vim coactivam, propriis legibus non subdatur, nemo enim cogitur à se ipso; *Sed quantum ad vim directivam, Princeps subditur legi propria voluntate secundum quod dicitur extrà: de Constit. cap. Cum omnes. Quòd quisquis jus in alterum statuit, ipse eodem jure uti debet; Undè quantum ad Dei judicium, Princeps non est solutus à lege,*

quantum ad vim directivam ejus. Et hoc quidem, ait Gonet §. 3. Ex ipsa lege naturali, quæ dictat, non minùs contrà rationem esse, caput discordare à membris, quàm membra à capite: Undè leg. Digna vox cap. de legibus. Digna vox est Majestate Regnantis, legibus alligatum tē Principem, profiteri. Et cap. Justum est differt. 9. Principes legibus teneri suis, nec in se posse damnare jura, quæ subiectis constituunt, justa est enim vocis autoritas eorum, si quod Populis prohibent, sibi licere, nō patiantur. Quòad vim autem coactivam, soli subditi legislatori subduntur; & Princeps quoque legibus Superioris, si quem habeat.

8. Cùm autem Clerici non, nisi Ecclesiasticæ potestati, subditi sint, in rigore, & quòad vim coactivam, non subduntur legibus civilibus; Sunt enim exempti à jurisdictione Principum secularium. Cap. Decernimus de Judiciis cap. Sæculares de foro competenti in 6. Subduntur benè, quòad vim directivā ex naturali æquitate.

tate. Cùm enim sint Reipub. membra, ut per uniformitatem corpori congruant, ad Pacem, & tranquillitatem Reipub. servare omnino, debent leges Principum, quæ Privilegiis non derogant Clericorum.

9. Addit item Gonet. non teneri quempiam legibus proprii Territorii, dùm extrà illud, etiam transeunter, immoratur, quia talium legum conditoris autoritas non extenditur ultrà proprium Territorium, vel dominium, ut habetur c. 2. de Constit. in 6. & leg. ultima. ff. de Jurisdictione omnium Judicum. E contrà Peregrini, & Advenæ tenentur legibus Territorii, per quod transeunt; Par enim est, ut sentiat onus, qui sentit commodum, ut dicitur de Reg. Juris in 6. reg. 55.

10. Deindè, cùm suprà dixerimus, promulgationem necessariam esse, ut lex in actu secundo obliget; videndum est breviter; quid requiratur, ut humana lex sufficienter promulgata censeatur? Et quidem, quodam leges Imperiales habetur expressè Authent. ut factæ no-

væ Constitutiones: Quod non obligant, nisi facta in singulis Provinciis promulgatione in cujuslibet Metropoli, & hoc non, nisi post duos menses, Ubi licet Imperator loquatur solum expressè de legibus Testamentorum; Glossa tamè ad omnes leges extendit, per hanc Jurisperitorum regulam. Quotiescunque Verba Rubricæ faciunt perfectum sensum, & non repugnant corpori legis nigris literis exarato, & sub rubris contento. Rubrica habenda est pro sensu. Cùm igitur, insert Gonet citato cap. 4. §. 1. Rubrica illius Auth. loquatur universaliter de omnibus legibus, constitutio illa ad omnes extendenda est. Undè Pius IV. in quadam Bulla super declaratione temporis observationis Conc. Trid. sic ait. *Jure communi sancitum est, ut constitutiones novæ vim non, nisi post certū tempus, obtineant.* Non autem alibi reperitur in jure communi, quam in dicta Authent. determinatū tempus, quo novæ Constitutiones obligent.

Licet autem ipse Gonet abso-

absolutè asserat, prædictas constitutiones extrâ Imperii jurisdictionem, necessarias non esse pro legibus supremorum Principum, qui Imperatoriæ non subduntur potestati: Verum id puto, per se loquendo; Cæterùm cùm Imperiale Jus ubique videatur usu receptum in iis, de quibus propriæ cujuscunq; Regni leges aliter non disponunt; ut suprâ notavimus; videtur, quòd etiã in hoc, nisi aliter à Principibus disponatur, ipsi standum sit præcipuè cùm rectè rationi satis consonet, humanoque usui plurimùm sit accomodatum.

11. Ubi nota, quòd stante hac lege, scientes alicujus novi statuti, vel Constitutionis dispositionem antè ipsius legitimam promulgationem, & antè duos menses, non obligantur ad ejus observantiam; Quamvis enim promulgatio prædicta, & tempus præscribatur, ut ad omnes commodè legis notitia perveniat; illa tamen particularis notitia non supplet legitimæ promulgationis defectum: ut bene advertit Cabrinus Elu-

cid. Cas. reserv. p.2. casu 1. annotat. 6. Nec ullam confert legi obligandi vim præter illam, quam de se habet ex Jure.

12. Verùm tamen est, quòd si non solùm cæteri supremi Principes, sed ipsæ quoque Imperator in promulgatione alicujus legis in Curiâ clausulam apponat, ut statim ubique obliget, ita planè obligabit. Potest enim Imperator, in Imperatoria lege dispensare, vel etiam in totò, vel in parte rationabiliter abrogare. Nihilominus in tali quoque casu æquitas ipsa postulat, ut nõ æqualiter ubique statim obliget; sed in unaquaque Provincia, vel Civitate post sufficientem ejusdem publicationem: Æquum enim non est, obligare ad observantiam legis eos, ad quos legis notitia non pervenit. Hoc ergò faciet similis clausula, quòd lex facta promulgatione in Curiâ, ut ubique obliget, nullam requirat aliam in singulis Provinciis juridicam promulgationem, sed sufficiat, quòd utcunq; ad subditorum perveniat notitiam.

13. Quæ nihilominus notitia communis esse debet, nec sufficit privata; ita nempe, ut adeo per Provinciam, & Civitatem sit evulgata legis promulgatio, ut facile, ad cujuslibet notitiâ, possit devenire. Hoc autem ideo, quia cum lex multitudini, & Communitati observanda proponatur, non privatis Personis, nisi inquantum partes, & membra sunt ejusdem Communitatis, ut vim habeat obligandi in actu secundo, ipsi Communitati debet intimari, non censetur autem intimata Communitati per hoc quod uni, vel alteri privatum innotescat, Unde puto, quod privata illa notitia non sufficeret ad obligandum unum, vel alterum, ad quem pervenit.

14. Nec aliquid facit, quod promulgatio in Curia omnes afficit Subditos, nec tenetur legislator, per singulas Communitates juridicas facere promulgationes, sed ad omnes obligandos, sufficit, quod ad ipsos notitia perveniat ex juridica promulgatione Curie. Quamquam enim verum sit:

nihilominus notitia ista Communitatem debet afficere, non solum privatam Personam, unde quoad usque Communitati non innotescit lex, omnino per accidens est, quod alicui privatæ Personæ innotescat. Non enim æquum est ut Communitas ista non obligetur ad legem, & pars adstricta remaneat ex privata notitia. Sicut è contrâ dum lex Communitati jam innotescit, per accidens est, quod aliqui de Communitate ignorent, etsi ex eorum culpa, & negligentia procedat ignorantia, non excusantur.

15. Quænam autem esse debeat notitia ista? Discurrendum pariformiter ad cæteras novitates, quæ dum per plurimum ora vagantur, communes jam dicuntur in Civitate: ex hoc enim ipso, facile ad cujuslibet notitiâ pervenire, possunt. Quod, Prudentum erit, judicare in singulis casibus.

16. Ex his inferes, quod licet Pontificiæ leges, & constitutiones, vel immediate ab ipso Pont. vel ejusdem autoritate à Sac Cardinal Cong. statim atque in

Curia legitimè promulgantur, omnes ubique afficiant: consonum satis est æquitati, ut ad Episcopos, vel respectivè Gubernatores in Ditione Ecclesiastica, & quò ad leges temporale concernentes regimen, transmittantur per ipsos publicandæ, ut optimè fieri solet. Nihilominus etiam sola Curia promulgatione vim habent ubiquè obligandi post sufficientem earundè notitiam: & secundùm hoc limitandum est, quod suprà diximus §. 1. num. 33.

Sequitur Summarium.

17. Generaliter lex non obligat, nisi à Populo recipiatur, ubi hoc ex lege, consuetudine, vel Privilegio habetur.
18. Non alia videtur acceptatio requiri, quàm usus, & obedientia subditorum.
19. Subditi etiam aliàs privilegiati peccant, absque rationabili causa legem non acceptantes.
20. Ex utroque Jure lex usus non recepta non obligat.
21. Acceptatio, non ex Jure Populi, sed ex tacita Superioris conditione requiritur.

22. *Lex expressè lata, ut quocunque non usu non obstante, obliget; adhuc non obligat, nisi usu recipiatur.*

23. *Peccant usu non recipientes justam legem; ceteri autem post non usum introductum non peccant.*

24. *Ex rationabili causa non recipientes non peccant.*

25. *Quid requiratur, ut non usus censeatur sufficienter introductus?*

26. *Sufficit, quòd major pars, quæcunque illa sit; legem non servet, licet aliqui servant; immo, & major pars cujuslibet particularis Cõmunitatis.*

27. *In dubio, an lex usu recepta sit, Recepta censetur?*

28. *Aliud est, legem usu non receptam nõ obligare, aliud abrogari, vel desinere.*

29. *Per duos, vel tres actus in contrarium, Principe sciente, & non reclamante, lex pro abrogata censetur.*

30. *Reclamatio Principis, etiam absque punitione, est quasi nova legis promulgatio.*

31. *Licet Populo, super lege supplicationẽ Superiori porrigere, & interim obligationem suspendere.*

32. *Quid*

32. *Quid agendum, si Populus nunquam legem observet, ac Princeps, quantum potest, puniat, vel reclamet?*

33. *Quomodo cumque, si vè spontè, si vè metu lex observetur, obligat in Conscientia.*

17. **A**LIA est gravis difficultas. An, ut lex vim habeat, & obliget, requiratur Populi, vel Subditorum acceptatio? Et licet aliqui distinguant inter leges Pontificias, & aliorum Principum, generaliter, & indistinctè resolvenda est quæstio: Cum eadem ut constabit, sit ratio de omnibus. Et quidem in primis certum videtur, nullas obligare leges, nisi recipiantur, ubi hoc ex Principis, vel Pont. concessione, privilegio, vel approbata consuetudine invaluerit.

18. Deindè quoque certum videtur, non aliam Populi acceptationem requiri, ut lex vim habeat obligandi, quàm usum, & obedientiam ipsius Populi, ità ut non acceptatio idem sit, ac non usus.

19. Tertiò demùm cer-

tissimum est, quòd Populus, vel Subditi graviter peccant, absque legitima, & rationabili causa non recipientes legem justè à Superiore promulgatam: Undè Alexand. VII. 24. Septembris 1665. meritò hanc dānavit sententiam. *Populus non peccat, etiam si absque ulla causa non recipiat legem à Principe promulgatam. Quod extenderè ad omnes, quantumcunque Privilegiatos, non solum, quia Pont. indistinctè, ac generaliter dictam sententiam damnat: Verùm, quia irrationabiliter agere de se peccatum est, utpotè rectæ rationi repugnans, irrationabile autem nimis videtur, absque legitima causa legem justam ob commune bonum latam rejicere.*

Neque dicas, Privilegiatos uti jure suo, hoc enim esset, abuti, non uti Privilegio; in quo aliàs mandantis, seu concedentis intentio cōsideranda est. Inverisimile autem est omninò, quòd Privilegium concedens alicui Communitati; ut in eas leges non obligent, nisi ab eadem recipiantur, voluisse

omnimodam concedere libertatem, ut pro libito leges rejiciant. Hujusmodi ergò Privilegiis nil videtur amplius concedi, quàm facultas non acceptandi leges, illisque non subjici, dùm rematurè discussâ, tali Communitati nō judicantur expedites. Rejicientes ergò leges absque causa, privilegio abutuntur, ac meritò privandi sunt. His prænotatis.

20. Dicendum universaliter, Legem usu non receptam vi obligandi carere: Nam L. de quibus ff. de legibus dicitur. *Leges nulla alia ex causa nos tenent, quàm quòd judicio populi receptæ sunt.* Et paulò inferiùs. *Illud receptum est, quòd leges, non solum suffragio legislatoris, sed etiam tacito consensu hominum per desuetudinem abrogentur.*

In jure quoq; Cano. cap. In istis d. 4. *Leges instituuntur, cùm promulgantur, firmanantur, cùm moribus utentium approbantur.* Et cap. ult. de Consuetudine aperte dicitur. Tolle leges consuetudine rationabili, & præscripta. Pius autem vide-

tur, legem jam in sua vi receptam abrogare, quàm non adhuc receptam impedire, ne vim acquirat, si ergò illud potest consuetudo, quare non hoc Desuetudo?

21. In hoc verò conveniunt ferè DD. Usus Populi, non idèò requiri ad legis valorem, quia Populus Jus habeat suprâ legislatorum, vel Principem; sed quia Princeps ipse, ac legislator ea conditione legem ferre censendus est, ut ea minimè liget, nisi à Populo usu recipiatur; nè occasio, & aditus aperiatur ad peccata, & lex, quæ ad commune bonum promulgatur, in magnam cedat Communitatis perniciem.

22. Quòd si Princeps, eâ conditione legem ferre, non intendat, immò expressè declaret, se omninò velle obligare quocunque non usu, vel desuetudine non obstante: adhuc lex non obligabit. Non enim habet Princeps auctoritatem in destructionem, sed in ædificationem. Quare dùm hujusmodi conditiones apponuntur, comminatoriè potius, quàm præceptivè, intelli-

telligendæ sunt; ut scilicet ipsis ad observantiam subditi excitentur. Id tamen Jure limitandum est.

23. Ac primò. Si lex manifestam contineat utilitatem, omninò peccant, qui usu illam non recipiunt, de quò dubium esse non potest. Non usu tamen invalescente, ceteri non peccant, legem non observando, quæ adhuc non obligat.

Si autem lex non adeò manifestam contineat utilitatem, sed aliàs iusta sit, utilis, & ad commune bonum ordinata; licet non adeò necessaria sit, vel bono communi alià viâ possit commodè provideri, aut quid simile. Peccant item primi non recipientes usu legem absque causa; quia in se iusta est, ac rationabilis.

24. Quòd si aliquà rationabili causâ moveantur, neque primi peccabunt. Quòd tamen, limitat Azor. *p. 1. lib. 5. cap. 4. quest. 5.* asserens, quòd primi, qui frangunt, non peccant, id sciente legislatore, & non puniente, cùm possit, commodè punire, quamvis peccent, ignorante Principe desuetu-

dinem, aut sciente, & non puniente, quia punire commodè, nequit.

Ego tamen hujus limitationis non video rationem, quam nec ibi affert Azor. Immo ratio contrarium videtur convincere. Quòd enim Princeps sciat, & puniat, vel non, merè per accidens ad non usum actum se habet, quantum ad culpam, & peccatum incurrendum. Peccatum enim, incurritur in ipso actu; scientia verò, & punitio actum subsequuntur. Scientia ergo vel ignorantia Principis nò potest, actum reddere culpabilem, qui jam præcessit, nisi aliundè culpa proveniat. Alium certè habet effectum scientia, vel ignorantia Principis, quem mox explicabimus.

25. Secundò: quòd, ut non usus dicatur sufficienter introductus, ità ut ceteri bona fide, & absque culpa, legem possint, non servare, manifestam adhuc utilitatem continentem, vel absque legitima causa non receptam: sufficiunt duo, vel tres actus, legislatore sciente, & non puniente, cùm

cum possit commodè, ut docent apud Dian. p.1. tractat.10.de leg.resol.7.plures DD. Et ratio est, quia tunc videtur jam legislator implicitè consentire non usui. Immò addunt, sufficere, quòd huiusmodi actus eliciantur, scientibus Auditoribus Regiis, vel Episcopis respectivè, ut ibidem videre est. Quod etiam ostendit ratio. Auditores enim, aliique supremi Iudices, & Ministri, Personam gerunt, & vices Principis, qui ubiquè esse, non potest, nec omnia noscere; undè, & quæ per ipsos fiunt, à Principe facta censentur. Idem dic de Episcopis, quòd ad Pont.Constit. ipsis enim earum observantia incumbere videtur.

At quandò, nesciente Principe, aut non puniente, quia commodè non potest, lex usu non recipitur; non solùm duos, vel tres actus, sed plures, puto, requiri, ut non usus censeatur sufficienter introductus, & cæteri non servantes legem excusentur. Et hoc idèd, quia cum usus in ordine ad Còmmunitatem, & multitudinè

dicatur, absolutè nò videtur aliquid esse in usu per hoc, quòd unus, vel alter id agat; benè verò quandò plures agunt. Quòd autem, sciente Principe, duo, vel tres actus sufficiant, id non est, quia tales actus ad usum sint sufficientes; verùm, quia ipsis accedit Principis consensus; qui si expressus esset, nullo etiam actu præexistente, lex non obligaret, per tales verò actus habetur ipsius Principis consensus implicitus.

Prudentis autem erit, judicare in huiusmodi casibus quandò lex censenda sit usu non recepta, scèd non usus contrà illam sufficienter introductus; Non enim regula generalis dari potest. Verum tamen est, quòd stantibus his, adhuc limitandum puto; Ità ut, si lex præcipiat, vel prohibeat aliquid, quod frequenter usu veniat; ac perindè sit etià frequens occasio legem servandi, vel transgrediendi, omnia benè dicta sint: Si autem rarò sit occasio, pauciores etiam actus ad nò usum sufficiant, & fortè in aliquo casu duo, vel tres, etiam Principe ignorante: puta, si occasio

vix

vix esset, semel, aut bis in anno: Quod pariter æquè, Prudentis erit, judicare.

26. Tertiò norandum; sufficere ad non usum, quòd major pars communitatis non servet, licet aliqui servant, nec facit, si legem servant, ut dicunt, sanior sit pars, licet minor. Lex enim, ut ait D. Paulus 1. ad Timoth. 1. *Iusto non est posita, sed injustis*: Undè, & S. Th. p. 2. q. 96. art. 2. docet, quòd *cùm lex humana ponatur multitudini hominum, in quâ major pars est hominum non perfectorum virtute, idè non prohibet omnia vitia, sed solum graviora, à quibus possibile est, majorem partem multitudinis abstinere: alioquin imperfecti, præcepta ferre non valentes in pejora mala prorumperent*. Sufficit ergò indistinctè, quòd major pars Communitatis, quæcunque illa sit, legem non servet. Et intellige de majori parte non absolutè, sed ex his; qui actus circa legis materiã eliciunt, ut scilicet plures sint illi, qui non servant, quàm illi, qui servant legē, quamvis reliqua multitudo excedens indifferenter se habeat.

Et similiter de majori parte cujuscunque Populi particularis, ità ut, etiamsi lex v. gr. sit à pluribus Civitatibus usu recepta, & in una Civitate major pars illam non servet, pro illa non recepta dici debet. Vide Cabrinum Eluc. Cas. Reserv. p. 2. annot. 7. ad primuncasum, ubi ex aliorum DD. sententia docet, Episcopale Edictum non obligare in aliqua Paroecia, si à majori parte in illa receptum non sit, quamvis in reliquis observetur. Immo addit Sylv. V. Lex, quòd ubicunque lex generalis recipitur in usu à certo genere Personarum, ab alio verò non; non recipientes non peccant, saltem per longa tempora; secus autem, si in eodem genere major pars recipit; quod valdè norandum.

27. Hic autem dubium excitat Azor. & post illum Diana p. 1. tract. 10. de leg. resol. 3. An quandò dubium est, an lex sit usu recepta, nec nò, præsumendum sit, esse acceptatam? Quamvis autem Azor. negativā partem amplectatur; probabilius omninò est affirmativa, quam

quam sustinet Cabrinus cum aliis apud ipsum loco citato in resol. pro incidentibus. Quia pro lege stat possessio, & præsumptio. Eò vel maximè, quòd lex jam legitimè promulgata supponitur, Populique acceptatio, non stricto jure, sed interdù legislatoris benignitate, ad ejus requiritur actuale obligationem, ut prænotavimus.

28. Quartò advertendum; Non esse omninò idè legem usu non receptam carere vi obligandi, & abrogari, seù desinere. Quidquid enim alii dicant, rationabile satis videtur, quòd asserit Azor. p. 1. lib. 5. cap. 4. Quòd nempè, licèt non usus impediatur legem, ne obliget, nullatenùs tamen illam tollit, nisi post decennium. Ità ut intrà decennium possit adhuc lex usu recipi, & legislator, cogere ad ejus observantiam, pœnas etiam infligendo absque nova constitutione, aut legis promulgatione. At decennio continuatè per non usum transacto, lex omninò cesset, nec possit jure Principis, ad ejus observantiam

compellere, nisi noviter legem condatur. Quamvis enim jure nulla sit in hoc sancita præscriptio: cum tamen jus habeat Princeps, lege promulgata, compellendi populum ad observantiam, rationabile quidem non videtur, statim ipsum jure suo privari ex simplici populi non acceptatione: Undè rationabiliter dicta præscriptio assignatur juxtà communè præscriptionù legem. Quidquid autem sit; Communis est sententia, in quà utriusque partis Authores conveniunt: Etiam intrà decennium legem non obligare, si usu recepta non sit.

29. Aliqua nihilominùs pro pleniori notitia hic addere libet. Ac primò, legem usu non receptā, etiam per duos, vel tres actus, Principe sciente, & non puniente, cum possit commodè, pro abrogata jam haberi, ut benè notat Azor. loco citato, & Diana resol. 7. Et hoc quidem, non vi consuetudinis, sed tacita ipsius Principis abrogatione. Immo idem, puto dicendum etiam si Princeps, commodè punire nequeat, dummodò sciens

sciens nullatenus reclamet; Cùm enim possit, commodè reclamare, sicque suam manifestare voluntatem, si taceat, jam non usui consentire videtur.

30. Verum tamen est, quòd cùm Benignitas maximè Principem deceat, non semper est necesse, ut quà potest, vi subditos adigat. Poterit ergò, aliquando à punitione prudenter abstinere, ac sola reclamatione in suo robore sustinere legem; Si ergò, vel punire commodè, nequeat, vel Clementiæ suasu, non debeat, & contrà non usum reclamet. Ipsa reclamatione erit, veluti nova legis promulgatio, Ità ut primi contrà legem agentes post Principis reclamationem peccent, proportionem servata, secundùm hucusque dicta, & decennium pro abolitione legis, non à prima promulgatione, sed à primo non usu post reclamationem computari debet: per ipsam enim interruptitur præscriptionis tempus. Transactò autem decennio in continuo nō usu, etiam nesciente Principe, lex penitus cessat,

nec ipse jus ampliùs habet compellendi subditos ad observantiam, nisi de novo legem condatur: tenetur enim invigilare, ut lex recipiatur, ac observetur, quòd si non fecerit, sibi imputet. Quæ omnia limita juxta dicenda §. seq. de consuetudine.

31. Ex quibus manifestè apparet, multò magis licere populo, supplicationem super aliquà lege porrigere, ac interim suspendere obligationem, illamque non observare, ut benè cùm aliis docet Diana resol. 6.

32. Quid verò agendum, si populus nunquam legem observet, ac Princeps, quantum potest, transgressores puniat, vel certè reclamet. Dicendum, quòd si lex manifestam contineat utilitatem, manifestum est quoque, omnes transgressores peccare, sicut pariter, si absque rationabili causa nolint servare legem, quamvis non adeò manifestam continentem utilitatem. Nescio tamen, quid dicam in casu, quo lex justa esset in se, & nihilominus justa quoque ratione populus illam non reciperet.

* Pono casum . Ex justâ , & urgente necessitate lata est lex , nè ullus post messem , ac trituram in Prædiis triticum relinquat , sed totum ad Civitatem transportet ; eò quia plures cum damno abundantiae Civitatis alio transmittabant . Reclamat populus , nec vult , hujusmodi legi subjacere , & quidem justa ex causa , eam nempe , quia dispendium ex illa pateretur ; Cum iterum , & pro semine , & pro Colonorum victu , immo , & ipsorum Dominorum pro tempore , quo in ipsis prædiis habitare soleat , transferre cogerentur . At non obstante Civium incommodo , quod communi cedere debet utilitati ; Lex in terminis justa est . Sed ex alia parte rationabiliter adhuc Cives insurgunt . Potest namque aliter Communitatis aequè , ac singulorum indemnitati provideri ; puta legem aliam ferendo sub certa poena , ut omnes exactè tritici notam assignent , quod in prædiis relinquant , ipsumque , nec seminare , nec aliàs insumere , liceat , absque Magistratus , vel Depu-

tatorum licentiâ , vel quid simile . Quid inquam , si Princeps , omnino primam legem , velit sustinere , populusque nolit , observare , quantumvis Principe reclamante . immo , & puniente ? Non audeo planè hac in re , certâ proferre sententiam .

Attamen videtur mihi , quòd ex una parte deberet Princeps , populo satisfacere ; non enim pro libito auctoritate uti , & clementiam magis , quàm vim , regere , debet . Cumque , ut prænotavimus , in ædificationem , non in destructionem à Deo potestatem acceperit ; puto , quòd graviter peccaret , tantæ commotionis , & peccati fomitem præbens . Eò vel maximè , quòd lata lex jam amplius justa non videtur , cum non sit necessaria , nec populo accomodata , immò inutilis , ac violenta . Nec indè à peccato populum excusarem ; debemus enim *Subditi esse Dominis , non tantum bonis , & moderatis , sed etiam disculis* , Principe Apostolorum dictante . Ferè namque species quædam esset rebellionis hujusmodi obstinata resistantia . Cum aliàs

aliās, ut suprà diximus ex S. Doct. teneantur subditi, etiam injustæ legi parere, suoque juri cedere, ad vitandum scandalum, ac turbationem. Sapientioribus, Prudentioribus, & Experientioribus meliorem hujus resolutionem relinquo.

33. Quid insuper, si populus nolens legi subiacere compellatur ad observantiam pœnis, ac metu? Dico quod ex hoc ipso lex incipit obligare in forò etiam conscientie. Non enim requiritur usus, ut lex vim habeat obligandi, tanquam à populi approbatione; sed nè lex, quæ ad commune bonum, & ædificationem tendere, debet, in destructionem cedat, ac ruinam. Quomocunque ergò, sive spontè, sive metu fervetur, ædificat, non destruit; ac proindè, obligare, incipit. Quod verum puto, etiam si major pars in occulto legē frangat, modò publicè observetur. Non enim privati, sed publici actus in populo usum inducunt; quare ex his, non ex illis ratio legis pensanda est. Publicos autem voco, qui faciliè innotescere possunt, quamvis legem frangens ad sui cautelam circumspectione utatur.

scere possunt, quamvis legem frangens ad sui cautelam circumspectione utatur.

Sequitur Sammarium.

34. *Cujuscunque legis transgressio ex contemptu peccatum est mortale.*

35. *Differentia inter Præceptum, Mandatum, & Consilium.*

36. *Quomodo cognoscendum, an lex præceptiva, mandativa, vel purè suasoria sit?*

37. *Materia valdè conducens ad finem gravis est, aliàs levis, in quo communis boni ratio habenda est.*

38. *Circumstantie quoque considerandæ sunt, & præcipuè finis.*

39. *Seculso contemptu, vel scandalali periculo, frequentia transgressionis de se venialis, non facit mortale peccatum.*

40. *Stante obligatione sub mortali, qualibet transgressio mortalis est, nisi parvitas materia à mortali excuset.*

41. *Lex obligat juxta communem consuetudinē, vel prudentum estimationem.*

Kkk 2 42. *Lex*

42. *Lex purè consultiva censenda est, vel ex ipsa qualitate materia, vel ex verbis legislatoris.*

43. *Si materia levis maneant, quibuscunque verbis lex feratur, non obligat sub mortali.*

44. *Dùm constat de intentione legislatoris obligandi sub mortali, aut veniali, ita lex obligat, modò materia, vel secundum se, vel ex circumstantiis gravis sit obligationis capax.*

45. *Idem dicendum, si de intentione legislatoris constet, & dubium sit, an materia sit capax.*

46. *Ubi de intentione legislatoris non constat, ex materia ipsa obligatio pensanda est.*

47. *Qua verba gravem, aut levem indicent obligationem.*

48. *Clausula, qua omninò intentionē obligandi sub mortali exprimunt.*

49. *Probabilius est, hanc, sub Præcepto, indicare gravem obligationem.*

50. *Quoties congruè lex intelligi potest, obligare sub veniali, non debet extendi ad mortale.*

34. **C**ùm autem lex, ut jam tetigimus, nō solūm Canonica, sed Civilis vim habeat obligandi adhuc in forō conscientiae. Videndum est, an, & quādo sub mortali obliget, vel veniali? Pro quo notanda sunt, quæ docet Sylv. V. Lex, & Præceptum. Quòd lex aliquando præcipit, aliquandò mandat, aliquandò consultit. Certū est autem, cuiuscunque legis transgressionem ex contemptu, peccatum esse mortale, præciso tamen contemptu, sub mortali non obligat, nisi lex præceptiva.

35. Est autem differentia inter præceptum, Mandatum, & Consilium. Quòd præceptum est motio Superioris, aut legis imperativa faciendi, vel omittendi aliquid ex debito, id est ex necessitate salutis. Mandatum verò est motio imperativa, quidem, sed non ex debito, sed necessitate, at ad melius esse. Consilium denique motio est, non imperativa; sed purè suasoria. Undè præceptū de se obligat sub mortali. Mandatum sub veniali; Consilium nullo

mo-

modo inducit obligationē, nisi ad summum in præparatione animi, si oporteret, ut benè advertit Sylv.

36. Sed nimis est difficile, cognoscere, quando lex præceptiva sit, mandativa, vel purè Suasoria. Nihilominus quòd fieri poterit, hic, quæ certiora sunt, clarè notabimus ex eodem Sylv. Sanchez. in Decal. lib. 6. cap. 4. Layman lib. 1. tract. 4. cap. 14. Sagro Clau. Reg. lib. 3. cap. 7.

Quatuor ergò consideranda sunt. Verba legis, Materia, Legislatoris intentio, & poena transgressoribus imposita. Et licèt aliter quidam sentiant, supponendum est, ut magis certum, ac verum posse legislatorem subveniali, aut etiam nullo peccato jubere materiam aliàs gravem, ut optimè probat Sanchez, eò vel maximè, quòd possit, nullo modo præcipere, aut legem ferre. Ex alia parte certum est, nō posse, materiam levem sub peccati gravis culpa præcipere; ac perindè valdè consideranda est materia.

37. Sed nota ex eodem Sanchez lib. 1. cap. 4. Quòd

licèt regula certa non possit assignari ad cognoscendum, quando sit materia gravis, aut levis; Undè potissimùm id prudentum arbitrio est relinquendum, nihilominus duplex tradi potest regula.

Prima, si Materia, quæcunque illa sit, multum cōducat ad finem ob quem à legislatore præcipitur, materia gravis erit, ac sufficiens ad cōstituendam transgressionem lethaliter peccaminosam: Si verò non multum conferat, levis erit. In quo præcipuè ratio habenda est boni communis, ad quod ultimatè lex omnis ordinari debet, ut vera, & iusta sit lex.

38. Secundò item ex circumstantiis pensanda est; potest enim quandoq; materia de se levis reputari gravis ratione alicujus circumstantiæ, ac præcipuè finis, ut dictum est in primâ, vel etiam ratione scandali, aut periculi vitandi, vel etiam contemptus præcipientis. V. G. si in aliqua Religione præceptū sit audiendi quòtidie sacrum, capax materia est gravis obligationis, etiam sub mortali: eò quia mul-

multum confert ad spiritua-
lem profectum, qui est finis
proximus Superioris, quo-
tidiana sacri audientia. Si
verò idem præceptum alicui
Seculari Universitati pone-
retur, cum hujus legisla-
toris finis bona Collegii mo-
deratio sit potius, quam
Spiritualis uniuscujusque
profectus; ad quam non vi-
detur adeò necessarium,
quòd quilibet sacrum quo-
tidie audiat, puto, quòd
non esset secundum se gra-
vis materia, nisi fortè aliun-
dè aggravaretur.

39. Licet autem Vas-
quez p. 2. disp. 158. cap. 4.
num. 6. cum aliis doceat,
frequentem præceptorum
transgressionem de se ve-
nialem fieri mortalem, quia
multum videtur obstare fini
legislatoris, ac proinde in-
materiam gravem transire.
Sanch. tamen lib. 6. cap. 4.
num. 21. id non probat, quia
nullus ex dictis actibus assi-
gnari potest, qui culpam
lethalè constituat, nec aliàs
ipsi uniuntur ad materiam
gravem constituendam, ut
benè in minimis furtis con-
tingit. Addit verò, & opti-
mè, quòd, si quis hujusmo-

di transgressionibus assue-
tus periculū advertat scan-
dali, vel majoris alterius
peccati, tunc sub mortali te-
netur, diligentiam adhibe-
re ad talem consuetudinem
extirpandam. Cæterum, se-
cluso scandalo, contemptu,
aut periculo, non video,
quomodò ità possit per fre-
quentiam aggravari pecca-
tum, ut de veniali fiat mor-
tale.

40. Nota insuper, quid-
quid aliqui minùs sanè asse-
rant. Quòd stante præcep-
ti obligatione sub mortali,
quamvis hic, & nunc una,
vel altera hujusmodi præ-
cepti transgressio non mul-
tùm bono communi, ac le-
gislatoris intentioni contra-
rietur; non ideò levis mate-
ria cēsenda est; modò trans-
gressio præcepti, ut sic gra-
ve damnum importet. V.C.
tempore famis, & pænuriæ
præceptum erit rigorosum,
nè quis frumentum extrà
Civitatem asportet; Certè
sub mortali obligat: quia
valdè conducit, immo ne-
cessarium est ad commune
bonum: Licet autem, quòd
Titius aliquantum frumen-
ti extrahat, non multum

no-

nóceat ; non indè tamen à mortali excusatur ; nisi fortè adeò parvā asportet quantitatem , quæ de se judicio prudentum parvitas materiæ judicanda sit ; & per cōsequens imperfecta præcepti transgressio ; aliàs enim verè Titius legem perfectè transgressus est , ac legem sub mortali obligantem , ad quod non requiritur , quòd singulorum observantia utilis valdè sit ad commune bonum per se divisim sumpta ; ut sic enim vix daretur lex obligans sub mortali ; Sed sufficit , quòd secūdum se , & in communi sit ad cōmune bonum utilis , ut singuli , sub gravi præcepto servare , teneantur .

41. His præmissis . Prima sit regula generalis . Quandò lex quæcunque illa sit , communi consuetudine , præsertim Ecclesiæ , aut prudentum æstimatione , intelligitur , obligare sub mortali , ità tenendum est . Et idem dic de veniali : Sicur pariter , si ut purè Consiliū communiter habeatur .

42. Præter hanc verò circa Consiliū nulla videtur mihi reguia certior dari

posse , nisi fortè de se pateat expressè ; puta si legislator verbis hujusmodi utatur , suademus , consulimus , aut æquipollentibus ; nec alia particula , vel circumstantia ponatur , quæ materiam eandem ad præceptum , vel mandatum trahat ; puta , si subderetur . Et volumus , ac mandamus , aut hujusmodi . Vel certè , nisi apertè constet , materiam non esse plùs quàm Consilii , etiam si verbis imperativis explicetur , ut in pluribus apparet Sac. Script. locis ; ut illud , *Vendite , quæ possidetis , & date eleemosinam . Si percusseris tè in una max illa , porrige , & alteram .*

43. Secunda regula . Quotiescunque juxtà prænotata materia parva , & levis rentanet , quibuscunque verbis , & sub quibus vis pœnis præcipiatur , non obligat ad mortale , quamvis id legislator intendat ; eò quia expressè dissonat rectæ rationi . Undè , & hujusmodi pœnæ tantum comminatoriæ censendæ sunt , nec aliter , quàm Comminatoriè illas imponere potest legislator , aliàs enim lex injusta ,

justa, & iniqua esset, ut notat benè Thesaurus de poenis p. 1. cap. 4. ac proindè, nec vim legis haberet. Ut enim ait August. lib. 1. de lib. Arbtr. cap. 5. *Lex esse non videtur, quæ justa non fuerit*. Et Layman libr. 1. tract. 5. p. 1. cap. 6. num. 2. Censuram nullam, & invalidam esse ob defectum justæ causæ; si videlicet ob nullam, vel levem, & non cōmensuratam culpam feratur. Et infrà meliùs explicabitur.

44. Tertia regula. Quando materia gravis est, vel ratione circumstantiarum, aut finis à legislatore intenti gravis effici potest juxtà dicta; & constat intentio legislatoris obligandi sub mortali, taliter obligabit; Et pariter si constet, nolle ipsum, plùs quàm ad veniale obligare.

45. Quarta. Si constet intentio legislatoris obligandi sub mortali; & dubium sit, an materia sit gravis obligationis capax; censenda est capax; & lex obligat sub mortali; Quia ut optimè notat Sanchez loco citato n. 46. Tenetur subdi-

tus, judicio stare Superioris, nisi oppositum constat.

46. Quinta. Si de intentione legislatoris non constet, pensanda erit legis obligatio potissimū ex materia; ità ut, si gravis sit, censeatur sub mortali obligare; & sub veniali, si multum non sit gravis.

47. Porro legislatoris intentio ex duplici capite maximè colligi potest. Primò quidè ex verbis. Pro quo nora breviter, quòd verba sunt in multiplici differentia. Quædam enim de se præceptum important, ut Præcipio, Jubeo, Impero, Edico, Jungo, Prohibeo, Inhibeo, Veto, Interdico, & etiam Mando.

Alia sunt æquipollentia præcepto, ut Debet, Oportet licet de utroque sit difficultas; & Sanchez æstimet, Verbum, *Oportet* absolutè non significare præceptum; & similiter *Debet*; quandoque præceptum non significat. Hoc autem putat Sanchez in triplici tantum casu. Primò. Si indè sequeretur absurdus intellectus, vel alterius Juris correctio. Secùdò; quando lex principa-

liter

liter est in favorem ejus, cui mandatur. Tertiò, quando illi adjungitur particula importans consilium, puta, *humiliter Debet*.

Item præcepto æquipollent, Obligentur, Teneantur, Necessariò, Non liceat, Non potest, & similia. Verba verò simpliciter Imperativi modi, ut Facite, Faciant, ex Clement. Exivi de Paradiso §. item quia, ver. Nos itaque, de verborum significatione, expressè habetur, neque continere præceptum, nec ei æquipollere; Undè benè ait Sanchez, in his attendendam esse consuetudinem, ità ut præceptum importent, vel Consilium juxta modum, quo consueverunt accipi, vel intelligi in tali lege. Quòd si nil constet de usu, materia spectanda erit; sed ut plurimum præceptiva non erunt, sed ad summum mandativa.

Sunt denique Verba communia, ut Ordinamus, Statuimus, Volumus, Intendimus; Sancimus, Decernimus, quæ nullam obligationem, putat, inducere, Sanchez; Sed verius alii volunt importare obligationem sal-

tèr sub veniali, ad differentiam Verborum de puro Consilio, ut Monemus, Hortamur, Suademus.

48. Certum est ergò in primis, quòd, quibuscumque Verbis feratur lex, si addatur aliquid clarè intentionem significans legislatoris obligandi sub mortali, taliter obligabit. Hujusmodi autem sunt. In Virtute S. Obedientiæ, vel Jurisjurandi præstiti, aut Voti facti. Item; In Virtute Spiritus Sancti, in Nomine, & Virtute Jesu. Non enim videtur probabile, gravibus his verbis uti legislatorè, nisi gravem intendat, inducere obligationem. Item sub interminatione gehennæ, vel Divini Judicii. Sub poenæ maledictionis æternæ, Indignationis Dei, vel Apostolorum, & hujusmodi, quibus præcipuè Superiores Ecclesiastici uti solent.

Et addit Sanchez, quòd, etiam si nequeat, nisi ineptè, Superior jurisdictione carens Spirituali, talibus uti formulis, adhuc tamen, si aliquid ità præcipiat, obligabit sub mortali; quia signum evidens esset, velle;

secundum totam suam potestatem obligare.

Item omnino dicendum est de quocunque Superiore jubente aliquid cum addito, strictè, arctè, aut simili; Quæ omnia vera sunt, stante semper materia capaci tantæ obligationis.

49. Dubium est. An quando in lege ponitur, *sub præcepto*, puta, *Jubemus*, & *injungimus sub præcepto*, ipso facto inducat obligationem sub mortali. Negat Sanchez, eo quia præcepti, nomen est commune ad præceptum obligans sub mortali, & sub veniali; Quod quidem Cajetan. etiam ait V. præceptum. Sylv. autem ut supra notavimus, præceptum intelligit, quod sub mortali obligat, quod enim tantum obligat sub veniali, mandatum nominat; Undè quod sub præcepto jubetur, sub mortali obligabit.

Quamvis improbabilis non sit sententia Sanchez; puto longè probabilius, talem formulam evidens esse signum obligationis sub mortali. Tùm quia, licet verum sit, Nomen Præceptum stare posse pro obligā-

te sub mortali, & veniali; antonomasticè tamen exprimit præceptum obligans sub mortali; ut subdit ibi Cajetan. Et S. Doct. p. 2. q. 99. art. 5. expressè docet; Propriè præcepta dici, quæ præcisè aliquid præcipiunt, vel prohibent, ut absolute debitum, quæ verò præcipiunt, vel prohibent aliquid, non ut præcisè debitum, sed propter melius, dici mandata. Tùm quia addens legislator hanc particulam, videtur certè, aliquam inducere, velle, majorem obligationem, quam si simpliciter præciperet: Constat autem quod simpliciter præcipiens obligat sub veniali. Undè majori vi mandans sub præcepto, videtur, velle sub mortali obligare ad legis observantiam. Et quidem apud me potius est, dicere, *Jubeo sub præcepto*, quam dicere, *strictè jubeo*: Et ipse Sanchez tenet de hoc, signum esse obligationis sub mortali.

50. Cæterum, cum sæpè Jura, significata confundant, ut advertit Sylv. ac multoties verbis præceptivis utantur in mandatis, & com-

communibus in præceptis ; Extrà hujusmodi arctiores formulas, quamvis lex aliis præceptivis utatur verbis, judicanda est, non ampliùs, quàm ad veniale obligare, cum semper leges benignè interpretandæ sint, ubi non constar de intentione legislatoris ; & verba etiam præceptiva ex usu communia sint ad præceptum sub mortali, & sub veniali. Undè benè docet Sayrus Clau. Reg. & cum illo Diana p. 3. tract. 6. resol. 74. Quoties verba legis intelligi possunt sub veniali, non deberi ad mortalem obligationem extendi. Et Molina tom. 3. disp. 674. n. 6. & seq. apud ipsum Dianam p. 1. tract. 10. Resol. 25. probabile, ait, in dubio, an lex obliget sub mortali, an sub veniali, obligari tantùm sub veniali.

Optime item docet Cajet. V. Præceptum. Quòd legis præcipuè Ecclesiastica intentio est, non injicere laqueos animabus, sed ad edificationem Corporis Christi Mystici promoveri. Et hinc fit, ut non tam lata multitudo præceptorum obligantium ad mortale in Jure interpretanda sit,

nè laqueus multiplicatus contrà Animas censeatur. Quæ intellige, modò ad aliter judicandum gravitas materiæ non urgeat, aut consuetudo interpretandi legem, vel communis DD. sententia, vel denique appposita pœna, de quâ statim.

Sequitur Summarium.

51. *Lex triplex, Præceptiva, Pœnalis, & Mistæ.*
52. *Pœna alia spirituales, alia temporales, alia graves, alia leves.*
53. *Alia sunt lata sententiæ, alia ferendæ.*
54. *Spirituales pœna, quæ graves, quæ leves.*
55. *Item Temporales.*
56. *Lex præcipiens sub gravi pœna, obligat sub mortali.*
57. *Si autem ad pœnam prærequirat monitionem, non est signum evidens obligationis sub mortali.*
58. *Postmonitionem aggravatur materia, quæ de se non esset adeò gravis.*
59. *Sapè graves pœna comminatoriæ sunt, nec indicant obligationem sub mortali.*
60. *Quomodò gravis pœna jussè infligatur Carcerem.*

frangentibus, fugiendi causa ?

61. *Pœna gravis temporalis disjunctivè imposita non est signū obligationis sub mortali.*
62. *Nec etiam, si non per modum pœnæ, sed prætii, vel conventionis imponatur.*
63. *Levis pœna nunquam est signum gravis culpæ.*
64. *Dari non potest lex purè pœnalis excommunicationē majorem infligens, sed hoc ipso præceptiva est.*
65. *Lex purè pœnalis nullam aliam supponens ad culpam non obligat.*
66. *Leges benigniùs interpretandæ sunt.*
67. *Votum purè pœnale non ad culpam, sed solam pœnā obligat.*
68. *Idem dicendum etiam de pœnis spiritualibus, excepta majori excommunicatione.*
69. *In praxi nunquam, vel rarò, pœna gravis, etiam temporalis, incurritur absque culpâ exceptâ pœna pecuniaria.*
70. *Immo, nec ipsa pœna pecuniaria.*
71. *Lex purè pœnalis aliam*

supponens, obligat ad gravem, vel levem culpam juxta pœna qualitatem.

72. *Potest lex humana, obligare in foro conscientie antè sententiam Judicis ad pœnam passivam, seu privativam.*
73. *Hoc autem, nisi aliter in Jure disponatur.*
74. *Secùs dicendum de pœnâ activâ requirète propriam puniendi actionem, nisi forte sit quid leve.*
75. *Illam tamen subire, tenetur Reus, post sententiam Judicis, dum actio commodiùs ab ipso Reo exercetur.*
76. *Secùs dum actio commodiùs à Judice, vel Ministris.*
77. *Violentam, & gravem pœnam, Judex, præcipere, non potest, ut sibi Reus inferat.*
78. *Iniquè ageret Judex, præcipiendo Filio, ut Parenti necem inferret; Neque potest quis, ad acerbiorē vitandam, sibi, vel Parenti mitiorem inferre.*
79. *Judex inferior tenetur, pœnam à lege taxatam imponere; Superior verò ex rationabili causa potest, in toto, vel in parte remittere.*

51. **N**otandum priùs, quòd lex triplex est, alia præceptiva, quæ simpliciter aliquid imperat, vel prohibet, puta, Non occides. Alia purè poenalis, quæ nihil præcipit, sed simpliciter poenam injungit, puta, occidens alium capite plestatur. Alia deniquè mixta, quæ aliquid præcipit sub certâ poena, puta; Nullus arma portare præsumat sub poena capitis.

52. Nota item, quòd poenæ aliæ sunt spirituales, ut excommunicatio, aliæque Ecclesiasticæ censuræ. Aliæ temporales, ut poena mortis, flagellationis, privationis bonorum temporalium. Et ex utrisque aliæ sunt graves, aliæ leves.

53. Item aliæ sunt latæ sententiæ, cum lex præcipit, ut statim absque alia Judicis sententiâ transgressor poenam incurrat: Quæ solent ferri. V. G. Qui id fecerit, sit ipso facto, ipso jure, vel eo ipso excommunicatus; vel nunc, pro tunc excommunicamus; vel statim excommunicatus existat, aut quid simile. Et præcipuè, ut notat Thesaurus de Poe-

nis p. 1. cap. 3. Verbum *Incurrere*, quomodocunq; ponatur, denotat latam sententiam, eò quia de se Verbum est directum, hoc est directè poenam importans, nec requirens factum, vel opus hominis.

Aliæ verò sunt poenæ ferendæ sententiæ, dùm lex poenam taxat infligendam per sententiam Judicis, cujusmodi sunt, ut plurimum, omnes poenæ, dùm lex prædictas clausulas; latam sententiam indicantes non apponit. Dixi autem, ut plurimum, quia, ut ibidem, notat Thesaurus, aliquando poena verbis obliquis, vel communibus imposita, est latæ sententiæ, quia ex aliquo alio addito ipsa Verba determinantur, seu trahuntur ad sensum directum. Quòd, si dubium occurrat, an aliqua poena sit latæ, vel ferendæ sententiæ, debet intelligi, esse ferendæ juxta regulam Juris. *In pœnis benignior est interpretatio facienda.*

54. Porro spirituales poenæ graves sunt, in primis Excommunicatio Major, & in veriori sententia etiam
su-

suspenſio, Interdictum, & Irregularitas, quando, ut pœna delicti, infligitur. A fortiori graves erunt Depoſitio, & Degradatio. Item privatio Eccleſiaſtica Sepultura. De privatione vocis dic, ut infrà de pœnis temporalibus.

Pœnæ verò ſpirituales leves ſunt, excommunicatio minor, & ſuſpenſio, ac Interdictum alicujus ſpecialis actus ad breve tempus. Ubi nota, quòd Suſpenſio, & Interdictum duo requirunt, ut leves pœnæ cenſeantur, primò, quod non ſint generales, puta ſuſpenſio ab omni ſpirituali Officio, vel ab omni Eccleſiaſtico Beneficio, & multò magis ab utroque ſimul, ſed tantùm ab aliquo actu particulari, puta à Collatione Ordinum, vel ab aliqua diſtributione. Secundùm, quòd etiam hujusmodi ſuſpenſio partialis, vel Interdictum ab aliquo actu, puta à ſuſceptione Eucharistiæ, non ſit perpetua, ſed ad breve tempus: aliàs graves eſſent pœnæ.

55. Temporales pœnæ graves ſunt, Mortis, Mutilationis, Publicæ infamiæ,

Flagellationis, ex quâ publica oriatur infamia, damnationis ad Triremes, Exilii perpetui, vel ad tam longum tempus, ut ferè perpetuum reputetur. Idem dic de perpetuo Carcere, vel ad longum tempus; Conſiſcationis, vel amiſſionis omnium bonorum, aut maxime ipſorum partis. Idem dicerem de aliquibus pœnis pecuniariis magnæ ſummæ. Item pœna Carceris etiam ad breve tempus gravis pœna cenſenda eſt in Communitatibus, in quibus pro magno habetur dedecore; ut in Religionibus; Quibus omnibus addo privationem ſuffragii, ſeu vocis activæ, vel paſſivæ, & multò magis utriuſque ſimul, etiam quoad ſæcularia; & intellige de abſoluta privatione, non pro una, vel altera vice. Demùm gravis etiam pœna eſt privatio Beneficiorum, & Amiſſio publici muneris, ac Miniſterii. quod limitat Sanchez, quandò tale Munus eſt Magni momenti, ut inde gravis infamia oriatur; Et ego addo etiam quoad Beneficia, quandò ſunt beneficia, ſeu Mini-

Ministeria tanti emolumentum, ut privatus grave subeat incommodum, ac proinde talis privatio æquivalet gravi poenæ pecuniariæ.

Leves poenæ temporales erunt Carcer, vel Exilium, ad breve tempus; pecuniaria non magnæ summæ; Privatio beneficii, vel muneris non magni momenti; Sic Vocis pro unâ, vel alterâ vice. Quæ omnia, prudentis erit, in singulis casibus ponderare secundum exigentiam circumstantiarum: His positis.

56. Dicendum primò. Quotiescunque lex aliquid præcipit sub gravi poena, si-
vè spiritali, si-
vè temporali, si-
vè latæ, si-
vè ferendæ
sententiæ, obligat sub mortali. Cùm enim poena pro sola culpa infligatur, illique proportionari debeat, injusta, & iniqua esset lex, quæ pro levi, ac veniali culpa gravem poenam infligeret. Nec aliquid facit, quòd poena sit ferendæ sententiæ, nam statim post transgressionem absque aliâ culpâ justè infligi potest à Judice, non autem justè, si culpæ non esset poena commensurata.

57. Verum tamen est, quòd, si lex ad poenam infligendâ prærequireret monitionem, vel etiam si explicitè id lex non statueret; communis DD. sententia, ita legem intelligeret; tunc signum evidens non esset, legis transgressionem esse lethalem, nisi post monitionem, sed absolute gravis, aut levis judicanda esset juxta regulas traditas, præcipue ex materiâ.

58. Ubi nota, quòd materia, quæ de se gravis admodum non est, ac perinde gravis poenæ incapax, gravis, & capax redditur post monitionem, quia non obtemperans, monitioni resistendo, Superiorem, & legem contemnere videtur, vel certè, licèt ex parte ipsius contemptus formalis non sit, ejus tamen inobedientia in legis, ac Superioris majorem cedit contemptum, & aliorum scandalum.

59. Ex quibus colligit Sanchez num. 53. sæpè excusari à mortali Clericos, quibus, passim Judex Ecclesiasticus, sub excommunicationis poena aliqua præcipit,

pit, quæ admodum gravia non sunt, nec necessaria, ut precibus interesse, coram se comparere, & similia, talesque comminationes potius esse ad terrorem.

60. Quod si, ut alicui objectioni satisfaciamus, flagellationis poena v. gr., quam inter graves connumeravimus, vel fortè alia etiam gravior, justè reis imponatur effringentibus carceres fugiendi causa; Cùm tamen probabilis opinio illos à culpa excuset, de quo non est hic nobis disputandum; Id est, vel quia lex in talibus culpam supponit, vel quia sequitur opinionem asserentem, esse culpam lethalem. Vel deniquè, fortè melius, quia, & si talis poena sivè culpa infligatur, non tamen sinè justà causa, puta in præsidium, actu tamen publicæ custodiæ, quod utique fieri potest, teste D. Thom. 2. 2. q. 108. art. 4. & regula, sinè culpa, de reg. juris in 6. Hujusmodi tamè poenā, quæ culpam non supponit, propriè poena non est, sed poenalitas quædā ad commune bonum justè taxata, ut infra statim expli-

cabimus. Cæterum dùm lex aliquid præcipit, & transgressionem gravem poenam statuit, cùm ex hoc ipso, quod præcipit, ad culpam obliget, ex gravi poena, gravis quoque culpa manifestè colligitur.

61. Conclusio ista de spiritali poena universaliter vera est. De temporali verò duplicè patitur exceptionem, seu potius explicationem. Et primò potest lex aliqua disjunctivè ferri, puta faciat hoc, vel tale. subeat poenam. Tunc ergò licèt poena sit gravis, non indè gravis culpa colligitur, immò nulla ex vi talis legis, ut enim habetur in regula; 1. in alternativis de reg. juris in 6. *In alternativis electio est debitoris, & sufficit alterum adimpleri*, quare subditus pro libito poterit, vel opus injunctum implere, vel poenam subire. Et intelligite, ex vi talis legis; nam, si aliàs poena in infamiam eederet, vel grave damnum corporis, puta mutilationis, jam ex hoc ipso contra naturæ legem peccaret, quā suam famam, & corpus, quisque servare, tenetur.

62. Secundò excipitur: Si pœna imponeretur, non per modum pœnæ, sed potius per modum pretii, vel conventionis, puta, si quis equitare voluerit, tantùm solvar; tunc enim pœna nullius culpæ signum est, nec pœna propriè dici potest. Quare duplex hæc limitatio videtur, solùm in pecuniariis locum habere; & juxta mox dicta conclusio universalis erit, etiam quoad pœnas temporales, quæ verè pœnæ sint; nam utraqùe hæc pœna propriè pœna nō est, prima siquidē, pœnalitas quædam erit; secunda pretium ex conventionē inter Principem, & Subditos.

63. Dicendum secundò; Pœnam levem, quæcunque illa sit, nunquam signum esse gravis culpæ, sed levis, aut nullius juxta doctrinam in explicatione præced. Conclus. traditam, & infra tradendam circà quartam.

64. Dicendum tertio. Dari non posse legem purè pœnalem, quæ pœnam Excommunicationis majoris infligat. Quare, licet aliquandò legis pœnalis modo promulgetur; ex hoc ipso etiam

præceptiva est; Quia Excommunicationis majoris peccatum omninò mortale supponit; ergò lex pœnā Excommunicationis majoris imponens, vel jam lethaliter criminofum supponit opus, vel sub præcepto prohibet, ita ut ipsum eliciens mortaliter peccet; puta, si lex talis esset. Qui arma portaverit, excommunicatur; ex hoc ipso prohiberet sub mortali armorum delationem. Et idem dic de præcipiente aliquid sub Excommunicatione.

65. Dicendum quartò. Lex purè pœnalis nullam aliam supponens ad nullam culpam obligat. Probatur ista Conclusio. Possunt dari, & defactò dantur hujusmodi leges purè pœnales ad nullam culpam obligantes, ut patet de Constitutionibus Ordinis Prædicatorum, & in sententia probabili de lege pœnam statuente Reis ad fugiendum, Carcerem effringentibus: ergò defactò tales sunt omnes leges, quæ nihil præcipiunt, vel prohibent. Probatur consequentia; Nam lex intantum obligat, inquantum

legislator intendit, ut *suprà* notavimus; at hoc ipso, quòd legislator solam pœnam statuat, manifesta videtur ejus intentio nō obligandi ad culpam, sed ad solam pœnam; ergò talis lex non aliter obligat. Probat minor. Nam, ut modò supponimus, ejus intentio ad culpam obligandi non constat; si enim constaret, nulla esset difficultas; sed potuit, ac defactò, ut plurimum, ità contingit; uti verbis præceptivis obligationem ad culpam indicantibus; ergò, si talibus usus non est, sed solis pœnam exprimentibus, manifesta videtur ejus intentio non obligandi ad culpam, sed ad solam pœnam.

66. Eò vel maximè, quòd leges benigniùs interpretandæ sunt, præcipuè, dùm nil incommodi commune bonum indè patitur; & ut *suprà* ex Cajet. notavimus, cùm quo sentit Armilla. Nōn tam lata præceptorum ad mortale peccatum obligantium in Jure, facienda est interpretatio, nè laqueus multiplex Animabus paretur.

67. Adde, quòd Votum, quod lex particularis est, & generali conformatur, si purè sit pœnale, non ad culpam, sed ad solam pœnam obligat, puta, Vovens, non manducaturum eà die, si luserit, ludendo, non peccat, contrà Votum admittens, tenetur benè, illà die abstinere.

68. Et quidem hæc omnia intelligo de pœnis etiã spiritualibus, exceptà majori Excommunicatione; alię siquidem, puta Suspendio, Interdictum, Irregularitas, solà veniali culpà incurri possunt, ut benè docet Cajet. 2. 2. q. 186. art. 9. c. circa solutionem secundi argumenti, & in summa V. Præcepti transgressio; licèt Sanchez asserat, & nos cùm illo, graves, & gravissimas esse pœnas; ac proindè, cùm, ut pœnæ imponuntur, nisi pro gravi culpa, nequeunt imponi. Cùm autem non ità essentialiter mortalem culpam supponant, nil obstat, quin etiam absque culpa imponantur; non quidem, ut pœnæ, sed ut pœnalitates ad publicū bonum, ut de temporalibus di-

dictum est. Hæc quoad doctrinam, & ex vi legis purè poenalis.

69. In praxi tamen, putò nunquam, vel rarò gravem incurri poenam, etiam temporalem absque lethali culpâ, quantumvis purè sit poenalis lex illam infligens. Nam graves poenæ, vel grave damnum Animæ, vel Corporis, vel famæ secùm afferunt, ut patet, discurrendo per singulas, exceptâ pecuniariâ, quam faciliùs, crederem, posse incurri sine culpâ. Nemo autem absque gravi culpâ voluntariè potest, se gravi damno Animæ, Corporis, aut famæ subijcere. Excipi quoque fortè potest Irregularitas respectu Sæcularium, vel Clericorum non in sacris. His enim non videtur Irregularitas tam grave dedecus afferre, nec ex alia parte susceptionem impedit sacramentorum, præter ordinem. In constitutis autem in sacris non parva censetur ignominia, cum jam irrevocabili-ter Ecclesiasticæ sint militiæ adstricti; ab executione suorum ordinum, & majorum susceptione impediri.

70. Addo insuper de poenâ pecuniariâ duplicem limitationem. Primam quidem, si quis Filios, aut Parentes habeat, quibus jure subvenire, teneatur, ac ex hujusmodi poenâ grave ipsis quoque proveniret incommodum. Secundam ex naturâ ipsius actus; licet absolute sit bonorum Dominus, non tamen ipsi licet, bona sibi à Domino Dominorū credita prodigaliter dissipare.

71. Dicendum quintò. Lex etiam in se purè poenalis aliam tamen legem supponens, obligat ad gravem, seu levem culpâ juxta poenæ qualitatē, vel potiùs talis obligationis in lege, quam supponit, signum est. V. G. lex est prohibens armorum delationem, accedit postmodum alia lex præcisè poenam statuens armis portantibus; siquidem hæc poena gravis est, puta, mortis, exilii perpetui, designat legem prohibentem obligare sub mortali. Quòd, etsi priùs dicta lex fortè acciperetur, tanquam nō obligans plùs, quàm ad veniale; per adventū legis gravem po-

nam statuentis, ejus ampliatur obligatio. Et hoc ideo quia hæc nova lex est modificatio prioris, cui poenam adjungit, quare injusta esset, si levi culpæ gravem taxaret poenam. Si vero poena levis imponatur, ex vi legis tantum venialem induceret obligationem, nisi aliunde juxta regulas traditas obligaret sub mortali. Poena siquidem non debet culpam excedere: nil tamen obstat, quin possit benignè legislator, pro culpa etiam gravi levem taxare poenam.

72. Ex quò autem jam plura dicta sunt de lege poenali, aliqua hic addamus quæ de eadem tradi solent. Et primò queritur. An lex poenalis latæ sententiæ obliget in foro cōscientiæ Transgressorem ad subeundam poenam, etiam antè Judicis sententiam? Ad quod respondetur breviter cum Gonet. *Clyp. de leg. disput. 6. art. 2.* Possè utique legem humanam, antè sententiam Judicis obligare in foro cōscientiæ ad quamcunque poenam passivam, seu privativam, hoc est, quæ nullam exigit rei actionem ad

ejus executionem. Ac defacto ita obligat omnes poenæ latæ sententiæ, nisi aliter disponatur in Jure. Patet id in poenis Excommunicationis, Suspensionis, Interdicti, & Irregularitatis, quæ si latæ sint sententiæ, tenetur quilibet, absque alia Judicis sententia à prohibitis per illas abstinere.

73. Dixi autem, nisi aliter in Jure disponatur: quia sic defacto disponi potest; ut in Ordine Prædicatorum expressè habetur in Prologo Constitutionum, ubi sic dicitur. *Pœnis tamen absolutionis ab officio, privationis Vocis activæ, vel passivæ, gravioris culpæ, & aliis majoribus, quantumcunque, tam in Constitutionibus, quàm extrà, ipso facto sint incurrenda, nisi sit poena Excommunicationis latæ sententiæ; Nullus sit subiectus, nisi superveniat declaratio Prælati in particulari respectu hujus, quantumcunque etiam notorium facti, vel Juris, aut utriusque interveniat.*

74. Si verò poena sit activa, scilicet requirens ad sui executionem actum proprium ipsius puniendi, pro-

ba-

babilius est, non posse humanam legem, obligare ad subeundam illam antè Judicis condemnationem, vel sententiam, saltèm declaratoriam, nisi fortè sit aliqua pœna levis, ut apud Religiosos fieri solet. Patet hoc, nam aliàs nimis dura esset lex, ac intolerabilis, & non secundùm, sed potiùs contrà naturam, ipsa enim naturalis inclinatio abhorret, ac refugit à pœna: Tùm quia pœnam infligere, non est Rei, sed Judicis, vel Ministri publici; sufficit autem Reo, si his, quæ Rei sunt, subjiçatur, scilicet pati justam pœnam. Undè S. D. 2. 2. q. 62. art. 3. ait: *Quantùm ad culpam adhibetur remedium per pœnam, cujus inflictiò pertinet ad Judicem, Et idèd, antequam sit condemnatus per Judicem, non tenetur, restituere plùs, quàm accepit sed postquàm condemnatus est tenetur, pœnam solvere.*

75. Post sententiam verò Judicis tenetur in Conscientia Reus, pœnam subire, quæ ad sui executionem actionem exigit, quæ commodiùs exercetur ab ipso Reo; puta condemna-

tus ad exilium tenetur, egredi è Regno, vel Civitate; Vel condemnatus ad certam summam, illam solvere. Hic tamen posset, nisi Judex in sententia decerneret, ut statim absque alia petitione, aut instantia solvat; posset, inquam expectare, ut petatur, modò sit promptus ad solvendũ; Sic enim æquitas dictare videtur.

76. E contrà non tenetur, pœnam subire, ad cujus executionem actio requiritur, quæ commodiùs exercetur à Judice, vel Ministris, quàm à Reo. Hujus enim, ut dictum est, proprium est, pati, non agere. Posset nihilominùs Judex præcipere, ut sibi ipsi Reus hujusmodi pœnam inferret, quæ tamen violenta non esset, neque gravis, puta ut suis manibus disciplinam sumat, vel aliquam levem, & nō ignominiosam flagellationem.

77. Cæterùm violentam pœnam, & gravem, nec Judex præcipere potest, ut Reus inferat sibi ipsi, puta mortem, mutilationem, veneni potionem, & hujusmodi. Esset enim id crudelitatis genus. Undè S. Thom.

2. 2. q. 69. art. 4. *ad secundum*. Nullus ita condemnatur, quod ipse sibi inferat mortem, sed quod ipse mori temporetur, & ideo non tenetur, facere id, unde mors sequatur, tenetur tamen, non resistere agenti, quin patiat, quod iustum est, eum pati. Sicut etiam, si aliquis sit condemnatus, ut fame moriatur, non peccat, si cibum sibi occultè ministratum sumat, quia non sumere, esset seipsum occidere. Ex quibus ultimis verbis colligit optimè Gonet. citata disp. art. 3. Condemnatum, ut fame pereat, non solum non peccare, sumendo cibum sibi oblatum, sed teneri ad sumendum, cum nemini liceat, seipsum occidere.

78. Collige insuper cum eodem art. 3. Non posse Judicem, præcipere, ac si præciperet, iniquè, filium Parenti mortem inferre, quamvis iustissimè promeritam; quia natura ipsa inhumanitatem hanc satis abhorret. Immo nec sibi, nec Parenti ad vitandam acerbiorè, mitionem, posse quempiam, inferre, puta per venæ abscissionè. Potest benè quas-

dam actiones, quæ remotè ad mortem, vel aliam pœnam cooperantur; puta scalam ad supplicium conscendere, linguam præcidendam offerre; huiusmodi enim commodius, & laudabilius ab ipso Reo, spontè complentur, & nolle, prædicta facere, nisi vi, quædam potius resistentia esset iustæ sententiæ.

79. Collige demùm, Judices inferiores potestatem non habentes dispensandi in legibus, in conscientia teneri, legem Transgredientibus pœnam lege taxatam imponere. Judex enim ad hoc instituitur, ut per legum observantiam commune bonum conservet; Undè cap. in istis d. 4. *In istis temporalibus legibus, quanquam de his homines judicent, cum eas instituunt, tamen cum fuerint instituta, & firmata, non licebit Judici, de ipsis judicare, sed secundum ipsas*. Superior tamen poterit, in toto, vel in parte remittere, quia, & in lege dispensare, potest, ex rationabili causâ.

Et hæc sufficiunt, plurade huiusmodi legibus apud Authores videnda, relinqu-

quando, & inter ipsos The-
saurum de Pœnis Ecclesia-
sticis.

§. IV. De Consuetudine,
& Privilegiis.

SUMMARIUM.
De Consuetudine.

1. Consuetudo est *ius quod-
dam moribus institutum,
quod pro lege suscipitur,
cùm deficit lex.*
2. Conditiones, ut Consuetu-
do vim legis obtineat.
3. Consuetudo abrogare, po-
test legem.
4. Consuetudo optima legum
interpret.
5. Nisi iusta sit, & rationa-
bilis, abusus est, & corrup-
tela. Undè vim non habet
contrà legem Divinam, vel
Naturalem.
6. Ut vim habeat, requiri-
tur personalis, aut legalis
Principis consensus, expres-
sus, vel præsumptus.
7. Consuetudo novæ legis in-
troductiva, vel jam lata,
purè interpretativa statim
vim obtinet post rationabi-
liter præsumptum Princi-
pis consensum.
8. Consuetudo verò contrà

legem, probabile est quòd
requirat præscriptionis tẽ-
pus.

9. Probabilius videtur, non
requiri.
10. Si requiritur, solùm pro
foro externo.
11. Adbuc in foro conscientia
differentia est inter Consue-
tudinem legis usu receptæ
derogativam, & non usum
legis de novo promulgatæ.
12. Iusta, vel injusta puni-
tio vim habet novæ pro-
mulgationis.

2. **A**liqua insuper con-
sideranda sunt spe-
cialiter de Consuetudine, ac
Privilegiis. Consuetudo igitur,
ait Isid. & refertur cap.
Consuetudo d. 1. *Est ius
quoddam moribus institutum,
quod pro lege sumitur, cùm de-
ficit lex.* Cùm autem lex
tripliciter deficere possit;
primò cùm non est; secundò
cùm est inutilis; tertio cùm
dubia, vel obscura, ad sup-
plendum hunc triplicem
defectum Consuetudo pro
lege suscipitur: Undè vim
legis habet, legis est abro-
gativa, & demùm interpreta-
tiva.

Quòd ad primum cap. in-
his

his dif. 11. Sic habetur. *In his rebus, de quibus nihil certi statuit Divina Scriptura, Mos Populi Dei, & instituta majorum, pro lege tenenda sunt, & sicut pravaricatores divinarum legum, ita contemptores Ecclesiasticarum consuetudinum coercendi sunt.*

2. Sicut autem lex, ita, & Consuetudo, ut vim legis obtineat, habere debet primò proportionatam materiam, scilicet rationabilem. Secundò potestatem introducendi jus obligans; undè necessarius videtur adminis tacitus Principis, vel Superioris consensus; præcipuè quodam Communitates, quæ liberae non sunt, sed Principi subjectæ. Tertiò voluntatem se obligandi. Quartò manifestationem ipsius voluntatis, quæ non tantum per verba, quam per facta in consuetudinibus habetur; ut enim inquit Julianus l. de quibus ff. de legibus. *Quid interest, suffragio Populus voluntatem suam declaret, an rebus ipsis, & factis?*

3. Indè sequitur secundum; Cùm enim lex nova prioris obligationem tollat, si ei repugnet: Ità, si Con-

suetudo vim legis habet, poterit, contrariam legem abrogare; undè citata l. de quibus, expressè habetur: Rectissime receptum esse, ut leges non solum suffragio legislatoris, sed etiam tacito consensu omnium per desuetudinem abrogentur: hinc plura sunt in utroque Jure, quæ per desuetudinem jam nullam habent vim obligatoriam.

4. Tertium deniquè habetur cap. Cùm dilectus de Consuetudine, ubi dicitur. Consuetudo *optima legum, interpres*; Nec certè melius vera potest haberi legis intelligentia, quàm per communem hominum sensum, consuetudine ipsa manifestatum.

5. Ex conditionibus porro assignatis, deducitur quidem ex prima, quòd, nisi Consuetudo justa sit, & rationabilis, ac proinde circa bonum, Consuetudo dicenda non est, sed abusus, & corruptela, Undè nulla consuetudo, vim legis obtinere potest contra legem Divinam, vel legem naturalem, inquit S. Doct. p. 2. q. 97. art. 3. ad primum.

6. Secunda item conditio necessaria est; Cum enim lex à potestatem habente procedere debeat, & potestas legislativa non sit in populo, sed in Principe, aut Prælato; ut Consuetudo vim obtineat legis; ejusdem requiritur autoritas, quæ nõ, nisi per ipsius Consensum, haberi potest. Duplex autem est Principis consensus, Personalis videlicet, quando per se immediatè consentit expressè, vel tacitè; Et legalis, seu juridicus, dum ipse, vel ejus Prædecessores legem aliquam tulerunt, quâ ipsa Consuetudo approbatur.

Et quidem, si adsit Principis, aut legislatoris consensus legalis, vel etiam personalis expressus, dubium non est, quod Consuetudo sufficienter introducta, per uniformem scilicet actuum frequentationem, statim vim legis habet, vel etiam priorem legem abrogandi. Hujusmodi enim consensus æquivaleret omninò legi latæ ab ipso Principe.

7. Restat verò non modica difficultas, quando non adest, nisi tacitus, vel præ-

sumptus consensus. In quo distinguendum, puto, vel enim Consuetudo est purè novæ legis introductiva, vel jam latæ interpretativa, vel demùm legis derogativa, seu abrogativa. Si novæ legis introductiva est, vel purè interpretativa legis jam latæ, ita ut, nec in toto, nec in parte illi, aut alteri legi præjudicium inferat; post consensum Principis rationabiliter præsumptum, dicerem, vim legis obrinere; nec aliud tempus expectandum juxta regulas præscriptionis. Ideo enim in præscriptionibus justè determinatum assignatur tempus; quia per ipsas læditur Jus alterius, quod spoliatur per legem præscriptionis: Unde non fuisset æquum, legitimum Dominum jure suo privare, ni congruum illi tempus daretur; quod commode posset, propriæ indemnitati providere. Cum autem in hujusmodi Consuetudinibus nemo lædatur, immò potius commune bonū juvetur, supposito, quod rationabiles sint, ut esse debent, non videtur lex ipsa præscriptionū locū habere.

8. Si vero Consuetudo fit contrà legem, satis probabile videtur, ut vim obtineat legis, necessarium esse tempus ad præscriptiones determinatum; ac proinde, ut Consuetudo vim legis obtineat contrà legem Civilē, requiri decennium, contrà legem Ecclesiasticam quadraginta annorum spatium; & contrà Summi Pontificis, vel Ecclesiæ Romanæ iuramentum annorum.

9. Sed non minùs probabilis, immò probabilior videtur aliorum sententia, quòd absolutè nullum requiratur determinatum tempus. Legis enim derogatio, vel abrogatio per Consuetudinem propriè dici non potest præscriptio. Hæc enim legitimi Domini prioris cōsensum non exigit, immo nec ejus notitiam, undè, nisi præscriptionis lex aliter disponderet, injuriam pateretur, & rationabiliter esset invitus, dùm se propriâ re, ac jure privatum cognosceret. At verò Consuetudo vim recipit à consensu saltem implicito legislatoris; Undè nullam patitur injuriam, nec rationabiliter

invitus esse potest.

Quòd si quandoquē Consuetudo contrà legem possit ipsum latere, quamvis præsumatur sciens; id tamen esse non potest, nisi ex ejusdem negligentia, & injuriâ. Debet enim Consuetudo etiam in hac sententia manifestam adedò habere actuum frequentationem, ut facilè notitia possit ad legislatorem, ac Principem devenire; sive immediatè, sive per proprios Judices, ac Ministros. Ipseque tenetur ex proprio munere, per se, vel per idoneos Ministros invigilare ad legum observantiam; nè leges in laqueum sint, non in directionem Subditorum.

10. Propter quod fortè DD. etiam præscriptionis tempus requirentes, & præcipuè Gonet disp. 7. de leg. art. un. addunt. Hoc requiri quidem in foro externo. Caterùm in foro conscientia, tutò posse quemlibet, Consuetudinem sequi, dùm taliter fuerit introducta, ut pleriquè probi etiam, & cordati Viri non dubitent, illi se conformare.

11. Ego insuper adver-

ten-

tendum cenſeo, magnam eſſe differentiam, adhuc in foro conſcientiæ, inter Conſuetudinem legis jam uſu receptæ derogativam, & non uſum legis de novò promulgatæ. Iſta namque completam adhuc non habuit vim obligandi in actu ſecundo, quare non mirum; Si Principe ſciente, per duos, vel tres actus in contrarium, ut ſupra diximus n. 6. cenſeri quandoquæ poſſit uſu non recepta, nec obligatoria. Lex verò jam uſu recepta totam completè vim ſuam habet; unde ad illius obligationem impediendā, etiam in ſolo conſcientiæ foro, tantā requirit actuum frequentationem, etiam Principe ſciente, & non puniente, dūm poſſit commodè, ut communis Conſuetudo cenſeri meritò poſſit. In quò ſpectanda erit qualitas materiæ, & occaſio frequentationis actuum proportionabiliter ad ea, quæ ſuprà diximus de legis acceptatione.

Quāquā enim Princeps malè faciat, non puniendo Tranſgreſſores, dūm commodè poteſt; præbet enim

cæteris aditum ad peccandum liberè contrà legem; Nemo tamen ab ejus tranſgreſſione excuſatur; modò ſufficienter Conſuetudo introducta non fuerit; quia, lex adhuc in ſuo robore perſeverat; Cū illi derogatū non ſit. Poſtquā verò ſufficienter Conſuetudo invaluit, illam ſequentes non peccabunt.

Attamen puto, quòd etiam poſt hujusmodi Conſuetudinem, ſi Princeps verbò, vel factò reclamer; puta Tranſgreſſores puniendo, talis reclamatio vim habeat novæ promulgationis. Ad hoc enim promulgatio requiritur, ut lex ad ſubditorū notitiam pervenire poſſit, parū autem intereſt, an hoc, vel illò modò publicetur. Quare tunc legem tranſgredientes primò, peccabunt, excuſabuntur cæteri juxtà ſuperiùs dicta de acceptatione per uſum.

12. Et nota, quòd in ſententiā non requirente præſcriptionis tempus, neque juſtè poſſet Princeps, punire Tranſgreſſores, niſi priùs legem iterum promulgando, at nihilominus ju-

Nun 2 ſta,

sta, vel injusta punitio satis utiquè intentionem ipsius obligandi ad observantiam ostenderet. At verò in sententiâ tempus requirente, quamvis post sufficienter introductam Consuetudinē excusaretur legis transgressores, justè posset Princeps etiam per poenas ad observantiam cogere, quia lex adhuc in sua vi permanet, saltè in foro externo. Undè in istâ sententiâ post hujusmodi reclamationem ad excusandos ceteros non sufficeret regula tradita de non acceptatione, sed iterùm necessaria erit cōmunis Consuetudo, quam hīc requirimus ad hoc, ut lex jam usu recepta obligare definat saltè in foro Conscientiæ. Et hæc de Consuetudine.

*Sequitur Summarium.
De Privilegiis.*

13. *Privilegium est lex privata speciale aliquid indulgens.*
14. *Dividitur in Reale, & Personale.*
15. *Item in Gratosum, Remunerativum, & Conventionale.*

16. *Item in Locale, & Generale.*
17. *Item in Favorabile, & Odiosum.*
18. *Item in Affirmativum, & Negativum.*
19. *Privilegium per modum legis, & statuti generalis requirit sufficientem promulgationem.*
20. *Ad Privilegium per modum rescripti alicui Persona, vel particulari Communitati sufficit acceptatio Privilegiati.*
21. *Quamvis jus acquiratur statim post acceptationem, ad usum licitum, & validum requiritur acceptationis notitia; si actus usus de se aliàs esset illicitus.*
22. *Solus potest, Privilegia concedere, qui potest, legem condere; ita & Consuetudo.*
23. *Non potest, absque rationabili causa concedi, & peccaret aliàs concedens, pure tamen Favorabile valeret.*
24. *Nec licitè, nec validè conceditur absque causa, Privilegium Odiosum.*
25. *Concedens absque causâ Privilegium Favorabile non excedit legitimam potestatem.*

- testatem, licet eâ malè utatur.
26. Odiosa Privilegia præsuntur non de voluntate Principis, nisi causa exprimitur, vel non sint motu proprio, & ex certâ scientiâ: Subreptitia nulla sunt, etiam purè Favorabilia.
27. Obscura quomodò intelligenda?
28. Quomodò latè, vel strictè interpretanda?
29. Non valent contrà Constitutionem, Consuetudinē, vel sententiam, nisi de his fiat mentio.
30. Privilegium Odiosum cessat, cessante causa.
31. Non tamen, si Privilegiarius jam perfectum, & consummatum jus in rem acquisierit.
32. Cessare quoquē Favorabilia, cessante causa, probabilius est.
33. Privilegium ad periculum evitandum concessum, cessat, cessante periculo.
34. Si causa non fuerit absoluta, & motiva, sed impulsiva, eâ cessante, potest admitti, quod Favorabile non cesset.
35. Privilegium continens gratiam factam, non expirat morte concedentis, bene verò continens gratiam faciendam. Quod limita, si Privilegium concedatur in gratiam ejus, qui possit, aliis gratiam facere.
36. Purè Favorabilia non cessant per non usum, bene odiosa per tempus præscriptionis.
37. Cessat Privilegium per renuntiationem, si acceptetur.
38. Limita, si consistat in remotione alicujus impediementi, vel Censura, vel si per dolum fuerit extorta renovatio, vel in aliorum cedat præjudicium.
39. Quomodò per unicum etiam actum contrarium Privilegium possit amitti?
40. Quomodò amittatur per delictum.
41. Privilegium Gratosum ad concedentis voluntatem revocari potest. Onerosum verò, & Conventionale, per se irrevocabile est, licet possit ratione cōmunis boni.
42. Quomodò revocatio Privilegii fieri possit?
13. **Q**uoad Privilegia, ut habetur cap. Abba-

Abbate, de verborum significatione. *Privilegium est lex privata, speciale aliquid indulgens*: Habet enim, sicut lex, stabilitatem, quā non expirat cū morte concedentis. Cū autem non ad totam Communivitatem spectet, sed ad privatas Personas, dicitur privata lex, quā speciale aliquid ultrā commune Jus Privilegiato conceditur.

14. Dividitur autem primò in Reale, & Personale. Reale est, quod conceditur directè alicui rei, muneris, vel conditioni, ut Causæ piæ, Templo, Prædio, Statui Clericali, Muneri Episcopali, Officio Præsidis conditioni Pupillorum, & hujusmodi. Hocque perpetuum est durans cū re, officio, & similibus. Personale verò est, quod immediatè alicui Personæ conceditur, & juxta regulam 7. Juris in 6. Privilegium Personale sequitur, & extinguitur cū Persona.

15. Dividitur secundo in Gratosum, Remunerativum, & Conventionale. Gratosum est, quod gratis conceditur absque ullo Pri-

vilegiati meritò, vel Parentum, aut aliorum ipsi communicato. Remunerativum est, quod datur in præmium meritorum Privilegiati, vel aliorum ipsi Communicato. 11. Conventionale est, quod datur pacto, seu conventionem, ita ut quasi Privilegiatus, emere, censeatur, Privilegium.

16. Dividitur tertio in Locale, & Generale. Locale est, quod ratione loci conceditur, eoquē uti, non licet, nisi in loco expresso. Generale verò, quod loco non est additum, sed ubiquē uti, potest Privilegiatus. Colligitur autem, Privilegium esse tantum Locale, vel quia in concessione id exprimitur, vel ex causa concessionis; puta Privilegium comedendi lacticia in Quadragesima, ubi olei, & piscium copia deest.

17. Dividitur quarto in Favorabile, & Odiosum. Illud est Favorabile, quod Privilegiato favet, nemini autem est incommodum. Odiosum è contrā, quod favet Privilegiato, sed alteri noxium est.

18. Dividitur quinto in Affir-

Affirmativum, quò facultas conceditur aliquid agendi; & Negativum, quo conceditur facultas omittendi aliquid.

19. Notandum insuper, quòd Privilegium aliquandò conceditur per modum legis, aut statuti generalis, ut Privilegium in favorem Clericorum cap. Generaliter 16. q. 1. & alibi. Hoc autem, ut suum habeat effectum, requirit promulgationem, & sufficientem notitiam ad modum aliarum legum.

20. Aliquandò verò conceditur per modum rescripti alicui Personæ; aut particulari Communitati. Et ad hoc sufficit acceptatio ipsius à Privilegiato, sive per se, sive per Procuratorem.

21. Cùm hac tamen distinctione, quòd Jus quidè statim acquiratur post acceptationem. Si autem Privilegii usus actum importet qui de se, præciso Privilegio, illicitus esset, ac peccaminosus, necessaria omninò sit, vel acceptatio per se ipsum, vel quòd Privilegiatus notitiam habeat acceptationis nomine suo factæ per Procuratorem. Et hoc non solum, ut licitè Privilegio

utatur, sed etiam validè, V. G. si alicui Privilegium concedatur non jejunandi die præcepto, vel contrahendi in gradu prohibito; Si talis antè Privilegii notitiam non jejunet, vel contrahat, peccat omninò, & invalidè contrahit. Ratio est, quia utens Privilegio, quod nescit, se habere, si actus de se peccatum sit, absque dubio peccat; Voluntas enim ejus fertur in actum peccaminosum formaliter, vel ad minimùm periculo peccandi se exponit; potest enim esse, quòd pro illo tunc, quo agit, Privilegium non sit concessum; ac per consequens actus remaneat in sua malitia: ergò licitè Privilegio uti, non potest. Quòd autem nec validè, patet ex eò, quòd nunquam præsumi potest, legislatorem Privilegium concedere pro eò tempore, quo usus ejus illicitus est; uteretur enim potestate sua in destructionem. Ità Gonet disp. 8. de legibus art. 1. quamvis contrarium sentiat cùm aliis Bonac. de legibus disp. 1. q. 3. pun. 3.

22. Multa de Privilegiis fusè tractât DD. apud quos

videnda relinquimus; Non enim hic nostrum est intantum, de singulis exactos tenere tractatus; more autem nostro aliqua magis necessaria subnectemus: Ac primò supponimus, illum solum posse, Privilegia concedere, qui juxta subjectam materiam, potest legem cōdere. Privilegium enim est quædam privata lex. Consuetudo quoque, sicut legem condere, ita Privilegium concedere, potest juxta dicta, & dicenda proportionem servatā.

23. Secundò suppono, Superiorē Privilegium concedere, non posse, absque legitimā, & rationabili causā. Ut enim advertit ex cōmuni Bonac. *de leg. disp.* 1. quæst. 3. pun. 4. Materia Privilegii debet esse honesta, & rationabilis; Rationabile autem, & honestum non est, quòd aliquis præ aliis favore, ac beneficio gaudeat absque causa. Quare peccaret pro libito, & absque causa Privilegium concedens. Attamen Privilegium purè Favorabile, & absque boni communis, vel Tertii præjudicio, puto,

quòd esset validum, & licitè Privilegiatus, obtento Privilegio uti, posset, quamvis ipsum procurando, peccaverit.

24. E contra verò Privilegium Odiosum, & in aliorum, scilicet communis boni præjudicium, & incommodum, puto, nec licitè, nec validè posse concedi, nec obtento licitè uti posse Privilegiatum. Ratio discriminis est; Quia, cum in purè Favorabili nemini fiat injuria, & gratis concedatur, & quandam habeat donationis rationem, quæ si ne rationabili causa vitiosa tantum esse potest quadam specie prodigalitatis, & imprudentiæ. Res autem adhuc prodigè, & imprudenter donata in legitimum transiit Donatarii dominiū. Odiosum verò, secum ferens aliorum, vel bonis communis præjudicium injustitiam cōtineret, ac proinde potestatem excederet concedentis, qui jus nō habet ad gravandum injustè, & multò minus communi bono damnū inferendum, cujus Custos esse debet, & Conservator. Idem igitur esset, ac Privilegium

legium à non habente auctoritatem concessum, & per consequens nullum.

25. Quòd si dicas, hac ratione invalidum esse Privilegium quoque Favorabile; Non enim legislator, ac Superior potestatem habet favores dispensandi pro libito, sed secundum æquitatem, ac prudentiam ad minus, si non in omnibus secundum Justitiam. Id non convincit. Siquidem Favorabile concedens Privilegiū absque legitimā causā potius in modo concedendi, quam in concessione deficit: verè namque potestas ejus ad concedendum extenditur; nec aliud requiritur ex parte Privilegii, scū materiæ concedendæ: undè non excedit, sed legitimā suā potestate utitur, quamvis, malè, quia imprudenter: Cujus evidens est signum quòd omninò invariata materiā, & subiecto Privilegiando, licitè ipsum concedere possit Privilegium, puta ut se benignum, & ad beneficia proum ostendat, quod maximè Principem decet.

26. At verò Privilegium Odiosum ex hoc ipso, quòd

injuriam, vel injustum aliorum gravamen continet, potestatem concedentis excedit: nisi ex aliquā rationali causā cesset injuriæ, vel injustitiæ ratio. Immo nisi exprimatur in Privilegio causa concessionis, vel non sit ex certā scientiā, vel motu proprio. Hujusmodi Privilegia non præsumuntur de Voluntate Principis; sed per importunitatem extorta, ut ex Jure docet Sylv. V. Privilegium §. Tertiò quæritur. Subreptitia verò, dū scilicet ad illa impetranda falsa causa fuit exposita; nulla sunt quamvis purè Favorabilia.

27. Notandum est autem, quòd, si Privilegium obscurum, vel ambiguum sit ad legislatorem, scū Concessorem pro interpretatione recurrendum est, ac interim suspendendus usus, ut cum Hostien. ex can. jure docet idem Sylv. loco citato. Diligenter quoque attendenda sunt verba concessionis, at potius intentio concedentis, quam verba ipsa, à quorum tamen propriā significatione recedendum non est, nisi aliter constet de

Ooo men-

mente legislatoris.

28. Utrùm autem latè, vel strictè Privilegia interpretanda sint? Regula generalis est, ut Privilegia odiosa, vel quibus communi Juri derogatur, strictiùs interpretentur; purè autem favorabilia extendantur latius. Nullum autem adeò strictè interpretandum, ut nihil operetur, nec adeò ampliandum, ut mentem concedentis, & legitimum verborum sensum excedat.

29. Adde insuper, quòd, si Privilegium aliquid contineat contrà constitutionē, Consuetudinem, vel Sententiam, & de illà non faciat mentionem, non valet, ut ex pluribus Juribus notat Sylv. §. decimò quæritur.

30. Quæres, An, cessante causa, cesset ipsum Privilegium? Dicendum, Privilegium Odiosum, cessante causa concessionis totaliter, ipsum quoque cessare; de quo dubium non videtur, quidquid contrà sentiat Suarez de leg. lib. 8. c. 36. & alii apud Gonet. art. 2. & Bonac. quæst. 3. p. 10. §. 1. Et probat Gonet. ex lege Urianus ff. de fidejussori-

bus. *Quod pervenit ad statum, in quo incipere non posset in eo remanere nō potest.* Ubi Glos. *Quod impedit ad faciendum, destruit quoque jam factum.* Et cap. tertio de Clericis non residentibus habetur; quòd Privilegium indultum Canonicis, ut absentes præbendarum fructus recipiant, in gratiam studiorum, cessat, cùm studiis nō incumbunt.

Et ratio evidens est, cùm enim, ut diximus, hujusmodi Privilegia concedi nō possint absque legitima causa, eò quia injustè gravarentur alii, aut commune bonum pateretur jacturam; jam utiquè, cessante causa, injustus esset Privilegii usus, ac injustè commune bonū, aut alii gravarentur. Ut pariter de Lege communiter dicemus §. seq.

31. Hoc tamen meritò limitandum; Si Privilegiarius jam perfectum consummatumque jus acquisierit in rem Privilegio, vel Dispensatione concessam; Puta, si ad sufficientem sustentationem habenti unum beneficium concedatur, ut aliud habere possit; & si cùm

cùm tempore primum beneficium sufficientem reddat sustentationem, non amittitur secundum.

32. Quòdàd Favorabilia; cùm ad validitatem non requirant causam; videtur etiam, quòd ex legitimâ causâ concessâ nō amittantur per causæ cessationem. Sed probabilius puto, ista quoque, cessante causa, cessare; quamvis enim potuissent validè absque causa concedi; supposito tamen, quòd ex causa concedantur, jam patet concedentis intentio, ultrâ quam Privilegium extendi non potest. Quamvis contrarium sentire videatur Gonet. dùm ait loco citato; Privilegium, vel Dispensatio de re, quam Princeps, etiam sinè gravi causa, honestè concedere, potest, cujusmodi est Privilegium de anticipando Officio Divino, non cessat, cessante causa, quia censetur Pont. illud absolutè concedere. Sed hæc præsumptio intentionis non videtur habere locum, dùm aperta concedentis voluntas in Privilegio exprimitur.

33. Multò minùs ad-

mitterem, quod asserit idem Gonet. Videlicet, si Privilegium, vel Dispensatio concedatur ad aliquod morale periculum evitandum, ut si cùm Fœmina castitatis Voto adstricta, ob morale periculum incontinentiæ dispensetur, ut nubere possit; si postea periculum incontinentiæ cesset, vel ob senilem ætatem, vel gravem infirmitatem, non cessat dispensationis Privilegium. Hoc, inquam, non admitterem propter allatam rationem; quia constat intentio concedentis, ultrâ quam, fas non est, Privilegium extendere.

Addo pro utroque casu. Quòd hujusmodi Privilegia, neque purè Favorabilia sunt; sed quodammodò Odiosa, quia licèt aliis non noceant, nec bono communi, læditur tamen per ipsa commune Jus, cui derogatur. Privilegia verò, servatâ eorum formâ, & proprietate verborum, strictè interpretanda sunt, ut quàm minimùm fieri potest, commune Jus lædatur.

34. Possèt nihilominùs in purè favorabilibus, vel

O o o 2 etiam

etiam aliquantulum communi Juri derogantibus, quæ tamen ex levi, aut nullâ causâ honestè concedi solent ex Principis liberalitate, admitti limitatio, ut scilicet non cessent, cessante causa, modò causa ipsa non fuerit absoluta, totalis, & motiva; sed potiùs impulsiva, concessionis. Quod ex Privilegii verbis colligendum erit.

35. Quæres secundò. An cesset Privilegium morte concedentis? Ad quod breviter dicendum cum eodem Gonet. & communi sententiâ; Non expirare morte concedentis Privilegium continens gratiam factam, quæ scilicet immediatè Privilegiario conceditur; puta si Pont. alicui facultatem concedat eligendi Confessarium. Cessat benè, si contineat gratiam faciendâ, dum scilicet alteri committitur, ut talem gratiam Privilegiario conferat; & hoc, nisi gratiæ collatio fiat, adhuc superstitè concedente. Quod nihilominus aliqui limitant, si gratia faciendâ sit purè spiritualis, & in bonum Animæ Privilegiarii;

quia id postulare videtur animarum salus, quam Legislator intendit; puta si Pont. committat Petro, ut Paulum à reservato casu absolvat, adhuc post Pont. obitum absolutionem poterit impendere. Hoc verò difficultate non caret, cum enim in casu Mandatarius purè sit delegatus, expirante potestate delegantis per mortem, expirat quoque potestas ejus, quæ alia non est à potestate delegantis illi commissâ.

Aliud est, si delegato in ejus gratiam cõcedatur potestas faciendi gratiam aliis, hæc enim non expirat per concedentis mortem, quia potestas ista gratia est facta, non faciendâ ipsi delegato, sed Privilegiario. Ità expressè habetur cap. Si cui nulla de præbendis in 6. ubi sic dicitur. *Si cui, nullâ personarum factâ expressione, sit gratiosè concessa facultas, ut Authoritate Apostolicâ possit, aliquibus Personis idoneis in certâ Ecclesiâ providere &c. Hujusmodi concessio non expirat, etiam re integrâ, per obitum concedentis: Secus, si super provisione certa Persona facta.*

*facienda sit data potestas eidē, non ob suam, sed ejus, cui pro-
videri mandatur, gratiam,
vel favorem; Illa quidem
expirat omnino, si concedens,
re integrā, moriatur.*

36. Quæres Tertiò. An cesset Privilegium per non usum? Et dicendum odiosa cessare per tempus præscriptionis: Ita ff. de nundinis leg. 1. statuitur, ut Privilegium nundinarum per non usum decennio amittatur. Purè autem Favorabilia nõ cessare, quia cū hujusmodi Privilegia neminem lædant, non est, qui contrā illa præscribere, possit.

37. Quæres quartò. An cesset Privilegium per Privilegiarii renunciationem? Et dico quòd cessat, si à concedente, vel ejus Successore eandem habente auctoritatem, acceptetur; Sècùs autem, si non acceptetur; Cū enim Privilegium à concedentis voluntate dependeat, si renunciationem non acceptet, censetur, moraliter ipsum Privilegium conservare.

38. Limita hoc, si Privilegium consistat in ablatione alicujus Canonici im-

pedimenti, puta, Irregularitatis, vel alterius Censuræ: quod enim factum est, non potest, factum non esse, neque redire, quod ablatum est.

Limita secundo. Si renunciatio extorta fuerit per dolum, aut metum, ut notat Bonac. quæst. 5. p. 8. §. 4. Non enim valeret ipsa renunciatio: Sicut neque, si per ipsum alius lædatur; potest enim Juri suo, quisque, cedere, non autem alterius; Undè privata Persona, cedere, non potest, Privilegio in favorem Communitatis concessio.

39. Ex quo colligitur, quando per contrarium actum Privilegium amittatur; Ut enim benè advertit Bonac. §. 6. Intantum per contrarium actum Privilegium amittitur, inquantum præsumitur Privilegiarius per ipsum renunciare Privilegio: Ut igitur amittatur, debet actus ab eo, qui verè Privilegiarius est, vel de ipsius consensu, fieri, & voluntate. Quare Privilegia in favorem Communitatis non amittuntur, nisi tota Communitas, vel de ipsius

consensu Privilegio contraveniatur. Quò stante, unicò potest actu amitti, quamvis tractum habeat successivum, puta facultatem aliquid faciendi.

Sed benè adverte, quòd actus, per què Privilegium amittitur, debet ipsi, non purè materialiter, sed formaliter contrariari; ità scilicet, ut Privilegiarius sciat, & advertat, actum Privilegio contrarium esse; aliàs præsumi non potest, ipsi Privilegio renunciare. Quare si Privilegiarius contrarium actum eliciat, cùm protestatione, quòd non intendit, suis derogare Privilegiis, vel ex aliis conjecturis, & signis colligatur, ipsum nò fecisse actum animò renunciandi, Privilegiū non amittitur.

Adde insuper cum eodè Bonac. Quòd, ut totum Privilegium amittatur, debet actus, toti Privilegio contrariari, aliàs non amitteretur, nisi quoad illam partem, cui actus contrariatur; Quilibet enim præsumitur, velle, sibi quàm minimum præjudicium asferre.

40. Quæres quintò. An

per delictum Privilegiarii Privilegium amittatur? Et in primis certum est: Quòd si delictum ex jure, tanquàm pœnam, habeat annexam Privilegii privationem, per tale delictum Privilegiū amittitur, sive ipso facto, sive per sententiam Judicis, iuxtà dicta de lege pœnali.

De cæteris autem delictis distinguendum est; nam, vel delictum ad usum Privilegii non pertinet, & per hoc Privilegium non amittitur; nisi aliter à Jure disponatur; Vel ad usum Privilegii pertinet, ut ipsius propriè sit abusus; puta dùm quis Privilegio utitur ultrà, quàm illius concessio extendatur, vel si ex Privilegio sumat occasionem licentiùs vivendi, ac liberiùs peccandi, præcipuè cùm scandalo, & communis boni detrimento; & per hujusmodi delictum, & abusum Privilegium amittitur; Ità enim decernitur cap. Ubi d. 74. cap. Privilegium 11. q. 3. cap. Licet de Regularibus, & cap. Ut Privilegia, de Privilegiis. Ubi notat, & benè Gonet. prædictos Ca-

no-

nones Privilegio non privare ipso facto, sed post sententiam Judicis. Abusus nihilominus, qui Privilegii finem tollit, ipso facto privat; quia finis est, veluti fundamentum Privilegii, quo corrumpente, ipsum quoque ruat, necesse est. De quo dic, ut suprà de causa dictum est.

41. Quæres tertio. An Privilegium revocari possit? ac per ipsam revocationem cessare? Et cum distinctione procedendum est; Si enim sit Privilegium purè Gratosum, cum nec Jus, nec meritum in Privilegiario supponat, ad concedentis voluntatem revocari potest; & quidem validè omnino, etiam nullà præexistente causâ. *Decet nihilominus concessum à Principe, Beneficium esse mansurum*, ut habetur de Reg. Juris in 6. Reg. 16. Quare malè faceret Princeps, absque ulla causa Privilegium revocando.

Si verò sit Privilegium onerosum, puta Remunerativum, & multò magis conventionale, per se irrevocabile est. Per ipsū enim

Privilegiarius acquirit strictum Jus, quo justè spoliari non potest absque legitimâ causâ. Urgente autem communis boni necessitate, revocari potest, à Principe; sicut eadem ratione, suis bonis privare potest, Subditos, qui pariter Juri suo cedere, tenentur ad providendum communi bono. Si tamen fieri posset compensare, deberet Princeps, aliter Privilegiarium.

Hæc generaliter prælibasse, sufficiat; plura dilucidè pro necessitatis opportunitate videri poterunt apud Bonac. aliosque DD. qui fusè de singulis pertractant.

42. Unum præ cæteris hic addere sufficiat. Duplíciter nempè revocari posse Privilegium; Primò quidem expressè, per verba scilicet indicantia sufficienter ipsâ revocationem; Puta, non obstante tali Privilegio; vel generaliter; Non obstantibus quibuscunque Privilegiis. Secundò tacitè, seu implicite; per actum nempè cum Privilegio incompatibilem. V. G. si aliud concedatur Privilegium, cum quo

quo, aliud subsistere nequit, ut si jubeat Princeps, exigatur tributum ab eo, quem jam per Privilegium à tributo exemerat.

Quamvis autem plures Theologi, & Canonistæ asserant; Privilegia corpori Juris inserta non revocari, nisi de ipsis expressa fiat mentio, neque ad illorum revocationem sufficere clausulas generales apponere, ut notat Gonet. Si tamē in revocatione apponatur. Non obstantibus Privilegiis sub quacunque formā concessis; vel etiam in Corpore Juris contentis, vel concessis per modum contractus, aut quid tale, censentur omnia revocata, quamvis ad illorum revocationem expressa, & individua mentio esset facienda, vel de verbo ad verbum recitanda forent. Quia ut ait Bonac. his loquendi modis indicat satis Superior velle se, amplius Privilegia curare. Memineris tamen Privilegia per contractum, seu Conventionalia revocari non posse absque urgentissima causā, & boni communis necessitate, juxta mox dicta.

Denique adverte; Quod si revocatio fiat privatim, sufficit, quod revocationis notitia ad Privilegiarium perveniat; Si verò per modum legis, ut habeat suum effectum, requiritur sufficiens publicatio, ut de cæteris legibus dictum est.

§. V. *De Interpretatione, Cessatione, Derogatione, & Abrogatione Legum Humanarum.*

SUMMARIUM.

1. *Legis duplex est Interpretatio, Generalis, & Particularis.*
2. *Generalis habetur, vel per auctoritatem legislatoris, vel per usum, vel per doctrinam Interpretum.*
3. *Particularis fit per Epykejam.*
4. *Epykeja locum habet, non solum quando observantia esset contra Justitiam, vel commune bonum; sed etiam quando nimis esset dura.*
5. *In dubio formali non habet locum.*
6. *In quibus casibus cesset lex 2*

7. *Cessante adequatâ causâ, cessat lex, quamvis actum de se bonum præciperet.*
8. *Quid sit Irritatio, Derogatio, Abrogatio, Correctio, & Dispensatio?*
9. *Tâm legislator, quàm Consuetudo irritare, & corrigere potest legem.*
10. *Tripliciter lex usu recepta potest abrogari.*
11. *Superior abrogare potest legem à se, vel ab Inferiori latam. Inferior verò nō potest abrogare legem latâ à Superiore.*
12. *Immo nequē propriam à Superiore confirmatam, nisi fortè in ejus favorem cōfirmata fuerit.*
13. *Validè Superior etiam absque causâ legem abrogat licèt peccet.*
14. *Abrogatur lex, vel per expressam revocationem; vel per contrariæ legis Cōstitutionem.*
15. *Specialia statuta, & Consuetudines non abrogantur per contrariam legem, immo nequē Decreta Concilii Generalis, nisi de ipsis mentio fiat.*
16. *Quid dicendum de lege juramento firmatâ?*
17. *Contraria lex debet sufficienter promulgari, & acceptari, ut vim abrogandi habeat.*
18. *Revocatio sufficit, quòd ad notitiā perveniat.*
19. *Antiqua legis pœna cessat per novæ impositionem, nisi exprimat, per illam antiquæ non derogari.*
20. *Hoc tamen verum est, si utraqùe pœna sit ab eodem foro.*
21. *Item si utraqùe sit generalis, vel particularis; non autem si una generalis, particularis altera.*
22. *Pœna ex naturâ suâ iterabilis, ut Excommunicatio, multiplicatur, si à diversâ potestate feratur, non verò, si ab eadem.*
23. *Quid sit Dispensatio, à quo, & quomodò ab interpretatione differat, ac Privilegio?*
24. *Stricte interpretanda est.*
25. *Non licet absque legitimâ causâ dispensare.*
26. *Valida est Dispensatio facta etiam sine causâ; non tamen ab inferiori facta in lege Superioris.*
27. *In quibus casibus Inferior in lege Superioris dispensare, possit?*

28. *Dispensatio obreptitia, vel subreptitia non valet: modò taciturnitas, vel falsitas sit in materiâ connexionem habente cùm dispensatione.*
29. *Si Dispensatio plures habeat partes separabiles, valet quòad partem subreptione non affectam, nisi fuerit per dolum, vel malitiam impetrantis.*
30. *Etiam si Dispensatio concedatur motu proprio; modò ex informatione, & ad instantiam concedatur, non autem, si ex liberalitate.*
31. *Non vitatur Dispensatio, si culpâ scribâ, in litteris error irrepperit.*
32. *Invalida est, tacitâ qualitate, quam Jura, specialiter exprimi, volunt.*
33. *Cessare, vel revocari potest Dispensatio, sicut Privilegium.*

1. **N**onnulla hîc remanent pro complemento hujus Tractatus de Legum Humanarum Interpretatione, Cessatione, Derogatione, seu Abrogatione tradenda. Et primò circâ Interpretationem jam aliqua in Superioribus tacta

sunt, pauca hîc breviter addimus pro clariori notitiâ. Duplex ergò fieri potest legis interpretatio. Una quidem veluti generalis, quæ absolute ipsius legis declarat sensum, & intellectum, ac legislatoris intentionem. Altera quasi particularis, quæ ostenditur ipsius legis, ac legislatoris intentio in aliquo particulari casu.

2. Primam tripliciter habere possumus, vel per authoritatem ipsiusmet Legislatoris, & hæc dicitur Authentica interpretatio; quæ vim legis habet, ut colligitur ex lege ultimâ Cod. de legibus. Vel per usum, seu Consuetudinem, ut suprâ dictum est. Vel deniquè per Doctrinam Interpretum, diciturque Interpretatio Doctrinalis, quæ licèt vim legis propriè non habeat, aliquò tamen gaudet auctoritatis gradû.

3. Secunda Interpretatio fit per Epykejam; ut enim inquit S. Doct. 2. 2. q. 120. art. 1. *Quia humani actus, de quibus leges dantur, in singularibus contingentibus consistunt, quæ infinitis modis variari possunt, non fuit possibile*

fibile, aliquam regulam legis institui, quæ in nullo casu deficeret; sed legislatores attendunt ad id, quod in pluribus accidit, secundum hoc legem ferentes: Quam tamen in aliquibus casibus servare, est contra equalitatem Justitiæ, & contra commune bonum, quod lex intendit &c. In his ergo, & similibus casibus malum est, sequi legem positam, bonum autem est, prætermittis verbis legis, sequi id, quod poscit justitiæ ratio, & communis utilitas. Et ad hoc ordinatur Epykeja, quæ apud nos dicitur aequitas. Unde subdit S. Doct. a. seq. Epykeja est quasi Superior regula humanorum actuum.

4. Quamvis autem ex dictis verbis colligivideatur, Epykejam solum habere locum, quando legis observantia contra Justitiam, vel commune bonum esset: merito nihilominus extenditur quoque, dum observantia nimis esset dura; Cum enim, ut supra notavimus, leges benignius interpretandæ sint: non censetur legislator, velle, cum gravi adeo incommodo Subditos obligare, nisi aliter communis boni ra-

tio suadeat; quare præ oculis habendum erit, quod supra diximus §. 3. n. 5.

Præterquam quod, ait Gonet. disp. 9. art. unic. Lex humana debet esse possibilis secundum naturam, & consuetudinem Patriæ, idest facilis observationis: dum ergo in aliquo casu nimis dura invenitur, habet locum Epykeja, quæ legis est emendatio propter defectum.

Ratio item S. Doct. idem suadet: Quia scilicet legislator non attendit, nisi ad id, quod in pluribus accidit: unde rationabiliter præsumitur, quod si ad hujusmodi particulares, ac difficiles casus adverteret, nollet quidem obligare.

5. Sed nota cum eodem Gonet. quod in dubiis locum non habet Epykeja, sed, ut ait S. Doct. p. 2. q. 96. art. 6. *ad secundum*, operans, *si dubium sit, debet vel secundum verba legis agere, vel Superiorem consulere*. Et intellige de dubio formali. Si enim quis rationabiliter, ac probabilius judicer, in casu legē non obligare, licite uti poterit Epykeja, ut subdit Gonet. Secus autem, si proba-

bilius æstimet, vel etiam æquè probabile, casum lege comprehendi; juxta superius dicta de Conscientia; Et hæc de Interpretatione.

6. Quoad reliqua. Et si de ratione legis quædam sit perpetuitas, ac stabilitas; ex rationabili tamen causâ mutari posse leges in toto, vel in parte; Nemini dubium est. Multipliciter autem lex mutari potest; & primò quidem per ipsius legis cessationem, dum scilicet ex se definit obligare. Et hoc, vel absolute, vel in aliquo casu, vel in toto, vel in parte. Quæ omnia ex ipsa legis ratione deducuntur; ut consideranti patere potest.

Primò igitur cessat humanæ legis obligatio, si ejus observantia noxia reddatur. Secundò si fiat cum lege naturali, vel Divinâ impossibilis. Tertiò si ratione subjecti, vel alicujus circumstantiæ reddatur moraliter observatû impossibilis. Quarta demùm cessante totâ, & integrâ causâ, ratione vel fine, propter quem lex fuit lata, cessat quoque ipsius legis obligatio; Secus verò, si cesset quidem causa in

parte, non autem in toto. Immo non sufficit, quòd causa cesset respectu alicujus Personæ particularis, sed respectu Communitatis cessare debet, ut benè advertit Bonac. disp. 1. q. 1. pun. ult. Quare, stante causâ respectu Communitatis, tenentur singuli ad legis observantiam; licet in aliquibus causâ ipsa cesset; Excipe tantum casus ratione Epykejæ, de quâ jam dictum est.

7. Hæc ferè certa sunt apud omnes, quamvis contendat Suarez, non cessare legem, adhuc cessante adæquatâ causâ, quando præcipit actum de se bonum. At verius omninò est, cessare quoque in dicto casu. Lex enim non obligat, nisi juxta voluntatem legislatoris, ex quò autem constat ipsum non, nisi ad talem finem legem tulisse, constat quoque, noluisse obligare, nisi dependenter ab eodem fine: ipso igitur cessante, cessat quoque voluntas obligandi: Quare, si præcipiat, v. gr. Superior jejunium semel in hebdomadâ ad implorandum Divinum Subsidiû, pro aliquâ urgente necessitate

tate, hac cessante, cessat utique præceptum, quamvis jejunium sit de se bonum, & optimum.

8. Quòd abrogationem notandum. Aliud esse, Irritationem, Derogationem, Abrogationem, Correctionem, ac dispensationem. Irritare siquidem legem, est propriè, impedire, nè illa vim obtineat obligandi. Abrogare autem est, legem tollere postquam obligandi jam vim habebat, & hoc in universum, ac totaliter, ad differentiam Derogationis, quæ non in totum, sed solum in parte legem tollit. Correctio autem legem non tollit, sed illam moderatur, aliquid addendo, vel demendo. Denique Dispen-
satio est quædam legis restrictio, & limitatio circa particulares Personas, vel aliquos effectus, ipsa lege in suo robore manente, quòd ad alios. Per quæ patet, quomodo etiam ab his omnibus differat Cessatio. Irritatio enim, & Abrogatio, & aliæ, actum aliquem exigunt, quo lex impediatur, tollatur, aut limitetur, ut constat. In Cessatione au-

tem nullus requiritur actus, contrà legem; sed ipsa de se definit; vel quia tempus expirat, pro quo lata fuit; vel quia cessat causa, & finis.

9. De Irritatione vix aliquid occurrit dicendum. Potest enim lex irritari, seu impediri, nè vim acquirat obligandi, vel ex ipsius legislatoris, aut Superioris voluntate; aut declaratione, seu revocatione; Vel etià ex nò usu, juxtà superius dicta.

De Correctione pariter; Sicut enim ipse legislator, vel ejus Superior; ità & Cōsuetudo, vel etiam communis DD. sensus, latam legem moderari, potest; ut passim contingit.

10. De Abrogatione, vel Derogatione pauca notanda sunt. Ac primò tripliciter legem jam usu receptam abrogari posse. Videlicet per expressam Principis revocationem, per Constitutionem novæ legis priori repugnantis; ac per contrariam Consuetudinē, de quâ jam satis dictū est §. præced.

11. Quòd Principis revocationem, vel repugnantis legis Constitutionem; Certum est in primis Legisla-

latorem, à se latam legem abrogare posse, vel in toto, vel in parte; Superiorem quoque, legem ab Inferiori latam, non verò Inferiorem, legem latam à Superiori.

12. Immò addit, & bene Layman l. 1. tract. 4 cap. 21. Quòd, si lex Inferioris à Superiore confirmata sit, non poterit ab ipso Inferiore abrogari; quia per Confirmationem facta est, quasi propria ipsius Superioris lex. Quod tamen limitatur, si Confirmatio facta fuerit in favorem, & gratiam ipsius Inferioris legislatoris; tunc enim poterit Inferior, juri suo cedere, & ab ipsâ lege recedere.

13. Cæterùm, quamvis non de facili, nec absque rationabili causâ, & præcipuè communis boni utilitate, lex jam usu recepta debeat abrogari; ità ut peccet Superior, absque causâ justam abrogando legem, validè tamen abrogat, nec legem sic abrogatam observare ampliùs, tenentur Subditi: essentialiter enim lex, ejusque obligatio à legislatoris Voluntate dependet.

14. Abrogatur itaque

lex, vel per expressam revocationem, vel per novam legem priori contrariam; Et quatenus eidem contrariatur. Nec est necesse, quòd de priori lege in novæ Constitutione mentio fiat. Ità enim decernitur cap. licet de Constitutionibus in 6.

15. Excipiuntur nihilominus Personarum, & locorum specialia statuta, & Consuetudines, ipsis enim si rationabilia sint, per novam Constitutionem in aliquo non derogatur; nisi id expressè caveatur in Constitutione, seu lege, ut dicitur in dicto cap. licet.

Excipiunt quoque Layman, & alii apud ipsum locò citatò, Decreta Concilii Generalis, quibus non derogari per contrariam posteriorem legem, colligunt ex cap. ex parte de Capellis Monachorum.

16. Excipit insuper Azor. p. 1. l. 5. cap. 16. q. 6. legem juramentò firmatam, cui derogari non videtur per contrariam posteriorem legem, nisi de illâ fiat mentio: Quia lex juramentò firmata majori gaudet firmitate; ac per consequens ali-

aliquid etiam speciale requiritur ad ipsius abrogationem; quod non esset, si per simplicem novæ legis Constitutionem abrogetur absque ullâ ipsius legis mentione; ut sic enim ceteræ quæque abrogantur.

Et quidem, si juramentum sit non revocandi legem, cōsentit Bonac. quamvis contrarium sentiat de juramento purè assertorio. Non enim præsumi potest Princeps, velle cūm periurio legem revocare, quod esset omninò, si talem revocaret legem, nisi prius juramento soluto.

Probabilius tamen videtur, quomodocunque juramentum sit appositum, legem non abrogari per contrariam, nisi de illâ specialis fiat mentio. Appositio siquidem juramenti adminùs implicite, si non explicitè, promissio quædam est servandi legem, à quâ licet solvatur Princeps per legis abrogationem, cō quia per ipsam cessat lex, & consequenter materia promissionis, cujus perindè observantia non est ampliùs possibilis; non enim servari potest

lex, quæ non est. Negari tamen non potest, juramentum ipsum aliquid majoris firmitatis legi tribuere, ut dictum est; ipsamque speciali notâ dignam reddere.

17. Hic tamen advertendum cum Gonet. disp. 10. art. 2. Quòd, si abrogatio fiat per contrariam legem, debet istà sufficienter ad modum aliarum legum promulgari, & acceptari, ut completam legis, & abrogandi priorem vim obtineat.

18. Si verò lex absque novæ legis constitutione revocetur, desinit quidem in re hoc ipso, quòd legislator, ipsam revocare, intendit, quamvis nullo externo signo revocationem indicet; at nihilominùs obligatio ejus in subditis remanebit ob ignorantiam revocationis, quia illâ transgrediendo, formaliter contra legem irent, cūm æstimarent, legem in suo robore permanere. Verùm tamen est, quòd quisque hujus revocationis haberet certam, nò dubiam notitiam, solutus esset ab onere legis, quæ non obligat, nisi ex voluntate

tate

tate Legislatoris. Quarè ad scandala, turbationesque vitandum, expedit omninò, revocationem subditis publicò intimare documentò.

19. Aliquid est demùm speciale circà legem pœnalem. Cùm enim pœnæ restringendæ sint potiùs, quàm exasperandæ, vel augendæ; nequè duplici pœnâ pro delicto eodẽ puniri quempiam, æquitas patiatur. Ex hoc ipso, quòd nova lex pro eodem crimine diversam taxat pœnam, ab eà, quæ ab antiquâ lege fuerat imposita, hæc tollitur per novam, si delictum nondùm erat commissum. Quarè, nisi exprimant in taxatione novæ pœnæ, per ipsam non derogari antiquæ, ista per novam legem abrogata cefsetur. Et quidem, sive pœna sit lata, sive ferendæ sententiæ, ut cùm pluribus docet Thesaurus de pœnis p. 1. cap. 12. quamvis aliqui contrarium sentiant.

20. Hoc tamen intelligendum est, quandò utraqùè pœna ab eodem foro procedit; non autem si à diverso. Etenim, si pro eodem crimine unam statuat

pœnâ Jus Civile, aliam Canonicum, utraqùè in sua vi permanet.

21. Præterea fallit regula, si altera pœna sit generalis. altera pro aliquo speciali casu, ut in terminis de alienatione docet idẽ Thesaur. p. 2. V. Alienatio c. 5.

22. Item nota ex eodẽ, quòd aliquæ pœnæ sunt ex naturâ suâ iterabiles; puta, Excommunicatio. Hujusmodi ergò pœnæ, si ferantur pro eodem crimine ab habentibus eandem auctoritatem, puta si à diversis Summis Pont. pro aliquo delicto imponantur excommunicationis pœnæ; non multiplicantur; etiam si pœna per secundam legem quandoquè aggravatur, putà reservando absolutionem ab ipsâ. Si autem à diversâ Potestate. v. gr. ab Episcopo, & Summo Pont. tunc censentur multiplicari, ità ut absolutus ab unâ, possit, alterà manere adstrictus.

23. Restat ultimò loco, ut aliqua de legum dispensationibus adnotemus, per quos etiam aliquò modò cessat lex, vel in casu particulari, vel respectu singula-

ris

ris Personæ, licet aliàs integra in suo robore perseveret. Est enim Dispensatio quædā Juris relaxatio à potestatem relaxandi habente facta.

Ex quo patet, quòd dispensatio differt ab Interpretatione, & Privilegio. Ab illa quidem, quia Dispensatio, stante legis obligatione, ab ipsa dispensatum eximit. Interpretatio verò solum declarat ipsam legem in casu, vel respectu particularis Personæ vim obligandi non habere: Quare Dispensatio à solo Superiore fieri potest. Interpretatio verò etiam à Subditis, ut ex dictis constat. A Privilegio autem differt, quia dispensatio semper est contra legem. Privilegium verò potest esse contra, vel præter Jus.

24. Indè pariter colligitur. Dispensationem esse rem odiosam, utpotè communi Juri derogantem, undè rectè vulnus quoddam legis appellatur cap. Ipsa pietas 23. quæst. 4. Hinc strictè interpretanda est, ut enim dicitur de Reg. Juris in 6. Reg. 28. *Quæ à Jure communi exorbitant, nequaquam ad*

consequentiam sunt trahenda.

25. Certum est autem apud Theol. cum D. Th. p. 2. q. 97. art. 4. Quidquid aliqui contrarium sentiant. Non licere Superiori absque legitimā causā in lege dispensare. Si enim absque ratione pro sola voluntate licentiam tribuat, inquit S. Doct. non eris fidelis in dispensatione, aut eris imprudens: Infidelis quidem, si non habet intentionem ad bonum commune; Imprudens autem, si rationem dispensandi ignoret. Et Bernard. lib. 3. de consideratione propè finem. *Queritur inter Dispensatores, ut fidelis qui inveniatur. Ubi necessitas urget, excusabilis dispensatio est: Ubi utilitas provocat, dispensatio laudabilis est: Utilitas; dico, communis, non propria. Nam cum nihil horum est, non planè fidelis dispensatio, sed crudelis dissipatio est.*

26. Verum nihilominus est, Dispensationem à legitimo Superiore adhuc sine causa obtentam, validam esse, ac licetè, dispensatum, eà uti, posse, quamvis peccet, sine causa petendo. Ratio est; quia legis obligatio à

voluntate legislatoris pendet; quare licet malè faciat Superior, etiam absque causa in lege dispensando, lex tamen ipsa respectu dispensati vi obligatoria caret.

Quinam autem sit legitimus Superior? Dico, quemlibet, qui legem condidit, vel ejus Successor cum æquali potestate: Vel certè huic Superior: vel etiam Inferior, cui tamen indulta sit facultas in lege Superioris dispensandi. Hic tamen, nedùm illicite, sed invalide in lege Superioris dispensaret, absque legitimâ causâ. Quia, cum de se auctoritatem non habeat, sed tantùm dispensare; possit, auctoritate sibi à Superiore concessa, hic presumi rationabiliter non potest, facultatem concedere in sua lege dispensandi absque justâ causa. Addit insuper Bonac. disp. 1. q. 2. pun. 3. Quòd existente in re justâ causa, quamvis Inferior dispensans illam non cognoscat, Dispensatio valida est; licet enim imprudenter agat, dispensare, intendit, & verè auctoritatem dispensandi habet.

27. Quamvis autem Inferior, per se loquendo, in lege Superioris dispensare, non possit; In aliquibus tamen casibus rationabiliter præsumitur Superior, facultatem dispensandi concedere, quamvis expressè illam non concesserit. Et primò in materia levi. Secundò in his, quæ frequenter accidere solent. Tertiò dùm urget necessitas dispensandi, ac periculum est in mora, nequè facilis est ad Superiorem recursus. Quartò demùm, quando dubium est, an verè casus dispensatione indigeat. Quod tamen intellige juxtà hinc dicta n. 5.

28. Supposito igitur, quòd ad licitam dispensationem justa causa requiratur; duplex occurrit difficultas. Prima, an Dispensatio obreptitia, vel subreptitia; dùm scilicet dispensationem postulans, vel tacet aliquid exprimendum, vel falsum exponit; valida sit? Et breviter dicendum cum eodem Bonac. pun. 4. Quoties aliquid tacetur, vel falsò narratur, quo cognito, Superior non dispensaret, invalida est dispensatio; modò

dò id, quod tacetur, vel falsò exponitur, connexionē habeat cū dispensationis materia: Cū enim dispensatio à dispensantis voluntate dependeat, hic non censetur, dispensandi voluntatem habere, tali stante circumstantia, juxtà regulam Juris in 6. *In generali concessione non veniunt ea, quæ quis non esset verisimiliter in specie concessurus.*

Secūs dicendum, si, quod tacetur, vel falsò exponitur impertinenter se habeat ad materiam dispensationis, quamvis forsitan, eo cognito, difficilius, vel nullatenus Superior dispensasset: Etenim, supposito, quòd necessariam habeat materiæ cognitionem, in re verè dispensat.

29. Hic tamen adverte, quòd, si dispensatio plures habeat partes ab invicem separabiles, & subreptio unam tantū partem tangat; Dispensatio, quòd alteram partem valida est. Utile namque non vitiat per inutile, ut dicitur de reg. Juris in 6. Putà, si illegitimus petat dispensationem, seu habilitationem ad Bene-

ficiū, sive Curatum, sive non Curatum obtinendum, sileatquè defectum ætatis, quem insuper habet ad Beneficiū Curatum. Dispensatio nihilominus illi prodest, ad Beneficiū simplex obtinendum.

Sed limita, si per dolum impetrantis, vel etiam ignorantiam cū ingenti temeritate, quæ malitiæ comparatur, subreptio contigerit: tunc enim in poenam irritanda esset dispensatio; etiam quòd ad partē subreptione non affectam, quamvis ipso jure non esset irrita. Sic enim decernitur cap. super literis de Rescriptis. Dixi autem per dolum, vel malitiam impetrantis; quia si ipso nesciente, subreptio fuerit ex malitia Procuratoris, Dispensatio valida omninò erit, quòd ad partem non affectam.

30. Hæc autem cū eodem Bonac. vera puto, & si dispensatio cōcedatur sub clausula, Motu proprio: Modò dispensans ex informatione procedat, vel ad instantiam, & preces dispensati; quod ex verbis dispensationis colligendum erit:

Qq 2 Tunc

Tunc enim præsumitur dispensans, non intendere dispensationem concedere, nisi stante veritate informationis. Aliter dicendum, si non prævia informatione, nec ad preces; sed ex liberalitate dispense.

31. Adde insuper generaliter cum eodem, ubi supra n. 6. Non vitari dispensationem obtentam à Superiore cum veritatis expositione; Si culpā scribæ in literis dispensationis error aliquis irrepperit: Ubi enim constat intentio dispensantis, à quā vim habet dispensatio, nihil officit error scripturæ, adminus in foro Conscientiæ: quidquid sit in foro externo,

32. E contra dispensatio, tacita qualitate, vel circumstantia, quam Jura, specialiter exprimi volunt, invalida est, quamvis eā expressa, Superior facilius dispensasset. Eò, quia Super-

rior præsumitur, velle secundum Jura procedere, nisi aliter de illius constet voluntate; ac per consequens tunc verè dispensandi non habuit intentionem. Idem pun. 5.

33. Alia esset difficultas. Quomodo Dispensatio cessare, vel revocari possit? De quā tamen sufficiant, quæ §. præced. de Privilegiis dicta sunt. Verè-namque Privilegium contra Jus dispensatio quædam est. Plura videri poterunt apud Authores, præcipuè Bonac. diutius enim hîc nobis immorandum non est. Exactiorem quippè occurrentium difficultatum, cum ad particulares materias tractandas devenerimus, discussionem reservamus. Ità Deus Opt. Max. ex infinitæ misericordiæ liberalitate cedere dignetur; Si quidquam Proximorum salutem nos profuturos prænoverit.

INDEX ALPHABETICUS

Rerum, & Verborum, quæ in hoc opere continentur.

Primus Numerus Caput, Secundus §. Tertius
Marginalem Numerum designat; Litera ve-
rò A. Appendicem post §. 4. Cap. 7.

A

ACTUS humani, qui
proprii sint Cap. 1. §. 1.
num. 2.

Actus dici potest humanus
dupliciter, quoad substan-
tiam, & quoad modum.
Ibidem.

Actus humani sunt in qua-
druplici differentia. Ibid.

Actus humanus, & liber
idem sunt. Ibid.

Actus humanus, & moralis
non sunt idem formaliter,
licet materialiter coinci-
dant. Ibid.

Actus primo primi, secun-
dò primi, & absolutè se-
cundi. 2. 1. 11. & 12.

Actus Voluntatis sex 3. 1. 6.
& seq.

Actus Voluntatis circa finē,
quomodo possint esse cir-
ca media, & è contrà. 3.
2. 4. & seq.

Actus Voluntatis multoties
inter se confunduntur. 3.
2. 20. item 4. 4. 33.

Actus interior vocatur actus
Voluntatis, exterior au-
tem cujuscunque alterius
potentiæ. 4. 2. 1.

Actus externus tripliciter ad
voluntatē comparari po-
test. 4. 2. 3.

Actus externus, ut idem,
cū actu Voluntatis mo-
raliter, sive ut ejus effe-
ctus, aliqua gaudet in-
trinseca bonitate, vel ma-
litia formali. 4. 2. 4. &
seq.

Actus etiam externarū po-
tentiarum, ut à Volunta-
te moventur, intrinsicè
objectum respiciunt cum
subjectione ad legem. 4.
2. 8. & seq.

Actus externus ex propriis
nui-

INDEX ALPABETICUS

- nullam addit bonitatem, vel malitiam. [4. 2. 11.](#)
- Actus solus Voluntatis intrinsecè bonus, vel malus est in merendo, vel demerendo. [4. 2. 14.](#)
- Actus internus, & externus, quare distinctis quandoquè præceptis præcipiantur. [4. 2. 21.](#)
- Actus externus est naturale, & substantiale complementum peccati; undè necessariò explicandus est in confessione. [4. 2. 22.](#)
- Actus moralis per ordinem ad objectum lege dispositum specificatur. [4. 3. 4.](#)
- Actus quilibet in genere moris speciem essentialem sortitur ab objecto proximo voluntatis moraliter considerato, sive finis sit, sive medium. [4. 3. 17.](#) & seq.
- Actiones humanas ex fine specificari, quomodo intelligatur. [4. 3. 20.](#) & seq.
- Actu voluntatis moraliter multiplicato; multiplicatur etiam bonitas, vel malitia. [4. 4. 4.](#)
- Actus Voluntatis per discontinuationem multiplicatur. [4. 4. 5.](#) Vide discontinuari.
- Actus Voluntatis continuatus multiplex esse potest moraliter. [4. 4. 3.](#) & [6.](#) Vide continuari.
- Actus externus non ponit in numero, sed est Unus, & idem cum actu Voluntatis. [4. 4. 9.](#)
- Actus qualiter plura objecta respiciens de se integra, & adæquata, multiplex est moraliter. [4. 4. 30.](#) & seq.
- Advertentia plena, quæ dicitur. [2. 1. 13.](#) & seq.
- Advertere non tenetur quis ad malitiam, nisi aliqua cogitatio, vel dubitatio præcedat. [3. 3. 18.](#)
- Advocatus causam defendere non potest, quæ frivolis nititur fundamentis. [7. 5. 43.](#)
- Advocatus quid agat, dum pro utraquè parte sunt rationes probabiles; ibi, & seq.
- Advocati quomodo plura petant in iudicio, quæ iuste petere non possunt. [7. 5. 47.](#)
- Advocato licet prudenter occultare non tamen falsitate, vel fraude uti [7. 5. 48.](#)
- Advocatus potest moderatam

RERUM, ET VERBORUM &c.

- tam sui patrocinii mercedem exposcere . 7. 5. 49.
- Advocati causis Pauperum gratis patrocinari tenentur, & quomodo; ibid.
- Aggravare in infinitum, dupliciter intelligi potest, negativè, & positivè . 6. 2. 7.
- Aggravare in infinitum formaliter, & materialiter stare potest . 6. 2. 10.
- Alexandri Octavi decretum damnans hanc propositionem non liceat sequi opinionem, vel inter probabiles probabilissimam. A. 30. & seq.
- Appetitus duplex, rationalis, & sensitivus. 2. 1. 1.
- Argumentum ab autoritate negativa nihil convincit. 6. 3. 12.
- Affensus triplex, & quinam formare possit rectam conscientiam. 7. 4. 2. & seq.
- Attritio ex metu an sit aliquo modo involuntaria. 2. 4. 10. & seq.
- Attritio nec virtualiter, vel implicitè debet includere immo excludere omnem affectum, & voluntatem, etiam conditionatam ad peccatum. ibid.

- Aureola propriè quid sit. 4. 2. 25. & seq.
- Aureolam non habebit quis Martirii, nisi Martyr cù effectu fiat, quamvis intensè id appetat. 4. 2. 27.
- Autoritas SS. PP. cæteris præferenda, mitigandus tamen eorum rigor, dùm aliqua per exaggerationem dixerunt. 7. 4. 10.
- Autoritas pensanda est, attentâ materiâ, cùm quæ excellentiores aliqui fuerunt. 7. 4. 11.

B

- B**ELLUM est actus Justitiæ vindictivæ, sed specialissimam exigit justificationē, nec nisi pro ultimo, & adhibendum remedio. 7. 5. 3.
- Bellum ex levi motivo indiceas, aut alia faciliiori via neglecta, excusandū non est. ibid.
- Bellum duplex Offensivum; & Defensivum. 7. 5. 4.
- Bellum indicare non potest, qui pro se probabiliiores non habet rationes, sed causa Judicibus Arbitris est remittenda. ibi. & n. 7.
- Bel-

INDEX ALPHABETICUS

- Bellum** ex utraq[ue] parte ju-
stum, per se loquendo,
non potest dari, benè ve-
rò per accidens ex igno-
rantia injustitiæ. 7. 5. 6.
- Bellū defensivum** cū sola
probabili ratione potest
licetè sustineri, modò non
constet de aggredientis
majori probabilitate, nec
oppressionem sustinens
fuerit in causa. 7. 5. 8.
- Benigna interpretatio legis**
quando, & quomodo faci-
enda? A. 2. 8.
- Bonitas moralis** quid sit? 1.
2. 1.
- Boni actus** aliqui secundum
se, alii boni, quia præ-
cepti. 1. 2. 2.
- Bonus actus** secundum se
per aliquam circumstan-
tiam vitari potest. 1. 2. 4.
- Bonitatis moralis definitio.**
1. 2. 5.
- Bonum esse** debet ex inte-
gra causa. 1. 3. 1.
- Bonus actus bonum** debet
habere objectum, & de-
bitis vestiri circumstantiis
ibid.
- Bonum præcisè moraliter,**
& Theologicè, est merito-
rium æternæ vitæ. 1. 3. 2.
- Boni moralis Conditiones.**
1. 3. 3.
- Bonitas duplex,** substantia-
lis, & intensiva. 1. 3. 4.
- Bonus actus** non requirit in
operante moralem scien-
tiam, nec habitum Pru-
dentia, nec judicium
actuale, ac expressum
Prudentia dictamen, sed
sufficit virtuale. 1. 3. 5.
- Bonus actus** non debet ex
ignorantia, irâ, vel aliâ
passione, sed cum suffi-
cienti elici deliberatione.
ibid.
- Item propter honestam,**
saltèm implicitè, & vir-
tualiter. 1. 3. 6. & 8. &
seq.
- Bonus actus Theologicè.**
Vide Meritum.
- Bonitas, & Malitia huma-
narum actuum,** undè su-
menda. 4. 1. 1.
- Bonitates, & malitias plures**
idē actus quomodo possit
habere. 4. 1. 2. & seq.
- Bonus, & malus idem nu-
mero actus** an, & quo-
modo possit esse. 4. 1. 4.
& seq. usque ad finem.
- Bonum opus aggrediens cū**
mala intentione nullum
habet meritum, nec bo-
nitatem. 4. 1. 9.
- Bonum opus aggrediens cū**
recta intētionē ex distra-
ctione

RERUM, ET VERBORUM &c.

ctione culpabili, vel inani gloria subrepente solùm pro morula distractionis, vel inanis gloriæ meritum amittit. 4. 1. 10. & seq.

Bonitas, & malitia objectiva, & formalis. 4. 2. 2.

Bonitas, & malitia formalis duplex in essendo, & in merendo, vel demerendo. 4. 2. 12. & seq.

Bonitas, & malitia ex objecto est essentialis, & ex genere; ex circumstantiis verò accidentalis. 4. 3. 5.

C

CAUSA per se, quæ dicatur in moralibus? 2. 2. 2.

Causas remove tenemur, dùm est periculum consensûs in malum. 3. 3. 8.

Causas pias præcipuè remove non tenemur, si desit periculum. 3. 3. 10.

Causa de se patens non producit effectum, si productum inveniatur. 4. 4. 40.

Certitudo aliqua in Conscientia requiritur, ne periculo exponamur. 7. 3. 34.

Certitudo omnimodè Logica, sed Metaphysica nõ requiritur, sed sufficit moralis. 7. 3. 35.

Certitudo moralis non excludit necessariò formidinem omnem. 7. 3. 36. & seq.

Certitudo moralis sufficit, quòd Prudentiali iudicio. &c. 7. 3. 39.

Certitudo cadere potest, vel supra veritatem iudicii, vel rectitudinem operationis. 7. 3. 43.

Certitudo moralis, quæ sufficit ad rectè operandum. A. 36. & seq. Item 7. 3. 44. usque ad finem.

Cessatio naturalis, & involuntaria non sufficit ad moraliter actum discontinuandum. 4. 4. 15. & seq.

Cessatio voluntaria per se non sufficit ad actum discontinuandum. 4. 4. 25. & seq.

Cessatio voluntaria, & involuntaria potest quandoquæ actum discontinuare. 4. 4. 27. & seq.

Cessatio voluntaria ab actu, potest illum efficaciter velle, & ineffaciter nolle. 4. 4. 29. Vide Peccatum.

R r r Cir-

INDEX ALPHABETICUS

Circumstantia prima bonificans, vel vitians actum, dat speciem essentialem.

[4. 3. 6.](#)

Circumstantia quid sit. [6.](#)

[1. 1. & seq.](#)

Circumstantiæ quomodo actum efficiant. [6. 1. 2.](#)

Circumstantiæ septem explicantur. [6. 1. 3.](#) usque ad [11.](#) inclusivè.

Circumstantia propriè non est; *Quoties*, idest numerus. [6. 1. 12.](#)

Circumstantiæ quædam augment, quædam minuunt. [6. 2. 1.](#)

Circumstantiæ aggravantes in infinitum, & citrà infinitum. [6. 2. 2.](#) Vide aggravare.

Item minuentes. *ibid*,

Circumstantiæ quæ, & quomodo in infinitū aggravent. [6. 2. 8.](#) usque ad [15.](#)

Circumstantiæ non minuunt in infinitum, nisi de mortali faciant veniale. [6. 2. 16.](#)

Circumstantiæ quæ mutant speciem. [6. 2. 17.](#)

Circumstantia loci Sacri an semper mutet speciem. [6. 1. 7.](#) & [6. 2. 18.](#) & seq:

Circumstantiæ mutant speciem peccati mortalis

necessariò explicandæ in confessione, non autem venialis. [6. 3. 1.](#) & seq.

Circumstantiæ in infinitum aggravantes, vel minuentes necessariò sunt explicandæ, non autem citrà infinitum. [6. 3. 3.](#) & seq.

Circumstantias aggravantes venialiter explicare, optimum est, non autem minuentes, nisi Confessarius de his interroget. [6. 3. 4.](#)

Circumstantiæ notabiliter aggravantes intrà eandē speciem, an, & quomodo necessariò in confessione sint explicandæ. [6. 3. 5.](#) usque ad finem.

Circumstantiæ notabiliter minuentes explicandæ sunt, immò aliquando etiam non minuentes notabiliter. [6. 3. 26.](#) & seq.

Circumstantia mutans speciem peccati mortalis necessariò aperienda est, etiam innotescendo Personam, cū quā peccavit. [6. 4. 1.](#)

Quomodo prædicta circumstantia dici possit non notabiliter aggravans. *ibid.*

Circumstantiæ non mutant speciem, sed rationem pec-

RERUM, ET VERBORUM &c.

- peccati multiplicantes. **6.**
4. 13.
 Circumstantiæ hujusmodi non sunt, ut plurimum, necessariò confitendæ. **6.**
4. 14.
 Circumstantiam explicare, utcumque, an sufficiat, vel necessariò tanquam circumstantia sit explicanda. **6. 4. 15.** usque ad finem.
 Citatus à Judice, quomodo prudenter comparere possit. **7. 3. 66.**
 Civis bonus non est idem, ac bonus Vir. **4. 3. 30.**
 Clericus in venatione occidens. Vide effectus, & Irregularitas.
 Clericus longam assumens navigationem cum proposito non recitandi horas Canonicas, projiciendo Breviarium, peccat novo peccato distincto. **5. 3. 10. & seq.**
 Clericus proponens per mensem non recitare Divinum Officium, tor peccata committit, quot sunt dies in mense. **5. 3. 11.**
 Comedens pluries Carnes die Veneris toties peccat, quoties comedit, licet ab initio propositum habuerit non abstinendi illa die. **4. 4. 35.**
 Concupiscentia. Vide Mulier.
 Concupiscentia, & idem, dic de alia passione, inclinatur quidem Voluntatem, non tamen causatur involuntarium. **2. 5. 1.**
 Concupiscentia minuit, & quandoque tollit conditionem voluntarii perfecti, & libertatem, & idem alia passio. **2. 5. 6. & seq.**
 Concupiscens eodem actu liberam simul, & conjugatam duo peccata specie, & numero distincta committit. **4. 4. 3. & 6.**
 Confessarius tenetur interrogare Pœnitentem de his; quæ scire debet, nisi rationabiliter supponat illum scire. **2. 6. 18.**
 Confessionis materia necessaria est tota malitia mortalis; Venialis verò est sufficiens, non necessaria. **6. 3. 1. & seq.** Item **n. 13. & 23. & seq.**
 Confessio est medicinale iudicium. **6. 3. 21.**
 Confitens se furatum non, genta, cum sit furatus mille; immò se furatum novem milia, cum sit

INDEX ALPHABETICUS

- furatus decem , peccat mortaliter . [6. 3. 23.](#) & Confessionis materia necessaria , est tota materia mortali malitia affecta , licet non teneamur , explicitè quantitatem confiteri . *ibid.*
- In Confessione mentiri circa venialia exposita Judicio , mortale peccatum est in veriori sententia . *ibid.*
- Confessio venialium , vel mortalium , à quibus poenitens fuit aliàs absolutus , quamvis totalis sint materia , sufficit quod fiat in genere , non in determinata specie . [6. 4. 2.](#) & seq. Vide Circumstantia , Consuetudo , Fornicator .
- Confessio externi actus est necessaria . [4. 2. 22.](#)
- Confessarius non potest exigere à poenitente id , ad quod non teneretur . [7. 8. 65.](#)
- Confessarius tenetur etiam contrà propriam opinionem absolvere poenitentem juxtà sententiam , quam ipse bona fide probabiliorē judicat ; Undè teneretur , inquirere , an verè bona fide [&c. 7. 5. 65.](#)
- Confessarius , an , & quomodo teneatur , poenitentem admonere de errore , scèlè instruere de probabiliore sententia ? [7. 5. 66.](#) usque ad [72.](#)
- Complacentia ; Vide consensus .
- Conscientia ipsa nomine legis comprehenditur . [7. 1. 2.](#)
- Conscientia est actuale dictamen rationis practica . [7. 1. 4.](#)
- Conscientiæ triplex actus . [7. 1. 5.](#)
- Conscientia est judicium practicum . [7. 1. 6.](#)
- Conscientia dividitur in Rectam , & Erroneam . [7. 1. 7.](#)
- Item in Certam , Opinativam , Dubiam , Suspiciantem , & Scrupulosam . [7. 1. 8.](#)
- Conscientia Dubia , & suspiciens , propriè conscientia non est . [7. 1. 9.](#)
- Conscientia scrupulosa , vel scrupulus magis , quàm conscientia , trepidatio quædam est rectæ conscientia . [7. 1. 10.](#)
- Conscientia Opinativa , dubium est , an verè conscientia

RERUM, ET VERBORUM &c.

- scientia dicēda sit. 7.1.11.
 Conscientia errans verè obligat. 7.2.1. & seq.
 Conscientiam deponendi obligatio, non est quid medium inter obligari, & non obligari. 7.2.2.
 Contrà Conscientiam Erro-
 neam agere, procul du-
 bio peccatum est. 7.2.4.
 Conscientiæ dictamen, suf-
 ficit, quod præcesserit,
 modo in virtute perseve-
 ret, ut quis dicatur age-
 re contrà conscientiam.
 7.2.5. & seq.
 Conscientiæ dictamen in
 virtute perseverare, quo-
 modo nosci possit. 7.2.
 8. & seq.
 Conscientia errans quomo-
 do possit deponi. 7.2.
 12. & seq.
 Contrà Conscientiam errā-
 tem agere, quodnam sit
 peccatum. 7.2.14. & seq.
 Conscientiam vincibiliter
 errantē sequens peccat,
 sed benè agit sequens er-
 rantem invincibiliter. 7.
 2.20. usque ad finem §.
 Conscientiæ divisio in spe-
 culativam, & Practicam,
 in quo sensu admittenda.
 7.3.2. Vide item Dubia
 conscientia, Opinio, Su-
 spicans scrupulus.
 Consensus, quid sit? 3.1.7.
 Consensus materialiter po-
 test cum electione iden-
 tificari, & quomodo for-
 maliter differant? 3.2.
 7. & seq.
 Consensus nomine intelli-
 gitur quælibet cōplac-
 entia iudicium sequens.
 3.3.1.
 Consensus in rigore judi-
 cium exigit Superioris
 rationis. 3.3.2.
 Consensus non datur sinè
 advertentia honestatis, &
 legis. 3.3.3.
 Consensus duplex, expres-
 sus, & implicitus, seu in-
 terpretativus. 3.3.4.
 Consensus in rigore perfe-
 ctam exigit deliberatio-
 nem 3.3.5.
 Consensus est imperfectè, &
 reductivè, complacencia
 ex imperfecta delibera-
 tione. ibid. & seq.
 Consensus in cogitatione, &
 re cogitata ejusque de-
 lectatio, quomodo sit
 peccatum, vel non? 3.
 3.20.
 Consilium quid sit? 3.1.8.
 Consilium est completa in-
 quisitio usque ad judi-
 cium inclusivè. 3.2.1.
 Con-

INDEX ALPHABETICUS

- Consilium definitur, & explicatur. 3. 2. 6.
- Consilium ad nullum peccatum obligat. 5. 4. 3.
- Consuetudinem, & habitum peccati, an, & quomodo confiteri teneamur 6. 4. 4. & seq.
- Consuetudo, quæ, & quomodo à lege, ac Jure Gentium differat. 8. 1. 31.
- Consuetudo quid, & quomodo vim legis habeat, abrogandi, & interpretandi. 8. 4. 1. & seq.
- Consuetudinis conditiones, ut vim legis obtineat. 8. 4. 2.
- Consuetudo nisi iusta sit, & rationalis, abusus est. 8. 4. 5.
- Consuetudo exigit Principis consensum legalem, vel Personalem, expressum, vel præsumptum. 8. 4. 6.
- Consuetudo legi non præjudicans post rationabilem præsumptum Principis consensum statim legis vim obtineat. 8. 4. 7.
- Consuetudo contra legem probabile est, quòd tempus exigit præscriptionis, ut vim legis obtineat, probabilius tamen est, nullum determinatum requiri tempus. 8. 4. 8. & seq.
- Consuetudinem contra legem sufficienter introductam sequi licet saltem in foro cōscientiæ. 8. 4. 10.
- Consuetudinis legis jam usu receptæ derogativæ differentia à non usu legis de novo promulgatæ, & quomodo in hoc Princeps, vel Subditi peccare possint. 8. 4. 11. & seq.
- Contemptus quid acquirat, ut sit mortale peccatum? 5. 4. 17.
- Continuari censetur actus Voluntatis non retractatus, dùm formaliter, vel virtualiter aliquo suo effectu perseverat. 4. 4. 12. & seq.
- Continuari non censetur, si perseveret aliquid solum per modum habitus, vel involuntariè, & materialiter. 4. 4. 14.
- Continuatio peccati in somno malitiam non augeat. 4. 4. 23. Vide Cessatio.

D

Decalogi Præcepta in dispensabilia sunt. 8. 2. 11.

De-

RERUM, ET VERBORUM &c.

Declarationes, & Decreta
Sac. Cong. Card. an, &
quomodo vim legis obti-
neant. 8. 1. 33. & seq.

Decreta Concilii Gen. per
novam legem non abro-
gantur, nisi de ipsis men-
tio fiat. 8. 5. 15.

Delectationē solam inten-
dere in operando malum
est. 1. 4. 4. & seq.

Delectationes insurgentes
non repellere, an, & quod
nam sit peccatum. 3. 3.
11. & seq.

Delectatio quid? Et quid
morosa. 3. 3. 11. & seq.

Delectatio quando, & quo-
modo sit peccaminosa,
vel non. 3. 3. 16. & seq.

Delectari de aliqua boni ra-
tione in malo, quomodo
non sit peccatum. 3. 3.
19. Vide Consensus.

Deliberatio imperfecta nū-
quam sufficit ad mortale
peccatum. 5. 4. 14.

Deliberatio perfecta, & im-
perfecta. Vide Actus, &
Consensus.

Deum in omni operatione
intendere, non tenemur
semper. 7. 2. 11.

Diligētia necessaria cuique
ad ea scienda, quæ scire
debet. 2. 6. 20.

Discontinuatur actus bonus
per distractionem, inanē
gloriam, aut quid tale. 4. 1. 10.

Discontinuatur Voluntatis
actus per actum opposi-
tum, vel retractationem. 4. 4. 11.

Discontinuatur etiā si prom-
pta inclinatio remaneat
per modum habitus, in-
voluntariē; aut materia-
liter. 4. 4. 14.

Dispensatio quid requirat,
ut iusta sit. 8. 2. 7.

Dispensatione Superioris in
manifestis opus non est,
nisi aliter lex disponat. 8.
2. 8.

Dispensatio petenda in am-
biguis, vel servanda lex. 8.
2. 9.

Dispensatio circa, quæ præ-
cepta Juris naturalis esse
possit, vel non. 8. 2. 11.

Dispensatio in Jure naturæ
ad quem pertineat. 8.
2. 12.

Dispensare, vel interpretari
non possit in Divino Ju-
re, nisi Ecclesiastica Po-
testas. 8. 2. 14.

Dispensatio in Jure natura-
li, & Divino, abque ju-
stā causā illicita, & inva-
lida est. 8. 2. 15.

Di-

INDEX ALPHABETICUS

- Dispensans bona fide absq;
legitimâ causâ excusatur,
& dispensatus licitè, uti
poteſt dispensatione us-
que dùm in bona fide
perseverat. 8. 2. 16.
- Dispensatio in Voto Casti-
tatis ob periculum incō-
tinentiæ cessat, cessante
periculo. 8. 4. 33.
- Dispensatio est Juris rela-
xatio à potestatem ha-
bente, & quomodo ab
interpretatione, ac Privi-
legio differat. 8. 5. 23.
- Dispensatio Vulnus quod-
dam est legis; Undè res
odiosa est, ac strictè in-
terpretanda. 8. 5. 24.
- Dispensare non licet Supe-
riori absque rationabili
causa. 8. 5. 25.
- Dispensationem petens abs-
que causa peccat, sed ob-
tentâ licitè, uti poteſt. 8.
5. 26.
- Dispensandi, qui habeat fa-
cultatem. ibid.
- Dispensatio in lege Supe-
rioris obtenta ab Inferio-
ri habente aliàs faculta-
tem invalida est, sinè ju-
stâ causâ. ibid.
- Dispensatio valida est, licèt
dispensans causam non
cognoscat, modò in re
sit justa causa. ibidem.
- Dispensare in lege Superio-
ris, in quibus casibus re-
gulariter possit Inferior.
8. 5. 27.
- Dispensatio subreptitia, vel
obreptitia invalida est,
nisi fortè id, quòd tace-
tur, vel falsò exponitur,
impertinenter se habeat
ad dispensationem. 8.
5. 28.
- Dispensatio valet quòdā
partem subreptione non
affectam, si separabilis
est, neque fuerit ex dolo
impetrantis, quamvis
fortè contigerit ex mali-
tia Procuratoris, dispen-
sato nesciente. 8. 5. 29.
- Dispensatio motu proprio
concessa, præcedente ta-
men informatione, vel ad
instantiam, invalida est,
interveniente dolo di-
spensati. 8. 5. 30.
- Dispensatio non vitatur ex
puro scribæ errore in lite-
ris. 8. 5. 31.
- Dispensatio obtenta, tacitâ
qualitate, vel circumstan-
tiâ, quam Jura speciali-
ter exprimi volunt, inva-
lida est. 8. 5. 32.
- Dispensatio cessare, & revo-
cari poteſt eo modo, quo
Pri-

RERUM, ET VERBORUM &c.

- Privilegium.** 8. 5. 33.
- Dispensatio item.** Vide Privilegium.
- Distinctio numerica moralium actuum à numericâ ipsorum distinctione inesse moris desumenda est.** 4. 4. 2. & seq.
- Distinctio, & unitas actuum etiam externorū ab unitate, vel distinctione actus Voluntatis desumitur.** 4. 4. 7. & seq.
- Distinctio numerica moralium actuum desumenda est ab actu Voluntatis, non ut formaliter moralis est, sed materialiter sumpto, moraliter tamen æstimato.** 4. 4. 10.
- Distractio.** Vide Bonum Opus.
- Doctorum Authoritas æstimanda in moralibus.** 7. 4. 6.
- Doctores quinam graviores, & præferendi?** 7. 4. 7.
- Doctorum multitudo non reddit absolutè opinionē communem, sed benè, cum re maturè discussâ, docetur ab ipsis.** 7. 4. 8.
- Doctorum Theologiæ, ac Juris quomodo auctoritas pensanda?** 7. 4. 9.
- Dubia formaliter Conscientiâ, non licet quidquam agere.** 7. 3. 5. & seq.
- Dubitans, an ager, quem possidet, sit verè suus, licetè retinet.** 7. 3. 8.
- In dubiis melior est conditio possidentis.** ibid. & 33. & 71. & seq.
- Dubia Conscientiâ operans non est perplexus.** 7. 3. 12.
- Dubius de valore Matrimonii, an possit, & debeat reddere debitum?** ibid.
- Cum dubio speculativo stare non potest certitudo practica, omninò invariatis terminis.** 7. 3. 26. & seq.
- Dubium Juris, & Facti.** 7. 3. 14.
- Datur medium inter dubium, & certum. scilicet opinativum.** 7. 3. 60.
- Dubia formaliter est Conscientia, licet aliquàlter potius in unam, quàm alteram partem inclinet, nisi determinatus sit assensus, moraliter certus.** 7. 3. 69.
- Dubia Conscientia depnenda est per congruam Veritatis inquisitionem,** 7. 3. 70.
- In dubiis tutiorem partem.**

INDEX ALPHABETICUS

eligendâ, quomodo Con-
siliû, vel Præceptum
fit. 7. 3. 75. & A. 31.

In dubiis ex duobus malis
minus eligendum, expli-
catur. 7. 3. 77.

In dubiis quid agendum,
quando nō apparet quid
tutius, vel minus malum,
vel pro quâ parte ster
possessio. 7. 3. 78. & seq.

Dux belli imprudenter agit,
si absque necessitate ho-
stem aggrediatur, absque
morali certitudine Victo-
rix. 7. 3. 61.

Dux Exercitus licitè occul-
tate potest, quæ facere
debet, non tamen fraudu-
lenter agere. 7. 5. 48.

E

E BRIETAS causâ sani-
tatis licita est, si aliud
non est remedium, tene-
tur autem se inebrians, &
complices præcavere, nè
quid mali sequatur. 2. 2. 9.

Effectus ex naturali causa
procedens non imputa-
tur, si nullatenus impe-
diri potest, bonè verò, si
potest. 2. 2. 5.

Idem, si causa sit ab extrin-

seco illata, ut Demonis
operatione. 2. 2. 6.

Effectus ex causâ volunta-
riâ imputatur ad culpam,
non verò si post pœni-
tentiam causa removeri
non possit. 2. 2. 7.

Effectus præcisi, licet non
intenti, imputantur etiam
danti operam rei licitæ.
2. 2. 8.

Effectus non præcisi adhuc
imputatur, si per se ex
causa sequantur, non au-
tem si solum per acci-
dens. 2. 2. 9.

Effectus per accidens non
imputantur danti etiam
operam rei licitæ, factâ
sufficienti diligentia,
quamvis actio sit pericu-
losa. 2. 2. 10. & seq.

Limita, si actio adeò sit pe-
riculosa, ut vix pericu-
lum vitari possit. ibid. 13.

Effectus realem dicit ordi-
nem ad suam causam fi-
nalem. 4. 2. 10.

Electio quid sit. 3. 1. 7.

Epykeja quid? Non habet
locum in lege Naturali.
8. 2. 5.

Epykeja, seu æquitas legis
interpretatrix est, ac Su-
perior regula. 8. 5. 3.

Epykeja locum habet, dū
le-

RERUM, ET VERBORUM &c.

legis observantia nimis
esset dura. 8. 5. 4.

Epykeja locum non habet
in dubiis formaliter. 8.
5. 5.

Exceptus Casus firmat re-
gulam in contrarium,
quomodo intelligatur?
A. 26.

Excommunicatio. Vide
Poena Excommunicatio-
nis, & Poena iterabilis.

Exempla, quæ adducuntur
contrà Probabilistas, justè
non nimis probant A. 37.

Exempla, quæ adducuntur
in favorem benignæ sen-
tentiæ nihil profunt. A. 38.

F

FIDES explicita, si non
distincta, præcipuorum
mysteriorum necessaria
est cuilibet Christiano. 2.
6. 13.

Fidelis peccans, an semper
duplici malitiâ peccet cõ-
trà Virtutem infusam, &
acquisitam? 4. 3. 34. &
seq.

Fidelis nõ est necesse, quod
se accuset distinctè de
prædictis malitiis. 4. 3. 36.

Fidelis non tenetur semper

ad supernaturaliã præ-
cepta attendere. 4. 3. 35.

Finis tripliciter intendi po-
test, habitualiter; actua-
liter, & Virtualiter. 1.
3. 6.

Finis ultimus, tam natura-
lis, quàm supernaturalis;
quomodo necessariò per
actum bonum, & meri-
torium intendi debeat? 1.
3. 8. & seq.

Finis duplex, ultimus, &
intermedius. 3. 1. 2.

Finis ultimus absolutè, vel
in tali genere. 3. 1. 4.

Finis ultimus formalis, &
materialis. 3. 1. 4.

Finis est primum Volun-
tatis objectum, non ta-
men adæquatum, & to-
tale. 4. 3. 9.

Finis duplex, intrinsecus,
& extrinsecus sui operis,
& operantis. 4. 3. 19.

Finis, objectum, & moti-
vum idem sunt respectu
Voluntatis. ibid.

Finis extrinsecus est acci-
dens, & Circumstantia.
ibid.

Finis est adæquata ratio for-
malis, sub quâ Voluntas
etiam attingit media. 4.
3. 23.

Fornicatori accedenti ad
Sff 2 Mu-

INDEX ALPHABETICUS

Mulierem paratam non est voluntarium peccatū ipsius Mulieris, benè vero procuranti ejus consentum, undè tenetur hic exprimere in Confessione, non ille. 2. 2. 4.

Fornicari intendens quinques cū eadem foemina, etiam voluntatis actu, quinque peccata committit. 4. 4. 35.

Forum externum ex præsumptione punit aliquādo sine culpa in 16. 2. 2. 15.

Forum externum de externis judicat, ex quibus reus quis præsupponitur, nisi aliàs de innocentia confet. 4. 2. 23.

Fruitio quænam sit? 3. 1. 6.

Fruitio importat amorem, possessionem, & delectationem. 3. 2. 18.

Fruitio perfectè est de solo ultimo fine, imperfectè autem de intermedio. 3. 2. 19.

Furari volens, ut fornicetur, duplex committit peccatum. 4. 4. 33.

Furans aggrediendo Viatorem, multipliciter peccat. 6. 3. 17.

Furans decies unum scutū vituperabilior est, quàm

semel furans viginti: 6. 3. 16.

Furtum quandò notabiliter aggravari, censendum sit? 6. 3. 7. & 22.

G

GABELLA; Vide Tributa.

Gratia specialis necessaria est, non solum ad novam bonitatem, & meritum, sed ad quamcunque ejusdem intentionem. 4. 2. 29.

H

HABITUS vitiosus remanere potest cū Virtute infusa. 4. 3. 34.

4. 4. 14.

Homicidium ex inadvertentia. 3. 3. 18.

Homicidium casuale. Vide Effectus.

Habitus. Habituatus. Vide Consuetudo. Peccans ex certa scientia.

Ignor-

RERUM, ET VERBORUM &c.

I

Ignorantia duplex, Juris, & Facti, seu generalis, & particularis, & malæ electionis. 2. 6. 1.

Ignorantia vincibilis, & invincibilis. 2. 6. 2.

Ignorantia antecedens, concomitans, consequens. 2. 6. 3.

Ignorantia antecedens reddit simpliciter involuntarium. 2. 6. 4.

Ignorantia concomitans non facit involuntarium, sed non voluntarium, non accusat, nec excusat. 2. 6. 5.

Ignorantia consequens est volita saltem indirectè. 3. 6. 6.

Ignorantia affectata, crassa, & supina. ibid.

Ignorantia consequens semper est culpabilis. 2. 6. 7.

Ignorantia consequens aliquo modo involuntariū facit, & in parte excusat nisi sit affectata. 2. 6. 8. & seq.

Ignorantia potest dici causa per se moraliter, si non metaphysicè. 2. 6. 10.

Ignorantia ex naturali oblivione est antecedens. 2. 6. 11.

Ignorantia non culpabilis semper excusat. 2. 6. 12. Vide Scire, Fides.

Imperium, in quo consistat? 3. 2. 12. & seq.

Imperare, quo modo fit intellectus, & Voluntatis? 3. 2. 15.

Inadvertentia ex naturali oblivione excusat, non autem ex incuria. 3. 3. 18.

Incestum specie differre secundum gradus est probabile. 6. 3. 18.

Incestus unius cum Matre, vel sorore, an substantialiter sit gravius peccatū, quàm duo, vel tres cum alia Consanguinea? ibid.

Incestus etiam extrà secundum gradum explicandus in Confessione, licet non sit necessarium exprimere in tertio, vel quarto. 6. 4. 1.

Indifferentes actus plures dantur secundum se. 1. 2. 2.

Indifferens nullus est actus humanus in individuo. 1. 4. per totum.

Indulgentiæ fructus alligatus operi, quod non implens

INDEX ALPHABETICUS

- plens non consequitur
indulgentiam. **4. 2. 28.**
- Infamiae metus quando ju-
stus, vel non? **2. 4. 4.**
- Infidelis potest elicere ali-
qua opera bona morali-
ter. **7. 2. 11.**
- Instrumentum, ut motum
à principali agente, acti-
vè attingit effectum pro-
prium excedentem virtu-
tem. **4. 2. 9.**
- Intemperantia. Vide Timi-
ditas.
- Intentio ultimi finis. Vide
bonus actus, & Meritum.
- Intentio finis. **3. 1. 6.**
- Intentio est efficax voluntas
finis. **3. 2. 1.** Vide Actus
Voluntatis, & Bonum
Opus.
- Interdictum. Vide Irregu-
laritas.
- Involuntarium nō est idem
ac non Voluntarium. **2.**
3. 2. Vide Violentia,
Metus, Ignorantia, Con-
cupiscentia, Passio.
- Irregularitas, Interdictum,
& Suspendio, quomodo
absque culpa incurri pos-
sint? **2. 2. 15. & 8. 3. 68.**
& seq.
- Judicium practicum à spe-
culativo discordare po-
test per adventum Cir-
cūstantiæ. **7. 3. 15.**
- Judicium practicum in tali
casu extrahitur quodam-
modo à subjectione spe-
culativi, & sub alio pari-
ter speculativo colloca-
tur. **7. 3. 16.**
- Judicium practicum, seu
singulare, invariatis om-
nino terminis, à specula-
tivo, & generali discor-
dare prudenter non po-
test. **7. 3. 17. & seq.**
- Judicium speculativum est
immediata regula Judi-
cii practici. **7. 3. 18. &**
seq.
- Judicium speculativum, &
practicum in veritate
conveniunt. **7. 3. 21. &**
seq.
- Judex ad maximam tenetur
diligentiam in Veritatis
inquisitione. **7. 5. 35.**
- Judex tenetur, juxta proba-
biliorem partem decer-
nere, sive dubium sit Ju-
ris, sive Facti. **7. 5. 36.**
& seq.
- Judex quid agat, dūm pro
utraque parte sunt æqua-
lis ponderis fundamenta?
7. 5. 38.
- Judex in criminalibus, præ-
cipuè in Causâ Sanguinis,
Sole clariorēs exigat pro-
ba-

RERUM, ET VERBORUM &c.

bationes. 7. 5. 32.

Judex non ex privata scientia, sed secundum quod sibi, ut Publica est Persona, constat, debet procedere, scientiâ tamen privatâ, uti potest ad inducta strictius discutenda. 7. 5. 40.

Judex sciens innocentem, falsò convictû, quid agere debeat? 7. 5. 41.

Judicis arbitrium, quò extendatur, nè iniquè arbitretur? 7. 5. 42.

Judex, an, & quam pœnam præcipere possit, ut sibi reus inferat? 8. 3. 75. & seq.

Judex iniquè præciperet, ut Filius Parenti mortem inferret. 8. 3. 78.

Judex inferior tenetur in Conscientia, pœnam imponere à lege taxatam. Superior tamen potest in toto, vel in parte remittere, sicut in lege dispensare. 8. 3. 79.

Jus Gentium quid? quæ contineat, & quomodò à lege naturali, & consuetudine differat? 8. 1. 30. & seq.

Justitia legalis diversa est juxtâ regiminum diversitatem. 4. 3. 32.

L

LEGIS essentialia, quæ sint? 4. 3. 25.

Legis non quælibet essentialis distinctio dat moralem distinctionem, sed sola distinctio in ratione directivi, & regulæ. 4. 3. 26.

Legis diversitas etiam in ratione finis, non sufficit ad specificam distinctionem actus, nisi diversus præscribatur modus. 4. 3. 27.

Legis finis dat speciem, si tanquam finis proximus proponatur. 4. 3. 28.

Legis finis generalis non inducit novam speciem, nisi ab operante sit intentus. 4. 3. 29.

Lex quomodò in distinctâ moralitatis specie constituat objectum? 4. 3. 37. & 41.

Legem sufficienter non esse promulgatâ usque dùm inter DD. de illa controversatur, quam sit perniciosum? A. 12. & seq.

Legis Divinæ non scriptæ, & Naturalis promulgatio

INDEX ALPHABETICUS

- rio fit rationis dictamine
A. [13.](#) & seq.
- Legis positivæ tam Divinæ,
quàm humanæ interpreta-
tio, & explicatio ipsâ
ratione fit. A. [16.](#)
- Legis, Juris, & Artis, Boni,
& Æqui differentia. [8. 1.](#)
[1.](#) & seq.
- Legis definitio explicatur.
[8. 1. 3.](#) & seq.
- Lex ad commune bonum
utilis esse debet. [8. 1. 4.](#)
- Legis rationem propriè non
habent Præceptum, Sen-
tentia, & Privilegium. [8.](#)
[1. 5.](#) & seq.
- Lex debet esse à potesta-
tem habente. [8. 1. 8.](#)
- Leges cõdere, ad quem per-
tineat? [8. 1. 9.](#) & seq.
- Leges Ecclesiasticas condẽ-
di Potestas immediatè à
Christo communicata. [8.](#)
[1. 10.](#)
- Lex humanorum actuum
debet esse directiva. [8. 1.](#)
[11.](#)
- Legis promulgatio necessa-
ria, ut lex in actu secun-
do obliget. [8. 1. 12.](#)
- Legis Divinæ promulgatio
determinatum non habet
modum, humana verò
aliquam exigit solemnita-
tem, [8. 1. 13.](#) & seq.
- Leges mandari, scriptis con-
gruum est, licet non de
essentia. [8. 1. 15.](#)
- Legis officium, effectus, &
actus. [8. 1. 16.](#)
- Lex dividitur in Divinam,
& humanam; Divina ve-
ro in Æternam, Natura-
lem, & Positivam. [8. 1.](#)
[17.](#) & seq.
- Lex Divina positiva, quæ
dividitur in Veterem, &
Novam. [8. 1. 21.](#)
- Lex Naturalis explicatur. [8.](#)
[1. 19.](#) & seq.
- Lex Positiva, sive Divina,
sive Humana, præcipere,
vel prohibere potest ali-
quod lege naturali præ-
ceptum, vel prohibitum,
non tamen contrà illam.
[8. 1. 22.](#)
- Lex Verus bona, sed imper-
fecta comparitivè ad No-
vam, undè per hujus pro-
mulgationem abrogata
fuit. [8. 1. 25.](#)
- Legis veteris Præcepta tri-
plices generis. [8. 1. 24.](#)
- Legis Veteris Cæremonia-
lia, non solum abrogata,
sed jam illicita sunt. [8.](#)
[1. 25.](#)
- Legis Veteris Moralia quo-
modò sint in suo robore?
[8. 1. 26.](#)

Le-

RERUM, ET VERBORUM &c.

Legis Veteris Judicialia vim
amplius non habent, &
quomodo possint adhuc
præcipi? [8. 1. 27.](#)

Legis Novæ Præcepta tripli-
cis generis. [8. 1. 28.](#)

Lex humana, & quoduplex.
[8. 1. 29.](#)

Lex humana scripta dividi-
tur in Ecclesiasticam, &
Civilem; Ecclesiastica,
scilicet Canonica, quæ con-
tineat? [8. 1. 32.](#)

Legis vim, an obtineant, &
quomodo Declarationes,
& Decreta Sacræ Con-
gregat. Cardinalium? [8. 1. 33. & seq.](#)

Lex Civilis per excellentiā,
Jus Romanum, quæ con-
tineat? [8. 1. 38.](#)

Lex ista, an, & quomodo
extrâ Romanum Impe-
rium extendatur? [8. 1. 39.](#)

Lex naturalis, Synderesis,
& Conscientia quomodo
differant? [8. 2. 1.](#)

Legis naturalis Præcepta
triplicis generis. [8. 2. 2.](#)

Lex naturalis in rigore mu-
tationem, vel dispensa-
tionem non admittit, sed
tantum ex variatione
materiae [8. 2. 3. & seq.](#)

Legis naturalis materia va-
riatur ex ipsius legis na-

turalis dictamine. [8. 2. 4.](#)

Legis naturalis neque pro-
priè est Epykeja. [8. 2. 5.](#)

Legis naturalis dispensatio
quomodo fieri possit? [6. 2. 6. & seq.](#) Vide Dispen-
satio.

Legis naturalis, an & quo-
modo invincibilis dari
possit ignorantia? [8. 2. 17. & seq.](#)

Legis humanæ Condicio-
nes, ut justa sit. [8. 3. 2.](#)

Lex humana tripliciter in-
justa esse potest. [8. 3. 3.](#)

Lex humana per se loquen-
do, ad mortem obligat,
sed in casu non obligat
ex benignitate. [8. 3. 4.](#)

Lex humana, unde nosci
possit, quod obliget cum
vitæ dispendio. [8. 3. 5.](#)

Lex humana quomodo a-
ctus internos præcipere
possit? [8. 3. 6.](#)

Legi humanæ quomodo
subdatur Princeps? [8. 3. 7.](#)

Legi Civili quomodo sub-
dantur Clerici? [8. 3. 8.](#)

Legibus proprii Territorii
non tenetur immorans
extrâ. Peregrini verò te-
nentur legibus Territorii,
per quod transeunt [8. 3. 9.](#)

Legis promulgatio, ut actu
T t t obli-

INDEX ALPHABETICUS

- obliget . 8. 3. 10. & seq.
- Legem sciens antè illius promulgationem, eà non ligatur . 8. 3. 11.
- Legis notitia, quæ necessaria sit, ut actu obliget ? 8. 3. 13.
- Leges etiam Pontificiæ, cōgruum est, ut ad Episcopos, vel Gubernatores promulgandæ transmittantur . 8. 3. 16.
- Lex humana, ut obliget, an, & quam requirat Populi acceptationem ? 8. 3. 17. & seq.
- Legem nō acceptantes absque legitimā causā graviter peccant, etiam si aliās Privilegiati sint . 8. 3. 19. & 23.
- Legis primi transgressores peccant, non verò alii post non usum sufficienter introductum . 8. 3. 23. & 30. & 8. 4. 11.
- Legis non usus quando censetur sufficienter introductus . 8. 3. 25.
- Lex non obligat, si à majori parte Communitatis non servetur . 8. 3. 26.
- Lex non obligat in aliqua particulari Communitate, si ejus major pars non servet, quamvis in aliis communi sit usu recepta . 8. 3. 26.
- Lex obligat, si dubium sit, an fuerit usu recepta : 8. 3. 27.
- Lex usu non recepta caret vi obligatoria, non tamē hoc ipso abrogata est . 8. 3. 28.
- Lex abrogata cēsetur etiam per duos, vel tres actus, Principe sciente, nec reclamante, cum possit commode . 8. 3. 29. & seq.
- Legis obligationem potest Populus suspendere, ut Principi supplicationem porrigat . 8. 3. 31.
- Quid agendum, si Princeps ad legis observantiam compellat, & Populus nolit subiacere ? 8. 3. 32.
- Lex obligat quomodocunque acceptetur, etiam vi, & metu . 8. 3. 33.
- Legis non usum actus publici, non occulti inducunt . *ibid.*
- Legis cujuscunque transgressio ex contemptu est mortale peccatum . 8. 3. 34.
- Lex præceptiva obligat sub mortali, mandativa sub veniali; Consultiva nullo

RERUM, ET VERBORUM &c.

- lo modo . [8. 3. 35.](#)
 Lex quandò præceptiva, mandativa, vel purè consultiva ? [8. 3. 36.](#) & seq.
 Vide Verba, Materia, Legislatoris, intentio, & Poena .
 Legislator potest, materiam aliàs gravē sub veniali, aut etiam nullo peccato jubere . *ibid.*
 Lex obligat secundū cōmunem consuetudinem, præsertim Ecclesiæ, & Prudentum existimationem . [8. 3. 41.](#)
 Legem purè consultivam esse, colligi potest ex verbis Legislatoris, vel materia ipsius . [8. 3. 42.](#)
 Lex non obligat sub. mortali, quibuscunque feratur verbis, nisi materia sit gravis, etiamsi legislator obligare intendat . [8. 3. 43.](#)
 Lex obligat secundū quod constat legislatoris intentio, modò materia sit capax . [8. 3. 44.](#)
 Lex obligat sub mortali, si constet intentio Legislatoris, & dubium sit, an materia sit gravis . [8. 3. 45.](#)
 Legis obligatio ex materia pensanda est, ubi non constat de legislatoris intentione . [8. 3. 46.](#)
 Legislatoris intentio ex verbis, & poena colligi potest . [8. 3. 87. & seq.](#)
 Lex, quæ congruè intelligi potest obligare sub veniali, non est ad mortale extendenda . [8. 3. 50.](#)
 Lex triplex, Præceptiva, Poenalis, & Mixta . [8. 3. 51.](#)
 Lex imponens poenam excommunicationis majoris ex hoc ipso Præceptiva est sub mortali . [8. 3. 64.](#)
 Lex purè poenalis ad nullam culpam obligat . [8. 3. 65.](#)
 Leges benigniùs interpretandæ . [8. 3. 66.](#)
 Lex etiam purè poenalis aliam imponens legem, seu signum, est gravis, aut levis obligationis juxta poenæ qualitatem ; [8. 3. 71.](#)
 Lex poenalis latæ sententiæ, an, & quomodò in foro Conscientiæ transgressores obliget ad subeundā poenam, etiam antè Judicis sententiam / [8. 3. 72. & seq.](#)

INDEX ALPHABETICUS

- Legis interpretatio generalis, & particularis. **8. 5. 1.**
- Legis interpretatio generalis Authentica per consuetudinem, & Doctrinalis. **8. 5. 2.**
- Legis interpretatio per Epykejam. **8. 5. 3. & seq.**
- Lex quomodo cesset de se? **8. 5. 6. & seq.**
- Legis Imitatio, Abrogatio, Derogatio, Correctio, Dispensatio, quomodo differant? **8. 5. 8.**
- Lex immutatur de Superioris voluntate, vel per non usum. **8. 5. 9.**
- Legis Correctio à Superiori Consuetudine, & communi DD. sensu fieri potest. *ibid.*
- Legis Abrogatio, vel Derogatio à quo, & quomodo fieri possit? **8. 5. 10. & seq.**
- Lex inferioris à Superiori confirmata, an, & quomodo ab inferiori possit abrogari? **8. 5. 12. Vide Statuta Decreta.**
- Legem validè abrogat Superior, etiam sinè causa, licèt peccet. **8. 5. 13.**
- Legis abrogatio quomodo fiat. **8. 5. 14.**
- Lex juramento firmata, quomodo per contrariā legem abrogari possit? **8. 5. 16.**
- Legis abrogatio, quam exigit publicationem. **8. 5. 17. & seq.**
- Lex pœnalis novam taxans pœnam pro eodem crimine, an, & quomodo antiquam abroget? **8. 5. 19. & seq.**
- Libertas est radix moralitatis, non ipsa formalis moralitas. **1. 1. 3.**
- Libertas triplex, à servitute, à coactione, & libertas indifferentiæ. **2. 1. 5.**
- Libertas indifferentiæ ad actum humanum requisita, quæ sit? **2. 1. 6.**
- Libertas contradictionis, & quodad exercitium, & cōtrarietatis, & quodad specificationem. **2. 1. 7.**
- Libertatis radix est ratio. **3. 1. 8.**
- Libertas filiorum Dei levè, & suavem Divinam reddit legem, non morum laxitudo. **A. 17.**
- Libertas eligendi opinionē quānam sit? **A. 18.**
- Ludens quomodo prudenter cum sola probabilitate vincendi ludere possit. **7. 3. 64.**

RERUM, ET VERBORUM &c.

M

MALITIA moralis, quid? [1. 2. 1.](#)

Mali actus, quia mali secundum se, & mali, quia prohibiti. [1. 2. 2.](#)

Malus nullus actus formaliter, nisi lege saltè æterna prohibitus. *ibid.*

Malus tantum, quia prohibitus, per aliquam circumstantiam cohonestari potest, non verò malus intrinsecè, ac secundum se. [1. 2. 4.](#)

Malitiæ moralis definitio. [1. 2. 5.](#)

Malum ex quocunque defectu resultat. [1. 3. 1.](#)

Malum est privatio boni. [5. 1. 1.](#)

Malitia moralis est privatio rectitudinis debitæ. *ibid.*

Malum, & Malitia duplex, Malum absolutè, simpliciter secundum se, & privativè, & Malum secundum quid, contrariè, seu in ordine ad aliud, & respectivè. [5. 1. 3.](#)

Malum etiam respectivè privationem habet anne-

xam. *ibidem.*

Malitia moralis formaliter consistit in ordine dissonantiæ, non in privatione. [5. 1. 4.](#)

Malum morale est quoque in genere mali simpliciter. [5. 1. 6.](#)

Malum morale, etiam præcisa privatione, est maximum. *ibid.* Vide Bonitas.

Martyrium ex reali Passione Christi, imitatione Privilegium habet remittendi totam poenam. [4. 2. 28.](#) Vide Aureola.

Materia quænam sit gravis obligationis capax. [8. 3. 37.](#)

Materia de se levis ratione circumstantiæ, præcipuè finis, gravis reddi potest. [8. 3. 38.](#)

Materia de se non gravis post monitionem gravis redditur. [8. 3. 58.](#)

Matrimonium per merum, quomodo invalidum. [2. 4. 7.](#)

Matrimonii valor Parochi, & duorum Testium exigat præsentiam. *ibid.*

Medicus imprudenter, infideliter, ac injustè, certiori

INDEX ALPHABETICUS

- ri postposita, medicinam daret ambiguam . 7. [3.](#) [63.](#) & 7. 5. 50.
- Medicus sive cum mercede, sive gratis curam agat, non potest medicamento uti, de quo dubium est, an possit nocere. 7. [5. 51.](#)
- Medicus tenetur in dubiis aliorum consilia quærere, ibid.
- Medicus [uti](#) potest dubio remedio, si aliàs desperata sit Infirmi salus, nec aliud certius occurrat, Infirmitatem tamen, ac hæredes monere tenetur. 7. 5. 52.
- Medicinas pretiosas, vel nimis difficiles adhibere non tenemur. 7. 5. [53.](#)
- Medicus quomodo uti possit remedio, de quo solum dubitatur, an possit prodesse, non autem nocere? 7. 5. [54.](#)
- Medicus, an, & quomodo teneatur, ad commune bonum singulare pharmacum, seu remedium alijs communicare? 7. 5. 55.
- Medici obligatio ad pauperum curam gratis assumendam, & Infirmos de Confessione admonēdos, 7. 5. [57.](#)
- Medium etiam, ut medium aliquam habet intrinsicam bonitatem, licet diminutam, & à bonitate finis dependentem. 4. [3.](#) [9.](#)
- Mercator absolute irridendus quærens lucrum, ubi ut plurimum damnum reperitur, & in quo casu possit id prudenter agere? 7. 3. [62.](#)
- Meritum æternæ vitæ præter alia requisita ad moralem bonitatem, ordinem exigit ad Deum supernaturalem finem, saltem virtualiter. 1. [3. 11.](#)
- Hæc virtualis intentio habetur ex naturâ suâ in actibus de se ordinis supernaturalis, in alijs vero per præcedentem actum ad minus, ibid.
- Sufficit initio vitæ, vel justificationis actualem habere intentionem, modo nec implicite sit retractata, sanum tamen est Consilium, ipsam de die in diem innovare. 1. [3. 12.](#)
- Meritum, vel Demeritum im-

RERUM, & VERBORUM &c.

importat activam conformitatem, vel diffinitatem ad legem. 4. 2. 20.
 Meriti æqualitas exigit voluntatem in intentione, duratione, & cæteris circumstantiis. 4. 2. 30.
 Meriti, & Demeriti mensura duplex, Objectum, & Voluntatis efficacia. 4. 2. 32. & seq. Vide Bonum Opus.
 Ad meritum sufficit virtualis intentio. 4. 4. 13.
 Metus quid sit? 2. 4. 1.
 Metus iustus, & probabilis, non iustus, nec probabilis. 2. 4. 2. & seq.
 Metus minuit, non tollit voluntarium, unde facta per metum sunt mixta &c. 2. 4. 6.
 Metus nullo modo fuit involuntarius, si objectum, quod ex metu eligitur, sit in se bonum. 2. 4. 8. & seq.
 Quomodo in his quoque admitti possit aliquid involuntarii? 2. 4. 12.
 Aliud est aliquid fieri ex metu, aliud cum metu. 2. 4. 13.
 Metus non excusat à transgressione legis humanæ,

benè verò hæc lex in casu non obligat. 2. 4. 14.
 Milites, an, & quomodo bellare possint, dum non constat de iustitia belli? 7. 3. 33. Vide Dux.
 Minimum Superioris ordinis excedit maximum inferioris. 5. 1. 6.
 Minus bonum eligens relicto meliori, an, & quomodo peccet? 7. 3. 52. & seq.
 Monetæ mutatio securiùs fit, audito Populo. 2. 5. 14.
 Monetam, non licet Principi mutare ad libitum, sed ex gravi necessitate. 7. 5. 15.
 Monetæ mutatio cetam exigit ac urgentissimam causam, nec sufficit probabilis, & quanam sint iustæ causæ? 7. 5. 16.
 Monetæ mutatio cum minori, quo potest, Subditorum incommodo fieri debet. 7. 5. 17.
 Moralitas à more dicitur. 1. 1. 1.
 Mores quid, & quomodo dicantur? ibid. & seq.
 Mores propriè non sunt in Brutis. ibid.

Mo-

INDEX ALPHABETICUS

Morale dicitur quidquid
ad mores pertinet. [1.1.2.](#)

Moralitas multipliciter invenitur. [1. 1. 4.](#)

Moris genus, est genus mensurabilitatis per legem. [1. 1. 3.](#)

Moralitatis duæ sunt potissimæ species; bonitas, & malitia. [1. 2. 1.](#)

Mortem mitiorem sibi, vel aliis inferre, non licet ad vitandam acerbiorē. [8. 3. 28.](#)

Motivi ratio constituit propriè objectum in ratione speciali objecti Voluntatis. [4. 3. 32.](#)

Motus primi, & secundi. Vide Actus, Negligens, Delectationes.

Mulieri modestè se ornanti voluntaria non est Juvenis concupiscentia, bene verò se ornanti lascivè. [2. 3. 10.](#)

Mulier, ut invitè dicatur violari, debet voluntate repugnare; & impedire, ut potest. [2. 3. 6.](#)

Mulier potest voluntariè pati violentiam absque culpâ, ubi duplex conditio concurrat. [2. 3. 7.](#)

N

NCESSITAS duplex, quoad exercitium, & quoad specificationē. [2. 1. 7.](#)

Necessariò appetitur objectum, in quo nulla malitatio apparet. [2. 1. 9.](#)

Necessitas verò, quoad exercitium exigit, quòd nec etiam in actu malitatio appareat. [2. 1. 10.](#)

Necessarii sunt omninò actus primo primi. [2. 1. 11.](#)

Negligens, motus reprimere cum periculo consensus peccat. [3. 3. 7. & seq.](#)

Negligentia levis, vel gravis ex periculo, & subiecti dispositione pensanda. [3. 3. 9.](#)

Negligere potest, qui expertus est, motus roborari magis, eis resistendo, & deficere, contemnendo. [3. 3. 10.](#)

Objec-

RERUM, ET VERBORUM &c.

O

OBJECTUM Voluntatis, finis, vel medium.

3. 1. 1.

Objecto mediante, omnem participat actus bonitatem, vel malitiam. 4.

3. 7.

Objectum non dat speciem moralem, nisi ut objectum Voluntatis. 4. 3. 8.

Objectum in genere moris, non naturę, consideratum dat specificam unitatem, vel diversitatem actui morali. 4. 3. 24.

Objectum specie distinguitur moraliter, dum lex in illo specialem præscribit modum directionis.

4. 3. 7. Vide Lex.

Objecti specialis appetibilitas etiam specialem exigit directionem. 4. 3. 28. & seq.

Objectum in ratione proprię objecti voluntatis constituitur per motivi rationem. 4. 3. 39.

In obscuris regulę Juris. 7. 3. 80.

Observantia mandatorum

Dei, ex metu, an sit involuntaria secundū quid?

2. 4. 8. & seq.

Occasionem proximam, nolens, dimittere, absolvendus non est, ac de illā interrogare debet Confessarius. 6. 4. 12.

Odio habens Proximum per longū tempus unum peccatum committit, nisi moraliter discontinuet actum. 4. 4. 35.

Offensę gravitas duplex, Personalis : & Objectiva. 5. 5. 6.

Omissionis malitiā inficitur actus, qui est ejus causa, vel occasio, non verò si causa non sit, quamvis impossibilis cum actu præcepto. 5. 3. 7. & seq.

Omissionis malitiā inficitur actus cum completionē Præcepti impossibilis, nisi jam efficacem omitendi supponat voluntatem, cujus moraliter spes non sit mutationis. 5. 3. 9. & seq.

Immo tunc duplex erit peccatum. 5. 3. 11. & seq.

Omissio mala est, non solum dum quis vult, omittere, sed etiam dum in-

V u u stat

INDEX ALPHABETICUS

- stat Præceptum . 5. 3. 14.
- Operatio propter delectationem perversa est . 1. 4. 4.
- Operatio propter finem, sic delectatio est propter operationem . ibid.
- Operationi excellentiori excellentior finis debetur . ibid.
- Operationes ad levamen, & moderatam naturæ commoditatem honestæ sunt . 1. 4. 7.
- Operis executio speciali Gratiâ indiget . 4. 2. 29.
- Operis executione augetur meritum ex intentione, vel extentione Voluntatis . 4. 2. 30.
- Quomodo intelligatur illud . Quantum intendis, tantum facis ? 4. 2. 34. & seq.
- Opus de se bonum, si causa sit omissionis, solam contrahit ipsius omissionis malitiam, licet propriâ bonitate privetur . 5. 3. 13.
- Opinativa Cōscientia, quid sit ? 7. 1. 8. & 7. 4. 1.
- In opinionum concursu, quomodo libertatis possessio non juvet operan-
- tem ? 7. 3. 73. & seq.
- In Opinionibus datur latitudo, quænam probabilis censeri debeat ? 7. 4. 5. & A. 20. & seq.
- Opinio communis non de facili relinquenda . 7. 4. 13. & A. 21.
- Opinionem esse tutiorem, non est idem, ac probabiliorem . 7. 4. 21.
- Opinio minus probabilis in rigore nunquam tutior dicenda est, ex communi tamen loquendi modo tutior vocatur, dum nos magis à peccato elongat . 7. 4. 22. & seq.
- Opinionem tutiorem, & si minus probabilem, sequi possumus in praxi, & cavendum nè juxta illam Conscientia formetur . 7. 4. 24.
- Opinionem probabiliorem, etsi minus tutam, licetè quilibet sequi potest . 7. 4. 25.
- Opinionem, quæ post sufficientem diligentiam probabilior apparet quis licetè sequi potest, quamvis in re sit minus probabilis . 7. 4. 26.
- Opinionem minus probabilem

RERUM, ET VERBORUM &c.

lem scienter sequens, etiā in speculabilibus, peccat, & quomodo id in Scholis, præcipuè Cathedraticis, liceat? 7. 4. 27. & seq.

Opinionem minus probabilem, minusque tutam in operando sequi, nullatenus licet. 7. 4. 31. & seq. Vide Probabilitas.

Ordinatus in Sacris, non emissio voto, eodem continuo, & unico peccato peccato, usque dū emittat, nisi voluntas discontinuetur. 4. 4. 37. & seq.

Otiosum quid dicatur? 1. 4. 2.

Otiosum de se matum est. ibidem.

P

PASSIO, Vide Concupiscentia.

Peccatum non requirit expressam advertentiam, sed sufficit, quod quis reneatur advertere. 3. 3. 17. & seq. Vide Advertentia.

Peccatum omne mortale, Charitatem expellit, non tamen omne est in specie

malitiæ contrā Charitatem. 4. 3. 34.

Peccatum quomodo continuetur etiam per somni interjectionem? 4. 4. 20. & seq.

Ad Peccatum sufficit actualis libertas, sive in se, sive in alio. 4. 4. 21.

Peccatorum numerus, ut fieri potest explicandus in Confessione. 4. 4. 24.

Peccatum convenienter PP. per privationem explicant, falsum tamen est, ipsos ita semper explicare. 5. 1. 8. & seq.

Peccatum quomodo non sit formaliter à Deo? 5. 1. 13. & seq.

Peccatum aliud Originale, aliud Personale, hocque aliud Actuale, aliud Habituale. 5. 2. 1.

Peccatum habituale non est habitus vitiosus. ibid.

Peccati definitio explicatur. 5. 2. 2.

Peccata diversis Virtutibus opposita specie distinguuntur. 5. 2. 3.

Peccata eidem Virtuti opposita per excessum, & defectum specie differunt. 5. 2. 4.

V u u 2 Pec-

INDEX ALPHABETICUS

Peccata quomodo ex Præceptorum diversitate specie distingui possint? 5. 2. 6.

Peccata quomodo ex fine distinguuntur? 5. 3. 1. & seq.

Peccatorum specifica distinctio formalis, tutius, & expeditius, ex formali objectorum distinctione desumitur. 5. 2. 8.

Peccata carnalia, & spiritualia specie distinguuntur. 5. 3. 1. & seq.

Peccata in Deum, in seipsum, & in Proximum specie distinguuntur. 5. 3. 2.

Peccata Cordis, Oris, & Operis, quando sint diversa, quando non? 5. 3. 3.

Peccatum commissionis contra Præceptum negativum, Omissionis contra affirmativum per se non differunt specie. 5. 3. 4.

Peccati omissionis formalis malitia non est pura privatio, sed ordo dissonantiae. 5. 3. 5. & seq. Vide Omissio.

Peccati Omissionis distinctio formalis ab objecto actus, cujus est carentia,

desumenda est. 5. 3. 5.

Peccatum mortale, & Veniale quid, & quomodo differant? 5. 4. 1. & seq.

Peccatum Veniale quomodo, non sit propriè contra legem, sed præter, seu non simpliciter, sed tantum secundum quid? 5. 4. 4. & seq.

Peccata sunt aliqua ex naturâ suâ Venialia. 5. 4. 2.

Peccatum mortale virtualiter saltè includit magnum Dei contemptum non autem Veniale. 5. 4. 9.

Peccatum mortale charitatem excludit, non Veniale. 5. 4. 10.

Peccatum mortale avertit ab ultimo fine, Veniale solum retardat. 5. 4. 11.

Peccatum mortale est ab intrinseco irreparabile, non autem Veniale. 5. 4. 12.

Peccatum graviter lædens Dei, vel Proximi charitatem, vel commune bonum est mortale, aliàs veniale. 5. 4. 13.

Peccatum ex genere suo mortale, quomodo veniale fieri possit? 5. 4. 14. & seq.

Pec-

RERUM, ET VERBORUM &c.

Peccatū de se veniale, quomodo fieri possit mortale? 5. 4. 17.

Peccata multa venialia unū mortale constituere non possunt. 5. 4. 18.

Peccatum ex genere veniale, dū fit mortale, non remanet in propria materia. ibid.

Peccatorum, gravitas undē pensanda? 5. 5. 1.

Peccata mortalia, si considerentur in ordine ad objecta non sunt paria. 5. 5. 2.

Peccatum omne mortale, quandam habet infinitatem in ratione offensæ. 5. 5. 3.

Peccatum omne mortale, totaliter privat Gratiā, & Charitatem. 5. 5. 4.

Peccata graviora sunt digniori opposita Virtuti. 5. 5. 5.

Peccata mortalia non omnia sunt æqualis gravitatis, etiam in ratione offensæ. 5. 5. 6.

Peccati gravitas essentialis ex objecto, accidentalis ex circumstantiis. 5. 5. 8.

Peccata etiam solā positivā lege prohibita, non sunt

paria. 5. 5. 9.

Id verum est, quamvis indivisibilis sit modus à lege præscriptus. 5. 5. 10.

Peccatum secundū se gravius est, quod peius habet objectum, ac digniori opponitur Virtuti. 5. 5. 11. & seq.

Peccatum interiori Virtuti oppositum, an & quomodo gravius esse possit opposito Superiori? 5. 5. 13. & seq.

Peccatorū comparatio fieri debet, proportionē servatā. 5. 5. 12. & seq.

Peccata carnalia sunt minoris culpæ, & majoris infamiae, quā spiritualia. 5. 5. 18.

Peccans ex certā scientiā, & malitiā gravius peccat. 5. 5. 19.

Peccans ex habitu, peccat ex certā malitiā, non tamen semper habitus peccat ex habitu. 5. 5. 20. & seq.

Peccatum ex objecto minus grave per circumstantiam aggravatum dici potest absolutē gravius. 5. 5. 22.

Peccatum mortale dici potest infinita gravitatis in

INDEX ALPHABETICUS

- ratione offensæ, & privationis. 6. 2. 3. & seq.
- Peccatum Mortale, & Veniale** circa eandem materiam, an, & quomodò ejusdem speciei dici possit? 6. 2. 20. & seq.
- Peccatum minus grave** in foro exteriori, gravius quandoque punitur. 6. 3. 19.
- Peccata minoris culpæ** quandoque apud homines honorabiliora. 6. 3. 18.
- Peccat operans**, non solùm contra, sed etiam sinè regulâ. 7. 3. 9.
- Peccatum sufficit**, quòd sit contrâ particulare dictamen, quod actus exposceret, licèt actu non sit. 7. 3. 11.
- Peregrini tenentur** legibus Territorii, per quod transeunt, non proprii. 8. 3. 9.
- Periculo peccandi**, se exponens peccat. 7. 3. 6. & seq.
- Pœnitentia ex metu**, an sit aliquo modo involuntaria? 2. 4. 16. & seq.
- Pœna duplex totalis** pro eadem culpâ infligi non potest, benè verò partialis. 4. 4. 42. & 44.
- Pœnæ aliæ spirituales**, aliæ temporales, graves, & leves, latæ, & ferendæ sententiæ. 8. 3. 52. & seq.
- Pœna gravis signum gravis obligationis**. 8. 3. 56. & seq.
- Pœna excommunicationis** ob culpam non adeò gravem comminatoriè intelligenda est, neque signū obligationis sub mortali. 8. 3. 59. de se tamen mortale peccatum supponit. 2. 64.
- Pœna gravis ad commune bonum absque culpâ**, non tamen absque causâ, imponi potest. 8. 3. 60.
- Pœna gravis temporalis** disjunctivè taxata, vel per modum conventionis non est signum gravis obligationis. 8. 3. 61. & seq.
- Pœna levis de se nunquam est signum gravis obligationis**. 8. 3. 63.
- Pœna gravis in praxi** rarò, vel nunquam incurritur absque culpâ mortali. 8. 3. 69.
- Pœna iterabilis ex natura suâ**, si feratur à diversâ Po-

RERUM, ET VERBORUM &c.

Potestate, multiplicatur.

8. 5. 22.

Petrus Abailardus nō damnatur, quia docuerit, hominem per externū opus non fieri meliorem, nisi voluntas augeatur. 4. 2.

31.

Pollutio in somnis peccaminosa est, si ex causa voluntaria procedat. 4. 4. 21.

Pontifices, an, & quomodo minus probabiles fuerint secuti sententias? 7. 4. 59.

Possidentis melior conditio. Vide In Dubiis.

Possessio non iuvat eligentem, sed partem eligendam. 7. 3. 72.

Præceptum semper instans facit, quod non implens continuo peccat, non tamen semper novo peccato. 4. 4. 37.

Præcepta plura unico possunt actu impleri, & transgredi. 4. 4. 38.

Præcepta plura circa idem non inducunt plures obligationes, ad minus totales, & quoad effectum. 4. 4. 39. & seq.

Præcepti pluralitas augeat, sed non notabiliter, culpam. 4. 4. 43.

Præcepta prima dupliciter dici possunt. 2. 8. 18.

Præcepti transgressio de se venialis per frequentationem fieri nō potest mortalis, nisi ex scandalo, contemptu, vel periculo peccandi mortaliter. 8. 3. 39.

Præcepti sub mortali obligantis, quælibet transgressio mortalis est, nisi aliunde allevietur. 8. 3. 40.

Præmium essentiale, & accidentale Coelestis Patriæ & quid unum alteri addat? 4. 2. 24. & seq.

Præmium accidentale non omne dicitur Aureola. 4. 2. 25.

Præmium omnino æquale habebit, non tamen Aureolam, æqualem habens Martyrii voluntatem, quamvis in re Martyr nō efficiatur. 4. 2. 27.

Princeps, & Superior in ferenda lege debet esse certus moraliter de iustitia. 7. 5. 2.

Princeps non excusatur per hoc, quod suo utatur jure, indicens Bellum absque probabiliiori fundamento. 7. 5. 5. Vide Bel-

Bel-

INDEX ALPHABETICUS

- Bellum , Rex, Tributa .
 Privation in ordine ad formā
 privatā semper est ejusdē
 rationis , non verò in or-
 dine ad positivum , cui
 necessariò conjungitur .
 5. 2. 5.
 Privationes ejusdem formæ
 non sunt æquales consi-
 deratæ in ordine ad idem
 positivum . 5. 5. 7.
 Privilegium est privata lex .
 8. 4. 13.
 Privilegii variæ divisiones .
 5. 4. 14. & seq.
 Privilegium per modum le-
 gis requirit promulgatio-
 nem, per modum rescrip-
 ti sufficit acceptatio Pri-
 vilegiarii . 8. 4. 19. & seq.
 Privilegii Jus post accepta-
 tionem statim acquiritur
 usus autem illicitus , &
 invalidus antè notitiam
 ejus, si aliàs absque Pri-
 vilegio illicitus esset . 8.
 4. 21.
 Privilegium solus potest cō-
 cedere qui potest legem
 ferre . 8. 4. 22.
 Privilegium absque ratio-
 nabili causā concedens ,
 peccat purè tamē favora-
 biliter validum est, nō au-
 tem odiosū . 8. 4. 23. & seq.
 Privilegia subreptitia nulla
 sunt . 8. 4. 26.
 Privilegium dum est obscu-
 rum, ad concedentem est
 recurrendum pro declara-
 tione , ac interim su-
 spendendus usus . 8. 4. 27.
 Privilegia odiosa strictè, fa-
 vorabilia latè interpre-
 tanda , servato legitimo
 verborum sensu, & men-
 te concedentis . 8. 4. 28.
 & 33.
 Privilegium contrà Consti-
 tutionem, Sententiam, vel
 Consuetudinem, nisi de
 his fiat mentio non valet .
 8. 4. 29.
 Privilegium odiosum cessat,
 cessante causā, nisi privi-
 legiarius perfectum Jus
 acquisierit in rem conces-
 sam . 8. 4. 30. & seq.
 Privilegium quoquē favo-
 rabile cessare, cessante
 causā, nisi fuerit solum
 impulsiva , probabilius
 est . 8. 4. 32. & 34.
 Privilegia Juris communis
 derogativa , odiosa sunt .
 8. 4. 33.
 Privilegium continens gra-
 tiam faciendam, cessat,
 morte concedentis, non
 autem gratiam factam . 8.
 4. 35. Pri-

RERUM, ET VERBORUM &c.

- Privilegia favorabilia** non cessant per non usum, bene odiosa per præscriptionem. 8. 4. 36.
- Privilegium** quomodo renunciatione cesset. 8. 4. 37. & seq.
- Privilegium** quomodo per unicum actum contrariū amittatur. 8. 4. 39.
- Privilegiū** quomodo amittatur per delictum. 8. 4. 40.
- Privilegium**, an, & quomodo revocari possit. 8. 4. 41. & seq.
- Probabilitas** sola non sufficit ad prudenter operandum. 7. 3. 61.
- Probabilitas duplex** intrinseca, & extrinseca. 7. 4. 6.
- Probabilitas** prius ex rationibus, quam ex auctoritate pensanda. 7. 4. 12. & seq.
- Probabilitatē** sententiæ judicandi Regulæ. 7. 4. 11. & seq.
- Probabilis ratio** in conspectu probabilioris non potest moraliter certificare. 7. 4. 47. & seq.
- Probabilis assensus** non est, judicare solum probabilem sententiam, sed verā, licet non certō. 7. 4. 51.
- Probabilem** judicans opinionem, si determinatum illi assensum non præbeat non habet regulam suæ prudentis operationis. 7. 4. 52. & A. 7.
- Probabilistarum** Opinio an prudenter judicari possit probabilior? 7. 4. 53.
- Probabilistæ** non excusantur hîc, & nunc operantes juxta minus probabilem opinionem, quamvis ipsi putent suam sententiam probabiliorē. 7. 4. 54. & seq. A. 13.
- Probabilistis**, an aliquando suffragetur quoddā Urbani VIII. rescriptum. 7. 4. 58.
- Probabilium** sententiarum non prohibetur usus, sed abusus. A. 4. & seq.
- Probabile** speculativè tale, est practicè, nulla superveniente circumstantia. 7. 3. 25. & A. 22. & seq.
- Probabilis** opinionis conditiones, & an idem sit Probabile & verisimile. A. 20. & seq.
- Probabilis** an possit esse opinio, quæ solum ab aliquo recentiori D. docetur. A. 21. & 24.

X x x Pro-

INDEX ALPHABETICUS.

- Probabilistarum reflexiones nihil profunt. 7. 4. 55. & A. 25.
- Probabiliorē sequendo opinionem, à periculo peccandi formaliter liberamur, non peccandi materialiter. A. 33.
- Probabilistarum sententia nos liberaret à periculo peccandi materialiter. A. 34.
- Probabilistarum sententia, nec à periculo peccandi formaliter liberat. A. 35.
- Prudentiæ judicium ex certo Principio deductum, non habet omnimodam certitudinem. 7. 3. 68.
- Prudenter agere, quicumque secundum id, quod sibi probabile operatur, nemo SS. PP. docuit, imò ferè damnatum est ab Innocentio XI. 7. 4. 32. & seq. & A. 29.
- Prudenter quis non potest assentiri sententiæ, nisi veram illam existimet. 7. 4. 44.
- Prudens operatio determinatam exigit regulam, quam ratio, non Voluntas, præscribere debet. 7. 4. 45.
- Prudentia est recta ratio agibilium. 7. 3. 39.
- Prudentia non est simplex cognitio, sed applicatio ad opus; Undè non potest omnimodam habere certitudinem. 7. 3. 40.
- Prudentia in scientia fundatur, & adminus ex una certa præmissa deduci debet, præcipuè cum haberi potest. 7. 3. 41.
- Prudentiæ Judicium quam certitudinem habere debeat. 7. 3. 43. & seq.
- Prudens judicium necessario ferri debet secundum id, quod verisimilius apparet. 7. 3. 48.
- Prudentiæ non potest subesse falsum. 7. 3. 50. & seq.
- Prudentiæ præceptum est eligere melius, quando rationabile motivum ad minus bonum non inclinatur. 7. 3. 52. & seq.
- Prudentiæ modum ponere, quomodo intelligatur. 7. 3. 67.

R

RATIO inferior, & superior. 3. 3. 2.

Re-

RERUM, ET VERBORUM &c.

Restitudo moralis est adæquata conformitas ad rationem, & legem. 5. 1. 2.

Regula humanorū actuum duplex, immediata, & intrinseca, idest ratio; & remota, & extrinseca, scilicet Lex. 7. 1. 1.

Regula prima est Lex æterna, à quā rationem regulę omnes alię participant. 7. 1. 2.

Rege, vel Principe absque legitimo Successore decedente, ad legitimū Superiorem, si adsit, iudicium spectat, & sententia successorem determinans, tunc ipse sit prætenfor. 7. 1. 18. & seq.

Rex, vel Princeps carens Successore legitimo, debet antè obitum Judices designare, si Regnum Superiorem non habet. 7. 5. 20.

Rege decedente absque Iudicum designatione, ad Regnum ipsum pertinebit secundum propria statuta. 7. 5. 21.

Regni prætenfor certum, ac evidens Jus habens, non tenetur sententiam expectare, si probabiliter in-

justitiam timeat. 7. 5. 22.

Regni prætenfor, si Judices habeat suspectos, petere potest, ut alii designentur, quod si negetur, potest armis quoquē se defendere. 7. 5. 23.

Regnum adjudicare non possunt Judices, nisi parti practicè ad Regnum habenti Jus. 7. 5. 24.

Regnum quomodò possint Judices parti etiam non probabiliori adjudicare. 7. 5. 25.

Rex, vel Superior quomodò cautè debet Consiliarios inquirere, ac eorum uti consiliis. 7. 5. 26. & seq.

Restitutionis obligatio non oritur præcisè ex culpā, sed reali injustitia. 2. 2. 16.

Restitutionē omittens, continuo peccat, non tamen distincto peccato, nisi actus discontinuetur. 4. 4. 36. & seq.

Reus, an, & gravem pœnam subire, teneatur antè, vel post sententiam Judicis. 8. 3. 72. & seq.

Reus condemnatus, ut famæ preat, potest, ac debet, cibum sumere occultè ministratum. 8. 3. 77.

X x x 2 Reus

INDEX ALPHABETICUS

Reus potest quasdam actiones, quæ remotè ad mortem cooperantur. 8. 3. 78.

S

SACERDOTI non licet in Sacramentorum administratione præscriptum ab Ecclesia ritum variare, graviterq; peccat in materia notabili, etiam non quoad essentialia. 7. 5. 58. & seq.

Sacramentum, & Sacrificium operatur ex opere operato, undè non consequitur effectum, qui Sacramentum in se non suscipit, per solam Voluntatem. 4. 2. 28.

In Sacramentorum administratione, an, & quomodo licitè sequi possimus probabiliorè sententiam, etsi non tutiorem. 7. 5. 59. & seq.

Sacramentum sub conditione administrandum non est, sed absolutè, ubi adest moralis de valore certitudo. 7. 5. 62.

Sacramentum licitè administratur, etiam extrà ca-

sum necessitatis, si dubium tantum sit de jurisdictione Ministri, sitque pro jurisdictione probabilior sententia. 7. 5. 63. Vide Confessarius.

Ad Sacramenta conficienda sufficit virtualis intentio. 4. 4. 13.

Sacrilegium quomodo incuratur in violatione loci Sacri. 6. 1. 7. & 6. 2. 18. & seq.

Scire tenetur quilibet Christianus principaliora fidei mysteria, & quæ cõmuniter sciuntur ab omnibus, tam de Jure nature, quam humano, & ad proprium statum spectantia. 2. 6. 13. & seq.

Scrupulosa Cõscientia quid sit? 7. 1. 8. & 10.

Scrupulorum remedia. 7. 3. 83. & seq.

Sensitiva pars admittit peccatum absque voluntatis implicito saltèm concursu. 3. 3. 14. & seq.

Sententia de sequenda probabiliori opinione Jugū Domini non exasperat. 7. 4. 60. & A. 11. & 16. & seq.

Sententiæ benignitas, vel rigor

RERUM, ET VERBORUM &c.

- gor nil refert ad probabilitatem . A. 3.
- Sententia notam non meretur , quia lata , seu benigna , sed quia ultrà rationis dictamen . A. 4.
- Sententia de sequenda probabiliiori opinione valdè utilis ad reprimendam opinionum laxitatem , non inducit ad desperationem , nova non est , sed antiquissima A. 8. & seq.
- Sortibus pecuniam exponens , quomodò possit prudenter agere . 7. 3. 65.
- Speculativa , & practica ratio non fallit contradictionem . 7. 5. 24.
- Speculativum , & practicum in moralibus coincidunt . 7. 3. 19. Vide Conscientiæ divisio .
- Speculativè probabile quomodò possit esse improbabile practicè . 7. 3. 25.
- Speculativo iudicio falso , quomodò practicū possit esse verum . 7. 3. 29. & seq.
- Statuta , & Consuetudines speciales locorū , & Personarum per novam Cōstitutionem nō abrogantur , nisi de ipsis mentio fiat . 8. 5. 15.
- Studioſitatis Virtuti nō quilibet excessus opponitur , sed intrā propriam materiam . 5. 3. 15.
- Stndio vacans , & indè præceptum omittens , peccat unico omiſſionis peccato . ibid.
- Stuprum est , violare Puellam sub nullius custodia , etiam ipsâ invitante 6. 41.
- Subditi obedire tenentur , quamdiu non constat de legis injustitia . 7. 5. 2. & 13.
- Subditi quomodò teneantur obedire , si dubitent , Superiorem licitè , ac validè præcipere . 7. 5. 30. & seq.
- Superior . Vide Princeps . Rex .
- Suspicans Conscientia quid quid sit : In se non differt à dubiâ . 7. 1. 8. & seq. & 7. 1. 81.
- Synderesis est habitus primorū principiorum operabilium , cujus actus est Conscientia . 7. 1. 3. & seq.

T

Timiditas ex formali objecto est simpliciter gra-

INDEX ALPHABETICUS

- gravius peccatum, intemperantia; hæc tamen ex annexis, ut plurimum gravius est peccatum. 5. 5. 16.
- Tributi licita impositio** evidentem exigit necessitatem, non tamen extremam. 7. 5. 9. & seq.
- Tributa imponendi** juxta causam non est, si Principis facultates ex ejus incuria, vel ministrorum nequitia non superant. 7. 5. 11.
- Tributorum impositio** tria exigit, quibus Princeps maturè debet invigilare. 7. 5. 12.
- Tributa solvere**, tenentur Subditi, dum non constat de injustitia, si tamen fraudem advertant, Principem reverenter admonere debent, isque audire tenetur. 7. 5. 13.
- Tutum**, & tutius quid dicatur? 7. 3. 76. Vide Conscientia, Dubia, Opinio, Probabilitas.
- & Suaforia. 8. 3. 47. & seq.
- Verbum**, seu Clausula, sub præcepto, probabilius est gravem importare obligationem. 8. 3. 49.
- Verba extendenda** non sunt ad mortale, si tantum sub veniali possunt intelligi. 8. 3. 50.
- Veritas practica** quomodo à speculativa differat. 7. 3. 50.
- Veritas practica** inseparabilis est à rectitudine operationis, sed proportionem servata. 7. 3. 56. & seq.
- Veritas practica** tota præcontinetur in speculativâ nec illâ in certitudine excedit. 7. 3. 57.
- Violentia involuntarium** facit, exigit autem aliquam in passio resistantiam. 2. 3. 3. & seq.
- Virtus boni Civis**, ut sit, est simpliciter Virtus, & quomodo à Virtute boni Viri differat? 4. 3. 30. & seq.
- Virtus boni Civis** diversificatur secundum Regiminum diversitatem. 4. 3. 32.
- Virtutes infusæ** differunt specie ab acquisitis ex ratione formali objectorum. 4. 3. 33.

Vir-

RERUM, ET VERBORUM &c.

- Virtus** infusa quomodo cō-
paribilis cū oppositi vitii
habitu. 4. 3. 34. & 4. 4. 14.
- Voluntas** est appetitus ra-
tionalis. 2. 1. 1.
- Volitum** nil, quin præco-
gnitum. 2. 1. 2.
- Voluntariū** quid sit? 2. 1. 3.
- Voluntarium** perfectum, li-
berum, & necessarium.
2. 1. 4. & seq.
- Voluntas** ex naturā suā est
potentia libera, & natu-
ralis. 2. 1. 10.
- Voluntarium** elicitedum, &
imperatum; in se, & in
causā; directè, & indi-
rectè. 2. 1. 15. & seq.
- Voluntarium indirectè** re-
quirit, quod quis possit,
& debet. 2. 2. 1.
- Voluntarium** in se, & dire-
ctè, ac Voluntarium in
causā, & indirectè, quo-
modo differant? ibid.
- Voluntarium** in causa re-
quirit, quod expresse vo-
litū sit vera alterius causa
2. 2. 2.
- Voluntas** quoad actus elici-
tos, nec à Deo violentiam
pati potest, benè quoad
imperatos. 2. 3. 4. & seq.
- Volitio simplex** quid sit? est
inefficax. 3. 1. 6. & 3. 2. 1.
- Volitio** potest esse de fine,
formali præcisè. 3. 2. 2.
- Volitio** materialiter idem
actus esse potest cum in-
tentione. 3. 2. 3. Vide Actus
Voluntatis.
- Volūtatis** processus per om-
nes suos actus. 3. 2. per
totum.
- Voluntatis** proprius operā-
di modus est, trahi ab ob-
jecto. 4. 5. 39.
- Votum** solemne Religionis
per metum, quomodo
invalidum. 2. 4. 7.
- Votum** purè poenale non
ad culpam, sed ad poenā
obligat. 8. 3. 67.
- Ufus** quid sit? 3. 1. 7.
- Ufus** propriè, & in latiori
acceptione. 3. 2. 16. &
seq.

F I N I S.



P Agina 3. col. 1. linea 8. ex ratione, leg. & rationem. pag. 4. col. 3. lin. 17. positissimè leg. possi-
simè. pag. 5. col. 1. lin. 11. Bonum est, leg. Bonum non est. pag. 6. col. 1. lin. 5. Art. 1. leg. Art. 3.
pag. 7. col. 2. lin. 3. explicatione, leg. Expolitio. Item col. 2. lin. 15. part. 1. leg. prima 2. pag. 9.
col. 1. lin. 19. explicabimus uno verbo, leg. explicabimus. Uno verbo. pag. 11. col. 1. lin. 3. de cogi-
tan, leg. si cogitat. pag. 13. col. 1. lin. 15. Serra par. 2. 4. 4. 4. dub. 1. leg. prim. 2. q. 12. art. 4. dub. 2. pag.
15. col. 1. lin. 6. cap. 25. leg. cap. 24. pag. 16. col. 2. lin. 18. Tufcul. 9. leg. Tufcul. quest. pag. 22. col. 1. lin.
12. pfa. leg. ipfa. pag. 24. col. 1. lin. 18. peccant, leg. peccaret. pag. 26. col. 2. lin. 17. & 17. pfectus, leg.
pfectus. pag. 27. col. 1. lin. 13. & 14. quoad culpam & in foro exteriori, leg. quoad culpam, & in
foro Conscientie, non in foro exteriori. pag. 35. col. 1. lin. 19. exequatur, leg. exequatur. Item
col. 1. lin. 21. dici licite, leg. licet dici. pag. 36. col. 1. lin. 19. parere, leg. parere. pag. 38. col. 2. lin. 28.
Urgeret, leg. Non urgetur. pag. 40. col. 2. lin. 7. vero, leg. vere. pag. 41. col. 2. lin. 26. respicit, leg.
respuit. pag. 44. col. 1. lin. 9. tristitia, leg. cum tristitia. pag. 60. col. 1. lin. 15. nam acta, leg. nam
certa. Item col. 2. lin. 23. art. 1. leg. art. 3. Item col. 2. lin. 27. dicatur secundum, leg. dicatur, se-
cundum quod placet ad agendum; effectio autem secundum. pag. 63. col. 1. lin. 31. eligendum,
leg. eligendum. pag. 67. col. 1. lin. 4. Injuria, leg. Incuria. pag. 68. col. 1. lin. 30. fed, leg. se. pa-
gina 74. col. 1. lin. 24. tura, leg. recta. Item lin. 28. aggressum, leg. aggressus. pag. 81. col. 1. lin. 24.
quod est bonum, leg. quod est esse bonum. pag. 95. col. 2. lin. 24. art. 3. leg. art. 5. pag. 118. col. 2.
lin. 24. potest, leg. non potest. pag. 119. col. 2. lin. 15. quod, leg. quoad. pag. 124. col. 1. lin. 17. natu-
raliter, leg. naturalis. pag. 169. col. 1. lin. 25. formalitas, leg. formaliter. pag. 177. col. 1. lin. 17. ni-
mis, leg. minus. pag. 178. col. 1. lin. 24. ex hoc, leg. & hoc. pag. 180. col. 2. lin. ult. non possit, leg.
possit. pag. 186. col. 1. lin. 4. numerum non, leg. numerum; sed verius est, non. pag. 197. col. 2.
lin. ult. quest. 15. leg. quest. 18. pag. 218. col. 1. lin. 4. ~ a. 58. leg. n. 58. pag. 222. col. 2. lin. 16. fu-
ratus sum, leg. furatus sum ad fornicandum; vel sufficiat dicere, furatus sum, fornicatus sum.
pag. 234. col. 1. lin. 3. nam faciens, leg. non faciens. pag. 237. col. 1. lin. 4. quod, leg. quo. pag. 242.
col. 1. lin. 12. men, leg. le. pag. 249. col. 1. lin. 32. distinctivè, leg. disjunctivè. pag. 252. col. 1. lin. 27.
severius, leg. securus. pag. 257. col. 1. lin. 29. quia, leg. quin. pag. 260. col. 1. lin. 9. diatè subjicitur,
leg. diatè regulatur à speculativo, cui immediate subjicitur. pag. 260. col. 1. lin. 30. materiali, leg.
naturali. pag. 277. col. 1. lin. 35. q. 52. leg. 57. pag. 294. col. 1. lin. 21. ter. quart, leg. ter. In primis
entibus, ~~formalius~~ consilium est, nedum in dubiis, sed etiam in certis. Quart. pag. 300. col. 2.
lin. 25. graviorem, leg. Graviore. Item lin. 26. Vota leg. Voco. pag. 306. col. 1. lin. 32. aerium, leg.
avium. pag. 301. col. 1. lin. 16. recte, leg. certa. pag. 308. col. 2. lin. 33. metonus, leg. Mercorus.
pag. 309. col. 1. lin. 4. & 5. Guidone Carmelitarum, leg. Guigone Cartusianorum. pag. 321. col. 1.
lin. 9. & 10. Lorin. in act. Ap. leg. Lyrinenfis cap. 24. Commonit. pag. 322. col. 2. lin. 25. 158. leg.
157. pag. 325. col. 1. lin. 23. art. 3. leg. art. 13. pag. 328. col. 1. lin. 2. untem, leg. unum. pag. 332.
col. 2. lin. 10. quam, leg. quin. pag. 334. col. 2. lin. ult. privative, leg. gravitate. pag. 335. ult. ad 371.
in titulo, seu inscriptione addatur Ap, idest. Appendix hoc modo cap. VII. §. IV. Ap. pag. 338.
col. 2. lin. 23. bilis, leg. bill. pag. 339. col. 2. lin. 33. ipfa, leg. ipso. pag. 346. col. 1. lin. 16. juvat leg. cruciat.
pag. 348. col. 2. lin. 11. ibi total. leg. tibi nota. Item lin. 26. tibi, leg. tibi. pag. 354. col. 2. lin. 5. non
per, leg. per. pag. 355. col. 2. lin. ult. ris, leg. tes. pag. 361. col. 1. lin. 30. de se q. leg. de reg. pag. 364.
col. 1. lin. 5. tura, leg. turre. Item lin. 7. 12. che, leg. 12. chi. pag. 365. col. 2. lin. 22. intrus leg. intrus
pag. 366. col. 1. lin. 20. eodem, leg. eodem modo. pag. 366. col. 2. lin. 24. ex certis, leg. ex tertio. pag.
368. col. 2. lin. 8. Censum, leg. Censura. Item lin. 24. eximit, leg. eximit, bonigilate. pag. 371.
col. 1. lin. 8. tardus, leg. bardus. pag. 372. col. 2. lin. 19. gimur, leg. namor. Item lin. 26. §. 1. leg.
§. 5. & sic in tit. usq. ad pag. 401. pag. 374. col. 2. lin. 26. quam dici, leg. quandiu. pag. 389. col. 1. lin.
3. aot, leg. ut. pag. 390. col. 1. lin. 4. q. 96. leg. q. 95. pag. 398. col. 2. lin. 31. barbarus, leg. barbarus. pag.
405. col. 1. lin. 33. dici, leg. diu. pag. 407. col. 2. lin. 25. & 26. mensuram, & regulam, leg. mensura, & re-
gula. pag. 412. col. 2. lin. 6. cere, leg. care. pag. 413. col. 2. lin. 35. communiter, leg. communes. pag. 416.
col. 3. lin. 27. communi, leg. communis. pag. 410. col. 1. lin. 11. te, leg. se. pag. 411. col. 2. lin. 18. sensu,
leg. exten. pag. 445. col. 1. lin. 4. Sagro, leg. Sayro. pag. 448. col. 2. lin. 20. jungo, leg. injungo. pag. 451.
cul. 1. lin. 24. live, leg. vivo. pag. 456. col. 1. lin. 26. acta, leg. ae tura. pag. 456. col. 1. lin. 22. regula 2.
leg. 70. pag. 466. col. 2. lin. 3. iuria, leg. curia. pag. 474. col. 1. lin. 34. q. 3. p. 10. §. 1. leg. q. 3. p. 8. §. 2. pag.
477. col. 2. lin. 10. q. 5. leg. q. 1. pag. 489. col. 2. lin. 20. qui, leg. quos.

In Indice lit. A. col. 5. lin. 5. liceat, leg. licet. Item col. 6. lin. 1. cum qua, leg. in qua. B. col. 1. lin. 5.
& leg. est. Item lin. 9. excusandus, leg. excusandus. col. 2. lin. 15. A. 2. 8. leg. A. 2. 8. Item lin. 33. est
leg. & col. 3. lin. 1. honesta m. leg. honestatem. C. col. 2. lin. 10. parens, leg. pores. col. 1. lin. 33. ces-
sario voluntaria, leg. cessans voluntarie. col. 3. lin. 8. efficiant, leg. efficiant. col. 10. ult. 1. 2. leg.
3. 2. 5. col. 12. lin. 24. acquirit, leg. requirit. E. col. 2. n. 8. pfectus, leg. pfectus. Item lin. 9. licitè leg.
illicitè. I. col. 1. lin. 20. 1. 66. leg. 2. 66. L. col. 5. lin. 5. 2. 5. leg. 2. 6. col. 9. lin. 6. 8. 12. leg. 8. 12. item
lin. 2. 5. imponens legem, leg. supponens legem obligat ad gravem, vel levem culpam, seu & col. 10.
lin. 11. imitatio, leg. irritatio. Item lin. 15. immutatur, leg. irritatur. Item lin. 15. §. 5. & seq. leg. 10.
& seq. col. 11. lin. 25. 1. 1. 8. leg. 2. 1. 8. M. col. 1. lin. 4. ne, leg. nis. col. 5. §. 4. & seq. suit involunta-
rius, leg. facit involuntarium. col. 6. lin. 15. 2. 5. 4. leg. 2. 5. 4. col. 7. lin. 14. 8. 1. 2. 8. leg. 8. 1. 2. O. col.
1. lin. 20. 4. 1. 7. leg. 4. 1. 17. Item lin. 20. 4. 1. 2. 8. leg. 4. 1. 3. P. col. 3. lin. 6. 3. 2. 1. leg. 3. 2. 1. col. 7. lin. 3.
2. 4. 1. 6. leg. 2. 4. 1. 10. col. 10. lin. 2. 8. 1. 8. leg. 2. 1. 8. R. col. 2. lin. 20. 3. 2. 1. 8. leg. 2. 5. 1. S. col. 1. lin. 26.
admittit, leg. non admittit. col. 4. lin. 4. 5. 1. 15. leg. 5. 1. 13. Item lin. 11. 6. 4. 1. leg. 6. 4. 1. item lin. 25.
2. 1. 2. 8. leg. 2. 1. 2. 8. V. col. 2. lin. 25. est, leg. non est.



